

ФРАНЦ
КАФКА



ЖАРАГІ

ОМОН
ҚОЛИШ
УЧУН
ФАҚАТГИНА
КУРАШИШ
КЕРАК!..



ЯНГИ АСР АВЛОДИ
ТОШКЕНТ
2021

УЎК: 821.512.133-3

КБК: 84(4Нем)

К - 30

Кафка, Франц

Жараён: роман/Франц Кафка. Таржимон В.Файзуллоҳ.
Сўзбоши муаллифи Х.Дўстмуҳаммад. – Тошкент: Янги аср
авлоди, 2021. – 336 б.

ISBN 978-9943-27-696-3

«Жараён» осон ўқиладиган роман эмас. Ўқиши мураккаб, тушуниш учун меҳнат қилиш керак. Таҳлил учун эса вакт лозим. Мутолаага киришар экансиз, чалғишингиз ёки дикқатсизлигинги бутун жараённи қайта ўқишига «мажбур қилиши» мумкин. Жумла тузилиши, тасвирлар, ёндашув бошқа қайсиdir ёзувчи услугубини эслатмайди. Буни адиднинг ўзи «Ёзганларим галати», дея изоҳдаган.

Эрих Фромм «Жараён»ни энг узун туш, деб таърифлагани бежиз эмас. Чунки Йозеф тўхтаб қолган вақтнинг ҳаракатланиши, яъни жараёнга айланишини узоқ кутади. Ўзининг ҳибсга олиниш сабабини тушуниб етмаган асар қаҳрамони нафақат туш ва ҳуш оралиғидаги ягона ҳақиқатни – «Жараён»ни ортиқча бўёқларсиз, адолат тарозисида дунёга келтирган!

УЎК: 821.512.133-3

КБК: 84(4Нем)

Таржимон

Вафо ФАЙЗУЛЛОҲ

Сўзбоши муаллифи

Хуршид ДЎСТМУҲАММАД

ISBN 978-9943-27-696-3

© Франц Кафка, «Жараён». «Янги аср авлоди», 2021 йил.

Сүзбоши ўрнида

ҲАРАКАТДАН ТҮХТАГАН ЖАРАЁН ҚИССАСИ

Эссе-муқаддима

«Афтидан кимдир Йозеф К.га түхмат қилган чоги, ахир у ҳеч кимга ёмонлик қилмаган, бирон-бир ножүя иш ҳам содир этмаганди, шунга қарамай уни ҳибсга олиши».

Кимдир ҳибсга олиндими, демак, ҳадемай суд жараёни бошланади. Суд жараёни асносида, одатта қандайдир ҳақиқатларга ойдинлик киритилади. Асарнинг номланиши ўкувчини биринчи навбатда шундай хаёлга ундаиди. У ўзини суд жараёни ҳақидаги тафсилотларни ўқишга чоғлайди. Бирок...

Йозеф К.нинг ҳибсга олиниши ҳақидаги хабар билан бошланган «Жараён» биринчи марта 1925 йили нашр этилган бўлса-да, айрим маълумотларга кўра, у 1914–1915 йилда, бошқа маълумотларга қараганда эса 1918–1919 йилда ёзилган. Ҳарқалай, Франц Кафка «Жараён»ни ёзганида 30–35 ёш орасида бўлган. Шу ёшдаги одам ҳаётнинг бу қадар мураккаб синоатларини қандай қилиб бир роман қаҳрамони тимсолида мужассам қила олди экан, – деган савол ҳали-ҳануз дунёдаги кўплаб адилларни, мутахассисларни, адабиёт ихлосмандларини қизиқтириб келади, ўйга толдиради. Баҳсга чорлайди. Мунозарага ундаиди.

Тугал ечим, тугал хулоса эса топилмайди.

Борди-ю топилганда, борди-ю роман бир уқишида кўнгилга, шуурга тўласича жо булло куя котанида, уни иккинчи, бешинчи, ёттинчи марта уқиши ҳожа-

SAMARQAND DOSTOYEVSKI
VA SERVIS INSTITUTI
AXBOROT RESURS MARKAZI

№ 63117

ти қолмаганида «Жараён» деган асар Франц Кафка деган исмга қўшилиб аллақачон унутилиб кетган бўлар эди.

«Жараён» бир ўтиришда, бир кечада ўқиладиган роман эмас. Уни ўқиши хийла қийин. Бир боб ўқиб, орқага қайтишингиз, хаёл қочиб, ўқиётган тафсилотларингизни тушунмай қолишингиз, гап нима ҳақда бораёттанини илағашга қийналиб, калаванинг учини йўқотиб қўйишингиз ҳеч гап эмас. Жумла тузилиши, гап қурилмаси, фикрни ифода этиш услуби эзмаликка, ҳатто мижғовликка мойил. Бошқача, ўзгача, ғалати.

«Ўзгача», «ғалати» сифатлари «Жараён» гагина эмас, адабнинг бутун ижодига энг ихчам ва лўнда таъриф дейиш мумкин (адабнинг кундаликларида «Ёзганларим ҳам ғалати», деган жумла келади). Файритабии тасвир, файритабии одамлар образи. Чунки адабнинг, адаб шахсининг, Франц Кафка деган инсон зуваласининг ўзи файритабии. Шуларнинг маҳсули ўлароқ, ёзувчининг бадиий тафаккури ғоятда файритабии эканлигидан ажабланмасак ҳам бўлади.

Романинг бошламасига эътибор бердингизми? Ҳеч бир кимсага ёмонлик қилмаган, ҳеч бир ножӯя ишга қўл урмаган Йозеф К.ни нима сабабдан ҳибсга олишди? Шунинг ўзи ғалатиликнинг бошланиши эмасми?

Шу ғалатилик ўқувчини мафтун этади, у мазкур савол жавобини топаман, деган хаёлда ўқийверади, ўқийверади. Жавобдан эса дарак йўқ. Устигаустак саҳна ошгани сайин саволларнинг сони ортаверади.

«Жараён» – савол, «Қалъа» – савол, «Америка» – савол, бири-биридан ноёб новеллалар, Франц Кафка – ўзи, унинг ижоди яхлит бир савол. Ҳар бир давр, ҳар бир ижтимоий ҳолат, ҳар бир тафаккур тарбиясида тарбия топган авлод китобхонлар ўзича, ўзгача

жавоб топадиган, лекин сира тугал тўхтамга кела олмайдиган саволлар мажмуаси.

Роман мутолаасига киришган китобхон, ҳадемай бошланажак жараёнга руҳан ҳозирлик кўради. Ҳозирча муқаддима. Қаҳрамон ўзини ҳимоя қилиш ҳаракатида юрибди. Бу табиий ҳол. Фақат... фақат Йозеф К.нинг дам меҳмонхона бекаси фрау Грубахга, дам фройляйн Бюстнерга, дам фройляйн Монтагга йўлиқиб, ўзининг ҳибсга олингандиги ҳақида гап қўзғашлари, нималарнидир сўраб-суринширишлари, алланималарни уларга уқтиришга уринишлари ўзини ҳимоя қилмоқчи бўлган одамнинг безовталикларига ўхшамайди.

Жараён бошланишидан эса ҳамон дарак йўқ. Сабаб?

Кафканинг асарлари ҳужайра-ҳужайрасигача саволлардан тўқилган дедик. Аввало, қалашиб келадиган катта-кичик саволларнинг ҳаммасини ба-тафсил илғаш қийин, қолаверса, ўзингиз илғаган, тушуниб етган саволларга жавоб топиш, улар ҳақида мулоҳаза юритиш китобхондан етарли даражада билим, малака ва жасорат талаб қиласди. Зоро, ҳаётда одам ўзи у ёки бу даражада билиб-англаб етган ҳақиқатлари юзасидан ҳам очиқ-ойдин мушоҳада юритишдан, тайнли хулоса чиқаришдан ўзини тийиб туради, кўпинчча. Бунга юраги бетламайди. Кафканинг қаҳрамонлари эса ўзини тиймайди, улар ҳар қандай аччиқ ҳақиқатлар ҳақида юрак ютиб мулоҳаза юритаверади. Энг изтиробли, энг қалтис ҳолатларга мардонавор кириб бораверади ва мужими, ҳеч бир жойда кўз ёши қилиб ўтирамайди. Дарвоқе, Кафканинг қаҳрамонлари ҳеч бир жойда йиғлоқилик қилмайди, улар китобхонни бўлар-бўлмас кўз ёши тўкишга «мажбурламайди».

Франц Кафканинг асарлари фақат саволлардан иборат десак янгишамиз. Саволлар адаб асарларининг алоҳида бир маъно қатламини ташкил эта-

ди, холос. Бу маъно қатламидан кейин жавоб ва ҳукм қатламлари ҳам келади. Савол-жавоб, ҳукм ва яна савол қоришиб кетади.

Романнинг бошлангич жумласини ўқидик. Ҳеч бир ножўя иш қилмаган одамнинг ҳибсга олиниши галати туйилди, шунаقا ҳам бўлар эканми, деб кўнгилда савол туғилди ҳам. Саволнинг бир «чеккаси»-дан мўралаб турган жавоб – ҳукм ҳам мавжуд. Яъни ҳа, ҳаётда нималар бўлмайди дейсиз, одам ҳеч нарсадан ҳеч нарса қамоққа олиниши ҳам мумкин!

Зиёли инсон борки, бирор аниқликдан хабар топса, индамай қўя қолмайди. Нега, нима учун, нима сабабдан, дея суриштиришга киришади. Шу боис у Йозеф К.нинг ҳибсга олинишини тушунолмайди. «Ия, – дейди у ажабланганини яширмай, – бу юртда қонун-қоида, тартиб-интизом борми, ўзи?» деб барадла сўрайди. Шундай деб турганида биринчи бобнинг ўзидаёқ саволига аниқ-лўнда жавоб ҳам келади. «Ахир у (Йозеф К. – Х.Д.) ҳамманинг ҳуқуқлари кафолатланган, осойишталик ҳукмрон давлатда яшаяпти-ку, бунда қонунлар бузилмаслиги даркор эмасми?» Афсуски, воқеалар оқими хатарли тус олади. Қаҳрамонимиз жиддийроқ ҳаракатга тушади. Анчадан буён кўринмай кетган амакиси унинг жонига ора киришга тутинади. Ахир у Йозефнинг устида ўлиб қолишга шай, бунинг устига у ўзини Йозефнинг валинеъмати деб билади. Пировардида, амаки жиянини мактабдош дўсти бўлмиш баобрў адвокат Гульдининг ҳузурига етаклаб боради.

Гульд кўпни кўрган, суд маҳкамасидаги казо-казолар орасида таниш-билишлари сероб. Шу ўринда ўзбек китобхони кўнгли бирдан хотиржам тортади, чунки шу қадар тажрибали адвокат ишни босди-босди қилиб юборишига умид боғлайди. Демак, жараён бошланмай тугайди, ношуд Йозеф К. боцига тушган кулфатлардан халос бўлади-кўяди. Би-

роқ «Адвокат. Фабрикачи. Рассом» деб номланган бобда адвокатга боғланган умидлар шу қадар рўёга айланадики, асти қўяверасиз. Ушбу бобдаги адвокатура хизмати, адвокатлар номаи аъмоли ҳақида ги ҳикояни романнинг энг гўзал саҳифалари дейиш мумкин. Шу ўринда адигба хос аччиқ киноя, пи-чинг-писанда авж пардага кўтарилади.

Адвокатлар идораси бир ҳолатда, бу идора соҳибларининг суд жараёнларида кўрсатадиган кароматлари ҳам шундан афзал эмас аслида, лекин улар ўзларини соҳибкаромат одамлар деб кўз-кўз қиладилар. Йозеф К. адвокатлар дунёси билан ичдан таниша боргани сайин бу тоифа кимсалардан у дунёю бу дунё ёргулар чиқмаслигини ёрқинроқ англай боради, шу ерда дуч келган фабрикант, сўнг рассом йигит унинг кўзини мoshдай очишиади. «Қонунда айбисиз киши оқланади, деб ёзib қўйилгани билан,— дейди рассом, — бироқ мен ўз тажрибамдан шуни яхши биламанки, ҳаммасининг тескарисини қилишади».

Йозеф К. хаёлга берилиб, суд девонхонасининг бурнига келиб қолганидан хавфсирамайди, уни бошқа нарса — «суд ишларидаги жаҳолат, нодонлик даҳшатга солар эди». Рассом йигитнинг: «Менимча, бу ёргуг оламда бирорта ҳам одам ўз таъсир кучи билан мутлақ оқланишига эриша олмаса керак», деган гапи Йозефни ўйлантириб қўяди. У кўп ўйланади, ҳардамхा�ёл бўлади. Ўзининг аҳволидан тегишли хуроса ясайди. «Иккиланиб турган одам ҳеч қачонadolатли ҳукм чиқарishi мумкин эмас».

Лекин у нима қилсин?

Қаҳрамонимиз шу саволга жавоб тополмайди, дам «Гўё у бу ёргуг оламда ёлғиз ўзи қолгандай...» бўлса, дам «Омон қолиши учун фақатгина курашии керак», деган қарорга келади.

Курашии учун эса... жараёндан дарак йўқ, жараён бошланадими-йўқми, ўзи? (Ахир муаллиф романни «Жараён» деб атаган-ку, қани, ўша жараён?!)

Йозеф К. лоақал ўзининг вазиятини англаб етолмай хуноб, қаерда қандай макон, қандай муҳитда, оёғини қаерга қўйиб турибди у? Шуларни билиш, ҳис этиб туриш ҳар бир инсон учун муҳим эмасми?

У шулар хусусида бош қотираётib бошқа жиддийроқ муаммога дуч келади: у-ку, битта одам, холос. Жамият-чи, жамиятнинг ўрни, қиёфаси, шакла-шамойили аниқми? Фуқаро вазиятининг аниқлиги жамият вазиятининг аниқлигидан бошлилмайдими?

Шу тариқа Йозеф К. саволлар, жумбоқлар гирдо-бига гарқ бўла боради. Юзаки қараганда, у мужмал вазиятлардан кутулиб кетиши чорасини излаётгандек туйилади, аслида у жасоратда ғаввос янглиғ ҳеч қандай мушкулотдан тап тортмайди, балки жонини тикиб энг хатарли ҳолатларга тиккасига кириб боради.

Йозеф К. ҳаддан ташқари фикрчан одам. Мабодо у фикрга бу қадар ташна бўлмаганда, гўдакларча билиш мақсадида ҳар ерга тумшуғини суқавермаганида шунча балога гирифтор бўлмасди ҳам. Афсуски, у ақллилик балосига учраган. Ваҳланки, воқеаларнинг бошланишидаёқ, яъни Йозефга қоровуликка қўйилган соқчилардан бири унга энг «доно» маслаҳатни беради. «Ҳа, бизнинг сизга берадиган маслаҳатимиз шу: кучингизни бемаъни мулоҳазалар юритишга сарфлаб ўтируманг, яхиси, имкон қадар, бирон-бир фикр юритишдан тийилинг. Сиздан талаб қилинадиган энг катта вазифа шу», – дейди у. «Яна ўзингизнинг айбисизлигингиши пеш қиласвериб, ҳуда-бехудага қичқираверманг», – дейди бошқаси.

Кўряпсизми, соқчилар учун маҳбуснинг фикрламагани маъқул, улар учун мулоҳазакор одам хавфли.

Худо ақл-идроқдан қисмаган бўлса, миядаги тафаккур чўғлари сўнмаган бўлса, қандай қилиб фикр

юритишдан тийилади одам? Қандай қилиб ва нима учун айбизлигини пеш қилмаслиги керак? Айбдор киши ўз кирдикорларини достон қилмайди, буни тушуниш мумкин, лекин ҳеч бир асоссиз ҳибсга олинган ҳақсиз одам ўзининг айбизлигини пеш қилишдан ортиқ нимага ҳам ярайди? Яна қандай бошқа чора қолади унда? Ёхуд айбиз ўзининг айбизлигини пеш қилиш ҳукуқидан ҳам маҳрумми?

Йозеф К. најжотни фикрлашда деб билади. Унинг фикрлаши ҳақсизликни маҳв этиш учун қилич яланғочлаб чиқмайди. У ҳеч кимсага, ҳеч бир калондимоғлика, ҳеч бир кибр-ҳавога, ҳеч бир ёлронга очиқдан-очиқ зарба бермайди. У яна шундай разолат манзаралари мавжудлигидан одамларни огоҳ этади, уларни фош этади. Унинг фош этиши исёнга, чорага айланади.

Эҳтимол, ана шу фош этиш биз кутган жараёндир? Фош этиш жараёнидир?

Устоз Озод Шарафиддинов кўплаб китобсеварларнинг онахони Баҳри Гуломовани хотирлаб ёзган мақоласида 30–40 йил муқаддам дўқонлардан керакли китобларни излаб, суриштириб юриш одати борлигини ёзибди. Уни ўқий туриб, ўзим «Жараён»ни излаганларим ёдимга тушиб кетди.

Ўрта мактабни битираётган кезларим уч-тўрт кутубхонага аъзо эдим, кўзимга ёқимли кўринган китобни ўқийверганман. Эндиликда уларнинг жуда ози ёдда қолган. Мен учун китоб тўла жавондан гўзлароқ манзара йўқ эди. Кўчамизнинг юқорироғига ҳар сафар йўлим тушганида пастак деразадан бирига мўралаб ўтишни канда қилмасдим. Яқин-атрофда шу хонадан соҳибидан кўра баҳтлироқ, бадавлатроқ инсон йўқ эди, назаримда.

Журналистика факультетида жаҳон адабиётини ўқиганмиз, лекин модернизм ва унинг атрофидаги хилма-хил оқимлар, уларга мансуб шоир ва адиллар, файласуфлару психологлар номи тилга олин-

ганми-йўқми зинҳор эсимда йўқ. Эҳтимол, домлаларимиз бир кур эккурс қилиб ўтса ўтгандир, лекин талабалик кезлари экзистенциализм, сюрреализм ва ҳоказо «изм»ларни тушунадиган аҳволда бўлмаганмиз. Кейинроқ сездимки, шу ва шу сингари оқимга мансуб санъат асарларидан таъсиранадиган хос бир кайфият туғилмагунича улар сизга ётва бегона бўлиб қолаверади.

Таъсиранмаган одам ҳазми овир асарни илгашга уриниши у ёқда турсин, тушунишни ҳам истамайди. Вақт-соати келганда эса... бир хил хасталикка учраган беморларгина бир-бирини осон ва тўқис тушунадилар, деган гапни ўқигандим.

Ёдимда йўқ, дўстларимиздан бирининг қўлида «Превращение» деб номланган ҳикояни кўриб қолдим. Муаллифи Франц Кафка.

– «Превращение» нима дегани? Ўзбекчада нима бўлади? – деб сўрадим тушунмай.

– «Эврилиш», – деди у.

Ҳикоя матни машинкада кўчирилган, биринчи жумласи сира ёдимдан чиқмайди. «Проснувшись однажды утром после беспокойного сна, Грегор Замза обнаружил, что он у себя в постели превратился в страшное насекомое».

Эртакларимизни, афсонаю ривоятларимизни ўқиб улғайганлар учун бундай гапларнинг фавқулоддалик жойи йўқ. У ҳолда не боисдан «Эврилиш» дунё ҳикоячилиги тарихида фавқулодда воқеага айланди? Нимаси билан у ҳикоянавислик маҳоратини янги погонага кўтара олди?

Энг муҳими, Франц Кафка инсондан ҳашаротга айланиб қолиш ҳодисасига эртак, афсона, фантастика деб эмас, реал воқелик сифатида ёндашди. Бу ҳолатни сира иккиланмай том маънодаги ҳаётий воқеа сифатида реалистик ҳикоя тарзига олиб кирди.

Хуллас, машинкада терилган ҳикояни бир кунга, аниқроғи, эрталаб қайтариш шарти билан олиб кетдим.

– Ҳар кимга күрсатаверманг, – деди дүстимиз.

Шу огохлантириш сабаб бўлдими, биринчи жумладан таъсиrlандимми, туни билан ҳижжалаб ўқиб чиқдим «Эврилиш»ни. Ҳозир ҳар қадам, ҳар идорада муҳайё нусха кўчириш ускунаси юртимизга энди-энди кириб келаётган пайтлар эди, эрталабдан шуларнинг бирига бориб, юз таваллою ёлвориш билан «Превращение»дан бир нусха кўчиртириб олдим.

– Ҳеч кимга кўрсатмадим, – деб ёлғон гапирдим, олган нусхани эгасига қайтараётib.

Франц Кафка билан биринчи танишув шу тариқа юз берган. Сўнг бу адид изходига доир нима-ики мақола бўлса, топиб ўқишига ҳаракат қилдим. «Жараён» романини ернинг тагидан бўлсаям топаман деб ўзимга аҳд қилдим. Бироқ у мана-ман деган китобийгарлардан ҳам, ернинг тагидан ҳам то-пилмади. Ўзиям Франц Кафканинг рус тилида борйёғи битта китоби нашр этилган экан, у ҳам кейин кўрсам, адади кўрсатилмаган. Чамаси, шуро ҳукумати мафкурасига зид деб ҳисобланган бу адиднинг китоби хорижликлар назари учунгина номига чоп этилган. Лекин қани ўша китоб?

Кунларнинг бирида автобусдан тушиб кўчамизга бурилсам, икки қўлидаги оғир иш тўрвани инқилаб кўтариб келаётган аёлга кўзим тушди. Юрагим «жиз» этиб кетди. Ўйламай-нетмай аёлга етиб олдим, бир кўлидаги тўрвани олдим. «Йўлимиз бир, мен ҳам шу ёққа боряпман», – дедим. Аёл ҳайрон. Мен эса иккинчи тўрвани ҳам кўтаришга жон деб турибман. Аёлнинг ҳайронлиги баттар ошди.

– Сизни танийман, – дедим. – Қўшниман. Нарироқда яшаймиз. Сизнинг уйингизга деразадан кўп қарайман.

– Да-а... – деди опа ажабланиш-ажабланмаслигини билмай. Сүнг сўради: – Нимасига қарайсиз уйни?

– Китобларга. Ҳавасим келади.

– Ҳавасингиз келса, марҳамат, уйга киринг. Китобларни кўринг.

Опа шу қадар самимий гапирдики, нақ бир йилдан буён излаб юрган китобимни кўлга киритган-дек қувониб кетдим. Орадан ўн дақиқа ўтар-ўтмас Франц Кафканинг қора жилди, семизгина китоби кўлимда туради! Янги танишган кўшни аёл – Тамара Сергеевна Никоноровани ўтиб олай дедим!

– Бемалол ўқийверинг, кейин қайтарарсиз, – деди хонадон соҳибаси.

Ўша дамда мендан баҳтли инсон йўқ эди, атрофимда!

Орадан чорак аср ўтди, мана бугун «Процесс» ўзбекчага «Жараён» деб ўтирилиб, ниҳоят китоб ҳолида чиқиб турибди! Марҳамат, уни ўзбек тилида ўқиш имкони туғилди. Бу – ўзбек адабиёти тарихида алоҳида воқеа! Ҳамонки, адабиёт инсончинослик экан, «Жараён» ҳар қандай миллий адабиётнинг маънавий мулки ҳисобланади. Ҳар қандай миллий адабиётнинг нуфузи «Жараён» ўша тилга ўтирилган-ўтирилмаганиги билан ҳам белгиланади, десам муболага бўлмайди. Жаҳон адабиёти тарихи Франц Кафкагача ва ундан кейинги даврга бўлинади, дейишади. Миллий адабиётлар ҳам Кафканинг асарлари ўша тилга ўтирилгунига қадар ва ундан кейинги даврга ажралади.

Адабиётимиз «Жараён» она тилимизга таржима қилингандан кейинги ўзбек адабиёти деган шарафли номга сазовор бўлди! Истеъододли шоир ва заҳматкаш таржимон Вафо Файзуллоҳ саъй-ҳаракати билан Йозеф К. ўзининг бутун мураккаб дунёси билан ўзбек адабиётига кириб келди. Ваҳоланки, қаҳрамонимизнинг бошига тушган ташвиш оламшумул муаммо ҳам эмас, кўрсатадиган қаҳрамонликлари муҳокама

қилиб ўтиришга арзимайди ҳам. У бор-йўғи ҳибста олинган, ўзи шуни түщуна олмай, гарантсиб юрибди, холос. Фақат ғалати ва қизиқ жойи шундаки, Йозеф К. қамоққа олингану хизмат вазифасини давом эттириши мумкин.

Буни қандоқ түщунамиз. Ижарахона бекаси фрау Грубахнинг таъбирига қаранг: «Сизнинг қамоққа олинишингизда эса қандайдир ҳикмат бордай», – дейди у Йозефни юпатиб.

Гарчи Йозеф К. ўзининг ҳибста олинишида ҳикмат тутул оддий тайинли мантиқнинг ўзи йўқ, деб ҳисобласа-да, Грубахнинг фикрига кўшилмай иложи йўқ. Зоро, Йозеф К. қисматини, мана, салкам бир асрким, китобни ўқиган киши турлича талқин этмоқда, талқин эса тугайдиганга ўхшамайди. Шу эмасми, романдаги, аникроғи, роман қаҳрамонининг ҳибста олинишидаги ҳикмат?! XX асрнинг улкан файласуфларидан Эрих Фромм Йозеф К.нинг ҳибста олинишини рамзий маънода «тўхтаб қолиши» деб талқин этади. Яъни Йозеф К. жисман эмас, фикран тўхтатиб қолинди. У энди ҳаётий жараёндан мосуво. Аслида ҳам у ўтакеттган диққинафас ҳаёт кечираёттган эди – кунлари туссиз, бефайз – номигагина ётиб-туришлар, хўжакўрсинга хизматга бориб-қайтишлар, «йилт» этган равшанликдан дарақ йўқ. Олдинда рўшнолик йўқ. Ҳамма нарса тўхтаб қолгандек эди, мана, Йозеф К. ҳам тўхтади, уни тўхтатиб қўйишиди. Франц Кафкага хос аччиқ ва тагдор киноя романнинг атамасида мужассам, яъни гарчи асар «Жараён» деб аталса-да, ҳаётда ҳеч қандай жараён аломати сезилмайди. Жараён дегани ҳаракат дегани-ку, романда эса буткул ҳаракатсизлик, маҳдудлик. Фикр ўлган, мушоҳада чекланган тубан муҳитда жараён кечмоқда дешишнинг ўзи бориб турган сурбетлик. Романда ана шундай жараёнсизлик, яъни тўхтатиб қўйилган вақтнинг тўхтаб қолган воқеалари тасвирланган. (Адабиётшунос дўстларимиздан бири роман атамасининг

энг аниқ мазмуни ўзбек тилида муаллиф ўйлаганидан ҳам мукаммалроқ жаранглайди, бунинг учун «Жар аён» деб ўқилиши керак, деганида ҳам чукур мазмун бор.) Кафканинг бетакрорлиги ҳам шунда!

Эрих Фромм «Жараён»ни энг узун туш, деб таърифлаган. Бундай тўғри холоса бежиз эмас эди. Зеро, Йозеф тўхтаб қолган вақтнинг ҳаракатланиши, яъни жонланиб, чинакам жараёнга айланишида нажотни тушдан излайди ва топади. Франц Кафка ҳам, унинг қаҳрамонлари ҳам туш ва хуш оралигидаги реалликда яшайдилар. Ўзининг ҳибсга олинганини «Бу қанақа маҳбуслик?» деб тўла тушуниб етмаган асар қаҳрамони ўзида туғилган бу саволга жавобни ҳаёт реаллигидан эмас, туш реалигидан излайди. Франц Кафка ана шу икки реалиқдан-да, бокий реаллик – ўзининг уч романи, ҳикоялари ва кундаликларида акс этган бадиий реалигини яратади!

Ёзувчилар уюшмасидаги йигинлардан бирида дурустгина адиларимиздан бири: «Ҳа, энди Кафка деганлари касал бир одам-да», – деган эди бурнини жийириб беписандлик билан, аслида бу жуда топиб айтилган таъриф эди, ахир, чиндан касал бўлмаган одам ёзувчилик қиласидими, қўлидан қаламни қўймай ҳеч кимникига ўхшамаган ўз бадиий дунёсини яратадими? Кафка сингари ижодкорларни жоҳилларча пессимистликда, хасталикда, бемаъниликда айблашлар шўро даврида оддий ҳол эди. Афсуски, тафаккуримиздаги бундай чекланиш «Жараён»дек роман ўзбек тилида эълон қилинган бугунги дориламон кунларга келиб ҳам буткул унтилганича йўқ. «Декаденс, модернизм фарёд санъати», – деб ёзади ажойиб адабиётшунослардан бири Игор Гарин мана шундай қарашларга жавобан. – Чорасизлик ва фарёднинг қалбни ўртовчи ҳайқириғи. Буни санъат кризиси деб талқин этмаслик керак. Зеро, бу кризис санъатидир. Декаденс, модернизм шу!»

Шу маънода Франц Кафка дунё адабиётида энг оғир «беморлардан» саналади.

Кўплаб адабиётшунослар, психологлар унинг ва унга ўхшаш адиларнинг асарларини абсурд адабиёт сифатида тадқиқ этганлар. Бундай мунозара-га ўзбек мутахассислари ҳам бош қўшишга уриниб кўришди. Ваҳоланки, Франц Кафка абсурд адабиёт яратиш хаёлида роман ёзмаган, у – ҳаётнинг ўзини, инсон умрининг ўзини абсурд деб тушунган.

Йозеф К.нинг бесабабдан-бесабаб ҳибсга олиниши ҳам абсурд. Унинг назарида, ҳар банда ҳибсга тушиш эҳтимоли бор, ўша банда шўрлик шунга лойик гуноҳга йўл қўйганми-йўқми, бу бошқа масала. Ҳар неки бандани ҳибсга оловчи қаттол куч ҳам бор, ўша куч бундай қабиҳликка нечоғлик маънавий ҳақ-хуқуқи бор – бу ҳам бўлак муаммо.

Йозефнинг ҳолати, иш фаолияти, ётиш-туриши, атрофидагилари – ҳаммасининг турган-битгани мужмал, дардисар. Китобхон «Йозеф К.ни нима учун ҳибсга олишди?» деган саволига романни ўқиб тутатгунга қадар жавоб излайди, лекин жавоб... Жавоб излашга уриниш жараёни китобхоннинг қалб ва шуурига кўчади! Роман номининг моҳияти, фалсафаси, унинг таг-заминига яширилган қуввати мана шу!

Йозеф К. бошини не-не эшикларга урмади, кимлардан нажот кутмади! Жуда кўпчилик унинг мушкулини осон қилимокқа чоғланди, ёрдам қўлинни чўзгандек бўлди, илло, бирор кимса амалда унинг жонига ора кирмади, киролмади. Инсон – ўз тақдири, қисмати олдида ёлғиз!

Йозеф К. образи, умуман Кафка яратган кўпгина қаҳрамонларнинг ҳаёт йўли, ҳаёт йўлида кашф этган фалсафаси, ҳаётий ақидаси мана шундай фоятда аччиқ, лекин ўта ҳаққоний хулосага келтиради кишини!

Ҳаётда шундай ҳолатлар юз берадики, инсон ўзи дуч келган муаммоларнинг асл сабабларини ташқаридан ёки ўзгалардан эмас, ўзидан, ўз қалби ва онгининг шу вақтига қадар назар ташлаб кўрмаган, назар ташлашга юраги бетламаган туб қатламларидан излаб топгиси келади. Лекин уммон қаърига ўнгийдиган favvoslikning ўзига яраша асбоб-анжоми, маҳорат сирлари бўлгани каби ўз қалбининг нигоҳ илғамас пучмоқларига сафар қилиш учун ҳам махсус анжомлар, услублар, воситалар даркор.


«Жараён» сингари романлар, Франц Кафка тоифасидаги адиллар яратган боқий асарлар эса худди шундай маънавий сафар анжоми, воситаси вазифасини ўтайди.

Қадимги италян мутафаккирларидан бири Худо инсонни яратгани билан киши ҳақиқий инсон маҳомига етишмоғи учун ўз-ўзини кашф этмоғи, қайта яратмоғи керак деган. Франц Кафка қаҳрамонлари ўзини қайта яратишга мубтало инсонлар образи. Унинг қаҳрамонлари учун ўз «мен»идан ўзга дунёй йўқ, улар дунёни фақат ўз «мен»лари орқали кўрадилар, дунё савдоларини ўз «мен»лари манфатига бўйсундирадилар ва шу йўл билан дунёни, инсон ҳақидаги шу вақтгача бўлган тушунча ва билимларни ўз «мен»лари ҳисобига бойитадилар. «Мен – уйғониш даври яратган янги миф», деган эди А. Лосев. Франц Кафка қаҳрамонларининг ҳар бири ўзича мифга айланган. Дарвоқе, рус файласуфи готика санъати фалсафаси ҳақида сўз юрита туриб айтган қуйидаги таърифи «Жараён» қаҳрамонини тушунишга ёрдам беради: «Воқеликдан изтироб чекиб, табиий ечимлар топа олмагач, у янада олийроқ воқеликка, ўта таъсирчан дунёга интилади. Ва шу тариқа қандай бўлмасин, ўз шахсияти, нафсонияти поймол этилишига маҳкум эмаслигини, ўткинчи мустабид тузум иморати қурилишига ишлатилаётган бир ғиштчадан кўра қадрлироқ бўлишга ҳақди

эканини кўрсатади». Яна бир хулоса шуки, Йозеф К. ҳукм суроётган жараёнсизлик учун айбни муҳитга ағдармайди, балки ўша муҳитга қаршилик кўрсата олмаган ўзидаги заифликка тавқи-лаънат ўқийди. Жирканч ва тубан муҳитда ўзининг инсон сифатида мавжудлиги учун ўзини айбдор, гуноҳкор ҳисоблайди. «Жараён»нинг бош маъноси шу» (А.Гарин).

1991 йил «Ёш куч» журналининг б-сонида эълон қилинган «Инсон изтиробларига таъзим» мақоласи Франц Кафка шахси ва ижодига бағишлиланган ўзбек тилидаги биринчи чиқиши эди. (Ўтган йиллар мобайнида адабнинг ҳикоялари, хатлари тилимизга таржима қилинди. Бу борада, айниқса, фидойи олим, академик Акмал Саидов томонидан тайёрланган ва чоп этилган «Эврилиш» ҳамда «Кафка – юрист» китоблари ўзбек кафкашунослигида алоҳида воқеа бўлганини эътироф этмоқ зарур.) «Жараён»га қисқача таъриф талаб қилинса, мен уни совуқ ҳокимиятга нафис қалбининг оташин лаънатномаси деб атаган бўлар эдим», деб ёзган эди мақола муаллифи Мирзакалон Жўраев. Бу ҳам фикр, мулоҳаза. Роман ва унинг қаҳрамони ҳақида яна кўп-кўп мулоҳазалар туғилаверади, мунозаралар давом этаверади.

Хуршид ДЎСТМУҲАММАД



БИРИНЧИ БОБ

ХИБС. ФРАУ ГРУБАХ, СҮНГРА ФРОЙЛЯЙН БЮРСТНЕР БИЛАН СУЖБАТ

Афтидан кимдир Йозеф К.га түхмат қылган чоги, бирөвгә ёмонлик қылмагани, бирон-бир ножүя иш содир этмаганига қарамай, уни ҳибсга олишди. Ҳар куни соат саккизга яқин унга нонушта олиб кирадиган ижаракона бекаси Фрау Грубахнинг ошпази ҳам, бутун негадир қорасини кўрсатмади. Бунақаси ҳали бўлмаганди. К. ўрнидан қўзғалмасдан шу алпозда рўпарада яшайдиган кампирчани кузатди – кампирча ҳам шу пайтгача кўрилмаган ажабтовур қизиқиш билан ойнадан уни томоша қиларди – охири бир қадар таажжуб ва очлик хиссидан толиқиб, қўнғироқни чалди. Айни шу дамда эшик тақиллаб, хонага аллақандай киши кирди. К. уни бу хонадонда аввал сира кўрмаганди. У ориқ бўлишига қарамай чайиргина, этнидаги қоп-қора, йўл кийимиға ўхшаш, ҳисобсиз чоклар билан бежалган, ҳолбуки, нимага кераклиги но маълум, орқасини белбанду турли-туман тўқалар, чўнтаклар ва пистонлар қоплаган костюми ўзига ёпишиб, соҳибига ишchan қиёфа бағишлиар эди.

– Ким бўласиз? – дея сўради К. каравотдан қаддини ростларкан.

Нотаниш киши ташрифи мутлақ қонунийлигига ишонганидек саволни жавобсиз қолдирди ва эснаш оҳангида деди:

– Сиз қўнғироқ чалдингизми?

– Анна менга нонушта келтирсин, – К. ўтган ишга салавот қабилида, шундай деди-ю, ким ўзи бу, турган-битгани шуми, дегандай нотаниш кимсага разм солиб, нималарнидир чамалади, гап нимада эканини англашга уринди. Бироқ «мехмон» ўзини миридан сиригача разм солишларига йўл бермади, эшикка йўналди, уни қия очиб, афтидан, шундай остонада турган бировга қаратади:

– Анна унга нонушта киритиб берсинмиш, – деди.

Қўшни хонадан қисқа кулги эшитиди; қўшни хонада бир кишини ёки кўтчиликни – овозга қараб фарқлаш амри маҳол эди. Нотаниш киши у ёқдан ўзи учун янги бирон-бир тайинли гап эшиттанига қарамай, расмий оҳангда К.га шуни маълум қилди:

– Бунга ҳаққингиз йўқ!

– Шу янгилик етмай турувди! – дея каравотдан иргиб турган К. апил-тапил шимини кия бошлиди. – Қўшни хонада қанақа кишилар юрибди ўзи, ҳозир кўриб оламан. Кўрамиз, бу босқинчиликни Фрау Грубах қандай изоҳлар экан!

Ногаҳон у, кўнглида кечганлари овоз чиқариб айтишга арзимайди-ку, деган хаёлга борди ва бу билан нотаниш кимсаннинг ўзи устидан назорат қилиш ҳуқуқини қай бир даражада тан олгандек бўлишини тушуниб қолди. Айни пайтда бундай андишага ўрин бўлмаса-да, киши унинг хаёлидагини худди шундай ўқиб олиб, дарров сўз қотди:

– Шу ерда тура турсангиз сизга дурустмиди?

– Кимлигингизни айтмас экансиз, бу ерда қолишни ҳам, сиз билан гаплашишни ҳам истамайман.

– Беҳудага аччиқданяпсиз, – дея нотанишнинг ўзи бориб эшикни очди.

К. ўлганнинг кунидан қўшни хонага судралиб ўтди ва биринчи бор қараганда, хона кечагидай, ҳеч нимаси ўзгармагандай кўринди. Бу Фрау Грубахнинг мебеллару гиламлар, чиннилару сурат-

лар жой талашгудек тирбанд мөхмөнхонаси эди; бир қаращда пайқаш қийин ҳолат, хона саҳни анчайин кенгайғандек кўринар, энг ҳал қилювчи, ўзгарганига асос берадиган фавқулодда ҳодиса – хонада аллақандай бир киши турарди. Қўлида китоб ушлаганча, очиқ дераза олдида ўтирган бу кимса К. хонага кирган заҳоти нигоҳини узид деди:

– Сиз ўз хонангиздан чиқмаслигингиз керак! Ҳали Франц сизга ҳеч нарса демадими?

– Гапни чўзгим йўқ, сизга ўзи нима керак? – дер экан, К. дам Франц деб атаган янги танишига (у эшик ёнида турарди), дам биринчи кимсага аланглаб қарабарди. Очиқ деразадан эса ҳамон ҳалиги кампирчанинг хатти-ҳаракати кўзга ташланиб турар, у кексаларга хос жазавали томошаталаблик билан бир деразадан иккинчисига ҳовлиқиб ўтар экан, охири нима билан тутаркан, дегандек, кўзлари олма-кесак терар эди.

– Ҳозироқ буларнинг барини Frau Грубахдан суриштириб биламан, – тутақди К. У ногаҳон тутқун сингари, ҳалигиларнинг қўлидан қутулмоқчилик, шиддатли бир ҳаракат қилганди, эшик олдига бориб қолди.

– Бунақаси кетмайди, – дераза ёнидаги кимса шундай деркан, китобни столга улоқтириди ва жойидан сакраб турди. – Кетишингиз мумкин эмас. Тушунсангиз-чи, ахир, ҳибсга олингансиз.

– Шунга ўҳшаб қолди, – гулдиради К. – Айбим нима экан?

– Тушунтириш беришга бизнинг ваколатимиз йўқ. Хонангизга ўтинг-да, сабр билан кутинг. Ҳозир сиз учун бундан яхши йўл йўқ. Пайти келса, ҳаммасини ипидан игнасиғача билиб оласиз. Мен шундай ҳам, сизга дўстона муносабатда бўлиб, хизмат тартибиға хилоф иш тутдим, берилан ваколат доирасидан чиқиб кетдим. Франц-

дан бўлак ҳеч ким гапимизни эшитмайди, деб умид қиласан, унинг ўзи бўлса, ҳар қанақа амру фармойишларга қарамасдан, сизни жуда сийлаяпти. Ишингизни давомида ҳам бизлардек яхши одамларга дуч келиб қолсангиз, омадингиз чопгани шу. Унда бирор ташвишга ўрин қолмайди.

К. қаергадир ўтиришни хоҳлар, бироқ хонада дераза олдидағидан бошқа оромкурси кўринмас, унга ўтиришнинг эса ҳеч иложи йўқ эди.

- Нақадар холис сўзлаётганимизни тушуниб етасиз ҳали.

Франц шундай деркан, бирданига шериги ҳамроҳлигида ташлангудек унга яқинлашди.

Францинг шериги К.га нисбатан анча найнов эди. У К.нинг елкасига қоқиб-қоқиб қўйди. Улар К.нинг тунги либосларини пайпаслаб чиқишиди ва кийимлари унга энди асқатмаслиги, у ёқда қўпол энгил-бошлар эгнига илишини иш билан банд бўлгандай ўзларини кўрсатиб, гапларига қистириб ўтишиди, охири булар қаторида бошқа кийим-кечакларини ҳам йиғиб олишлари лозимлигини ва фақат иш фойдасига ўзгарсагина латта-путталари қайтариб берилишини маълум қилдилар.

- Бу кийим-кечакларингизни омборга топширгунча, бизга бера қолинг, - дейишиди улар. - Омборхонада кийимларни алмаштириб қўйишиади, ҳатто жараён тугаши ё тугамаслигидан қатъи назар, уларни пуллаб юборишади. Бундай жараёнлар, қанчалар узоқ чўзилишини билсангиз эди, айниқса, ҳозирги замонда! Албатта, омбордагилар ҳеч бўлмаса сизга нарсаларингиз баҳосини тўлашса, ажаб эмас. Лекин аввало, уларга арзимаган сариқ чақа тўлашади, чунки баҳолашда кийимнинг қиймати эмас, бериладиган поранинг мўмайлиги ҳисобга олинади. Йиллар давомида

кийимлар неча-неча қўлдан ўтади, оқибат уларнинг пули сувга тушган тошдек йўқолиб кетади.

Ҳозир К.нинг қулоғига ҳеч нарса кирмасди, нима ҳақида гапиришмасин, лоқайд, гўё ҳали нарсалар ўзига тегишилдай, идора қилиш ҳукуқи кимда бўлиши унинг учун муҳим эмасди; унга ҳозир ҳаммасидан муҳими ўзининг мажхул ҳолатини аниқлаштириб олиш эди; бироқ бу кутилмаган меҳмонлар олдида фикрини ҳеч жамлай олмасди: ким ўзи булар, ҳеч ҳам кўриқчига ўхшамайди-ку! Иккинчи кўриқчи қаппайган қорни билан К.ни дўстона туртар, бироқ К. нигоҳини ердан узган заҳоти бунинг тамомила акси бўлган, қоқсуюк, бурундор ялпоқ башарага дуч келар, у ҳар гал шериги билан унинг боши оша кўз уриштириб, вазиятни муҳокама қилиб ўтирганига гувоҳ бўларди. Булар қандай одамлар ўзи, нима ҳақда бунчалик куйиб-пишиб гапиряптилар? Улар қайси маҳкамадан келган бўлишса экан? Ахир у ҳукуқлар кафолатланган, осойишталик ҳукмрон давлатда яшаяпти-ку, бунда қонунлар бузилмаслиги даркор, шундай экан, дабдурустдан ётоғига бостириб киришга кимнинг ҳаққи бор? У ҳамиша кутилмаган вазиятларда осонгина мослашмокқа уринар, иш чатоқлигига икрор бўлганда ҳам, ҳатто таҳдид қилишганда ҳам, хотиржамлигини йуқотмас, ўйламай, шошма-шошарлик билан бирон-бир ножӯя хатти-ҳаракат қилмасди. Айни дамда эса буларнинг бари унга англашилмовчиликдай туйилар, шунданмикан, рўй берәётган воқеаларнинг ҳаммаси қалтис ҳазилга ўхшар, ҳақиқатанам жуда ҳам беўхшов-да, балки ўттизга тўлгани муносабати билан банқдаги ҳамкасблари у билан ўйнашмоқчи бўлишдимикан? Тўғри, худди шундай; унда нега бу кўриқчиларни чеҳрасини очиб, юзида шунчаки кул-

ги билан қаршиламади; шундай қылса улар ҳам унга құшилиб кулишармиди; шундай, булар борйұғи хабарчилар-да, қойил, жуда үхшабди, лекин нега унда К. Франц деганига биринчи қараңдаеқ, буларга сира ён бермайман дея күнглига тұгды? К. ҳозир ҳазилни тушунмайдыган тантикқа үхшаб қолищдан қарийб күркмасди. Ҳолбуки, у үз тажрибасидан билар әдіки, айрим арзимас воқеаларни ҳисобға олмаганды, әхтиётсизлик оқибатида дүстларидан ажралиб қолар, улардан илтифотсизлик күрар, бу оғир ботиб, үз ёғига ўзи қоврилар эди. Агар бу ростдан ҳам янги бир комедия бўлса, у ҳам анавиларга құшилиб, сал-пал муқом қилди, бўлди, етар, энди уни ортиқча давом эттиришнинг ҳожати қолмади. Қолаверса, у ҳозирча озод.

– Ружсат этсангиз, – К. шундай деб, уларнинг ёнидан яшин тезлигига ўтиб, хонасига йўналар экан, орқасидан шу сўзлар янгради:

– Галчалигини қаранг.

У хонасига кирибоқ стол ғаладонларини тит-килашга тушди; унда ҳамма нарсаси тартибига гап йўқ, жой-жойида, факат ҳозир ҳаяжонданми шахсий гувоҳномасини ҳеч топа олмасди. Нихоят, гувоҳномани велосипед сумкаласидан топди-да, чопиб бориб кўрсатмоқчи бўлди ва бирдан ўйланиб қолди, шу бир парча қофоз унга ишончсиз, шахсини тасдиқлаш учун етарли эмасдай туйилди, яна анча-мунча уриниб, туғилганлик ҳақидағи гувоҳномасини топиш пайида бўлди.

У ортга қайтиб құшни хонага кираётгандан рўпарадаги эшик очилиб, Фрау Грубах чиқди. Бироқ аёл К.ни кўргач, талмовсираб эшиклар орасида тўхтади, кечирим сўраганча жуда әхтиёткорлик билан эшикни қия беркитди.

– Кирсангиз-чи! – К. унга аранг шу сўзни айтишга улгурди.

Сўнг ёпилган эшикка умидвор термилиб, қўлидаги қоғоз билан хона ўртасида узоқ туриб қолди. Фақат қўриқчиларнинг овози уни ҳушига келтирди – улар очиқ дераза олдидаги стол теварагида ўтириб, К.нинг нонуштасини пақъос туширишар эди.

- Нега у кирмади? – сўради К.
- Рухсат этилмаган, – найнов жавоб қилди. – Сиз ахир ҳибсга олингансиз-да.
- Бу қанақа ҳибс бўлсин? Сира ўхшамайди-ку?
- Сиз яна ўзингизникини маъқуллайсиз-а, – найнов унга сўзлар экан, қўлидаги нонини асалли идишга ботирди. – Биз бунақа саволларга жавоб бермаймиз.
- Жавоб беришингизга тўғри келади, – деди К. – Мана, менинг ҳужжатларим. Сизники қани? Аввало, марҳамат қилиб ҳибсга олиш рухсатномасини кўрсатсангиз,
- Ё Раббий, хоҳиш-иродангдан-ей! – деди найнов. – Нега ўз ҳолатингизни тушунай демайсиз? Қўрслик билан бирон-бир натижага эришиб бўладими, беҳуда чиранишдан нима наф? Ҳозир, билсангиз, дунёда биздан яқинроқ кишингиз йўқ.
- Худди шундай, – деди Франц. – Менга ишонаверинг, – у қўлида қаҳвали финжонни ушлаганча юқоридан К.га сермаъно, шу билан бирга, мавҳум нигоҳ билан узоқ тикилиб турди. К. ҳам бу нигоҳга мажҳул, аммо тагдор жавоб қилди. Ва ҳужжатларига имо қилганча деди:
- Мана менинг ҳужжатларим.
- Буларингизни бошимизга урамизми?! – ўшқирди найнов. – Яшанг-е, ўзингизни бир мишиқи боладан ҳам баттар тутяпсиз. Нима истайсиз, ўзи? Наҳотки, қўриқчилар билан талашиб-тортишиб, ҳар қанақа ҳужжат-пужжатни, ҳибсга олиш ҳақидаги қоғозларни кўрсатишни

дастак қилиб, бошларини қотираверсам, шундай даҳшатли даҳмаза осонгина ниҳоя топади, деб ўйлаяпсизми? Билиб қўйинг, бизлар жуда кичик одамлармиз, ҳужжат ғалваси билан ишимиз йўқ, вазифамиз ҳар қуни ўн соат сизни қўриқлаш, бизга шунинг учун ҳақ тўлашади. Биз шунга ва-колатлимиз, албатта, қолаверса, бутунасига имонимиз комилки, қайсики, амрини ижро этадиганимиз юқори ҳокимият ҳибсга олиш учун фармо-иши беришдан один сабабини ва ҳибсга олинувчининг шахсини ипидан игнасигача ўрганадилар, аниқ-тиниқ биладилар. Бунда ҳеч қанака хато қилинмайди. Бизнинг идора – менинг фикри ожизимча, зоро, унда кичкина амалдорчалар орасида-гина таниш-билишларимиз бор-да, – етган маълу-мотларга кўра, аҳоли орасидан ҳеч қачон айборд-лар изламайди: қонунда ёзib қўйилганидек, содир этилган жиноятнинг ўзи ўзини адолатли суднинг эътиборига ҳавола қиласди, шундан сўнггина ҳокимият биз қўриқчиларни йўллади. Бу қонун билан белгилаб қўйилган. Бунинг қаерида хатолик бўли-ши мумкин?

– Мен бундай қонунни билмайман, – деди К.
– Бу сиз учун яна ҳам ёмон, – жавоб қайтарди найнов.

– Ҳа, буларнинг бари сизнинг бошингизга ўрна-шиб олган тасаввурлар, холос, – кесатди К. У қўриқ-чилар фикридан ниманидир билиб-илғаб олишни, уни ўзи фойдасига ўзгартиришни жуда хоҳлар, ло-ақал ўзи шуни чукур ҳис қилишни дилига туккан эди. Бироқ найнов лўнда қилиб қўяқолди:

– Қонун кучини ҳис қилганда биласиз.
Баҳсга Франц аралашди:
– Кўрдингми, Виллем, у қонунни билмаслигини тан олди. Яна ўзича айбизалигини исботламоқчи ҳам бўлади.

Ёнидаги унинг гапини қувватлади:

– Сен мутлақо ҳақсан, тушунмаса нима дейсан!

К. улар билан ортиқ тортишиб ўтирмади; наҳотки, мен мана бу, ўзларини майда амалдорлар деб атаган лақма шотирларга бутун эмин-ихтиёrimни бериб ўтирсам, деб ўйларди у. Ахир улар билмаган нарсалари ҳакида, кўр-кўrona сўзлаяптилар-ку! Кеккайишлари эса шунчаки, нодонликларидан. Ўзимга мос тузукроқ одамлар бўлса экан, масала бир қадар равшанлашармиди? К. шу ўйлар билан хонанинг у бошидан бу бошига бориб келар экан, қарама-қарши уйдаги кампирча энди мункиллаган бир чолни зўrlагудек судраб дераза олдига олиб келганини кўрди. Бу томошага чек қўйиш зарур эди.

– Мени бошлиқларингиз олдига олиб боринг, – талаб қилди К.

– Фақат бошлиқлар чақирганда борасиз, – деди қўриқчиларнинг Виллем деб аталгани. – Энди бўлса, сизга берадиган маслаҳатим битта: ими-жимида хонангизга ўтинг-да, қисматингиз нима бўлишини хотиржам кутинг, шу сиз учун кони фойда бўлади. Ўзингизни бемаъни мулоҳазалар билан зўриқтирманг. Каллангизни жойига қўйинг, илло, бошингизга бало орттирасиз. Яхшиси, бирон-бир фикр юритишдан тийилинг. Худди ножӯя бир иш содир этгандек бизга бунақа муомала қилманг. Сизга қилган чиройли муомаламизга жавобингиз шуми? Афтидан унуган кўринасиз, биз ким бўлишимиздан қатъи назар, сизга солиштирганда, эрки ўзида бўлган озод кишилармиз, бу эса ҳазилакам устунлик эмас. Шунга қарамай, пулингиз бўлса, нонушта учун рўпарадаги ошхонадан бирон-бир егулик келтириб беришга тайёрмиз.

К. бир мунча вақт жим қолди, аммо бу таклифга жавоб бермади. Агар у қўшни хона эшигини

очса ёки даҳлизга юзланса, бу иккиси уни тўхтатиб қолишга журъат қилмаслиги мумкин; ёки тиккасига соливорсамикан? Бирдан ёпишиб кетишишса-чи? Кейин иззат нафсиға тегишиганида ҳам чидашга тўғри келади ва оқибатда улар оддидаги руҳий устунилигига путур етиши тайин. Кўриниб турган муомала-муносабатга кўра, ҳозирча иззати ўзида деса бўлади. Энг тўғриси, оқибатини кутиб, сабр қилгани маъқул, воқеаларнинг табиий маромига қараб улар бирор-бир қарорга келадилар-ку. К. шундай ўйлар билан соқчиларга бир сўз демасдан, хонасига ўтиб кетди.

У кўл ювгич устидаги ял-ял олмани олиб, ўзини каравотига отди, бу олмани кеча кечқуруноқ нонушта учун захирага асраб қўйганди. Қолаверса, ҳозирча унга бошқа бирор егуликнинг ўзи ҳам йўқ, К. олманинг катта бўлагини карсиллатиб тишлиларкан, қўриқчиларнинг марҳамати билан қаршидаги исқирт тунги майхонадан олиб келинадиган нонуштадан унинг минг карра ортиқдигига амин бўлди. У ўзини бардам ва хотиржам ҳис қилди, тўғри, банкка ярим кун кечикиб борадиган бўлди, бироқ унинг анчайин нуфузли лавозими, керакли ходимлигини ҳисобга олишиб, кечикишини кечиришар. Ишхонасига ҳақиқатни билдирысамикан? Бўлди, шундай қилади. Мабодо унга ишонишмасалар-чи, буни кутса бўлади, унда Фрау Грубахни ёки иккала дераза ортидан мўралаб юрган мана бу қарияларни гувоҳ қилади. К. қўриқчиларнинг муносабатларидан жуда ажабланди, ажабланишга ҳақли ҳам эди. Улар қайси калла билан уни нариги хонага ҳайдаб, ўзини ёлгиз ташлаб қўйишиди, ахир К. жонига қасд қилиш учун юз фоиз имконият-ку бу! Аммо шу лаҳзада қай сабабга кўра жонимга қасд қилишим мумкин, деб ўйлади у. Икки безбет илти-

фотсизларча нонуштасини тортиб олгани учунми? Ҳар не бўлганда ҳам жонига қасд қилиш ҳаддан ташқари ақдизлик, у бундай бемаъни ишни қилиши душвор. Ҳа, аён бўлганидек, қўриқчилар шунақа нодон бўлмаганларида бу каби хавф-хатарларни ҳисобга олган бўлишарди, афтидан бундай фикр уларни ташвишга солмаганки, К.нинг ўзини ёлғиз қолдиришди. Энди улар К.нинг шкафчадан аъло навли конъякни қандай олганини, кетма-кет икки қадаҳ: бирини нонушта ўрнида, иккинчисини эса дадиллик учун кўтарганини кўришганда эди, дарвоқе, дадилликнинг ҳам ўрни бор, аммо бу ерда бирон-бир иш чиқариши даргумон.

Бироқ шу пайт у қўшни хонадаги ўкирикдан тиши ойналардек ғижирлаб, қаттиқ чўчиб тушди.

– Сизни назоратчи чорлайди!

Уни айнан ана шу лўнда, буйруқ оҳангидаги ҳарбийча қичқириқ қўрқитди, ҳолбуки, у Францнинг овози бунақа йўғон деб ўйламаганди. Илло, унинг ўзи шундай хабарга интиқлигидан шодланиб кетди.

– Хайрият-э! – К. ҳам беихтиёр ҳайқириб юборди ва шкафча тавақасини ёпиб, меҳмонхонага шошилди. Бироқ унинг йўлини икки соқчи тўсли, тартиб шундай чоғи, шу заҳоти ўз хонасига қайтаришди.

– Нима бало, ақддан озганмисиз?! – ўшқиришиди улар.

– Назоратчининг олдига ҳеч бўлмаса кўйлак кийиб чиқлади-да! Бу қилифингиз учун у сизни савалашга амр этади, бизни ҳам қуруқ қўймайди.

– Ўз ҳолимга қўйинг-е мени, жин ургурлар! – бақирди К. Бу пайт қўриқчилар уни кийимлари илинган шкаф олдигача сиқиб боришган эди. – Кишининг ётогига бостириб киришади-ю, яна фракда бўлиши кераклигини талаб қилишади!

– Нима ҳам қиласынг! – вишиллади бараварига иккиси ҳам, шунга қарамай, К. шовқин күттарғанда, улар бутуналай хотиржам эмас, ҳатто қанақадир ғамгин бўлиб қолишиб, уни куч билан уриб чиқарадигандек эдилар, ҳарқалай, охир-оқибат ўзларини қўлга ола билишди.

– Бу қандай масхарабозлик! – у шундай дея стул суюнчиғига ташланган камзулини олиб, қўриқчиларга, шу маъқулми, дегандек намойиш қилди. Улар бош чайқаб рад этишди.

– Қора камзул кийиш керак.

К. камзулини полга ирғитди ва нима мақсадда гапираётганлигини ўзи ҳам билмасдан шитоб билан деди:

– Ҳарқалай ҳозироқ иш тингланмаса керак?

Коровуллар иршайиб қўйишди, аммо ўжарлик билан яна аввалги гапларини қайтардилар:

– Қора камзулини кийиш зарур.

– Шу билан иш жадаллашиб кета қолса, мен қарши эмасман, – деди К. ва ўзи шкафни очиб, кийим-кечагини узоқ титкилади, охири улар орасидан энг кўримли бўлган бир жуфт қора ранглисини танлади – аломат, танишларининг кўзини ўйнатар даражада ярашиб тушиши бегумон эди – у даставвал гард юқмаган кўйлагини олди ва берилиб кийина бошлади. Энди ушлаб туриш, куттиришлар бўлмайди, қўриқчилар ўзини тамоман унтишган чоғи, ҳатто ваннага кириб чиқишига ҳам зўрлаб ўтиришмади, дея хуфёна ўйлади у. К. уларни кузатаркан, ҳали замон эслаб қолишлари тайин, деган хаёлга борди, эҳтимол, бу каллаларига келмаган чиқар, ҳолбуки, Виллем К.нинг кийина бошлагани хабарини етказиш учун Францни назоратчининг олдига юборишни унутмаганди.

К. оби-тобида кийиниб бўлгач, Виллемнинг орқасидан соядай эргашди, у уни бўм-бўш меҳ-

монхона орқали, аллақачон эшиклари ланг очиб қўйилган қўшни хонага олиб ўтди. Яқингинада бу хонага аллақандай машинкачи қиз, фройляйн Бюргстнер кўчиб кирганини К. аниқ биларди; қиз саҳар-мардонда ишига кетиб, алламаҳал уйга қайтар, у қиз билан тузук-қуруқ танишиб ҳам олмаган, муносабатлари салом-аликдан нарига ўтмаган эди. Энди эса унинг тунги столчаси тергов учун хонанинг ўртасига сурилиб, оддидা назоратчи ўтиради. У оёқларини чалиштирганча, бир қўлини ўриндиқ суюнчиғига ташлаб олганди.

Хона бурчагида уч йигит деворга осиқ гиламга қадалгандарича, фройляйн Бюргстнернинг фотосуратларини томоша қилишарди. Очиқ дераза дастагида эса қизнинг оппоқ блузкаси осилганча турибди. Қарама-қарши уйнинг ойнаси оддидা турган ҳалиги қариялар гавдаларининг ярмидан кўпини ташқарига чиқаришганча ҳангоматалаблик қилишар, томошабинлар сони ҳам ортган эди; қариялар орқасида тоғдай бир эркак кўкрагини керганча, ёқавайрон турар, пайдар-пай қирмиз соқолини пастдан юқорига, юқоридан пастга силагани силаган эди.

– Йозеф К. деганлари сизми? – деб сўраркан, афтидан назоратчи паришонхотир К.нинг диққатини ўзига қаратмоқчи бўлди.

К. сомеларча бош эгди.

– Албатта, сизни бугун эрталаб юз берган воқеа ҳайрон қолдирган бўлса керак? – деб у иккала кўли билан столдаги нарсаларни – гутурти билан бирга шамни, китобча, тўғнағиҷлар учун ёстиқчани ўзига бир оз тортди, гўё бу арзимас лаш-лушлар тергов учун сув ва ҳаводай зарур эди.

– Албатта, – К. шундай деркан, уни ёқимли бир кайфият чулғаб олди: мана, ниҳоят у бамаъни бир кишига йўлиқиб турибди, энди ўзининг

ишлари борасида муфассал, юракдан гаплашиб олса бўлади. – Албатта, мен ажабланмадим десам ёлғон бўлади, бироқ, нафсилашрни айтганда, бу воқеа мени унчалик ҳайрон қолдиргани ҳам йўқ.

– Унчалик ҳам, деганингиз нимаси? – назоратчи шамни столчанинг ўртасига суреб қўйди ва қолган анжомларни унинг теграсига териб чиқди.

– Мени яхши тушунмадингиз чоғи, – шошилиб деди К. – Мен фақат шуни айтмоқчиманки... – унинг гапи оғзида қолди ва бирдан ўтириш учун жой излаб, атрофга олазарак қаради. – Мумкинми ўтирсам? – сўради у.

– Буни хаёлингизга ҳам келтирманг, – жеркиб берди назоратчи.

– Мен фақат шуни айтмоқчи эдимки, – К. пайдар-пай гапира кетди, – албатта, қўққисдан юз берган воқеа мени жуда ҳайратга солди, бироқ бу ёруғ оламда ўттиз йил яшаганингдан кейин, айниқса, ҳаётда турли қийинчилкларга дуч кела-вергач, одам чор-ночор ҳар қанақа тасодифларга ҳам одатланиб қолар, ҳар нарсадан сиқилмаслик, юрагига яқин олмаслик пайида бўлар экан. Айниқса, бугунгига ўхшаганини.

– Нима учун айниқса бугунгига ўхшаганини?

– Йўқ, буларнинг барини ҳазил, деб айтмоқчимасман, менимча, унинг ҳазиллиги қолмади. Пансионда яшовчиларнинг бари, устига-устак сизларнинг иштирокингиз бу ҳазиллар энг сўнгги нуқтага етганини кўрсатади. Шунинг учун ҳам мен буни шунчаки ҳазил деб ўйламайман.

– Тўғри ўйлабсиз, – назоратчи шундай дея гулгурт қутисига, қанча дона қолганини билмоқчи бўлиб разм солди.

– Бироқ бошқа томондан эса, – К. бу ерда ҳозир бўлганларнинг барчасига мурожаат қилиб, сўзи-ни давом эттириди, айниқса, у фотосуратларни

томуша қилаётган анови уч йигитнинг диққатини ўзига қаратишни истарди, – ҳа, бошқа томондан барига алоҳида маъно бериб ўтириш шарт эмас. Булардан англаганим шуки, нима учундир мени айбдор ҳисоблашяпти, аммо мен ўзимда заррача ҳам айб борлигини ҳис қилаётганим йўқ. Майли, бунинг аҳамияти йўқ, – асосий муаммо бошқа – ким мени айблаётир? Қайси идора бу ишни ўз зиммасига олган? Сизлар ўша идора хизматчиларимисиз? Бироқ сизларнинг эгнингизда форма ҳам йўқ-ку; агар сиз менинг камзулум-чи, демоқчи бўлсангиз, – шу ерда у Францига юзланди, – мени кечирасиzu, бу ҳам форма ўрнига ўтмайди, тўғриси, ундан кўча-кўйда киядиган коржома беҳроқ. Мен ана шу масалада ойдинлик бўлишини талаб қиласман ва буларнинг бари аён бўлгач, биз ҳеч шубҳасиз, тил топишиб, дўстлашиб кетишимизга астойдил ишонаман.

Шу пайт назоратчи «так» этказиб гугурт кутисини столга қўйди.

– Сиз қаттиқ янгилаётурсиз, – чўрт кесди у.
– Мен ҳам, мана бу жаноблар ҳам – ҳеч қайсимиз сизнинг устингиздан қўзфатилган жиноий ишга алоқамиз йўқ. Қолаверса, биз бу ҳақда қарийб ҳеч нарса билмаймиз. Бизнинг ҳақиқий формани тақиб келишимиз қийин эмас, аммо бу билан ишингиз жўнашиб қолармиди. Мен ҳатто нимада айбланаётганингизни айтиб беришим душвор, тўғриси, бу ҳақда менга ҳеч нарса маълум эмас. Гапнинг пўскалласи, қамоққа олинганингизни биламан, холос, бошқаси менга қоронғи. Эҳтимол, сизга кўриқчилар у-бу деб лақимлаб кўйган бўлишлари мумкин, лекин буларнинг бари беҳуда сафсатадан бошқа нарса эмас. Мен сизнинг саволларинингизга жавоб қиласам-да, биргина маслаҳат берса олишим мумкин: биз ҳақимизда,

у ёқда сизни нима кутаётгани ҳақида камроқ ўйланг, яхиси, ўзингизни қандоқ тутишингиз хусусида чуқурроқ мулоҳаза қилинг. Айбизли-гингизни ҳуда-бехудага пеш қилавериб, қичқи-раверманг, бу сиз ҳақингиздаги умумий, дуруст-гина, таассуротта соя солади. Умуман, гапдан тийилибрөқ турганингиз тузук. Сиз бўлсангиз, оғзингизга келганини қайтармай сўзлаб ётибсиз, ҳолбуки, шуларсиз ҳам икки оғиз гапингиздан феъл-авторингиз маълум, шундай, экан булар-нинг барчасидан сизга нима наф.

К. назоратчига таажжубланиб қаради. Кўнглидагини очиқ-ойдин тўkkани учун уни мактаб болани койигандек койимоқда, яна ким денг? Ёши ўзидан кичик, она сути оғзидан кетмаган бир тирранча. Уни нега ҳибсга олишди, ҳибста олишга ким буюрди – бу ҳақда бир оғиз гап йўқ. У ташвишга тушиб, хонада у ёқдан бу ёқقا бориб келаркан, ҳеч ким бу билан иши бўлмади. У қадама енгларини тортиб, тўғрилади, очилиб қолган кўксидаги тугмаларини ўтказди, соchlарини текислаб, уч йигитчанинг ёнидан ўта туриб: «Қандай бемаънилик!» – деганида улар ўзига ярқ этиб, аммо афсуслангандай қараганларига кўзи тушди-ю, бурилиб, назоратчининг столчаси олдига бориб тўхтади.

– Прокурор Гастерер эски ошнам бўлади, – деди у, – унга қўнфироқ қилсам бўладими?

– Албатта, – жавоб қилди назоратчи, – лекин билмадим, шахсий ишингизни биз билан гаплашмоқчи бўлиб турганингизда, бунда қанақа маъно бўлиши мумкин?

– Қанақа маъно дейсизми? – К. аччиқланиб ҳай-кирди, бир зум ўтмай ўрнини начорлик эгаллади. – Кимсиз ўзи? Ўйлаб-нетиб ўтирмай, аллақандай бемаъни бир даҳмазани чиқарасиз-да, ундан мантиқ

ҳам излаб топмоқчи бўласиз. Бунақада тош ҳам дод деворади-да. Аввалига бу жаноблар хонамга бостириб кириб, менинг ҳаловатимни бузишиди, энди эса чалаётган ногорамизга қандай ўйнар экан деб бир жойда тўдалашиб олганча, қизиқсиниб қараганингиз қараган. Сиз ҳибсга олиндингиз, деб айтасизу яна прокурорга кўнгироқ қиласми десам, нима учун деб сўраб-суриштирасиз ҳам. Бўпти, мен кўнгироқ қилмайман!

– Нега энди? – назоратчи шундай деркан, қўлини олдинга – телефон гўшаги осилган жойга чўзди. – Марҳамат, кўнгироқ қилаверинг.

– Йўқ, энди буни ўзим ҳам хоҳламайман, – К. шундай деб дераза олдига борди.

Шунда қаршидаги уйнинг деразасида терилиб ўтирган томошаталабларнинг тинчи бузилди. Қариялар ўринларидан кўзгалмоқчи бўлишиди, бироқ орқаларида турган эркак уларни тинчлантириди.

– Мана, буларга қаранг, томоша қилиб ётишибди? – у назоратчига қараб бақирди ва бармоғи билан деразани урди:

– Қани, бу ердан йўқолинглар, – дераза тавақасидан бошини чиқариб ўшқирди у.

Учовлари ҳам ортга тисарилиб, ўзларини ичкарига олишиди, ҳатто қариялар бесўнақай кишининг тавдаси ортига паналамоқчи бўлдилар. Эркакнинг лаби-лабига тегмасдан уларга ниманидир тушунтираётгани билиниб туар, лекин оралиқ узоқ бўлгани учун нима деяётганини фаҳмлаб олиш жуда ҳам мушкул эди. Бироқ улар кетиб кетишмади, ҳали замон уларга эътибор берилмай қўйилгандан кейин яна дераза олдига келиб, воқеани маза қилиб томоша қилмоққа ҳозирланиб туришарди гўё.

– Шунақа ҳам шилқим, беандиша бўладими одам дегани? – К. аччиқланганча деразадан нари кетди.

К. назоратчига илинж билан қараган эди, гапига у ҳам қўшилгандай кўринди, ҳеч бўлмаганда унга шундай туйилди. Аслида эса бу пайтда назоратчи уни эшитмаган бўлиши ҳам мумкин, чунки у бутун столни маҳкам қучоқдаб олганча, гўё столнинг узунлигини қулочи билан ўлаётгандек эди. Соқчилар эса сандик устида ўтирганларича, гиламчадаги гўзалликни пана қилишган тиззаларини уқалашарди. Уч йигитча ҳам қўмларини белларига тираб, аланг-жаланг тўрт томонга бемақсад термилишарди. Пансионат фариб бир идорадай сокин бўлиб қолди.

– Қани бўлмаса, жаноблар! – К. хитоб қиласар экан, унга ҳаммаси учун ўзи жавоб бериши керакдай туйилди. – Сизларнинг бу ўтиришларингизга қараб, ишимни хотималаб қўйса ҳам бўлар дейман. Менимча, келинглар, яххиси, сизлар содир эттан бу воқеа ўзини оқладидими ёки йўқми, ҳеч нарсани муҳокама қилиб ўтирасдан, бир-бири мизга дўстона кўл ташлайлик-да, тинчгина тарқалиб қўя қолайлик. Агар бу таклифга рози бўлсангизлар, сизлардан шуни сўрайманки... – К. столга яқинлашиб, назоратчига қўлини узатди.

Назоратчи нигоҳини ердан кўтариб, лабларини тишлиғанча, узатилган қўлга разм солди. К. ҳозир у қўлимни сиқади, деб хаёл қилди. Аммо назоратчи дик этиб ўрнидан туриб, фройляйн Бюрстнернинг тўшаги устида ётган думалоқ дағал шляпасини қўлига олди ва жуда ҳам эҳтиёткорлик билан, гўё янги матоҳни ўзига лойиқлигини ўлчаб кўраётгандек икки қўли билан бошига оҳиста қўндириди.

– Сиз буларни намунча жўн тасаввур қиласангиз, – деди, – демак, сизнингча, биз жимгина тарқалишимиз керак, шундайми? Йўқ, йўқ, бу билан иш битмайди. Аммо умидингизни узаве-

ринг, демоқчи ҳам эмасман. Йўқ, ҳеч ҳам бунақа эмас. Сиз бор-йўғи ҳибсга олиндингиз, холос, бошқа ҳеч нарса юз бергани йўқ. Мен сизга буни маълум қилиб қўйишим керак эди, мана, айтдим ҳам, уни қандай қабул қилганингизнинг гувоҳиям бўлдим. Бугунча етар, энди биз сиз билан хайрлашсак ҳам бўлади, фақат вақтинча. Эҳтимол, сиз ҳозир банкка бормоқни истарсиз?

– Банкка? – ҳайрон қолиб сўради К. – Қанақасига, мен ахир ҳибсга олинганман-ку!

К. бу сўзни бир оз даъваткорона руҳда айтди, айниқса назоратчи ўридан тургач, майли, қўлини сиқиб дўстона хайрлашишни рад этишган бўлишса-да, у ўзини ҳаммадан кўра мана шу кишиларга камроқ тобелигини ҳис қилди. Бу одамлар билан бир ўйнашса, ўйнашибди-да. У ҳатто, агар бу одамлар кетадиган бўлса, дарвозагача улар ортидан югуриб бориб, ўзини қамоқقا олиб кетишларини таклиф қилмоқни ҳам дилига тугди. Шунинг учун ҳам сўробини яна қайтарди.

– Ҳибсга олинган эканман, қандай қилиб банкка бораман?

– Вой, буни қаранглар! – қарийб эшик ёнига бориб қолган назоратчи таажжубланди. – Афтидан, сиз мени умуман тушунмабсиз. Ҳа, сизнинг ҳибсга олинганинг рост, аммо бу хизмат вазифангизни адо этишга халақит бермаслиги керак. Ва, умуман, бу сизнинг кундалик ҳаётингизга монелик қилмаслиги лозим...

– Демак, унда бу ҳибсга олишнинг ҳеч қанақа даҳшатли жойи йўқ экан, – К. шундай деб назоратчига астойдил яқиналашди.

– Мен ҳам бошқача ўйлаётганим йўқ, – деди назоратчи.

– У ҳолда ҳибсга олинганликни маълум қилиш ҳам ҳеч нарсага арзимайди. – К. янада назоратчига тақалиб борди.

Қолганлар ҳам уларга яқинлашиб келишди.
Ҳамма шундоқ әшик олдида ўймалашиб қолди.

– Буни маълум қилиш менинг вазифам эди, –
деди назоратчи.

– Фалати вазифа, – К. бўш келмади.

– Эҳтимол, – кўшилгандай бўлди назоратчи, –
аммо вақтни бундай лақиллаб ўтиришга сарфлаш
ярамайди. Менинг тахминимча, сиз банкка бо-
ришни хоҳдайсиз. Ҳар бир сўзга шундай аҳамият
бераётган экансиз, гапимга яна шуни қўшимча
қиласман: сизни банкка боринг деб зўрлолмайман,
ҳа, бу сизнинг ихтиёргиз. Ишқилиб, бу кўзга
ташланмас хатти-ҳаракатлар сизга монелик қилас-
маса, енгиллик түғдирса дейман, дарвоҷе, сизга
қараб юришни ҳамкасбларингиз бўлган мана бу уч
жанобнинг зиммасига юкламоқчиман.

– Нима дедингиз? – К. ҳайратли нигоҳ билан
йигитларга разм солиб қаради.

Бирор назарига илмайдиган нимжон йигитчаларни у шу пайтгача бегона кишилар деб хаёл қилган, ҳолбуки, фотосуратларни кўриб ўтирганлар ҳакиқатан ҳам унинг банкида ишлашарди; бироқ ҳамкасбларидан эмас, бу жуда оширилган таъриф бўлиб, – назоратчи уларнинг ишларини чукур билмаслигини исботлаган, – шунда ҳам гапида жон бор, булар у фаолият кўрсатаётган банкнинг кичик хизматчилари – югурдакларидан эди. К. уларни қандай қилиб таниёлмай қолди-я. У назоратчи ва қўриқчилар билан суҳбатга шу даражада андармон бўлганидан бу учовини таниёлмаганди! Булар – қоқчакак Рабенштейнер, кўзлари ичига ботган, ҳамиша кўлларини бир-бирига чалишириб юрадиган малла Куллих ва ҳуда-бехудага оғзининг таноби қочиб, иршаяверганидан юзининг эти титраб турадиган Каменер эди.

– Хайрли тонг! – деди К. Дақиқа ўтмай, учови ҳам баодоблик билан эгилиб, унга қўл узатиши. – Сизларни ҳеч ҳам танимабман. Буни қаранг, энди биргаликда ишга отланар эканмиз-да?

Учови ҳам гўё буни кутиб ўтирганлариdek, хандон-хущон муомала қилиши. К. ўз шляпасини излаб тополмаганида эса – у ўз хонасида қолганди – улар бирин-кетин ўша ёқقا сёқларини қўлларига олиб чопишиди ва англашилганидек бир оз довдираб қолганликларини ҳам кўрсатишиди. К. жойида турганича уларни тавақалари ланг очиқ икки эшик оша кузатди, албатта, охирида ландовур Рабенштейнер борар, унинг нимадандир саросималангани қадам олишидан аён эди. Каменер шляпани келтиранида, банкда бу болапақирнинг, атайин қилмайдиган, аммо беўхшов иршайишлари К.нинг ёдига тушди.

Даҳлиздаги эшикни очиб, бутун тўда олдида пайдо бўлган фрау Грубахнинг тусида ҳеч бир ўзгариш, бирон-бир айборлик излари, бесаранжомлик кўринмасди, К. одатига кўра, аёлнинг кўнгилни суст кетдирадиган белига чирмашиб турган пешбанди боғичига сукланиб қараб қўйди. Кўчага чиққан К. соатига кўз ташлаб, такси ушлашга қарор қилди, у ярим соат кечикишни истамасди. Каменер такси тўхтатиш учун бурчакка юурди, қолган икки хизматчи ҳам К.нинг кўнглини олишга интилаётгани аниқ кўриниб турарди. Тусатдан Куллих каттакон уй тарафдан ҳозиргина чиқиб келган баланд бўйли, тилларанг соқолли кишини кўрсатаркан, киши бўйи-бастига мос келмаган хижолатли алпозда орқага чекинди ва ғовга суюниб олди. Афтидан, қариялар ҳали зинапоядан тушиб бўлганларича йўқ эди. К. Куллихдан ранжиган бўлса-да, бутун дикқатини бу одамга қаратди, уни ҳали дераза олдида кўргандаёқ ташқарига чиқишини тахмин қилганди.

– У ёққа алангламанг, – узиб-узиб оди у, гапи катта кишиларга мурожаатда бир қадар ўринсиз эканлигига зътибор ҳам қилмай.

Кутилмаганда пайдо бўлган автомобиль, уни изоҳлашга имкон бермади, ҳаммалари унга ўтириб, жўнаб қолишди. Фақат шундагина К. яна бир хатога йўл қўйганини тушунди, у назоратчи ўз қўриқчилари билан қаёққа ғойиб бўлганидан бехабар қолибди: аввал у назоратчи билан бўлиб, бу уч хизматчини кўрмай қолганди, энди эса бу хизматчиларга хаёли кетди-ю, назоратчини бой бериб қўйди. Бу унинг руҳи парокандалигидан дарак берарди. К. айни шу борада ҳушёр бўлиши кераклигини дилига қаттиқ тугди.

Айни пайтда таксидан файрихиётинги тарзда бошини чиқариб, назоратчи ва шерикларининг кетган-кетмаганилигига ишонч ҳосил қилмоқчи бўлди. Аммо беҳуда уринди, холос, бор-йўри бир чеккага қўзи тушди, аммо ҳалигиларни кўришнинг сира имкони бўлмади. Афтидан билинмаса ҳам, у айни шу дамда ким биландир дардлашмоқ истарди. Ҳамроҳдари эса ҳаддан ташқари ҳолдан тойған: Рабенштейнер ўнгга, Кулмих эса чапга қараб олган, фақатгина Каменер ўзининг ҳамишаги ҳиринг-ҳиринги билан гап сотицга тайёрдай турар, афсуски, унинг шўрига шўрва тўкилган, шу пайтда инсонпарварлик юзасидан бирор нарсанинг устидан жўнгина кулишнинг – тегажоғлик қилишнинг ҳеч ҳам иложи йўқ эди.

К. бу баҳор оқшомларининг аксар қисмини шу тарзда ўтказарди: ишдан кейин яна бирпас вақти бўлса, жуда чўзилиб кетса, кеч тўққизларгача идорада бўлар, бир ўзи ёки хизматчилардан бирортасини олиб айланиб юрар, сўнгра эса пи-вохонага йўл олар, қариялар тўдаси ўз улфатлари билан доимий банд қилган столнинг бир четида

ўн бирларгача ўтирап эди. Гоҳо бу тартибни бузиб туришга ҳам түгри келар, масалан, банк директо-ри К.ни иқтидорли ва умидлаи ходим деб билгани учун, буни қадрловчи бошлиқ сифатида уни ўз автомобилида сайрга ёки дала ҳовлисида кечки овқатта таклиф қилар эди. Бундан ташқари, К. ҳағтада бир марта Эльза исмли куйдирмажон бир ойимтилланикига ҳам тушиб турар, Эльзахоним бутун тун – токи тонггача ресторанда кельнерлик хизматидан тинка-мадори қуригани боис, кундузлари ҳеч бир андишага бормай, меҳмонларини ўз тўшагидан кўзғалмай қабул қиласади.

Бу оқшом – бутун кун босимли иш ташвишлари, боз устига туғилган куни муносабати билан изҳор қилинган ҳар турли дилга ёқадиган қутловлар билан билинмай ўттанига қарамай, К.ишидан кейин түгри уйга боришга қарор қилди. Иш орасидаги бир зумлик танаффусларда у қайта-қайта эрталабки воқеани ўйлаб кетарди: хаёлида эрталаб юз берган нохуш воқеа фрау Грубах хонадонида ҳамма нарсани ағдар-тўнтар қилиб юборганидек ва буни ўзи бориб тартибга солиши керакдек туйиларди. Тартиб тикланар экан, эрталабки воқеа изларидан асар ҳам қолмайди ва ҳаммаси асли қадимги ҳолига қайтади. Уч хизматидан эса хавотирланишга ҳожат йўқ, улар банкнинг сонсиз хизматчилари уюми ичидаги зарра каби йўқолиб кетдилар ва эътиборга олса бўладиган бирор-бир ножӯя хатти-ҳаракат содир этишмади. К. бир неча бор уларни синаб кўриш учун биргаликда ва якка-якка ҳолда чақириб кўрди ва ҳар сафар улардан бутунлай кўнгли тўлиб, ҳеч бир гумони қолмагач, жавобини берди.

У тўққиз яримларда уйига қайтаркан, йўлакда оёқларини кериб, тишлари орасига муштук қистириб олган бир йигитчага дуч келди.

– Сиз ким бўласиз? – К. унга яқин келиб ўсмоқчилаб сўради, ярим қоронги йўлакда бирор-бир нарсани кўриш ниҳоятда мушкул эди.

– Мен эшик оғасининг ўғлиманинг афандим, – деди йигит ва трубкасини оғзидан олиб, К. ўтадиган томоннинг йўлини бўшатди.

– Эшик оғасининг ўғлимисиз? – К. қайта сўраркан, сабрсизланиб ҳассаси билан ерни дўқиллатиб уриб қўйди.

– Эҳтимол, сизга бирор нарса керакдир? Отами ни чақириб келайми?

– Йўқ, йўқ, – дер экан, гапи марҳамат кўрсатайтгандек бир оҳангда чиқди, гўё йигитча бирор ножӯя иш содир қилгану у кечираётгандек эди. – Ҳаммаси жойида, – кўшимча қилиб К. олдга юрди. Аммо зиналардан кўтарилиш олдидан бари бир яна бир қур орқасига қараб қўйди.

У тўғри ўзининг хонасига йўл олса бўларди, бироқ унга фрау Грубах билан гаплашиб олиш муҳимдай туйилди ва шу заҳоти хонимнинг қўнғирофини босди. У қўлида пайпоқлар билан стол ёнида ўтирас, олдида ҳам эски пайпоқлардан бир уюми ётарди. К. алламаҳалда безовта қилгани учун қизариб-бўзариб кечирим сўраган бўлди, фрау Грубах эса уни очиқ юз билан қаршилаб, хижолат чекишга ўрин қолдирмади. К. учун хонимнинг эшиги ҳамиша очиқ, барча ижарачилари ичида энг яхшиси, энг севимлиси ўзи эканини К. жуда яхши билар эди. К. хонага зимдан разм солди: ҳамма нарса ўз жойида, дераза олдидаги столда эрталаб нонушта учун қўйилган идиш-товоқлар ҳам йиғиштириб олинниб, саранжом-саришта қилинган эди. Аёл қўллари ҳамма нарсани сездирмай ҳозирлашга қодир, деб ўйлади у; эҳтимол унинг ўзи барча идиш-товоқни тезроқ йиғиштираман деб уриб-суриб бир ишқал

чиқарар, аммо уларни бекаму күст жойлаштиришнинг ҳеч эпини қилолмасди. У фрау Грубахга миннатдорчилик туйфуси ила термилди.

– Алламаҳал бўлди-ку, нега дам олай демайсиз? – қизиқсиниб сўради у.

Ниҳоят иккови стол ёнида бақамти ўтириб олишди. К. вақти-вақти билан пайпоқ ўюмини пайпаслар эди.

– Иш бошдан ошибб ётибди, – ёзғирди аёл. – Бутун кун ижарачиларга кетади, фақат тундагина ўз буюмларимни саришта қилишим мумкин.

– Устига-устак бугун мен ҳам сизга яна анча-мунча ташвиш орттиридим-а?

– Нимани айтяпсиз? – у шундай дер экан, жонланиб олди, пайпоқларни ҳам тиззалари устига ташлади.

– Эрталаб келган ҳалиги одамларни айтаман-да.

– Э, уларми, – аёл аввалгидек хотиржам овозда деди, – ўпкалангудек бирон-бир кўнгилсизлик бўлгани йўқ-ку.

Аёл яна пайпоқлари билан машғул бўлар экан, К. унга индамай разм солиб турди. Назаримда, бу ҳақда гап очганим уни ажаблантириди, ҳа, менинг бу ҳақида гапирганимни у нотўгри деб ҳисоблайди, ўйларди К. Ҳаммасидан ҳам муҳими, буларнинг барини унга тўкиб солмоқ. Баҳтга қарши мен бу қари аёлга барчасини айттолмайман.

– Йўқ, улар сизга беҳуда ташвиш ортиришди, – овоз чиқариб деди К. – Роса дардисар бўлишди. Аммо бу воқеа энди қайтарилмайди!

– Ҳа, бундай воқеа қайта содир бўлиши мумкин эмас, – аёл К.нинг гапини қўллар экан, унга ғамгин табассум билан қараб қўйди.

– Ростдан ҳам сиз шунаقا деб ўйлайсизми? – ўсмоқчилади К.

– Ҳа, албатта, – оҳиста жавоб қилди аёл. – Бироқ энг асосийси, сиз бу воқеаларни кўнглингизга яқин олиб юрманг. Бу ёргу оламда нималар бўлмайди дейсиз! Жаноб К. сиз мен билан бунақа даражада юрагингизни очиб дардлашаётган экансиз, у-бу эшитган-билганиларимга иқрор бўлсан бўлар: эшик ортида туриб баъзи гапларни эшитдим, қолаверса, қўриқчилар ҳам бу ҳақда менга жиндайгина гапнинг бир учини чиқаришди. Сиз ҳақингизда сўз борганда, қалбим шунақа тирналдики, сўраманг, ҳолбуки, бу иш учун бошимни қотирмасам ҳам бўлади, ахир мен сизнинг ҳеч кимингизман, бор-йўғи ижарахона бекасиман, холос. Ҳарқалай, эшитганларим жуда ҳам нохуш хабарлар экан деб айтольмайман. Йўқ, йўқ, мен бундай ҳам демоқчи эмасдим. Тўгри, сиз ҳибсга олингансиз, аммо бу бошқача, уни ўғрилар қўлга туширилиб, қамалишига ҳеч ҳам солиштириб бўлмайди. Ўғрилар қўлга тушдими, бу ёғига улар бирон-бир омонлик кутишмаса ҳам бўлади. Тамом, ишларининг пачаваси чиққани шу, бироқ сизнинг қамоққа олинишингиз эса... нима десам экан, унда қандайдир ҳикмат бордай. Тўгри, мен бунақа нарсаларга кам тушунаман, бироқ, менимча, буни тушуниш учун кўп нарса керак ҳам эмас.

– Мен ҳам фикрингизга қисман қўшиламан, фрау Грубах. Ҳа, буни ҳаддан ташқари густоҳлик деб бўлмайди. Лекин мен бу ҳақда мулоҳаза юритаётганда, албатта, сизга қараганда унга ҳаддан ташқари жиддий қараганим учун бу ҳибсга олишда бирор-бир ҳикматгина эмас, балки оддий, тайинли мантиқнинг ўзи йўқ, деб биламан. Бор-йўғи менга кўққисдан таҳдид қилдилар, холос. Агар уйғонганимдан, шу заҳоти жойимдан турганимда, Анна мени йўқламаганига эътибор бермай, ҳеч нарсанинг ташвишини қилмасдан, бировга

дуч келишимни ҳам ўйламай, түғри сизга юзланганимда, бу сафар мустасно сифатида ошхонада нонушта қилиб, кийимларимни хонамдан келтириб беришингизни ўзингиздан илтимос қиласадим, шу билан бошимизга тушажак барча балолар илдизи билан суғуриб олиниб, бунда ҳеч бир нохуш воқеа содир бўлмасди. Аммо бундай вазиятларда одам боласи шошиб, ноқулай аҳволга тушиб қолар экан. Хўш, масалан, банкда бунга ўхшаш воқеа юз бериши амри маҳол, ҳаммасига тайёргарлик кўриб қўйганман, хонамда гумаштам бўлади, столда ички ва шаҳар телефони уланган, ҳар лаҳза хонага хизматчилар ва мижозлар кириб туради, шунга қарамай, доим иш билан банд бўламан ва ҳаммаси учун жавобгарликни бўйнимга олиб айта оламанки, унда бунаقا ҳодиса содир бўлганда ҳам менга фақат ҳузур-ҳаловат инъом этган бўларди, холос. Ҳечқиси йўқ, энди буларнинг ҳаммаси ниҳоя топадиган бўлди. Очигини айтганда, мен ҳатто бу ҳақида гапиришни ҳам истамайман, фақатгина сиздек ақли бутун аёлнинг фикрини эшитмоқни истардим, қарангки, фикримиз бир жойдан чиқди, биз ҳар томонлама тил топиша билганимиздан беҳад хурсандман. Келинг, бунаقا ҳамфикриликни мустаҳкамлаш учун қўлни қўлга ташлайлик.

Ажаб, у менга қўлинин берармикин ёки йўқ? Назоратчи менга қўлинин бермади, у шундай деб ўйларкан, бекага узоқ пайт синовчан нигоҳ билан қараб турди. Аёл ўрнидан тураркан, у ҳам билинар-билинмас қўзгалиб қўйди, бир озгина хижолатпазлик юз берган, аёл К.нинг ҳамма гапини тушунгандга ўхшамасди. Худди шу талвасадан бўлса керак аёл бир нималар деб бидирлаб қўйди, аммо бу гапларнинг бири боғдан, бири тоғдан бўлиб, уларни жўяли деб бўлмасди.

– Жаноб К. бу ишлардан сиқилманг, – у ҳиқидаған овозда таскин берган эса-да, күл ташлаши унтутиб күйди.

– Албатта, сиқилишни хаёлимга ҳам келтирмайман, – К. шундай деркан бирдан қаттиқ ҳориганини ҳис этди ва бу аёлнинг ўз ғамига шерик бўлиши шарт эмаслигини тушунди.

У эшик олдида туриб суриштириди:

– Дарвоқе, фройляйн Бюрстнер хонасидами?

– Йўқ, – деркан, қуруқ чиққан жавобини фрау Грубах кечикиб бўлса-да юмшатмоқ мақсадида ҳамдардларча табассум билан қўшимча қилди:

– У театрда-да. Нима, у сизга керакми? Айтаверинг, эҳтимол, унга бирор-бир гапни етказиб қўйиш лозимдир?

– Йўқ, мен шунчаки у билан бир-икки оғиз гаплашиб олмоқчи эдим, холос.

– Афсуски, мен унинг қачон қайтишини билмайман. Театрдан эса одатдагидек жуда кеч қайтади.

– Майли, ҳечқиси йўқ, – К. шундай деркан, бошини қуи эгиб, эшикка қараб юрди. – Мен фақат бугун келганлар хонасидан фойдалангандари учун қиздан кечирим сўраб қўймоқчи эдим.

– Жаноб К., бунинг ҳеч кераги йўқ, сиз намунча илтифотли бўлмасангиз, ахир хонимқизнинг ўзи эрталаб бу ерда йўқ эди, нима воқеа содир бўлганидан хабарсиз, мен унинг ҳамма нарсасини жой-жойига саранжом-саришта қилиб қўйдим, ишонмасангиз бир қаранг хонасига. Шундай бўлгач, бу гапни унга айтиб ўтириш шартми. – У фройляйн Бюрстнер хонасининг эшигини очди. – Мана, ўзингиз бир разм солинг.

– Керак эмас, мен шусиз ҳам сизга ишонаман, – К. шундай дейишта қарамай, очиқ эшикка яқинлашди. Нимқоронги хона бир текисда ой нурида ёришиб турарди. Ҳақиқатан ҳам, хона

тартибга келтирилган, паст-баландига қаралган, ҳамма нарса ўз жойида, ҳатто қызниң зарнигор блузкаси ҳам осилган жойи – дераза тутқицидан олиб қўйилган эди. Айниқса, қызниң жойхобига қиялаб тушиб турган бир тутам ой нури уни баланддан, бошқача бир жилода мафтункор қилиб кўрсатарди.

– Ойимқиз ҳамиша шундай кеч қайтадиларми? – деб сўраркан К., бу учун фрау Грубах жавобгардай унга қаради.

– Ёшлик – бебошлик-да! – фрау Грубах гўё хижолат бўлаётгандай жавоб қилди.

– Ҳа, ҳа, албатта, – деб қўйди К. – Аммо бунинг охири баҳайр бўлсин-да!

– Қани шундай бўлса эди! – бидирлаб кетди фрау Грубах, – унда жаноб К., сиз мутлақо ҳақ бўлиб чиқар эдингиз. Мен фройляйн Бюрстнерни фийбат қилишни истамайман, у бирам ёқимтой, истараси иссиқ, чеҳраси ҳам ойдек гўзал қиз, яна ишчан, тиришқоқлигини айтмайсизми, мен унинг бу фазилатларини жуда қадрлайман, лекин ишончим комилки, озгина ўз шаънини ўйласа, бир оз тийилиброқ юрса, яхши бўлармиди. Мен шу ойнинг ўзида уни икки бор хилват кўчаларда кўриб қолдим, ҳар сафар бошқа эркак билан қўлтиқлашиб юрибди. Бу мен учун жуда ҳам кўнгилсиз. Тепамда Худо бор, фақат сизга айтяпман, аммо маълум бўлаётирки, бу ҳақида ойимтилланинг ўзи билан ҳам очиқчасига гаплашиб олиш вақти келганга ўхшайди. Ҳа, мени шубҳа-гумонларга бошлаетган ҳодиса биргина бу эмас.

– Сиз фройляйн Бюрстнер ҳақида жуда ҳам қаттиқ янгилаётисиз, – деди К. аччиқланиб, газабини аранг яширишга тиришиб, – ва умуман ойимқиз ҳақидаги гапларимни нотўғри талқин қилдингиз, мен ҳеч ҳам бундай демоқчи эмас-

дим. Сизга чин маслаҳатим: шубҳа-гумонларингиз ҳақида унга асло айта кўрманг. Ҳа, ҳа, сиз янгишаётирсиз, мен уни жуда яхши биламан ва нима деган бўлсангиз ҳам ҳақ эмассиз, деб ҳисоблайман! Эҳтимол, мен жуда ортиқча нарсани ўз зиммамга олиб юборгандирман, ким қўйибди менга бошқаларнинг ҳаётига тумшуқ суқиши. Унга нима демоқчи бўлсангиз, истаганингизни айтавермайсизми. Хайрли тун!

– Жаноб К., – фрау Грубах ялинчоқ овозда шундай деб К.нинг ортидан юргурганда у аллақачон хонаси эшигига етиб борган ва ҳатто уни очишга ҳам улгурганди, – ҳа, мен бу ҳақида ҳали ойимқиз билан гаплашиб олишга тайёрман, деб айтолмайман. Бунинг учун уни обдан кузатиб, бир қарорга келиб олишим керак, мен фақат сизга астойдил ишонганим боис бу ҳақида гапирдим. Хуллас калом, ошиёнимизга доғ тушмаса, у пок бўлса дейман, пансионда умргузаронлик қилаётган ҳар бир киши ҳам бу фикримга қўшилади ва шуни исташади, фақат шунинг учун қайгураман, бу ерни наҳс босиб кетмаслиги керак-да!

– Оҳ, покликишиш-а! – К.нинг дарғазаб овози эшик ғичирига қўшилиб кетди. – Агар сиз пансионда покдомонлик бўлишини истар экансиз, бу ердан биринчи бўлиб мени қувишингиз керак бўлади, қани бўлмаса, шунинг тадоригини кўраверинг. – У эшигини жаҳл билан ёпди, эшик ортидан кўрқа-писа чертишларга умуман жавоб қилмади.

Бироқ К. ухлашни хаёлига ҳам келтиргани йўқ, ҳатто, бу сафар фройляйн Бюрстнер қачон қайтишини аниқ билмоқ мақсадида ухламасликка қарор қилди. Айни пайтда, бунинг мавриди эмаслигига қарамай, эҳтимол, қизга бир нималар дейишга муваффақ бўлар. У деразадан бошини чиқариб, уйқусизликдан қисилиб кетган кўзлари

билан атрофга термиларкан, фрау Грубахнинг жазолашини эмас, балки фройляйн Бюрстнерни кўндириб, бу ердан бирга бутунлай бош олиб кетишни – ижараконасини алмаштиришни хаёл қиласди. Аммо шу лаҳзада эрталабки воқеадан кейин шунчаки, ўз ҳоҳишига кўра ижараконани алмаштириши вазиятни бўрттириши, у хусусидаги шубҳа-гумонларни ошириб-тошириб юбориши кўнглига келди. Ишқилиб, ҳеч қанақа бемаъни, айниқса, бемақсад ва ножӯя ўй-хаёлларга бориб бўлмасди.

Охири, кимсасиз кўчага термилиб ўтириш унинг жонига теккач, ўзини ўриндиқча ташлади, аммо ундан олдин хонадонга ким кирганини ўрнидан турмасданоқ кўрмоқ мақсадида даҳлизга чиқадиган эшикни ярим очиқ қўйди. Ўн бирларгача ўрнида чўзилганча хотиржам тамаки туатиб ётди. Кейин эса бунга ҳам сабри чидамади, ўзини ушломай даҳлизга чиқди, гўё бу ҳаракати билан фройляйн Бюрстнернинг уйга қайтишини тезлаштирадигандек эди. Аслида қизни кўришдан унинг бирон-бир мақсади йўқ, ҳатто унинг бунга қандай қарашини ҳам аниқ-равшан кўз олдига келтира олмас, бироқ гаплашиб олмасалиги кўриниб турарди. Унинг кечикаётгани йигитни ғазаблантирас, куннинг сўнгти ҳам шу боис нохуш ва бесаранжом бўлиб қолган эди. Буларнинг барчаси учун қизни айбдор санаб, кечки овқат ҳам қилмади, Эльзанинг олдига ўтиш вақтини ҳам ўтказиб юборди. Албатта, ҳали бу бой берилган фурсатнинг ўрнини тўлдириши, Эльза хизмат қилаётган кулинг ўргилсин ресторанчага йўл олиши мумкин. У фройляйн Бюрстнер билан сухбатлашиб олгандан кейин шундай қилишни дилига тутиб қўйди.

Ўн бир яримларда зиналардан кимнингдир қадам товуши эшитилди. К. ўз хаёллари билан бў-

либ худди хонасидагидек даҳлизга тапир-тупур қилиб юрганди, шошганча ўзини чеккага олди. Даҳлизга фройляйн Бюрстнер кирди. Эшик ёпиларкан, остоңада елкаларига ипак рўмолини ташлаб олган нозик-ниҳол қиз жунжикканча турарди. Бир зумдан сўнг қиз ўз хонасига кириб кетар, қарабсизки, кейин бу ярим кечада К. унинг хонасига кира олмаслиги аниқ ва тушунарли. Демак, шунинг учун ҳам К. у билан шу лаҳзанинг ўзида гаплашиб олмаса бўлмасди; баҳтга қарши у ўз хонасида чироқ ёқиб қўйишни ҳам унутибди, агар ҳозир шундогича қоронғидан чиқса, бу қизга тажковуз қилишга ўхшashi мумкин. Нима бўлганда ҳам, қиз бундан жуда қўрқиб кетади. У саросима аралаш вақтни бой бермаслик пайида қўрқа-писа эшик тирқишидан шивирлади:

– Фройляйн Бюрстнер! – бу ялинчоқ овоз сира чорловга ўхшамасди.

– Ким у, – дея фройляйн Бюрстнер ҳуркиб чор-атрофга аланглади.

– Бу менман, – К. шундай деб унинг олдига чиқиб борди.

– Вой, жаноб К., бу сизми? – фройляйн Бюрстнер табассум билан йигитта қўлини узатди: – Хайрли кеч!

– Рухсат берсангиз, сизга айтадиган бир оғиз гапим бор эди.

– Ҳозирми? – деди фройляйн Бюрстнер. – Ҳозирнинг ўзида-я? Ахир бу бир оз ғалати-ку, тўғрими гапим?

– Мен сизни соат тўққиздан буён кутиб ўтирибман.

– Бир оғиз огоҳлантириб қўйсангиз бўларди-ку, одатдагидек мен театрда эдим.

– Бироқ, гаплашиб олишимиз учун сабаб фақат бугун туғилиб қолди.

– Эҳ, сабил қолсин! Нафсилаарини айтганда, бунга қарши эмасман, фақат ҳозир ўлгудек чарчаганман. Майли, бир дақиқага олдимга киринг. Бу ерда гаплашиб ўтиришимиз яхши эмас, уйдагиларнинг ширин уйқусини бузиб қўямиз, шўрликларга жабр қилмайлик, қолаверса, бу ўзимиз учун ҳам нокулай. Шошманг, мен ҳозир хонамдаги чироқни ёқаман, сиз бундагини ўчиринг.

К. айтилгандек юмушни адо этиб, фройляйн Бюрстнер уни яна бир бор шивирлабгина ўз хонасига чорлашини интизорлиқ билан кутиб ўтирди.

– Ўтиринг, – қиз шундай деб унга диванни кўрсатди, чарчадим деганига қарамай, ўзи каравот оддида тик тураверди. Ҳатто ўзининг бежиримгина, инжা гуллар солиниб безалган шляпасини ҳам ечмади. – Сиз менга ниманидир айтмоқчисиз, шундайми? Очиғи, бу мен учун жуда қизик.

У оёқларини шарпасиз чалиштириб одди.

– Эҳтимол, сиз яна шуни ҳам айтмоқчиидирсизки, – сўз бошлади К. – Бу иш жуда ҳам шошилинч эмас экан, уни муҳокама қилиб ўтиришга ҳаддан зиёд кеч эмасми. Бироқ...

– Бу кириш сўзи назаримда ҳамишагидек ортиқча, – деди фройляйн Бюрстнер.

– Бу вазифамни енгиллаштиради, – К. яна сўз бошлади. – Бугун эрталаб қисман менинг айбим билан хонангизга бегона кишилар кириб, бунда анча-мунча тартибсизлик қилишди, албатта, бу хоҳиш-иродамга қарши юз берса-да, эслатганимдек, менинг айбим билан содир этилгани боис сиздан узр сўрамоқчиман.

– Менинг хонамга киришдими? – фройляйн Бюрстнер бу саволни қайта бераркан, олазарак нигоҳ билан хонага эмас, балки К.нинг ўзига разм солиб қаради.

– Шунақа бўлди, – деди К. ва илк бор нигоҳлар тўқнашди. – Бироқ бўлиб ўтган воқеанинг сабаби гапиришга ҳам арзимайди.

– Бу ҳаммасидан ҳам ажабтовур-ку! – деб юборди фройляйн Бюрстнер.

– Унчалик эмас, – деди К.

– Унда нима бу, – янада қизиқди фройляйн Бюрстнер. – Мен сизнинг сирингизни бозор қилмоқчи эмасман, фақат сиз унинг ажаблантирадиган жиҳати йўқдигига мени ишонтира олсангиз бас, бунга қарши бирорта ҳам сўз айтиб ўтирумайман. Мен фақат бир нарсани сиздан астойдил сўрайманки, ахир ўзингиз ҳам шунинг учун кечирим сўрамоқчи бўляпсиз чоғи, ҳа, мен бу ерда ҳеч қанақа тартибсизликни кўрмаяпман.

Қиз ҳолсиз қўлларини белига маҳкам тираб, бутун хонани айланиб чиқди. Фақат фотосуратлар осилган бўйра олдида тўхтаб қолди.

– Буларга қарап, – қичқириб юборди у. – Барча сувратларимни аралаш-қуралаш қилиб ташлашибди-ку. Вой, шунақа ҳам песлик қилишадими! Демак, кимдир менинг хонамга кириб, хўжайинлик қилибди-да.

К. бошини ҳам қилиб ўтиришдан бошқа илож топа олмади, аммо ичидаги ландовур ва бефаҳм Каминерни ўзини тия билмаслиги, ҳовлиқмалиги учун яниб ўтирди.

– Фалати, – деди фройляйн Бюрстнер. – Фалатилиги шундаки, мен сизга тақиқлашим зарур бўлган нарсани, яъни хонамга менсиз киришни, сиз ҳам ўзингизга ман этишингиз лозим эди.

– Фройляйн, мен ахир буни сизга тушунтирдим-ку, – шундай деб К. фотосуратларга яқин келди, – фотосуратларингизга мен текканим йўқ. Нега менга ишонишни истамайсиз, икрорман, тергов гуруҳи қаторида банкимизнинг уч хиз-

матчиси ҳам бу ерга келди, айниңса, улардан бири фотосуратларингизга тирғалгани рост, мен уни биринчи имконият туғилиши билан оқ банкдан қуритиш пайида бўламан. – Фройляйн Бюрстнернинг савол назари билан қараб турганини кўриб, К. гапига қўшимча қилди, – ҳа, ҳа, бу ерда тергов гурӯҳи бўлди.

– Сиз учунми? – қизиқсинди қиз.

– Ҳа, – жавоб берди К.

– Бўлиши мумкин эмас! – қиз ажабланиб хитоб қилас экан, тиржайиб ҳам кўйди.

– Мумкин экан, – деб кўйди К. – Наҳот, сиз менда ҳеч қанақа гуноҳ йўқ, деб ҳисоблайсиз?

– Ҳеч қанақа! Менинг айтарим шу – бу борада муфассал бир нарса дейишим эса амри маҳол, – жавоб қайтарди қиз. – Ҳозир ўз фикримни билдиримоқчи эмасман, чунки бунинг учун жиддий бир хулосага эга бўлиш керак-да, мен сизни тузук-қуруқ билмайман ҳам, аммо оғир бир жиноят содир этилган тақдирдагина бу ерга шошилинч тергов гурӯҳи юборилади. Ҳолбуки, сиз озодликда юрибсиз, хотиржамлигингизга қараганда, қамоқдан қочган одамга ҳам ўхшамайсиз, шундай экан, бирор жиноят ҳам қилмагансиз.

– Ҳа, – деди К., – бироқ менга тахмин билан тақалган айбни тергов гурӯҳи рад этиши ёки ҳеч бўлмаганда, бу айб у даражада эмаслигини тасдиқлаши керак.

– Шундай бўлиши турган гап, – паришонхотирлик билан жавоб қилди фройляйн Бюрстнер.

– Мана кўряпсизми, – деди К. – Афтидан сиз ҳам суд икир-чикирларини фарқига бормайдиган кўринасиз.

– Тўғри, унчалик билмайман, ваҳоланки, жиноят ишини текширишда миридан сиригача воқиғ бўлсан дейман, – тан одди фройляйн Бюрстнер.

– Кўпинча билмаганимдан афсусланиб кетаман, лекин айнан судга оширилган жиноий иш жараёнини билишга ўлардай ўчман. Қолаверса, суд ишининг ўзи даҳшатли даражада ўзига тортадиган аломат соҳа-да, шундай эмасми? Бу соҳада мен ўз билимларимни тўла-тўкис қиёмига етказмасам бўлмайди: шунинг учун ҳам кейинги ойдан адвокатлар девонхонасига ишга кирмоқчиман.

– Жуда ҳам яхши-да! – деди К. – Унда устимдан олиб борилаётган суд жараёнида оз бўлса-да, ёрдамингиз тегиб қолиши мумкин.

– Бўлмаса-чи, – фройляйн Бюрстнер ишонч билан деди. – Нимага ҳам бўлмасин? Мен ахир ўз билимларимни амалда синааб кўришни жуда-жуда истайман.

– Аммо менинг илтимосим жиддий, – деди К.

– Ёки ҳеч бўлмаганда худди сизга ўхшаб яrim рост, яrim ҳазил қабилида айтяпман. Бу иш атайин адвокат ёллаб, уни овора қилишга арзимайди, аммо менга бир маслаҳатгўй жуда асқатиб қолиши мумкин.

– Майли, мен бу таклифингизга розиман, аммо маслаҳатчингиз бўлишимдан оддин, иш нимадан иборатлигидан хабардор бўлишим керак-да.

– Жумбоқ шундаки, – деди К., – бу хақда ўзим ҳам ҳеч нима билмайман.

– Бундан чиқди сиз мен билан ҳазиллашмоқчи бўлибсиз-да, – деди фройляйн Бюрстнер тарвузи қўлтиғидан тушган оҳангда. – Бироқ ҳазиллашиб учун яrim кечани танлаш ҳам ақлли кишининг иши эмас. – Қиз девордаги фотосуратлар одидиа елкама-елка турган К.нинг ёнидан кетмоқчи бўлди.

– Нима деяпсиз, қўйсангиз-чи, – ҳовлиқиб деди К. – Умуман ҳазиллашаётганим йўқ. Ажабо, сиз эса, менга заррача ишонмаётирсиз! Мен

билганимнинг ҳаммасини сизга айтиб бердим. Ҳатто билганимдан ҳам кўпроқ нарсани гапириб қўйдим. Нафсилаамрини айтганда, бу ерда ҳеч қанақа тергов гуруҳи ташриф буюргани йўқ, мен фақат бу ерга келгандарни шундай таърифладим. Ва умуман, ҳали ҳеч қанақа тергов ҳам бўлгани йўқ, бор-йўғи мени ҳибсга олишди, холос. Бироқ бунинг учун бу ерга бутун бир тўда ташриф буюрди.

Фройляйн Бюрстнер диванга чўкаркан, яна жилмайиб қўйди.

– Буларнинг бари қандай содир бўлди? – суриштириди у.

– О, даҳшат! – К. кўпириб сўзларкан, бўлиб ўтган воқеа ҳақида қарийб ўйламас, балки диван ёстиқчасига тирсагини қўйиб бир қўлинни энгагига тираб олган, иккинчиси билан гоҳ-гоҳ оҳистагина тиззасини силаётган фройляйн Бюрстнернинг ҳусни жамолига тамоман асир эди.

– Бу гапингиз менга ҳеч нарсани англатганича йўқ, – деб қўйди фройляйн Бюрстнер.

– Айнан нима ҳақида сўраяпсиз? – ўсмоқчилади К., бироқ шу лаҳзадаёқ нима қилиш кераклигини англаб етиб сўради: – Сизга буни кўрсатиб берсам, қандай бўларкин? – У нима қилиб бўлса-да, шу хонадан кетмасам дерди.

– Мен жуда чарчадим, – деди фройляйн Бюрстнер.

– Ҳа, сиз жуда кеч қайтар экансиз, – жавоб қиласи К.

– Мана, ниҳоят, энди ўпкалашга ўтилди. Бунга ҳам ўзим сабабчиман, аслида хонамга киришингизга рухсат бермаслигим керак эди. Маълум бўлдики, бу ерда айтарли бир ҳодиса юз бермаган.

– Йўқ, бўлганича бўлди, – эътиroz билдириди К.

– Ҳозир сиз ҳаммасини тушуниб оласиз, каравот олдидаги столни мана бу ёқقا суриш мумкинми?

– Масхарабозликин кўйинг, – ажабланди фрой-ляйн Бюрстнер. – Албатта, мумкин эмас!

– Унда мен сизга ҳеч нарсани кўрсата олмайман-ку, – К. бу гапни шунчалар аччиқланиш билан айтдики, уни гўё англаб бўлмас бир мусибат ўз домига тортиб кетаётгандай эди.

– Оҳ, бирон-бир нарсани ойдинлаштириб олиш учун агар сизга шу керак экан, столни хоҳлаган жойингизга суришингиз мумкин, – деди фрой-ляйн Бюрстнер ва ожизона овозда қўшимча ҳам қилиб қўйди: – Шунаقا ҳам чарчадимки, бу томошани давом эттиргандан кўра, жавобингизни бериб юборишни жон-жон деб истардим.

К. столни хонанинг ўртасига элтиб қўйди ва ёнига ўзи чўқди.

– Сиз ҳамма-ҳаммасини – бу кишилар бу ерга келиб қандай томоша кўрсатганлигини аниқ-тиниқ тасаввур қилишингиз керак, бу жуда қизиқ бўлди. Мени назоратчи деб тасаввур қилинг, хув анави сандиқнинг устида қоровуллар ўтирибди, улар икки киши эди; фотосуратлар ёнида эса уч йигитча тизилиб олишди. Дераза дастагида эса – буни хонаси келгани учун эслатяпман – яна оппоқ, ҳарир блузка ҳам осиқ турибди. Шундай қилиб ҳаммаси бошланади. Э, мен ўзимни унугиб қўйибман-ку. Ваҳоланки, воқеанинг асосий ҳаракатлантирувчи кучи мен, хув, столнинг олдида тураман. Назоратчи ўзига жуда қулай ҳолда курсига чўкканча, оёқларини чалиштириб, бир қўлинини стулнинг орқасига ташлаб олганча ўтиради, унинг шу афти-ангорига қараб такасалтанг десангиз ҳам кам. Ва мана шундай ҳолатда ҳаммаси бошланади. Назоратчи мени олдига чақирап экан, гўё тошқотган уйқудан уйғотмоқчи бўлганидай нақ ўкириб овоз беради. Таассуфки, буларнинг ҳаммаси сизга кундек равшан бўлиши учун менинг ўзим ҳам овозим-

ни күтаришимга түгри келади. Түгри, у фақат менинг номимни тилга олғандагина бақирди.

Фройляйн Бюрстнер жилмайиб қўйди ва К. бақириб қўймасин деб бармоқдарини лабига босди, лекин вақт ўтганди. «Йозеф К.», у шунчалик даражада роль ижросига киришиб кетгандики, овози бутун хона бўйлаб таралди. Бу бақириқ унчалик баланд бўлмаса-да, ниманидир ваъда қилаётгандай бўлиб, бир зумда бутун хонани эгаллади.

Шу заҳоти қўшни хона эшиги қисқа-қисқа, қаттиқ-қаттиқ, бир маромда тақиллади. Фройляйн Бюрстнернинг ранг-рўйи ўзгариб, юраги орқага тортиб кетди. К. бўлса эрталабки кўнгилсиз воқеани ҳамиша ўйлаб юрганидан бешбаттар қўрқди, у бор-йўғи бу воқеани фройляйн Бюрстнерга қандай бўлса, шундай қўрсатиб бермоқчи эди, холос. Бироқ тезда ўзини қўлга олиб қиз сари ёрдамга отилди ва унинг қўлларидан тутди.

– Ҳеч нарсадан қўрқманг, – шивирлаб деди у. – Мен ҳаммасининг иложини қиласман. Бироқ ким бўлди экан бу тақиллатган? Қўшни хона меҳмонхонами, унда ҳеч ким тунамайди-ку.

– Йўқ, тунайди, – фройляйн Бюрстнер унинг қулогига пичирлаб деди. – Кечадан бошлаб унда фрау Грубахнинг жияни, капитан ётадиган бўлган. Унинг учун бўш хона йўққа ўхшайди. Буни унугибман. Эй, сиз нега бунчалик бақирвордингиз! Мен мушкул аҳволга тушиб қолдим-ку.

– Бехуда ташвишга тушяпсиз! – деркан, К. энганишиб ёстиқчага бошини қўйган қизнинг пешонасидан ўпид олди.

– Бу нима қилганингиз, нима қилганингиз бу, а? – қиз шундай деркан шитоб билан қаддини ростлади. – Кетинг, йўқолинг, имкон қадар бу ердан тезроқ қорангиз ўчсин. У ахир эшикнинг орқасида туриб, қулоқ соляпти, ҳаммасини эшитиб олади. Одамни қийнаб юбордингиз-ку!

– Сиз тинчланмас экансиз, бу ердан ҳеч қаёққа кетмайман! Анови бурчакка юринг, у ерда ҳеч гап бегона қулоққа етмайди.

Киз ўзини бурчакка олишга астайдил рози бўлди.

– Сиз бир нарсани унугтган кўринасиз, – деди К.
– Тўғри, эҳтимол, сиз учун бу ёқимсиздир, аммо ҳеч қанақа хавф сизга таҳдид сола олмайди. Сиз яхши биласизки, бу муаммони ҳал қилишда фрау Грубах асосий роль ўйнайди, гапи гап, капитан унинг жон-жигари бўлишидан қатъи назар, буни ҳам яхши билсангиз керак, фрау Грубах мени шу даражада ардоқлайдики, ҳеч бир эътироузиз ҳар бир айтган гапимга ишонади. Ўрни келганда яна шуни ҳам айтай, одимда тили қисиқ – унга катта миқдорда қарз ҳам берганман. Қолаверса, алламаҳалдаги бу учрашувимизни изоҳлаб берадиган ҳар қанақа таклифингизни қабул қилишга тайёрман, фақат у озгина ҳақиқатга тўғри келадиган бўлса, ишга масъуллигидан фрау Грубах уни расмиятчилик учунгина қабул қила қолмайди, балки ҳеч бир гап-сўзсиз самимият илиа унга ишонади ҳам. Мени аяб ўтируманг. Агар сизга мен шилқимлик қилганимга ўхшаш миш-мишлар тарқалиши маъқул бўлса, барини қандай бўлса шундайлигича фрау Грубахга айта қоламан, у мени қанчалик ҳурматлаб, қадрлашига қарамай, ҳаммасини қабул қилади, ҳаммасига ишонади.

Фройляйн Бюрстнер жимиб қолди, елкаларини бўш ташлаб, нигоҳини ердан узмасди.

– Фрау Грубах сизга тегажоғлик қилганимга нима учун ишонмаслиги керак экан? – қўшиб кўйди К.

Йигит қизнинг соchlарига, фарқи очилганча, остидан таранг қилиб турмаклаб қўйилган тилларанг соchlарига қаради. К. қиз ҳозир нигоҳини

ердан узиб, менга қарайди, деб кутди, аммо у ҳолатини ўзгартирмасдан сўзлашга тушди.

– Мени афв этинг, аммо бу кутилмаган тақиллатишдан юрагим чиқиб кетди, майли, гап тақилашда ҳам эмас, аммо капитани тушмагур буни чигаллаштириб юбормаса эди, деб хавотирдаман. Ҳамма ёқ осуда бўлганида қўққисдан бақириб қолдингиз, ўша заҳоти эса у ёқдан тақиллаш эшитилди, ҳа, шундоқ әшикнинг ёнида эдим, тақиллаш ҳам худди эшикнинг оғзидан келди, худди шу нарса мени даҳшатга солди-да. Таклифингиз учун ташаккур, аммо мен уни қабул қила олмайман. Хонамда нима юз бермасин, кимнинг олдида бўлишидан қатъи назар, ҳаммаси учун ўзим жавоб бераман. Ажабо, англамаганингизни қаранг, таклифингиздан қанчалар ранжиттанимни билсангиз эди, ҳолбуки, бу куйиб-ёнишларингиз бари яхши ниятда эканлигига заррача ҳам шубҳа қилмайман. Энди боринг, мени ёлғиз қолдиринг, бу мен учун аввалгига қарагандা ҳам зарурроқ. Бир зумга вақтингизни оламан, дегандингиз, ҳолбуки, яrim соат бўлди, ҳатто ундан ҳам ўтиб кетди.

К. қизнинг кафтларидан тутди.

– Бироқ сиз мендан хафа бўлишингиз керак эмас-да?

Қиз қўлини тортиб олатуриб деди:

– Йўқ, йўқ, мен ҳеч кимдан, ҳеч қачон хафа бўлмайман.

Йигит яна унинг қўлларини олди, қиз бу сафар қаршилик кўрсатмади-ю, уни эшик сари бошлади. Йигит кетишга астойдил азму қарор қилди. Бироқ шундай ҳолатда чиқиб кетишни кутмагандек остононада тўхтаб қолди, бу дақиқадан фойдаланиб фройляйн Бюрстнер қўлини

йигитнинг қўлидан бўшатиб олиб, эшикни очди, даҳлизга сирғалибина ўтишаркан, шивирлади:

– Илтимос қиласман, тезроқ кетинг. Кўрдингизми? – қиз ёришиб турган капитаннинг хонасига имо қилди, – у чироқни ёқиб, бизни кузатиб ўтирибди.

– Кетяпман, кетяпман, – К. шундай деркан қизга қараб талпинди, ниҳоят уни қучогига олиб, лабларига лабини босди ва жазаваси тутиб, қизнинг юз-кўзларини ўпичга кўмиб ташлади, гўё аллақандай бир ютоқдан маҳлуқ кичик бир дарёчага дуч келиб, ундан ташналигини қондирап, тилларини чапиллатиб зилол сувни ютаётгандек эди. У охир қизнинг дудоқларидан бўйнига тушди-ю, узоқ пайт томоғидан лабларини ололмади. Уни фақат капитаннинг эшигидан келган шовқин бошини кўтаришга мажбур этди.

– Энди мен кетаман, – К. шундай деркан фройляйн Бюрстнерни исми шарифи бўйича чақирмоқчи бўлди, бироқ уни нима деб аташни билмади.

Қиз ҳорғин бош қимирлатиб, гўё бунинг унга дахли йўқдай, қиё бокмасдан қўлларини ўпич учун берди-да, хонасига равона бўлди. Бир зум ўтмай К. ҳам ўз ўрнида чўзилиб ётарди. Кўзи ҳам илина қолди, аммо уйқуга кетиш олдидан ўз хулқ-атвори ҳақида ўйга толди ва содир этган хатти-ҳаракатидан мамнунлик туйди, аммо бу мамнунлигидан кўнгли тўлмаганига ҳайрон қолди. Бундан ташқари, капитан боис фройляйн Бюрстнер бир балога қолмаса эди, деб ҳам астойдил ташвишланди.

ТЕРГОВНИНГ БОШЛАНИШИ

К.га телефон орқали олдинроқ келгуси якшанбада иши бўйича биринчи бор тергов белгиланганини маълум қилишди. Унга тергов бир маромда олиб борилишини, ҳар ҳолда, ҳар якшанбада бўлмаса ҳам, мавриди билан ҳали кўп бора чақиришларини алоҳида таъкидлаб қўйишиди. Бир томондан барча диққат-эътиборни жалб қилиб, унинг ишени кўриб чиқиши жараёни қанча тез охирига етказилса, бундан ҳамма манфаатдор бўлади, бироқ бошқа томондан, терговда барча имкониятлар ишга солиниб, иш пухта ўрганилиши керак; фақатгина терговнинг талабича сўраб-суриштирувлар аччиқ ичакдай чўзилиб, катта залвар остида жараён ҳаддан ташқари судралмаслиги керак. Мана шунинг учун ҳам терговлар мароми қисқа-қисқа, аммо тез-тез олиб борилиши маъқул кўрилган чиқар. Тергов азбаройи К.нинг хизмат вазифасига халақит бермаслиги учун якшанбага белгиланганди. Белгиланган бу тартибга К. рози бўлишини тахмин қилишган, мабодо бирон-бир муаммо туғилса ё бунга қарши бўлса, имкониятга қараб, учрашувга борилади, келишиб олинади. Масалан, терговни тунда олиб боришлари мумкин. Бу алламаҳалда эса, шубҳасиз, К.нинг калласи ғовлаган бўлади. Ишқилиб, ҳозирча, нима бўлишидан қатъи назар, К. қарши бўлмаса, якшанбани маъқул кўришяпти. Албатта, ўз-ўзидан тушунарли, махфий учрашув

жойига бориш унинг учун шарт, бу ҳақида эслатиб ўтириш ортиқча. Тергов олиб бориладиган уйнинг тартиб рақами айтилди, у шаҳар атрофидаги чекка кўчалардан бирига жойлашган бўлиб, ҳозиргача К. у ерда бўлмаганди.

К. фармойиши тинглаб бўлиб, ҳеч бир жавоб қилмай, гўшакни жойига илиб қўйди ва шу заҳоти айтилган жойга якшанба куни боришга қарор қилди; мана, ниҳоят, жараён бошланибди, у катта бир маҳораба олдидаги турибди, бу илк тергов шак-шубҳасиз охиргиси бўлиши керак.

У паришонхотирлик билан телефон олдидаги туриб қолди, шунда унинг ортида қўнғироқ қилиб олиш учун кутиб қолган директор муовини овоз берди, К. уни телефондан тўсиб туарди.

– Ноҳуш хабарми? – муовин беларво оҳангда, шунчаки гап ташлади, ишқилиб унга К. тезроқ телефон олдидан узоқлашса бўлгани эди.

– Йўқ, йўқ, – деркан К. ўзини сал четга олди, бироқ бу ердан кетмади.

Директор муовини гўшакни олди-да, улаб беришларини кутиб туар экан, гўшак оша деди:

– Жаноб К., сиздан бир нарсани илтимос қилмоқчи эдим, якшанба куни яхтамда улфатлар билан ўтирмоқчимиз, марҳаматингизни дариф тутмасдан, биз билан бирга бўла оласизми? Каттагина давра бўлади, эҳтимол, уларнинг орасида танишларингиз, масалан прокурор Гастерер ҳам бўлиши мумкин. Борасизми? Албатта, боринг!

К. директор муовинининг ҳар бир сўзини уқиб олмоқ пайида бўлди. Бу унинг учун жуда муҳим эди, шу боис ҳам муовиннинг таклифидан у ҳазилакам довдирамади, чунки К. каби банкда ўз чорифини ўзи тортиб юрадиган ходимга бу бир илтифот, келишиб ишлаш учун кўрсатилаётган марҳамат эди; банкда иккинчи шахс ҳисобланган муовиннинг муносабатига ўзига яраша жа-

воб қилиш, ҳеч бўлмаганда бетараф қолиб, дилини ранжитмаслик кераклиги аён эди. Бу таклиф телефон олдида туриб, йўл-йўлакай айтилган, шунга яраша шунчаки мулозамат бўлиб эшитилди. К. эса директор муовинининг таклифини янада ерга ургандай қилиб деди:

– Ташаккур! Бахтга қарши, мен якшанба куни банд бўламан. Оддиндан келишиб қўйган учрашувим бор.

– Аттанг, – директор муовини шундай деб тургандаги телефонни улаб беришди.

Суҳбат узоқ давом этди, К. эса паришонхотирлиги тутиб, бу ерда яна анчагина туриб қолди. Фақатгина муовин гўшакни жойига қўяётганда бирдан чўчиб, ўзига келди ва ноўрин туриб қолганини бир оғиз тушунтиришга тутинди:

– Менга ҳозиргина қўнғироқ қилишиб, бир жойга етиб боришимни сўрашди, аммо қайси пайтдалигини айтишни унутишибди.

– Унда сиз яна бир бор сим қоқинг, – маслаҳат берди директор муовини.

– Э, бу шарт эмас, – ўйламасдан К. шундай деркан, гўё ўтирган бутогига ўзи болта ургандай бўлди.

Директор муовини кетиши олдидан бутунлай бошқа нарсалар ҳақида яна бир талай гапларни айтди. К. ўзини зўрлаб, бир нималар деб жавоб қайтарган бўлса-да, ўзининг муаммоси устида боши қотар, яхшиси, якшанба куни соат тўққизда айтилган жойга бора қолганим маъқул, бу пайтда бутун жиноят-қидирув бўлинмаси ҳаракатга тушиб, иш бошланган бўлади, деб режа тузарди.

Якшанба куни ҳавонинг авзойи бузилди. К. сал бўлмаса, ухлаб қолар экан, чунки ҳаҳваонада ярим кечагача қолиб кетган, ҳар доимгидек базмча уюштиришиб, роса бити тўкилганди. У ҳар якшанбада бутун ҳафта давомида қиладиган ишлари режасини тузиб оларди, ҳозир эса на

ўйлашга, на режалашга вақт қолдирмасдан, шошиб-пишиб кийинди, нонушта ҳам қилмасдан, шағар чеккасидаги айтилган жойга йўл олди. Ҳарқалай, унинг орқа-олдига қарашига вақти бўлмади, бироқ қанчалик ғайриоддий бўлмасин, йўлда ишига дахлдор уч амалдорча – Рабенштейнер, Куллих, Каменерга унинг кўзи тушиб қолди. Даставвал иккиси – Рабенштайнер билан Куллих трамвайдага ёнгинасидан ўтиб кетди. К. қаҳвахона ёнидан чопқиллаб ўтаётганда қизикувчаник билан панжарарадан пастга энгашдию, айвонда Каменерни кўриб қолди. Афтидан, уларнинг учови ҳам бошлиқлари қандай қилиб оёғини қўлига олиб югураётганидан ҳайратланаётганга ўхшарди.

Қанақадир ўжарлиги тутиб, К. борищни истамай қолди, у бу кечмишга кимлардир ўзларини бағишилагани, ҳатто бундан фойдаланиб қолиши имкони бўлганида ҳам, бегоналар унинг ишига заррача бўлса-да, тумшуқ суқишиларини жини сўймас, бунинг ҳар қанақа кўринишига қарши эди; хулласи калом, тергов ҳайъати олдида ўзини таҳқирлашга асло йўл қўймоқчи эмасди. Шунга қарамай, роппа-роса тўққизда айтилган жойда бўлиш учун яна ҳам шошилди, ҳолбуки, чақирилганда аниқ бир вақтни маълум қилишмаганди.

Унингча, қандайдир белгилари билан борар уйи узоқданоқ ажralиб турадигандек эди, бунинг у алоҳида бир аломатини кўз олдига келтира олмаса-да, жилла курса кириш жойи гала-ғовур, тирбанд бўлиши керак. Бироқ Юлиусштрасснинг бошланишидаёқ у сўррайиб, бир оз туриб қолди, кўчанинг икки томонида ҳам кета кетганча қарийб бир хил: баланд, кулранг, даромади қашшоқ аҳоли яшайдиган уйлар қад ростлаган эди. Бу якшанба тонгига уйларнинг қарийб барча деразалари олдида одамлар кўринарди. Устига камзул илмаган эркаклар чеккан-

ча ва ёки яримларини ташқарига чиқариб, дे-раза токчасидаги болачаларни маъюс ва эҳтиёт-корлик билан тутиб ўтиришарди. Бошка дераза токчалариди эса кўрпа-тўшаклар солинтириб қўйилган, ёнида соchlари ҳурпайган аёлларнинг бошлари кўриниб қоларди. Юзма-юз уйдагидарнинг аксарияти кўча оша бир-бирлари билан чақчақлашишар, шундай бақир-чақир билан ҳол сўрашлардан бири нақ К.нинг боши узра янграб, кучли кулги портловига сабаб бўлди. Бутун кўча бўйлаб бир хил масофада ярим ертўладагидек ҳолда баққоллик дўконлари жойлашган бўлиб, истаганига зиналар орқали тушавериш мумкин. Шу ердан уй бекалари кириб-чиқиб туришар, зинапояларга ўтириб олишиб, гап сотишарди. Ўзи юрар аравачада мева сотувчи тепага қараганча ўз молларини мақташ билан овора бўлиб, паришонхотирлигидан К.нинг оёғини босиб олишига сал қолганда, улар бир-бирларига юзма-юз ҳолда бир зум анграйиб туришди. Қаердадир граммафон одамни жонидан тўйдирар даражада бўкириб ётар, ҳарқалай ўзига тўқ мавзеларда унинг абжаги чиқарилгани аниқ эди.

К. вақти бемалолдек кўча бўйлаб секин қадам ташлаб бораарди; гўё шунда қайси бир деразадан қараб турган терговчи К. бу ерга келганидан хабар топадигандек эди. Тўққиз ҳам бўлиб қолди. Уй эса ҳали анча олисада, ҳаддан ташқари узун тушган, айниқса, дарвозаси жуда баланд ва тарвақайлаган эди. Афтидан, уни ҳар турли молларни турфа омборлардан ташиб юрадиган соябон аравалар бемалол кириб чиқиш учун мўлжаллаб солишганди. Ҳозир ҳовлидаги барча омборлар бекик, К. уларнинг пештоқига ёзилган фирма номларига кўз ташлаб, аллақанчаси ўзининг банки билан иш битиришини билди. К. одатидан ташқари синчковлик ила атрофга на-

зар солди, ҳатто ҳовлига кириш жойида тўхтаб ҳам олди. Ўзидан унча олис бўлмаган қути устида бир киши сарпойчан ҳолда ўтириб олиб, мукка тушганча рўзнома ўқирди. Икки болакай замбилиғалтакни у ёқ-бу ёққа суреб ўйнашарди. Бир устунда ҳилвироқ тунги куйлакчада касалманд қизча тураг, унинг кўзаси сувга тўлганича йўқ, ўзи бўлса К.дан ҳеч кўзини узмасди. Ҳовлининг бир чеккасидаги икки дераза орасига арқонда ювилган кийимлар осилганча турагарди. Пастида эса бир киши тепадагиларга бақириб-чақириб ишбошилик қиласди.

К. терговчи хонасига кўтариладиган зиналарга етиб-етмай, бирдан тўхтаб қолди: бинога қадам қўйиш учун яна уч кириш жойи бор бўлиб, ҳовлининг тўрида иккинчи бир ҳовлига ўтадиган торгина йўлак ҳам кўзга ташланарди. Қайси гўрда экан айтилган хона, қаердан топади, белгиланган жойнинг аниқ кўрсатилмагани уни хуноб қиласди; нима бўлганда ҳам, одамни ҳайрон қолдирадиган даражада унга лоқайд ва нописанд муносабатда бўлишиди, у албатта буни дона-дона қилиб, истиҳолага бормай, баланд овозда билдириб қўймоқни дилига тутди. Ниҳоят, зиналардан юқорига кўтарилар экан, қоровуллардан бири Виллем таърифлаган: ҳар қандай айб ўз соҳибини муқаррар жазога бошлаб боради, фикрини хаёлан ўйлар, ўз савқи табиийсига кўра, тахмини тўғри чиқиши, у кўтарилаётган худди мана шу зиналар айнан терговчининг хонасига олиб бориши шартдай эди.

У зиналардан кўтарила туриб, ўйнаётган болаларга ҳар дамда халақит берар, жужуқдар эса уни душман кўзи билан кузатиб қолишарди. Янаги сафар бу ерга келадиган бўлса, болаларни ўз томонига оғдириб олиш учун чўнтакка қанд-курс солиб олиш ёки ўзига йўл очиш учун

калтак-палтак күтариб келиш керак бўлади, деб ўзича ғудраниб қўйди. Ҳатто иккинчи қаватда коптот пастга сирғалиб тушгунча кутуб туришга ҳам мажбур бўлди: ашаддий безорилар каби кўринган икки болача шимига хиппа ёпишди; К. базўр уларнинг қўлини силтаб, куч билан бўшатар экан, бу болаларнинг жонини сал-пал оғритиб қўйсам, уйни бошлирига кўтариб, дод-вой соладилар, деб жуда қўрқиб кетди.

Ҳаммаси иккинчи қаватдан бошланди. Ҳарна бўлганда ҳам у нима учундир, тергов ҳайъати қаерда жойлашган деб сўрашга ботина олмади ва шу ерда бирдан дурадгор Ланц номини ўйлаб топди, бу фамилия хаёлига қаердан келди дерсиз – фрау Грубахнинг жияни капитанни шундай деб чақиришарди, бу номни танлар экан, ҳар бир хонадон эшигини бемалол тақиллатиб, бу ерда дурадгор Ланц яшамайдими, деб сўрайман ва шу баҳонада эшиги очилган хонадонга бир қур на зар солиб оламан, – деб кўнглига тугди. Афтидан, бу баҳонасиз ҳам аксарият хонадонларга разм солиш мумкинга ўхшар, эшиклар лант очик, болалар қувлашмачоқ ўйнаб, у хонадан бу хонага, бу хонадан у хонага ўтиб, чопқиллаб юришарди. Хоналарнинг кўпчилиги бир деразали, тант-тор, соҳибалари амал-тақал қилиб пишир-куйдир учун кўймаланишарди. Кўпгина аёллар бир қўлида эмизикли гўдагини кўтариб олганча, иккинчиси билан плита устидаги юмушларини адо этардилар. Ҳаммадан ҳам ўспирин қизчалар беҳаловат физиллаб юришар, афтидан уларнинг эгнида пешбанддан бошқа ҳеч вақолари йўқ эди. Аксарият хоналардаги каравотларда одамлар бўлиб, уларнинг бири ҳаста, яна бири ҳали уйқудан уйғонмаган, бошқалари шунчаки бекорхўжа бўлганларидан кийимлари билан ағанаб ётишар эди. Берк хонадонлардагина К. эшикни тақилла-

тиб, дурадгор Ланц бу ерда яшамайдими? – деб сўрарди.

Аксарият эшикларни аёллар очишар, унинг саволини эшитгач, ичкарига бошларини буриб, каравотда чўзилиб ётган соҳиби хонадонга қараб мурожаат этардилар:

– Мана бу жаноб, дурадгор Ланц қаерда яшайди, деб сўряпти.

– Дурадгор Ланцми? – қайтиб сўрарди ўринда чўзилган киши.

– Ҳа, – деб жавоб қиласар экан К. кўрардики, ҳеч қанақа тергов ҳайъати йўқ ва бу ерда бошқа иши қолмагани аён бўларди.

Уларнинг кўпчилиги К. учун дурадгор Ланцни топиш жуда керак экан деган хаёлга боргандаридан, узоқ ўйланиб туришар, нисбаси Ланц бўлмаган дурадгорларни эслаб тилга олишар ёки «Ланц» дея алоҳида оҳангда жарангловчи бу номни билиш-бимасликларини қўшниларидан суриштириб, К.ни кузатишар экан, бирон-бир чекка хонадонда янги бир киши ижарага ўтирган бўлиши мумкин деб, буни ўзларига қараганда яхши биладиган бошқа бирорвнинг манзилини айтишарди. Хулласи калом, қаватдан қаватга изғиб тинка мадори қуриган К. бу сўраб-суриштиришлардан ҳеч бир иш чиқара олмади. Бошида жуда кулай, омадли кўринган бу уйдирмасидан охири унинг ихлоси қайтди. Олтинчи қаватга етай деганда у ёшгина ишчи билан саломлашиб, суриштириаркан, яна бу истак ортидан юриб, қидирувни давом эттироқни бутунлай бас қилиш керак, деган қарорга келди, пастта тушадиган бўлди.

Бироқ шу жойда бу бемаъни тартиб-қоидалардан асаби қўзиб, у яна тепага кўтарилиди ва олтинчи қаватда кўринган биринчи эшикни қоқди. Унинг каталакдек хонада кўрган биринчи

нарсаси деворда осиғлиқ каттакон соат бўлди, у роппа-роса ўнни кўрсатиб турарди.

– Бу ерда дурадгор Ланц яшамайдими?

– Кираверинг! – қора қўзлари чаракълаб турган ёшгина жувон унга жавоб қилас экан, – у боласининг кийимини тогорага солганди, хўл, мағзавали қўллари билан эшиги очиқ қўшни хонани кўрсатди.

К. аввалига мажлис бораётган хонага кириб қолдим, деб ўйлади. Бу ерда ҳар қанақа кишилар гуруҳидан иборат оломон уймалашар, ўртача катталикдаги икки деразали хона одамга лиқ тўла, ҳатто қарийб шипгача галерияда ҳам гир айланасига терилиб олишган, бошлари тегмаслиги учун эгилибгина туришарди; уларнинг ҳеч бири эътибор билан К.га разм солмади. К.нинг нафаси қисиб хонадан чиқди ва мени тушунмагандир, деб ёш аёлга деди:

– Мен Ланц деган дурадгорни сўрадим.

– Яхши, – деди жувон, – марҳамат қилиб, ичкарига кираверинг!

Эҳтимол, шу гапдан кейин К. аёлни тинч қўйган бўларди, аммо жувоннинг ўзи яқин келиб, нозиккина қўлчалари билан эшик дастагидан ушлади-да, деди:

– Мен сизнинг орқангиздан эшикни маҳкамлашим керак, бошқа бироннинг бу ерга кириши мумкин эмас.

– Ақдли гап бўлди, – жавоб қилди К., – шунингсиз ҳам у ер одамга лиқ тўла. – Бироқ унинг ўзи ҳам шу хонага йўл олди. Нақ эшикнинг олдида икки эркак гурунглашиб ўтиришар: бири иккала қўлини қимирлатиб гўё пул санаётгандай ҳаракатлар қилас, иккинчиси диққат билан шеригининг кўзига тикилиб турарди; уларнинг орасидан аллақандай қўлча чиқиб келиб, К.ни

маҳкам тутди. Бу кичкинагина қизилмағиз бола-
кайники экан.

– Юринг, юринг! – деди у.

К. ана шу тигиз кишилар түдаси орасидан ўтиш
учун болага ихтиёрини топширди. Ҳарқалай, ўр-
тадаги торгина йўлак кишиларни иккига ажрат-
ганди. К. биринчи қатордагилардан бирортаси-
нинг ҳам юзини кўра олмади, уларнинг бари ўтиш
йўлагига орқа қилиб олишганча туришар, факат
ўз гуруҳининг гап-сўзлари билан андармон эди.
Ҳаммалари байрамона, аммо тўзиган, ҳалпилла-
ган қора камзулларда эдилар. Худди шу бир тусли
кийимлар бўлмаганида, у қанақадир сиёсий таш-
килотнинг туман миқёсидаги йиғилишига тушиб
қолибман, деб ўйлаган бўларди.

К. бошлиб борилган залнинг у бошида пастги-
на, янада одамга тирбанд катларнинг бирида,
қиялаб кичкина столча қўйилган бўлиб, унинг
ортида ўша катнинг энг тўрида бир калтабақай
бақалоқ ҳарсиллаб ўтирас, орқасида турган киши
билан қисқа-қисқа гаплашар экан, баланд овозда
хахолаб кулар, у оромкурсининг орқа чўпига бир
тирасини суюганча, оёқларини эса чалиштириб
олганди. У баъзан кимгадир масхараомуз тақлид
қилаётгандай қўлинни юқорига кўтариб қўярди.
К.ни етаклаб борган болакай бақалоққа бу ҳаки-
да хабар бериши минг бир машаққат бўлди. Бола
хабар беришга ошиқиб, икки бор оёқ учida тур-
ди, бироқ оромкурсидаги киши унга асло эътибор
бермади. Фақат катда турганлардан бири унга бо-
лакайни кўрсаттагчина, у ўша томонга бурилиб,
энгашганча боланинг паст овоздаги баёнотини
тинглади. Ва шу заҳоти ён чўнтагидан соатини
олди-да, шартта К.га разм солиб деди:

– Сиз роса бир соату беш дақиқа олдин шу
ерда ҳозир бўлишингиз керак эди.

К. унга нимадир деб жавоб қилмоқчи эди, бироқ улгуролмади, бақалоқнинг луқмаси тугар-тумас, залнинг ўнг тарафида кўтарилган овозлар ҳамма ёқни босиб кетди.

– Сиз роса бир соату беш дақиқа олдин шу ерда ҳозир бўлишингиз керак эди, – овозларни босиб бақалоқ гапини яна қайтарди ва шошиб-пишиб қўйига қаради. Оломон баттар гувиллади, аммо бақалоқ ҳеч нима демагач, ғала-ғовур секин-аста босилди. Залдагилар ҳам К. кирган пайтдагига қараганда анча хотиржам бўлиб қолишганди. Бироқ галерейда ўтирган кишилар ҳамон бир-бирлари билан гап талашиб ётишарди. Бу ярим қоронги, чанг-тўзонли, ис-тутунга тўла хонада бир нарсани кўриш жуда қийинлигига қарамай, улар пастдагиларга нисбатан афтода кийинганликларини фарқдаш унчалик қийин эмасди. Кўтчилиги ўзлари билан бирга тўшама шолчалар олиб келишган, пастдагиларнинг бошлари ва шифт оралигида тердан пишиб, ишқилиб артилавериб, теримиз шилиниб кетмасин-да, дегандай турардилар.

К. гапиришдан кўра қўпроқ кузатишга қарор қилди, ўзини оқлаш пайида ҳам бўлмади, фақатгина бир оғиз деди:

– Майли, мен кеч қолиб келган бўлай, бироқ айтилган жойга келиб турибман-ку.

Ўнг томондагилар чапаквозлиқ қилишди. Булар ўзларини намунча енгилтак тутмасалар, деб ўйлади К. Уни фақат иккинчи тарафдагиларнинг жимлиги довдиратиб қўйди, орқа тарафида як-кам-дуккам чапак бўлди. Бу кишиларга у ниманидир шундай бир алфозда айтишим керакки, ишқилиб ҳамманинг дикқатини жалб қиласин, агар бунинг имконияти йўқ экан, жилла курса, вактинча бўлса ҳам халойиқнинг иккинчи қисмини ўз томонимга тутиб туритим керак, деб ўйларди у.

– Ҳм, шунақами, – деб садо берди катдаги киши, – бироқ энди мен сизни тергов қилишга бурчли эмасман... – Ва яна ҳамма ёқни гала-ғовур тутиб кетди, бу сафар жуда ҳам ҳаддан ошилган эди, шунинг учун у норози бир имода пастга қараб тұхтади-да, сўзида давом этди: – Майли, бугунчалик истисно тариқасида олиб борганим бўлсин. Бироқ кечикиб келиш иккинчи бор қайтарилмаслиги керак. Қани, энди яқинроқ келинг.

К.га жой бўшатиш учун кимdir катдан сакраб пастга тушди ва у ўша жойга кўтарили. У терговчининг нақ пешонасига, стол олдига қисиilib турар эди, чунки орқасида кишилар оломони уймалашар, К. бу итаришларга қаршилик қилганча бардош бериб турарди, бўлмаса у терговчининг ўзини ҳам, столига қўшиб суриб юборган бўларди.

Аммо бундан терговчи асло безовталанмади, аксинча оромкурсига яна-да қулайроқ жойлашиб олди-да, орқасида турган киши билан турнгини бамайлихотир ниҳоясига етказди, сўнгра столда турган ягона матоҳ – кичкинагина ён дафтарчасини қўлига олди. Мактабда тутиладиганга ўхшаб кетадиган ён дафтарча титкиланаверганидан эскириб, тўзғиб кетганди.

– Демак, бундай, – терговчи аввалига шунчаки мингирлаб қўйди, бир зумдан кейин эса сўроқдан кўра тасдиқ оҳангиди К.га деди: – Сиз бўёқчимисиз?

– Йўқ, – деди К. – Мен йирик бир банкнинг катта иш юритувчисиман.

Унинг жавобидан ўнгдаги гуруҳнинг ҳаммаси қаҳқаҳа отишиди, ҳатто завқи келганидан бу кулгига К.нинг ўзи ҳам қўшилди. Кишилар тўхтатиб бўлмайдиган йўталга чалингандай жазава билан қўлларини тиззalарига уриб, шапиллатишарди. Ҳатто галереяда ўтирганлардан кимdir ҳам қиқирлаб кулади. Бундан терговчининг астойдил

аччиғи чиқди, пастда ўтирган кишиларга қаршы бирон-бир ҳаракат қилишга у ожиз күринар ва бу мүшкүл ахволдан чиқиб кетиш учун ҳам юқоридагиларга қараб сапчиди; ўрнидан иргиб турди-да, муштини ғұдайтириб уларга даңдаға қилди, унинг бир қараңда күзға ташланмайдыган қуюқ, қора, бароқ қошлари нақ қаншарига күшилиб кетгүдек бўлди.

Бироқ залнинг чап ярми ҳамон сув қуйғандек жимжит эди. Шундоқ ёнма-ён турган бу кишилар катларга юзма-юз ўтирганча, хотиржамгина тепадаги гурунгга ва ўнг ёқдаги шовқин-суронга қулоқ тутишарди; ҳатто вақт ўтган сари улардан бир қисми иккінчи гурухға қўшилиб кетаётганига ҳам қарамай, бирон-бир нарса дейишмасди. Чапдаги гуруҳ ўнгдагилардек кўпчиликни ташкил қилмас, нуфузлари ҳам шунга яраша noctor, шунга қарамай уларнинг хотиржамлиги муайян аҳамиятта молиқдай эди. К. гапга тушар экан, бу гурухдагилар унинг фикрига сомедай кўринди.

– Жаноб терговчি, сизнинг саволингиз – мен бўёқчи эмасманми, куракда турмайди, қолаверса, у эътирофсиз кўрилаётган ишнинг бутун шакли-шамойили бошиданоқ менга қарши қаратилганлигини исботлаб турибди. Сиз, эҳтимол бунга эътироф билдиарсиз, ҳали ҳеч қанақа иш кўрилаётганийўқ, ҳаммаси қонун асосида энди кўрилади, десангиз ва мен эътироф этсам – шундан сўнгтина буни иш деб ҳисоблаш мумкин. Яхши, сизга марҳамат юзасидан, айни паллада истисно тариқасида шундай бўла қолсин, мен розиман. Ишда ҳам шунга яраша, лутф кўрсатилиб, фақат нима содир этилган бўлса, ҳаммаси, бошидан охиригача дикқат билан ўрганиб чиқилса дейман. Кўрилаётган иш апил-тапил, чала-чулпа ёпиб қўйилиши ҳақида эса гап ҳам бўлиши мумкин эмас, буни аввало ўзингиз англаб етишингизни истар эдим.

Залга юзланган К.нинг чакаги очилди. У жўрттага кесиб-кесиб, кескин гапирав, бироқ бу гапларнинг барчаси ҳақиқат эди. У бу гаплари билан у ёки бу гурӯҳ кўллаб-қувватлаши учун шубҳасиз анча-мунча иш кўрсатиб қўйди, бироқ ҳамма ёқ сув куйгандек сокин, ҳамма бу ёғи нима бўларкин деб, орзиқиб кутишар, сукут охир-оқибат қаттиқ портлаш билан якунланиши эҳтимолдан узоқ эмасди. Бироқ шу маҳал кутилмаганда эшик очилди ва залга ёшгина кирчи жувон қадам қўйди, у ўз ишини ниҳоясига етказган, афтидан, эҳтиёткорлик билан имкон қадар бошқаларнинг назарини жалб этмаслик пайида ҳаракат қиласа-да, кўплар унга кўзларини лўқ қилиб, ҳарислик билан тикилишиди. К. эса терговчининг нигоҳига кўзи тушиб, чинакамига хурсанд бўлиб кетди: назарида гаплари унга кор қилгандек туйилди. Терговчи тик оёқда туриб тинглаган, чунки юқори галериядагиларнинг попутини пасайтириш учун бунгача у туриб олганди. Ниҳоят, бир зумлик тинчлик чўкканидан фойдаланиб, гўё буни ҳеч ким билишни истамагандек, терговчи оромкурсига секинлик билан ўтирди. Ва ўзининг ҳаяжонини ошкор этишдан қўрқиб бўлса керак, қўлига ҳалиги дафтарчасини одди.

– Жаноб терговчи, ҳеч нима сизга ёрдам беролмайди, – деб давом этди К., – ҳа, дафтарчангиздаги қайдлар ҳам фақат менинг сўзларимни тасдиқлайди.

Зада фақат унинг вазмин овозигина ҳукм-фармолик қилаётганидан буткул қониққан К. ҳатто ҳеч бир шамасиз терговчининг дафтарчасини олишга журъат этди ва ундан жиркангандек бармоининг учи билан сарғайиб кетган, икки томони ҳам майда-чуйда ҳарфлар билан бўяб-чатиб ёзилган жойидан ушлаб кўтарди.

– Мана бу тергов ҳужжатлари деб аталади! – дея у дафтарчани беилтифотлик билан столга

улоқтирди. – Жаноб терговчи, бу айловларнинг қатор-қатор рўйхатини хотиржам ўқиш мумкинми? Ҳолбуки, улар мени ҳеч ҳам даҳшатга сололмайди, қолаверса, танишиб чиқиши ҳам ортиқча, чунки бири иккинчисига икки томчи сувдек ўхшайди, шу боис мен бу тентакликка нима қиласман бориб, унга қўлимни ҳам теккизмаганим бўлсин. – Дафтарча столга келиб тушаркан, уни қўлга олган терговчи худди шу зумдан бу ерда тартиб ўрнатмоқчидек уни мукка тушиб ўқишига тутинди, эҳтимол, бу юз берган вазият ўзини қаттиқ, хўрлаш деб билганидан, ҳеч бўлмагандага аҳволни шунга яқинроқ қабул қилганидан эди.

К. пастдаги, унга синчковлик билан қараб турган биринчи қатордагиларнинг юзига беихтиёр кўзи тушди. Уларнинг аксарияти кўпни кўрган эрраклар бўлиб, ҳатто баъзи бирларининг соч-соқоли оқарган ҳам эди. Эҳтимол, улар ҳаммасини ўзларича ҳал қилиб ва бошқаларга ҳам таъсир ўтказишга имконлари бордек, терговчининг изза бўлишига иштироксиз қараб туравергандари каби, К. нутқ ирод этганда ҳам донг қотиб ўтиришади.

– Менинг бошимга тушган бу кўргилик, – биринчи қатордагиларга жиддий назар ташлаб, бироз хотиржам ҳолда К. галини давом эттирад экан, унинг нутқи негадир узук-юлук чиқди. – Ҳа, менинг тақдиримда юз берган ҳодиса бор-йўғи жузъий бир ҳол бўлганда, ўз-ўзича ҳеч бир аҳамиятга эга бўлмас, ўзим ҳам ғамга ботиб юрмасдим, бироқ бу воқеа бир намунаки, жуда кўпларнинг иши ана шундай телбаларча кўрилади. Ҳа, мен ўзим учунгина эмас, шундайларнинг бари учун ичим куяди.

К.нинг овози беихтиёр жаранглаб кетди. Шунда кимдир қўлларини баланд кўтариб, уни олқишлиди ва бўкириб деди: – Яшавор, азамат! Худди щундай қилиш керак эди. Офарин! – Охирда у яна бир бор галини қайтарди: – Яшавор!

Олдинги қатордаги баъзи бирорлар паришон-хотирлик билан соқолларини тутамлаб қўйишса-да, бу садога заррача ҳам зътибор қилишмади. К.нинг ўзи бу олқишидан анча руҳланди, аммо унга жуда кўп аҳамият бермади: у ҳатто бутун давра уни олқишилаб, қарсакбозлик қилиши шарт эмас деб ҳисоблар, фақатгина нима содир бўлаётгани хусусида йигилганларнинг барчаси хаёлга толиб, ўйлаб кўрсалар, ёмон бўлмасди, ҳеч бўлмаса, улардан озгинасига ҳақдигини уқтиrolса ва ўз томонига оғдиришга муваффақ бўлса, шунинг ўзи унга етарли деб биларди.

– Мен нотиқдикда муваффақият қозонмоқчи эмасман, – К. ўз ўйларига жавобан шундай деди, – бу имкониятимдан хориждаги нарса. Эҳтимол, жаноб терговчи, менга нисбатан яхши галирсалар керак, қолаверса, унинг касби ҳам чечанликни талаб этади. Мен фақат бир нарсани – қонунлар очиқдан-очиқ бузилаётганини ошкора муҳокама қилишни истайман. Ўзларинг хулоса чиқариб олинглар: бундан ўн кун олдин ҳибсга олиндим. Бу маълумотнинг ўзи мен учун қулгили туйилади, аммо ҳозир сўз бу ҳақда эмас. Эрта тонгда ҳали жойхобимдан турмасимданоқ, менга даҳл қилишиб, қўлга олишди, эҳтимол, бу суд терговчисининг буйруфига кўра бўлгандир, лекин бу билан содир этилган нохушликдан кўз юмиб бўлмайди, – эҳтимол, ўзимга ўхшаган бир бегуноҳ бўёқчини кўлга олиш керак бўлгандир, аммо бу кўргилик менинг бошимга тушди. Менга девор-дармиён бўлган қўшни хонани икки гўрсўхта – қўриқчилар эгаллаб олди. Гўёки мен каллакесар қароқчиману бунга енгил-елпи қарамаслик учун ҳаддан ташқари эҳтиёт чорасини кўришибди. Бундан ташқари, бу кишилар ўтакетган бузукбош фирибгарлар кўринади, қоп-қоп лақиллаб роса бошимни қотиришибди, дўқ-пўписа

билан бирон нарса ундиromoқчи бўлишди, ўзлари-ча тўпланиб олишди-да, аллақандай важ-карсон-ларни рўкач қилиб, кийим-кечагимни айёрик билан ўзлаштиromoқчи бўлишди, менга нонушта келтириб бериш баҳонасида пул талаб қилдилар, бундан оддинроқ эса кўз оддимда безбетларча нонуштамни паққос туширишди. Бироқ бу ҳали ҳаммаси эмас. Мени учинчи бир хонага – назоратчилари оддига олиб ўтишди. Бу хонада мен ҳаддан ортиқ хурмат қиласидиган бир хоним яшайди, гувоҳманки, менинг айбисиз айбим сабаб бу хонага назоратчи ва икки соқчи кириб хонани булғади. Бунга тоқат қилиб бўлмасди. Аммо мен сабр-бардош билан бутунлай хотиржам оҳангда назоратчидан мени нега ҳибсга олишгани сабабини сўрадим, агар у шу ерда бўлса, тасдиқлаши ҳам мумкин. Назоратчи бунга нима деб жавоб берди, денг? Худди ҳозиргидай кўз оддимда турибди: у ҳали сизга эслатган хонимнинг оромкурсисида аҳмоқона такаббурлик билан ялпайиб олганча ўтиради. Ў, жаноблар гапнинг пўскалласини айтганда, у менга ҳеч нима деб жавоб қилолмади, эҳтимол, ҳақиқатан ҳам бу ҳакда ҳеч бир нарсани билмас, буйруқни бажариб, ҳибсга олгану шу билан кўнгли тинчигандир. Энг ёмони, у хонимнинг хонасига банкимизда югурдаклик қилиб юрадиган уч хизматчини тиқиширишди, улар эса хонимнинг тартиб билан жойлаштирилган фотосувратларига тирғалиб, хаёлларига нима келса, шуни қилишди, хонани бутунлай тартибсиз ҳолга келтиришди. Тушунишимча, шу хизматчилар иштирокида улар бир мақсадни кўзлашгани аниқ. Яъни аввало ижараҳонам бекаси ва унинг хизматкорлари орқали ҳибсга олинганлигим ҳақидаги ҳунук хабарни кенг ёйишлари, бу билан эса менинг обрў-эътиборимга зиён-захмат етказишмоқчи ва асосийси эса банкдаги ну-

фузимга дарз солмоқчи бўлишган. Аммо бундан ҳеч нима, мутлақ ҳеч нима чиқмади; ҳатто ижарахона соҳибаси, хокисор бир аёл ҳам мен унинг номини эҳтиром билан тилга оламан: ҳатто фрау Грубах ҳам бунақа ҳибста олиш кўпприк остида ёқалашадиган болакайларнинг ўйинидан ортиқ аҳамиятга эга эмаслигини тушуниб етибди. Такрор бўлса ҳам, айтаман, бу мен учун фақатгина кўнгилсизлик келтирди. Бир кунги хафачилик қирқ кунли баракани учиради, бунинг оқибати ёмон бўлмаса эди? Шундай эмасми?

Шу жойда К. тўхтади, у миқ этмай ўтирган, аммо имо-ишора билан пастдаги ким биландир тиллашаётган терговчига кўзи тушиб қолганди. К. табассум қилиб деди:

– Ҳозиргина, ёнимда ўтирган жаноб терговчи қаторда кимгадир, маҳфий бир ишора қилди. Демак, ичингизда шундай кишилар борки, ўз жойида ўтирганча, даврани йўналтириб туради. Билмадим, унинг аломати ҳуштакбозлики ёки қарсакбозликка чорлашми, ҳарқалай уларнинг тил бириктирганини олдиндан айтмоғим, бу аломатларнинг бари нописандлик эканини тўла ҳис қилган ҳолда кўрсата оламан. Бу мен учун юз фоиз аҳамиятсиз, шу боис жаноб терговчига ўз ишини очик-оидин адогига етказиш ҳуқуқини беришим мумкин, нима қилади сир тутаман деб, қандайдир имо-ишоралар билан қийналиб, ундан кўра, хув, анави пастда ўтирган ўзининг малайларига истаса, тўғридан-тўғри ҳамманинг олдида овоз чиқариб «ҳуштак чалинглар» деб амр қилсин ёки бошқа сафар шу керак экан, «қарсаквозликни бошланг», деб очик-оидин айтсан.

Терговчи хижолат бўлганиданми ёхуд сабри чидамаганиданми ўрнида типирчилаб қолди. Унинг орқасида туриб терговчига билан аввал ҳам шакаргуфтторлик қилган киши яна у томон эн-

гаши, у нимадир деб терговчининг кўнглини кўтармоқчи ёки унга бирон-бир жўяли маслаҳат бермоқчи эди, чоғи. Пастдаги кишилар шовқин солмасдан гаплашар, аммо анча жонланиб қолишганди. Гурухлар, бошда фикр- мулоҳазалари га кўра гўё алоҳида-алоҳида кўринар, энди бўлса аралаш-куралаш бўлиб кетишганди, шундай бўлса-да, бири бармоғи билан ниқтаб К.ни кўрсатса, иккинчиси терговчига кўлини бигиз қиласди.

Хонадаги димлик, қуюқ тутун киши руҳини ерпарчин этадиган даражада эди. Ҳатто сал нарида турган жонзотни кўриб бўлмасди. Айниқса, галерияда ўтирганларга бу азоб бўлди, уларнинг чекига ноқулай жой тушган, кўрқибгина терговчига қараб қўйишар, кўрилаётган ишдан бехабар қолмаслик мақсадида тепадан туриб пастдаги мажлис иштирокчиларидан сўраб-суриштиришар эди. Жавоб қайтарувчилар ҳам шунга яраша оғизларини кафтлари билан беркитиб, шивирлабгина бир нима дердилар.

– Ҳозир тугатаман, – К. шундай деркан, ҳамишагидек у ерда қўнфироқ йўқ эди, – мушти билан столга уриб тақиллатди, қўрқиб кетган терговчи ва унинг маслаҳатчиси бир-биридан четландилар. – Бу ишларнинг бари-бари менга ҳеч алоқаси йўқ, қўнглим тўқ, ўз фикримни хотиржам айтавераман. Буни муҳокама қилиб ўтириш нимага керак ўзи, бекорхўжа эмасман-ку, ҳали замон кетаман, шу боис кўрилаётган иш тўхтатилишини астойдил сўрайман.

К.нинг гапи даврани ўзига асир этди, шу онда ҳамма ёқ сув қуйгандай жимиб қолди. Бошда бўлгандек ҳол такрорланмади, бирор-бировга қараб қийқирмади ёки маъқуллаган оҳангда бирон-бир жойдан қарсак овози ҳам чиқмади. Афтидан, қарийб ҳамма нимагадир ишонган ёки ишонишга тайёр турганга ўхшарди.

– Ҳеч шак-шубҳасиз, – К. жуда ҳам хотиржамлик билан гапини давом эттириди, уни бутун давранинг астойдил диққат-эътибори, сўзини жон қулоғи билан эшитаётгани кўнглини чоғ этди. Қолаверса, бу гала-ғовурдан тўраган сукунат, уни қўллаб қарсакбозлиқ қилганларнинг олқишидан кўпроқ руҳини кўтариб юборди, – ҳеч шубҳа йўқки, менинг тақдирим мисолидаги бу ҳибсга олиш ва бугунгидек кўриб чиқилиши суд жараёнининг ҳамма-ҳаммаси улкан бир ташкилотнинг иши деса арзийди. Бундай ташкилот ўз иш йўриғида фақат сотиб олинган қўриқчиларга эга бўлиб қолмасдан, қулай ҳолларда мақтоворга сазовор хокисорликни намоён этувчи калтафаҳм назоратчию терговчиларга, яна буларнинг ҳисобига кирмаган сон-саноқсиз ва ҳамиша ойликхўр юқори-паст унвондаги суд ҳакамлари, жандармлар, мирза ва яна аллақанча хизматчи ва бошқа ёрдамчиларга, ҳатто мен бу сўзни айтишдан ҳеч ҳам қўрқмайман – миразаб жаллодларга эгадир. Жаноблар, нимани мақсад қилиб, бундай боши-кети йўқ улкан ташкилот фаолият олиб боради? Худди менинг тақдиримда юз бергандек, гуноҳсиз кишиларни ҳибсга олиш, уларга қарши жиноий иш қўзгаб, бемаъни, аслида йўқ айбларни тақаш – натижасиз жараёндир. Бутун бир тизимнинг ана шундай мутлақ bemalniliк асосида иш юритишидан, бало-қазодай ёпирилган тўраларнинг ашаддий ришватбозлигидан қандай қилиб қочиб кутулиш мумкин? Бунга муяссар бўлиш душвор, бундай шароитда энг юксак мақомдаги қози ҳам ҳалол қола билмайди. Шунинг учун ҳам қўриқчилар ҳибсдагиларнинг кийим-кечагини ўмариш пайида бўлади, шунинг учун ҳам уларнинг назоратчиси бегона бир хонадонга эшик турумини бузгудек кириб боради, яна бу ҳам етмагандек, шунинг учун ҳам

ҳеч бир айби йўқдар сўраб-сuriштириш кераклиги ўрнига бутун бир давра олдига чақирилиб, шармисор этилади. Соқчилар менга қамоқقا олингандарнинг кийим-кечаклари сақланувчи омборлар ҳақида у бу нарсани айтиб беришди; бу билан мен бу омборларнинг қандай эканлигини тасаввур қилишимни кўзлашди чоғи: чунки кийим-кечакларнинг мабодо баҳти чопибми ёки назар-писандга илинмасдан, ўғри хизматчилар талон-торож қилинмаганида ҳам ҳалол пулга топилган нарсалар яғири чиқиб кетар экан.

Бироқ шу пайт хонанинг бир бурчагидан чиққан қийқириқ билан К.нинг нутқи бўлинниб қолди. У яхшироқ кўриш умидида кўзи устига қўлинни соябон қилиб қаради, бироқ ҳеч нарсани кўрмади. Хира ёруғда оқаришибгина турган тутунга тўла хона кўзни қамаштирас эди. Унинг сабабкори кирчи жувон эди; жувон кириб келгандай ёқ турган-битгани ҳалақит беришдан иборат бўлишини К. тушунганди. Аммо ҳозир айборми ёки йўқ, буни айтиш қийин эди.

К. фақат эшик ёнида турган аллақандай бир эркак хирагик қилиб, очофатларча жувонни бағрига тортганини кўриб қолди. Бироқ қичқирган жувон эмас, балки эркак эди. Сўнг у шифт томонга қараб, оғзини катта очиб ҳомуза тортди. Унга яқинроқ турмоқчи бўлиб галериядагилар ён-верида уймалашганча бу воқеанинг К. даврага олиб кирган жиддийликка путур етказганидан ҳайратга келишган эди. Илк таассурот остида К. ўрнидан сакраб туриб, ўша ёққа чопқилаб боришига бир баҳя қолди, гўё бунда ҳамма истаётгандек тартиб ўрнатишга қарор қилиб, ҳеч бўлмаганда бу жуфтни залдан чиқариб юбормоқчи бўлди; бироқ теграсини ўраган биринчи қатордагилар сиқилиб ўтиришар, ҳеч бири жойидан қимирамас, биронтаси унга йўл бўшатиб

берадиган күрінмасди. Қайтага унга халакит беришар: қариялар күлларини олдинга чиқарып юборишган, орқадан қайси бирининг күли ёқасига чанг солгудек алғозда турар, ҳеч ҳам қайрилиб қарашибнинг фурсати эмас эди. К. қарийб ошиқ-маъшуқни эсидан чиқарди ва бу оломон унинг озодлигига дахл қилаётгандай, шу ҳолика хибсга олингандай күринди, сакраб туриб, катдан пастга тушди. У энди оломон билан қарийб юзма-юз турарди. Наҳотки, бу кишилар ҳақида у нотұғри фикрга борған бўлса? Наҳотки, у ўз нутқининг бу кишиларга таъсир қилишига бутун умидини тиккан эди? Наҳотки, улар ҳаммасини била туриб муғомбирлик қилишган, ечимга яқинлашганда бу қылғиликлари жонларига теккан бўлса? Унинг теграсини қандай кишилар ўраб олди ўзи! Қора-қура кичкина бит кўзлар атрофга олма-кезак қарайди, худди ароқхўрларникидек кўзлари ости осилиб тушган, яккам-дуккам соқоллари дагал, ҳурпайиб турар, агар кўлларига эрк берса, бармоқларни акашак қилиш ҳеч нима эмасдек кўринарди. Соқолларнинг тагидан, ҳар хил ранг ва ўлчам ёқалардаги бир хил белги шуъла сочиб кўзга ташланиб туриши К. учун чина-камига кашфиёт бўлди. Кўзи етган жойгача бу белгиларни кўрди. Демак, бу кишиларнинг тили бир, ўнг ва сўл гуруҳларга бўлингандек туйилган, холос. У тўсатдан катта бошини буриб, терговчига кўзи тушган эди, унинг ёқасида ҳам ўшандай айрича белгини кўрди, у қўлларини тиззаларига кўйганча хотиржам куйига қараб турарди.

– Мана гап нимада! – К. овозини баланд кўтариб гапириш баробарида кўлини ҳам кўтариб, шифтга никтади, кўққисдан қилинган бу ҳаракат кўп нарсани англатгудек эди. – Демак, сизларнинг барчангиз амалдорларсиз! Энди менга мутлақ аёнки, ҳаммаларингиз сотилган, занжири

бир-бирига бөглиқ түда экансиз, ҳозиргина мен сизга қарши сүз айтдим, ҳа, ҳа, сизлар зидан билмоқ, ҳидлаб-искаб топмоқ, айғоқчилик қилмоқ учунгина икки гурухга бўлиниб, олқишлиб турган экансиз; менинг мисолимда бу билан фақат бегуноҳ бир кишини қандай синдиришни тажрибада синаб кўрмоқчи бўлгансизлар. Нима ҳам дердим, умид қиласманки, бу доира чалишларингизнинг ўзингизга бирон-бир нафи бордир; бегуноҳ ҳимоя кутгани учун устидан куласиз, гоҳ эса... Кўйвор мени, тушириб қолмасимдан! – У ўзига ҳаммадан кўра ҳам яқинроқ келиб қолган қалтироқ бобойчага қараб бақирди, – ... ҳарқалай сизга нималардандир сабоқ берган бўлсам ажаб эмас. Шу боис ҳам фаолиятингизга омад ёр бўлишини тилаб қоламан.

У столинг бир четида ётган шляпасини қўлига олиб, йифилгандарни мутлақ ҳанг-манг этиб, эшикка йўналди. Бироқ афтидан терговчи К. дан пешқадамроқ чиққан, уни эшик олдида кутиб турарди.

– Бир дақиқага, – деди у. К. тўхтади, лекин у аллақачон эшик дастасини тутган, нигоҳи ҳам терговчидан эмас, эшикда эди. – Мен фақат бир нарсага эътиборингизни қаратмоқ истар эдим, – давом этди терговчи, – эҳтимол, бугун сиз англамасдан туриб, маҳбусга бериладиган имкониятдан ўзингизни маҳрум этдингиз.

К. эшикдан ҳамон нигоҳини узмай қаҳқаҳа отди.

– Вой абллаҳ-э, – бақириб деди К. – Э, ўша терговинг билан қўшмазор бўл! – у эшикни очди-да, зиналардан чопиб тушиб кетди.

Унинг ортидан гала-ғовур кўтарилди. Давра қайта жонланди, афтидан, содир бўлган ҳодисани ипидан иғнасигача илмий баҳс кўринишида муҳокама қилиб олмоқчи бўлишди чоғи.

**БҮМ-БҮШ МАЖЛИСХОНАДА.
ТАЛАБА. ДЕВОНХОНА**

К. кейинги ҳафта ҳар куни янги чақирав хати күтди, у тергов беришдан бош тортганини яқдил қабул қилишганига ишонолмас, кутилган чақирав хати шанба куни ҳам келмагач, у ўзича бу жимликтин айни ўша вактда, ўша уйда келишга таклиф деб тушунди. Шунинг учун ҳам якшанба куни у яна ўша жойга йўл олди, тўғри йўлакка кириб, зиналардан тепага кўтарилид, айрим уй эгалари таниб қолишган, хонадонлари эшиги олдида туриб, у билан саломлашишарди, бироқ бу сафар у бирон-бир нарсани суриштирмасдан, керакли эшикни ўзи топиб борди. Эшик тақиллаши биланоқ очилди, К. эса эшик олдида турган таниш жувонга эътибор бермай, навбатдаги хонага ўтмоқчи бўлди.

– Бугун йигилиш бўлмайди, – деди аёл.

– Нега бўлмас экан? – К. ишонқирамай сўради.

Ишонтириш учун жувон қўшни хона эшигини очиб берди. Ҳақиқатан ҳам у ер бўм-бўш, кимсасиз бўлгани боисми ўтган якшанбадан ҳам кўрағариброқ кўринарди. Сўри устидаги столда бир нечта китоб ётарди.

– Мумкинми бу китобчаларни вараклаб кўрсам? – К. шунчаки қизиқиш билан, ҳарқалай бу ерга келиши буткул бесамар кетмасин, деган хаёлда умидвор сўради.

– Йўқ, – жувон эшикни қайта ёпиб, сўзини давом эттириди, – бу мумкин эмас, китоблар терговчиники.

– Шунақами? – К. шундай дея, бошини чайқаб кўйди, – улар қонунлар мажмуаси бўлиши керак, эндиgi суд ишлари фақатгина гуноҳсиз кишиларни огоҳлантирмасдан маҳкум этишдангина иборат эмасга ўхшайди. Аҳволидан ҳам хабар олмайди чофи.

– Бўлган-тургани шу, – деди жувон, аммо К.ни тушунмаганилиги кўриниб туради.

– Бўпти, унда мен бора қолай, – деди К.

– Терговчига нима деб қўяй? – сўраб қолди жувон.

– Э, ҳали сиз уни танийсизми? – К. ҳайрон бўлиб суриштириди.

– Бўлмаса-чи, – деди жувон, – эрим ҳам судда хизматчи бўлиб ишлайди.

К. олдинги сафар келганида тўзғиб кетган эски хона энди яхшилаб саранжом-саришта қилинганига эътибор берди. Бу ер кишилар яшайдиган хонадон эканлигидан ҳайратланганини сезган жувон изоҳ берди:

– Бу хона бизга текинга инъом этилган, лекин йиғилиш бўладиган кунлари уни бўшатиб беришга мажбурмиз. Ҳа, эримнинг хизматида бир талай ноқулайликлар бор.

– Бунга асло ажабланганим йўқ, – К. аччиқданib жувонга қаради. – Бундан ҳам кўра мени сизнинг эрингиз борлиги ҳайратга солди.

– Сиз, афтидан, сўнгти йиғилишда содир бўлган воқеага шама қиляпсиз чофи, ўшандা мен дардингизни тўкиб солишингизга халақит бергандим, шундайми? – хижолатомуз сўради жувон.

– Албатта-да, – деди К. – Майли, ўтган ишга салавот, ўшандা роса жаҳлим чиққан эди. Ҳозир уни эслагим ҳам йўқ. Ўзингиз бошимда эрим бор деб айтиб турибсиз, аммо...

– Сўзингиз бўлиниб қолгани сиз учун фақат кони фойда бўлди. Кейин сиз ҳақингизда роса ичи қоралик билан гапиришди.

– Эҳтимол, – деди мужмаллик билан К. – Аммо бу кўрсатган кароматингизни оқдолмайди.

– Йўқ, йўқ, таниган-билган кишиларимнинг бари мени оқлашлари турган гап, – деб бидирлаб кетди жувон. – Ўша куни мени қучоқдаган кимса аллақачондан буён орқамдан югуриб юради. Эҳтимол, бошқа бирорвнинг назарида унчалик гўзал эмасдирман, аммо у мени фариштадек кўради. Бундай аҳволда унга қарши бирон-бир чора кўришни ҳам билмай қоласан, ҳатто эрим ҳам охир-оқибат кўникишга маҷбур бўлди; агар ўз жойини сақлаб туришни истар экан, сабрдан бошқа чора йўқ, чунки талаба, эҳтимол, келгусида катта амалдор бўлиб кетса ҳам ажаб эмас. Лекин бир умр орқамдан қолмайдиганга ўхшайди. У ҳозиргина, ташрифингиздан бир оз олдин бу ердан қорасини ўчирганди.

– Бир тентакка бир тентак ҳар жойда бор, – деб қўйди К. – Бу мени ҳеч ҳам ажаблантиrmайди.

– Кўрингандек, сиз бу ерда тартиб ўрнатилишини истайсиз, шундайми? – жувон билмоқчи бўлганлари ўзи ва К.га таҳдид солиши мумкиндек оҳиста ва эҳтиёткорлик билан сўради. – Нутқингиздан шуни фаҳмладим. Нафси ламрини айтганда, фикрларингиз менга мойдек ёқди. Аммо ҳаммасини тинглашга муваффақ бўлолмадим, келганимда у аллақачон бошланиб кетган экан, ҳали охирига етар-етмас эса талаба билан полда ётгандик. Аҳ, бу ерни қанчалар наҳс босган! – жувоннинг бир дақиқа нафаси ичига тушиб кетди, кейин эса К.нинг қўдини қаттиқ қисиб, ундан чинқириб сўради: – Ўзингиз айтинг, бу ерда янгича тартиб ўрната олишингизга чиндан ҳам кўзингиз етадими?

К. жилмайиб қўйди ва оҳиста қўлини унинг нозик бармоқдаридан ажратиб олди.

– Гапнинг пўскалласи, – деди К., – ўзингиз айтгандек, бу ердаги янги тартиб-қоидалар менга унақа ваколатлар бермайди, мабодо, сиз буларнинг бари-барини терговчига айтсангиз, эҳтимол, устингиздан кулишлари, ҳатто жазолашлари мумкин. Ҳаммасидан ҳам кўра, бирон-бир ёруғлик чиқса-чиқмаса, ўз хохишим билан мен бу ишга аралашмоқчи эмасман, уйқудан кечиб, жиноий иш кўриш жараёнини мувофиқ тартибда ўзгартириб беришни ҳам ният қилганим йўқ. Бироқ ҳибсга олинишим оқибатидаги вазиятлар шунақаки, ўз манфаатим ҳаққи, бунга аралашишга мажбурман. Кошки қўлимдан сизга фойдали бир иш келса-ю, мен астойдил шуни қилган бўлардим. Буни фақат одамгарчилик учун қилмоқчи эмасман, балки сиздан угина, биздан бугина, деганидек, сиз ахир менга ёрдам бера олишингиз мумкин-да.

– Қандай қилиб? – ўсмоқчилаб сўради аёл.

– Масалан, анави китобларни менга кўрсатишингиз мумкин.

– Э, бўлмаса-чи! – жувон К.га хитоб қилиб, уни стол олдига бошлаб борди. Китоблар эски-туски, роса шулгуди чиққан, бирининг муқоваси ўтасидан дарз кетган, қолган икки ёғи ҳам тикилган ипнинг зўридан титилмай турарди.

– Намунча ҳамма ёқ ифлос бўлмаса, – К. шундай деб бошини чайқаб қўйди, аёл эса столнинг жиллақурса юзасидан чанг кетиши учун уни пешбанди билан артишга тутинди, аввало у К. китобларни олсин, деб шундай қилди.

К. китобни очиши билан беҳаё бир сувратга кўзи тушибди. Ундаги бор чизги – диванда бир аёл билан эркак онадан тугилгандек ҳолда ўтиришар,

рассомнинг жирканч нияти яққол кўриниб турар, аммо у шундай уқувсизлик билан чизилган эди-ки, бир сўз билан айтганда, унда кўз-кўз қилинган аёл ва эркак қадди-қоматидан бошқа ҳеч нарса-ни кўриб бўлмасди. Жудаям кўнгилни ғаш қилас-даражада дагал, шунчаки бўёқ чапланган, ўзла-ри ҳам жуда нотабий ўтиришар, ҳатто ноқулай, нотўғри жойлашгандекидан бир-бирларига қайрилиб қарашга-да иложсиз эдилар. К. бу китоб-ни варақлаб ўтирмади, иккинчисининг номи ва муаллифи кўрсатилган илк варагини очди, бу – «Ўз завжи Ганснинг ҳар қандай қийноқдариға чида-ган Грета» сарлавҳали бир роман эди.

– Бу кимсаларнинг ўқиётган ҳукуқий китобла-рини қаранг, – деди К. – Шундай одамлар мени суд қилиш учун йифиладилар!

– Сизга ёрдам берганим бўлсин, – деди аёл. – Розимисиз?

– Агар ҳақиқатан ҳам ёрдам бермоқчи бўлсан-гиз, бу сизнинг ҳаётингизни хавфга солмайди-ми? Ҳолбуки, ўзингиз ҳали айтгандек, эрингиз бутунича ўз бошлиқдариға қарам бир киши экан.

– Бари бир мен сизга ёрдам беравераман, – деди жувон. – Бу ёққа келинг, ҳаммасини муҳокама қилиб олиш керак. Бунинг учун менга бирон-бир бало хавф солиши гапиришга ҳам арзимайди. Керак бўлса, нимадан кўрқишини ўзим яхши биламан. Бу ёққа келсангиз-чи, – жувон катларни кўрсатиб, К.нинг ёнига ўтиришини сўради. Улар ёнма-ён ўтиаркан, жувон К.нинг юзига зингил солиб деди: – Кўзларингизнинг ажиг бир тарзда тим қоралитини қаранг. Айтишларича, менинг кўзларим ҳам чиройлимиш, аммо сизникига етишга йўл бўлсин. Мен буни биринчи бор бу ерга ташриф бујорганингиздаёқ пайқаганга ўхшай-ман. Шу боис ҳам сизни деб кейин бутун мажлис-

хонани кесиб ўтдим. Одатда, шунчаки бунга ҳеч ҳам журъат қилмаган бўлардим, очиғини айтганда, менга ҳатто бу ерда юриш ҳам тақиқланган.

– Мана, нима учун у бунчалик куйиб-ёниб ётибди! – деб ўйлади К. – у суроби тўғриланган оёғидан тортиб бошигача, ҳамма-ҳаммасини шу ерда нимаси бўлса, менга таклиф қиляпти, буларнинг бари тушунарли, суддаги миранзакуруқ амалдорлар жонига тегиб кетган ва у тўғри келган мижозни кўзини нишонга олибми, хушомадлар билан қарши олаверади. – К. гўё ўйлаганларини овоз чиқариб айтмоқчидек индамай ўрнидан кўзғалди ва аёлга ўз аҳволини изоҳлаб сўз очди.

– Очиги, сизнинг менга бирон-бир ёрдамингиз тегади деб айтишим қийин, – деди у. – Ҳақиқий ёрдам бериш учун дасти узун катта тўралар билан ош-қатиқ бўлиш керак. Сиз эса кунда-шунда танда кўйган майда-чуйда тиргакларни биласиз. Улар билан қадрдонсиз. Бунақаларнинг қўлидан кўп ишлар келишига мен ҳам ҳеч шубҳаланмайман, бироқ улар имкониятларида барча ишни дўндириб, ҳатто бор валломатликларини кўрсатган тақдирларида ҳам, устимдан кўзғатилган жиноий иш жараёнини ижобий томонга жилдиришга ҳечам кучлари етмайди. Устига-устак бу билан сиз бир талай дўстларингиздан ажралиб қолишингиз, улар сиздан ўзларини тортишлари мумкин. Буни истамайман. Шундоқ экан, бу кишилар билан орани очиқ қилиш сизга ярамайди; менимча, улар ҳали сизга керак бўлади. Ҳеч бир афсусланишсиз, мақтовларингизга жавоб сифатида шуни айтишим мумкинки, сиз менга ёқиб қолдингиз, айниқса, ҳозир, кўзларингизни ғамгинлик билан сузиб турганингизда, ҳолбуки, ғам-алам чекишингиз учун ҳеч бир асос бўлмаса-да. Мен курашишим керак бўлган одамлар орасида сиз ўз ҳало-

ватингизни топгансиз, гул-гул яшнаб, барқ урасиз, улар даврасида ўзингизни осмону фалакда ҳис қиласиз, ҳатто мана бу талабага ошику бекарорсиз, йўқ дeng, ундай бўлмаганда ҳам уни эрингиздан афзал кўрасиз. Гап-сўзларингиздан бу кундек аён бўлиб турибди.

– Йўқ, йўқ, – чинқирди аёл ва ҳали бўшатишга улгурмаган К.нинг қўлини қаттиқ қисиб давом этди, – бу ердан шундай ўйлар билан кетишингиз мумкин эмас. Сиз мен ҳақимда бутунлай ноўрин хаёлларга бориб юрибсиз, бу яхшимас. Наҳот, ҳаммасини шундоқ қолдириб кетсангиз? Мен шунчалик ҳеч нарсага арзимайманми, ҳеч бўлмаса, шоду хуррамлигим ҳаққи, бир фурсат бу ерда қололмайсизми?

– Сиз мени тушунмадингиз чори, – К. шундай деб яна жойига ўтирди. – Сиз қолишимни ҳақиқатан ҳам истасангиз, вақтим сероб, бемалол ўтиришим мумкин, мен ахир бутун бу ерда суд мажлиси бўлади, деган хаёлда келгандим. Фақат, илтимос, менинг ишимга алоқадор бирон-бир юмушга киришиб юрманг. Ва бунинг учун ранжимаслигингиз ҳам керак; суд жараёни қай тарзда якун топиши мен учун фарқи йўқ, тушунинг, улар чиқарадиган ҳукм устидан фақатгина куламан. Ҳар эҳтимолга қарши бу воқеа юз бера қолса, албатта, аммо ҳаммадан кўп суднинг бўлишидан шубҳадаман. Эҳтимол, тез кунларда суд маҳкамасидаги танбал, паришонхотир ва айниқса, қўрқоқ амалдорларнинг тепса-тебран маслигига кўра, кўрилаётган иш бир чеккада қолиб кетар ёки апил-тапил юмaloқ-ёстиқ қилиб, ниҳоясига етказиб қўйилар, дейман. Англашимча, бундан ҳам кўз юмиб бўлмайди, улар ишни расмиятчиликни баҳона қилиб, аччиқ ичакдек роса чўзишлари ва аслида ўзларига сув юқтири-

май, ими-жимида пора олишга умидвор бўлишлари ҳам мумкин, бироқ сизни ишонтириб айтаманки, барча умидлари беҳуда бўлиб чиқади, мен ҳеч кимга пора бермайман. Худди шу ерда сиз менинг ҳожатимни чиқаришингиз мумкин: терговчими ёки бошқа бир ҳар қанақа мишишларни овоза қилишни севувчиларга шуни маълум қилиб қўйсангиз дегандим, ҳар қанақа ўйину кўзбоғлоғичлик кўрсатмасинлар, бу жаноблар мендан ришва олишнинг уддасидан чиқа олмайдилар... Эҳтимол, буни ўzlари тушуниб ҳам етгандирлар, балки йўқ. Умуман, бу ҳақда ҳозир хабар топадиларми ёки кейинроқми, мен учун мутлақо аҳамиятсиз. Буларнинг бари олдиндан маълум бўлса, жиллақурса, бу жанобларнинг юмушларини енгиллатган бўлардик-да. Очиги, мен учун ҳам кўнгилсизликлар камайган бўлармиди, бироқ мен нима қилиб бўлса ҳам, уларга зарба берсам, барча нохушликларга тайёрман. Мен анчадан буён ана шунинг ғамидаман. Ишқилиб, сиз терговчи билан танишмисиз ўзи?

– Бўлмаса-чи! – чийиллади жувон. – Мен сизга ёрдам беришни таклиф қилганимдаёқ, бу ҳақида кўнглимдан ўтказгандим. Қаердан билибман, унинг бор-йўғи кичкина бир амалдорча эканини, аммо сиз таъкидлаб айтиётган экансиз, бу гап беҳуда бўлмаса керак! Лекин ўйлашимча, юқорига пайдар-пай йўллаб турадиган баённомаларининг қандайдир таъсири бўлса керак. Мана сиз, ҳамма амалдорлар тепса-тебранмас, ишёқмаслар, дедингиз. Йўқ, уларнинг ҳаммасини ҳам шундай деб бўлмайди, айниқса, мана бу терговчини, у ёзгани ёзган. Масалан, ўтган якшанба куни мажлис қош қорайгунча давом этди. Ҳамма кетгандан кейин ҳам терговчи қолди, унга чироқни олиб келишга тўғри келди, менда

бор-йўғи миалмилик, кичкинагина ошхона исчироғи бор, бироқ у шунинг ўзи билан қаноатланиб, ўрнига дарров ўтириб, ёзишга киришди. Шу орада эрим ҳам қайтди, якшанба унинг бўш куни, биз уй жихозларига қараб, ўриндиқларни у ёқ-бу ёққа сурис, хонани саранжомладик, кейин қўшиларимиз келишди, биз шам теграсида ўтиридик ва гапнинг қисқаси, охири ётишга чўзилдик, терговчи эсимиздан ҳам чиқиб кетди. Ва бирдан ярим кечада уйғониб кетсам, каравотим ёнида терговчи туарар, ишқилиб чироқнинг нури эримнинг юзига тушмасин деб, уни қўли билан тўсишга ўринарди, ҳолбуки, бу уриниши кераксиз, эрим шундай тош қотиб ухлайдики, уни ҳеч қанақа чироқ нури билан уйғотиб бўлмайди. Жудаям қўрқиб кетганимдан бақириб юборишинга сал қолди, терговчи эса жон олар ёқимтойлик билан овозимни чиқармаслигимни ўтинди, у шу пайтгача ишлаганини, энди эса чироқни қайтармоқчи эканини айтар экан, сўзининг охирида гаройиб тушлар оғушида ажиб тарзда ухлаётганимга гувоҳ бўлганини, буни ўла-ўлгунча унутмаслигини қўшиб қўйди. Сизга фақат шуни айтишни истардимки, терговчи кейинги пайтда маърузалар қоралашга ҳаддан ташқари берилib кетди, бу маърузаларда эса ҳеч шубҳасиз асосий сўз сизнинг тақдирингиз ҳақида боради. Ўтган якшанба мажлисида ўртага қўйилган асосий масала ҳам сизнинг ишингиз бўлди. Шунга кўра ёзилган узундан-узоқ маърузалар ҳам бирон-бир аҳамиятга эга бўлиши керак. Бундан ташқари, мана воқеаларга қараб шубҳаланмаса ҳам бўлади, терговчига ёқаман, айнан ҳозир шунақа бўлиб қолди, авваллари у менга қиё ҳам боқмасди, яқиндан бошлаб алоҳида назар билан қарайдиган бўлди, шу боис ҳам унга ўз таъсиримни ўт-

казишим мумкин. Унинг ишқибозлигига бошқа далилларим ҳам йўқ эмас. Кеча талаба орқали – у талаба билан бирга ишлайди, унга ўта даражада ишонади – менга бир жуфт ипак пайпоқ совға қилибди, гўё бу мажлисхонани саранжом-саришта қилганим учунмиш, ҳолбуки, бу шунчаки важ-карсон, мен вазифамнигина бажаряпман, бунинг учун эримга ҳақ тўлашади. Пайпоқларни айтмайсизми, шунаقا ажойибки, мана қаранг... – жувон оёқларини узатиб, кўйлаги этагини тиззадан юқори кўтарди ва ўзи ҳам пайпоқларга маҳлиё бўлиб қаради, – ҳа, пайпоқлар жуда ҳам чиройли, бироқ ҳаддан ташқари нозик, улар менга тўғри келмайди.

Бирдан у жимиб қолди ва қўлларини К.нинг қўлларига қўйиб гўё уни тинчлантирмоқчи бўлгандек шивирлади:

– Жим, Бертолъд бизни кузатяпти.

К. оҳиста нигоҳини юқорига кўтарди. Мажлисхона эшиги олдида бир йигитча туарди; у ўрта бўй, оёқлари қийшиқ, афтидан ўзини савлатли кўрсатиш учун бўлса керак, сийрак, калта, маллатоб соқол кўйган, бармоқлари билан уни тинимсиз тутамлаб туар эди. К. унга қизиқиб назар солди – шахсий ҳаётида ўзига нотаниш хукуқшунослик фанлари бўйича биринчи бор кўриб турган талаба эди, эҳтимол, у ҳақиқатан ҳам кейинчалик олий мақом лавозимларни эгаллаб кетса ҳам ажаб эмасди. Талаба эса аксинчча, К.га ҳеч қанақа эътибор қилмади, у фақат бир дақиқага бармоқларини соқолидан олиб, аёлни олдига имо билан чорлади ва ўзи дарча томон юрди, жувон эса К.га энгашганча шивирлади:

– Ўтинаман сиздан, ранжиманг ва мен ҳақимда бирон-бир ёмон хаёлга бориб юрманг, сиз унинг қийшиқ оёқларига бир қаранг, ҳозир ана шу яра-

мас нусханинг олдига бормасам бўлмайди. Тезда қайтаман ва шундан кейин агар мени ўзингиз билан бирга олиб кетишни истасангиз, қайга десангиз кетган, нима қилсангиз, шунга кўнган ва бундан фақат баҳтиёр бўлардим; ишқилиб, бу ердан узокроқ кетсам бўлди, бир умрга бош олиб кетсам-ку нур устига нур бўларди.

Жувон К.ни қўллари билан сийпалади-да, ўринидан дик этиб туриб, дарча томон югургилааб кетди. К. жувоннинг қўлларини беихтиёр тутгиси келди, лекин ҳавони ушлаганча қолди. Ҳақиқатан ҳам аёл унинг кўнглини суст кеттирмоқчи бўлган, бу хоҳиши рад этишга қарши кўнглида асос топа олмади. Балки жувон суднинг маҳфий топширифи билан уни тузоқقا илинтириш учун атайин юборилгандир, деган шубҳа лип этиб, хаёлидан ўтди, лекин у шу зумда бу гумонни бир чеккага улоқтирди. Бу қандай қилиб уни тузоқقا тушириши мумкин? Ҳозирча бутунлай озодикда-ку. У шу билан ҳам бутун жиноий ишни кўриш тартибларини йўққа чиқариши, ҳеч бўлмаса ўз ишига даҳдорини фош этиши жуда мумкин-ку. Наҳотки, у ўзига мисқолча ҳам ишонолмай қолди? Ҳолбуки, жувон унга ёрдам беришни таклиф қилганда, овози самимий чиқди. Аёлнинг унга бирдан фойдаси тегадиган жиҳатини қандай аниқласа бўлади? Балки терговчи ва унинг тўдасига хусумат сақдамаган маъқул, улардан бу аёлни тортиб олгандан кўра унинг муҳаббатини қозонмоқ керакдир. Шунда роса бошини қотириб К. ҳақида ёлғон уйдирмалар тўплаган терговчи яrim кечага бориб иши ниҳоясида аёлнинг тўшаги олдига келади-ю, тўшакни бўм-бўш кўради. Ўрни бўшми, демак, аёл К.га тегишли бўлиб чиқади, ҳа, бу ойна олдида турган ишвали, ёқимтой, истараси иссиқ, дағал қора матодан

этнига күйлак илган аёл фақатгина унинг ўзиники бўлади.

К. аёлга даҳлдор шунга ўхшаш шубҳаларини бир чеккага улоқтириди-да, аввалига бармомининг қирраси билан ўтирган катни астагина чертди, кейин эса мушти билан урди, чунки тақирилатиш, дераза олдидаги шивирлашлар жудаям жонига текканди. Талаба жувоннинг кичкина елкаси оша К.га нописанд қаради, бироқ унга ҳеч қанақа эътибор қилмади, қайтага аёлни баттарроқ ўзига тортиб, қаттиқроқ кучоқлади. Жувон чўрилардек, бошини солинтириб олганча, баийни унинг сўзларини уқиб олаётгандай эди, йигит эса жувоннинг эгилган бўйнидан чўлпиллатиб ўпар, сўнг яна ҳеч нима бўлмагандек сўзида давом этарди. Жувон ёзғирганича бор, у ҳақ, талаба аёлнинг устидан аллақандай ҳукм юритар, бунинг гувоҳи бўлган К. стулдан турди-да, хонада у ёқдан бу ёқда бориб кела бошлади. К. бу ердан унинг изини қанча бўлса шунча тез куритиш хусусида ўйлаб, сабрсиз, тапир-тупур юриши билан ҳаловатини бузажетганига талаба ғаши келиб қараганида ҳатто қувониб кетди.

– Агар ошиқаётган бўлсангиз бемалол кетишингиз мумкин. Ҳатто аллақачон сурворсангиз бўларди, бу ерда йўқдигингизни бирор сезмасди ҳам. Ҳа, ҳа, мен келишим билан, сиз шу заҳоти, бу ердан жўнаб қолишингиз керак эди.

Бу фақатгина ғазабини тийиб турган кимсанинг сўзлари эмас, балки келгусида олий мақом бир ўринни эгаллаб айбланувчилар учун бало-қазо бўладиган амалдорнинг сиёсатини эслатарди.

К. унга қатъий бир суръатда яқинлашиб, кулимсибгина гап бошлади:

– Ҳа, сиз ҳақсиз, менинг бунга сабр қилишим қийин ва ичим қисишини бор-йўғи бир нарсаги-

на бартараф этиши мумкин, бу ҳам, бизни холи қолдирсангиз. Агар ҳақиқатан ҳам сиз бу ерга ўқув машгулоти учун келган бўлсангиз – эшитишинга қараганда, сиз талаба экансиз – мен бажонидил ўз жойимни сизга бўшатиб бериб, мана бу аёл билан бу ердан кетаман. Нафсилаамрини айтганда, ҳали кўп ўқишингиз, биринчи навбатда суд ҳаками бўлишингиз учун ҳали кўп тер тўкишингиз керак. Тўғри, суд ишларининг тартиб-қоидасини мен қариyb билмайман, лекин сизнинг шу биргина телба-тескари нутқингизнинг ўзи ҳаддан беҳаёэ эканлитингизни кўрсатдики, ҳеч бир қуйруғи йўқ.

– Озодликда тараллабедод қилиб юриш учун унга бекорга рухсат беришган, – талаба К.нинг гапидан оғринганини аёлга билдириб қўйиш учун атайин шундай деди. – Бу, шубҳасиз, хато. Мен терговчига ҳам айнан шундай деб айтдим. Ҳа, уни терговлар орасида ҳеч бўлмаса уй қамомида тутиб туриш керак. Бироқ баъзи бир терговчиларга сира ҳам тушуниб бўлмайди.

– Ортиқча гап эшакка юк, – К. шундай деркан, аёлга қўлини узатди, – кетдик.

– Гап бу ёқда денг, – деди талаба. – Йўқ, йўқ, сиз уни қўлга киритиб бўпсиз!

Талаба кутилмаган куч билан аёлни қўлига кўтариб, эгилганча эшик томон шошиларкан, жувонга жонолар нигоҳда кўз ташлаб қўярди. Ҳаммаси очик-аён, у К.дан қўрқиб кетди, бироқ шунда ҳам жигига тегмаслик пайини қилолмади, ўзини тутиб туролмай, аёлни олиб кетаётган экан, шунинг учун ҳам атайин бўш қўли билан жувоннинг елкасини gox сийпалаб, gox эзғилаб борарди. К. бир неча одим отиб, уларга шитоб билан етиб олмоқчи бўлди. У талабани ушлаб қолиши истар,

ҳатто уни бўғиб ўлдиришга тайёр туарди, бироқ шу пайт аёлнинг овози эшитилиб қолди:

– Ҳеч нарса қилиб бўлмайди, уни ортимдан терговчининг ўзи юборган, сиз билан бирон ёқса кетишим мумкин эмас. Бу ярамас чувалчанг, – шу жойда жувон талабага қўлларини пахса қилди, – бу пачоқ баттол мени бўшатмайди.

– Э, сиз эркингиз ўзингизда бўлишини истамайсизми? – К. шундай деб чинқирганча, қўлини йигитнинг елкасидан бўшатаркан, шу баробарида унга тишларини фижирлатди.

– Йўқ, – жувон ҳам чийиллаб жар солди, иккала қўли билан К.ни орқага итариб. – Йўқ, йўқ, фақат бунақа қилманг, сиз жинни бўлиб қолибсиз! Сиз бунақада мени тириклай гўрга тиқасиз. Уни тинч қўйинг! Сиздан ўтиниб сўрайман, уни ўз ҳолига қўйинг. У фақат терговчининг буйруғинигина бажаряпти, холос. У мени терговчининг одига олиб боради.

– Хўп, бўпти, у бу ердан йўқолсин, сизни ҳам кўришни истамайман! – К. шундай деркан, ихлоси қайтганича, қаҳри-ғазабга тўлиб бутун кучи билан талабанинг ортидан итарди; талаба қалқиб кетди, бироқ амаллаб йиқилмай қолар экан, бундан руҳланиб, турган жойида ўлжаси билан юқорироққа сакради.

К. улар ортидан секин юриб борар экан, бу кишилар унга илк мағлубият инъом этганини тушуниб етди. Албатта, бу ерда нотинч бўладиган ҳеч нарса юз бермади ва мағлубиятига шунинг учун ҳам сабр қилишга мажбур эдики, ўзи излаб-излаб, унга тўқнаш келиб туарди. Агар уйида тинчгина ўтириб, ҳамма қатори одмигина ҳаёт тарзига эга бўлганда, у бу кишилардан минг баробар баландда туар, улардан истаганини бир тепки билан улоқтириб ташлаган бўларди. У

ўзича кулгили бир саҳна кўринишини кўз олдига келтирди: ундаги бош рольни ижро этган бу Худо урган талабача, олифта гўдак, бу оёғи қийшиқ тўрва соқол Эльзанинг каравоти олдида тиз чўкканча, қўлларини кўксига қўйиб, ундан шафқат тилаб туради. К. тасаввур этган бу манзарадан шунчалик завқданиб кетдики, талабани ўзи билан биргаликда олволиб, Эльзаникига меҳмонга жўнаворишига бир баҳя қолди.

Қизиқувчанлиги зўр келган К. шошилиб эшикка югурди, талаба жувонни қайга элтишини кўришини истаб, йўлга қаради, бутун кўча бўйлаб аёлни кўтариб юрмас-ку, ахир. Дарҳақиқат, уларнинг борадиган жойи унақа узоқ эмасди. Шундоқ рўпаратаги хонадонда торгина ёғоч зинапоя бошли нар, кўринишидан у чордоққа олиб чиқарди, бироқ унда бир қайрилиш бўлиб, қолган қисми кўринмас, ишқилиб, охири қаерга олиб боришни кўриб бўлмасди. Шу зинапоядан талаба жувонни базўр инқиллаб-синқиллаб кўтариб борар – суроби тўғриланиб қолгани кўриниб туради. Жувон К.га қўлларини силкитиб, елкаларини учирив, хошиширодасига қарши зўрлаб олиб кетилаётганлигини тушунтиromoқчи бўларди. Аммо минг қилмасин, афсус-надомат чеккани чехрасида акс этганча йўқ эди. К. унга лоқайд, худди бегонадай қаради, аммо ўзининг бу ихлоси қайтганлигини сездиришни ва буларнинг барини у опга-осон қабул қилганини кўрсатишни ҳам хоҳдамасди.

Иккови ҳам бурилишда кўздан ғойиб бўлишибди, К. бўлса ҳамон эшик олдида туради. У шуни тан олиши керакки, жувон фақатгина алдабгина қолмади, балки терговчига олиб боради, дегани бутунлай ёлғон эди. Терговчи чордоққа ўтириб, жувон қачон келади, деб кутиб ўтирумагандир. Ёғоч зиналарга қанчалик зингил солиб қарама,

барибир ҳеч нарсаны билиб ололмайсан. Түсатдан К. кириш жойидаги кичкинагина, болаларча беўхшов, ажи-бузи қилиб ёзилган қофозчага кўзи тушиб, уни ўқиши учун яқинлашди. «Суд девонхонасига кириш». Демак, шу ерда, кишилар яшайдиган уйнинг чордогида суд девонхонаси жойлашган экан-да? Жойлашган манзили ҳеч қанақа ҳурмат-эътибор уйғотиши мумкин эмас, ҳар қанақа айбланувчи ҳам бу манзарага қаноат билан кўз ташлаб, суд дегани қанчалик гариб ва афтода аҳволда эканлигига амин бўлар, ўз девонхонасини ялангоёқ ва қашшоқлар умргузаронлик қиласидиган уйнинг ҳеч нарсага яроқсиз ашқол-дашқоллари турадиган жойга улоқтиргани буни тасдиқларди. Тўғри, мўмайгина пул қўлларидан ўтишини мустасно қилиб бўлмайди, бироқ уни бу амалдорлар рисоладагидек топишлари ўрнига тунагандай қилиб ўмарадилар. К.нинг гувоҳ бўлишига кўра, суд ишларидаги бузуқлик айбланувчи шаънини ҳаддан ташқари ерга уриб турса-да, ҳарқалай бу нарса ҳам суднинг гариб рўзгоридан кўра беҳроқдир. Мана, ниҳоят, нима учун биринчи терговда айбланувчини дикқинафас чордоқча таклиф қилишганлари-ю хонадонига ҳеч нарсадан ҳеч нарса бостириб киришгани сабаби К. учун аён бўлди-қолди. Ҳа, К.нинг шарт-шароити ва аҳволи терговчиникига нисбатан қанчалик яхши экан: бу кимса чордоқда тиқилиб-сиқилиб ўтирган айни вақтда К. қабулхонали банкнинг ёруғ ва кенг бир хонасида қўр тўкиб ўтирганича, маҳобатли ойнаванд деразадан ҳаёт қайнаб-тошган шаҳар хиёбонларини масур томоша қилиши мумкин. Албатта К.да ҳеч қанақа қўшимча даромадлар йўқ – пора олмайди, пул беркитмайди ва шубҳасиз, унинг ишида аллақандай бир тасқара хизматчи муштипар бир

аёлни зўрлик билан судраб, ўз ишхонасига олиб бориш ваколати ҳам йўқ. Қолаверса, К.нинг ўзи ҳам бунақа қалтис вазиятларда дош бериб ўтира олмас, ҳар қанақа қулайлик ва имкониятларни астойдил рад этган бўларди.

Ҳали ҳамон хәёл билан ёзув олдида туриб қолган К. аллақандай бир киши зинадан юқорига кўтарилаётганига кўзи тушди, бу киши эшиги очиқ хонадан ичкарига мўралаб, мажлислар залига яхшилаб қараб олди-да, охири К.дан шу ерда бир аёлни кўрмадингизми, деб сўради.

– Сиз суд хизматчисисиз, шундайми? – деб ўсмоқчилади К.

– Шундай, – жавоб қила қолди киши. – Сиз бўлсангиз, адашмасам, айбланувчи К. бўлсангиз керак? Ҳа, ҳа, мен эндиғина танидим, сизни кўрганимдан хурсандман, – у К.ни ҳайратта солиб, кўлини узатди. – Бироқ бугун йигилиш йўқ эди-ку, – деди хизматчи К.нинг индамай турганини кўриб.

– Биламан, – деди К. хизматчининг одми камзулуга кўз ташлаб. Унинг хизмат вазифасини билдириб турган ягона белги камзулидаги оддий тутмалар ичida айнан зобитлар шинелидан узib олиб, чатилгани боис ажралиб турган икки заржал тутма эди.

– Мен ҳозиргина сизнинг хотинингиз билан гаплашган эдим. У ҳозир бу ерда йўқ, талаба уни терговчининг олдига олиб кетди.

– Мана кўрдингизми! – ёзирди хизматчи. – Ҳамиша уни мендан ажратмоқчи бўладилар. Ахир, бугун якшанба-ку, мен уларнинг топшириқларини бажаришга бурчдор эмасман, шунга қарамай, бу ердан қайси гўргадир гумдон қилиш учун, аллақандай кераксиз бир топшириқни менга буюриб жўнатишиди. Тўғри, жуда олисга жўнатганлари йўқ, бироқ Худо хоҳласа, вақтида қайтаман

деб, ўпкам тушай деб қолди. Ҳар қанақа ахлатни тозалаш бўлсин мен чопаман, ташкилот эшигиги ни очиш борми, шу заҳоти чақиришиб, ўшқира-ўшқира буюришади, ишқилиб, бир зум тин олдиргани қўймасдан чоптирганлари чоптирган, бу бор-кел, чоп-чопларни нега бунчалик зарурлигини ҳеч ҳам тушунмайман, аммо талаба қурғурни мендан кўра ҳам кўпроқ шошилтиришади: тўгри, унинг манзили яқин, у бор-йўги бу чордоқ зинапояларидан чиқиб тушиб юради, холос. Аммо мен даюс бир киши бўлиб қололмайман, шу боис талабани аллақачон ойнага уриб, пачоқлашим керак эди. Мана бу, ёзув тиркаб қўйилган жойга. Фақат шу ҳақида орзу қиласман. Мана бу полдан сал юқори жой бор-ку, осиб қўйиб, бутун танасини пачоқ қилсанг, қўлларини айириб, бармоқларини қайириб, қийшиқ оёқларини бувлаб ташласанг, ҳеч бир жойини соғ қўймасанг, ўз қонига ўзини бўяссанг. Бироқ ҳозирча бу ҳақида фақат орзу қилиш мумкин.

– Наҳотки, бунинг бошқа бир йўли йўқ, – К. ундан нимтабассум билан сўради.

– Бошқа бир иложини ҳеч тополмаяпман, – деди хизматчи, – энг даҳшатлиси, кун ўтган сари аҳвол баттарлашяпти; шу пайтгача у аёлимни фақат ўз майли учун безор қиласа, энди бўлса терровчига ҳам тўфрилаб юрибди; начора, шундай бўлиб чиқишини аллақачон кўнглим сезганди.

– Бу учун хотинингизнинг ўзи айбдор эмасмикин? – К. шундай деб сўраркан, ўзини базўр ушлаб турар, чунки у ҳамон аёлни бошқалардан астойдил рашк қиласарди.

– Бўлмасам-чи, – деди хизматчи, – гунажин кўзини сузмаса, буқача ипини узмайди. Хотинимни ўзи бунда ҳаммадан кўпроқ айбдор. Унинг ўзи бу такасалтангнинг бўйнига осилиб юрибди. Талаба-

га-ку, бу йўргакдан теккан касал, қайда аёл кўрса, орқасига тушади. Қайга борса, битбидик, хунар кўрсатаверганидан битта уйимизнинг ўзида бешинчи хонадондан қувилди. Бахтга қарши уни ёмон кўзлардан ҳимоя қилиш мумкин эмас, чунки хотиним уйимиз аёллари ичida энг соҳибжамоли.

– Ҳа, агар масала бунаقا қўйиладиган бўлса, унга ёрдам беришнинг ҳеч иложи йўқ экан-да, – деди К.

– Йўқ, нега бўлмасин? – жонланиб деди хизматчи. – Аввало мана бу фалати қилиқди, ўпкаси йўқ талабани уриб-сўкиб бўлса-да, аёлимни ўлжа қилиш пайдан қайтариш керак. Бироқ бу мен учун тақиқланган. Бошқалар ҳам бу борада менга ёрдам қўлини чўза олмайдилар, унинг зўравонлигидан жудаям қўрқишиади. Фақат сиздай бир киши унга қарши бора олиши, бу ишни уddaлаши мумкин.

– Нега айнан мен бу ишни қила олишим мумкин? – К. ҳайратланди.

– Сиз ахир айбланувчисиз-да, – жавоб қилди хизматчи.

– Ҳа, – деди К., – қўрқаманки, эҳтимол, суд жараёнининг ҳал қиувчи нуктасида унинг қўлидан ҳеч нарса келмас, аммо шунга қарамай, дастлабки терговда бирон-бир қўланса ис қолдириши мумкин.

– Ҳа, албатта, – деди хизматчи гўё ўз фикрига К.нинг мулоҳазалари хилоф эмасдай. – Бироқ бизда, худди қоидадек, чораси топилмаган бирон-бир суд жараёни учрамаган.

– Очиги, мен бир оз бошқача фикрдаман, – деди К. – Лекин фурсати келиб, бу талабангизнинг танобини тортиб қўйишга монелик қилолмайди.

– Фикрингизга жон деб қўшилган бўлардим, – деб қўйди хизматчи расмий алфозда бир неча

офиз; афтидан у ўзининг махфий истаги ижроси-
га ишонмайдиганга ўхшарди.

– Бироқ эҳтимол, – сўзида давом этди К., – бир
талай амалдорларингиз, балки уларнинг ҳаммаси
шунга сазовордир.

– Тўғри, тўғри, – хизматчи маъқуллаган
оҳангда гапирап экан, гўё сўз нима ҳақида бора-
ётгани ўз-ўзидан тушунарли эди. Шунда бирин-
чи бор у К.га ишонч кўзи билан қаради, ҳолбуки,
шу пайтгача эса ўзини хушмуомала қўрсатишга
уринмасин, буни уддаломаган эди. У сўзига қў-
шимча қилди: – Э, буларнинг ҳаммаси кутуриб
кетган, ҳеч бири арзингизни тинглашмайди.

Афтидан, бу суҳбат унинг мажбуриятларини
эсидан чиқариб, ақд-хушини олиб қўйганди, у
бир зумдан кейин мавзууни ўзгартириб, деди:

– Энди девонхонага бормасам бўлмайди. Мен
билан борищни истайсизми?

– Унда қиладиган ишим йўқ, – деди К.

– Девонхонани обдан кўздан кечиришингиз
мумкин. Сизга ҳеч ким эътибор бермайди.

– Ўзи у ер кўз ташлашга арзийдими? – К. муж-
мал тарзда бир қарорга келолмасдан сўради, ўзи
бўлса, борищни жуда истаб турарди.

– Нима десамикин? – ҳозиржавоблик билан
деди хизматчи, – менинг ўйлашимча, сиз учун бу
мароқли бўлади.

– Яхши, – деди бир қарорга келган оҳангда охи-
ри К. – Сиз билан борганим бўлсин. – У шоша-пи-
ша зинапоя орқали хизматчининг одига тушди.

Девонхона эшиги оддига у йиқилиб тушиши-
га сал қолди, остоинанинг шундок өғзида яна бир
зина бор эди.

– Бу ерга келган мижозлар билан ҳеч ҳам
хисоблашишмайди, афтидан – деди у.

– Бу ерда ит әгасини танимайды, ҳеч ким бирор билан ҳисоблашиб ўтиrmайды, – деди хизматчи. – Сиз фақат қабулхонага разм солинг.

Уларнинг олдида икки тарафида қўпол эшиклиари қаққайган, ҳужралари қатор узун йўлак туради. Ҳарқалай, кириш жойи шундок ёруғ кўринмаса-да, бу ер бутунлай зим-зиёга ўхшамас, шунинг учун ҳам йўлак бўйлаб чўзилган уйчалар қаторасига тўсиклар билан ажратиб олинмаган, бироқ ёғоч панжаралар шифтгача тиркаб ташланганди; унда хирагина бўлса-да, чироқ ёниб турад, ҳатто бу ёруғда талай амалдорларни кўриш мумкин, уларнинг айримлари стол олдида ўтириб олиб, нималарнидир ёзишар, баъзи бирлари панжаралар олдида туриб, кириб чиқаётган кишиларни кузатарди. Эҳтимол, якшанба бўлгани боис ҳам бу ерга келгандар кўп эмасди. Уларнинг аксарияти ўзларини ҳаддан хокисор тутишарди. Узун йўлакнинг икки томонида кета-кетгунча узун ёғоч ўриндиқлар бўлиб, уларда қарийб бир хил оралиқ масофа сақдаганча кишилар ўтиришарди. Уларнинг бари ночор кийинган эсалар-да, кўпчиликлари суд ҳакамига ўз қадрини билиб одоб билан гапириши ва бежиримгина соқол қўйишлари-юяна бошқа бир талай аранг кўзга ташланадиган белги-аломатларига қараб, жамиятнинг олий табақасидан, асилизодалардан эканлигини яққол илғаш мумкин эди. Бу ерда ҳеч қанақа илгаклар бўлмаганидан, афтидан кимдир бу муаммони ҳал қилишда ибрат кўрсатган чоги, келганларнинг барчаси шляпасини ўриндиқ тагига қўйиб олганди. Кирув эшигига яқин жойда ўтирган киши К. ва хизматчини кўрар экан, сал ўрнидан туриб салом-алик қилди, буни кузатиб турган навбатдаги киши ҳам зумда саломлашиш қарорига келди ва худди шундай, улар кимнингки яқинидан ўтиш-

са, ўрниларидан салгина қўзғалиш пайида бўлишарди. Ҳеч ким бутун қадди-қоматини кўтариб, уларга тикилиб қарамади, белларини букиб, тиз чўккудек бўлиб, худди гариблардек бўйинларини қисиб туришарди. К. орқада қолиб кетган хизматчини кутиб турди-да, етиб олганида унга деди:

– Улар бу ерда қанчалик хўрланаётганини қаранг!

– Ҳа, – деди хизматчи, – буларнинг бари айбланувчилар.

– Наҳотки! – деди К. – У ҳолда буларнинг бари менинг ҳамкасбларим экан-да. – Ва у баланд бўйли, хушқад, соchlари қарийб оқарган кишига юзланди-да, ундан хушмуомалалик билан сўради: – Сиз бу ерда нимани кутяпсиз?

Кутилмаган мурожаатдан бу киши ўзини йўқотиб, шундай саросимага тушиб қолдики, унга қараб бўлмасди, ҳолбуки, тагли-тугли оқсуяклардан экани кўриниб тураг, эҳтимол, бошка ҳар қанақа вазиятларда ўзини идора қилишни, нима дейишни обдан дўндирап, устидан кишилар ҳукмфармолик қилишга ҳеч ҳам имкон қолдирмасди. Бу ерда эса у жўн бир саволга нима деб жавоб қилишни билмай, қўшниларига мўлтираб қаради, гўё ёнидагилар унга ёрдам беришга бурчдор, уларнинг тиргагисиз ҳеч нарсанинг уддасидан чиқа олмайдигандек. Бироқ етиб келган хизматчи бу одамни тинчлантириб, унга далда бермоқ мақсадида деди:

– Жаноб сиздан шунчаки сўраяптилар, бу ерда нимани кутиб ўтирибсиз? Унга жавоб қилсангиз-чи!

Хизматчининг таниш овозидан у анча ўзини тутиб олгандек бўлди.

– Мен ўшуни кутяпманки... – у гапини бошлиди-ю, қолганига тили калимага келмади.

Афтидан у ўз сўзини бошлаганида сўралган саволга гумонга ўрин қолдирмайдиган даражада аниқ жавоб қилмоқчи эди, аммо давомига қурби етмади. Кутиб ўтирганларнинг бир қанчаси унга яқинроқ сурилиб, атрофини ўраб олишди. Лекин хизматчи бунга қўймади:

– Тарқалинг, тарқалинглар, йўлакни бўшатинглар!

Улар сал нарига кетдилар, аммо оддинги жойларига бориб ўтирмадилар. Савол берилган ҳалиги киши бўлса, фикрларини тўплаб, ҳатто сал жилмайиб деди:

– Бир ой оддин фойдамни кўзлаб, анча-мунча гувоҳлар йиққан эдим, энди шунга кўра чиқариладиган қарорни кутиб ўтирибман.

– Сизни қаранг, бу иш тинка-мадорингизни қуритганига қарамай, охирини қўймайдиганга ўхшайсиз, – деди К.

– Э, бўлмаса-чи, – жавоб қайтарди киши, – бу ахир менинг ҳаёт-мамотим.

– Ҳамма ҳам сиздақа ўйлайвермайди, – гапини давом эттириди К. – масалан, мен ҳам айбланувчиман, бироқ, жонимни асрагувчи ҳаққи қасам ичаманки, ҳеч қанақа гувоҳлар йигмоқчимасман ва умуман бунақа тарзда ҳеч бир ишга киришмоқчи эмасман. Наҳотки, булар шунчалик зарур деб ҳисобласангиз?

– Мен аниқ бир нарса билмайман, – бутунлай ўзини йўқотган ахволда жавоб беришга тутинди у; К. ўзининг устидан куляпти, деган аниқ бир фикрга келган ва шунинг учун ҳам нима деган бўлса, ҳаммасини сўзма-сўз такрорламоқчи эди, бироқ К.нинг сабрсизланиб турган нигоҳига кўзи тушибди-ю, бор-йўғи бир оғиз фулдираб қўйди: – Менга нима даҳлдор бўлса, бор-йўғи шу ҳақида маъдумот бердим.

– Афтидан, сиз мен ҳам айбланувчи эканимга ишонмаганга ўхшайсиз? – К. сўради.

– Сизни қарангү, шак-шубҳасиз, ишониб турибман, – шундай деб у ўзини сал орқага оди, лекин гаплари ишончсиз, овозида эса кўркув бор эди.

– Демак, сиз менга ишонмайсиз? – К. гапини яна тақрорларкан, ғайришуурий тарзда бу кишининг иззат-нафсига тегадиган алфозда унинг қўлларини олиб, баайни зўрлаб бўлса-да, ишонтиришни истади.

У албатта бу кишига азоб беришни хаёлига ҳам келтиргани йўқ, шунчаки тегишиб қўймоқчи, холос, бироқ кимса тўсатдан бақириб юборди, гўё К. унинг қўлини икки панжаси орасига олмаган, балки нақ қиздирилган омбурни унга теккизиб олгандек эди. Бу бемаъни бақириқ К.нинг бутунлай ҳушини учириб юборди, ўзи ҳам айбланувчи-ку, демак, ишонишмаётган экан, бу жуда ҳам яхши, балки уни шу пайтда суд ҳаками деб ўлаётгандирлар? К. янада тетиклашди, кишини куч билан елкасидан босиб ўриндиқча ўтиргизди-да, йўлда давом этди.

– Бу айбланувчиларнинг бари шунаقا намкаш девор, ҳамма нарсани кўнгилларига олаверадилар, – деб қўйди хизматчи.

Уларнинг орқасидан қариб ҳамма кутиб ўтирганлар ҳалиги кишининг теграсида ёғилиб боришиди: у бақиришни бас қиласан, афтидан, ҳамма ундан нима бўлгани ҳақида муфассал гапириб беришни сўраб-суроштиришарди. К.га учрашмоқ ниятида келаётган соқчини қурол-аслаҳасига қараб билса бўлар, ханжари рангиданоқ алюмендан тайёрлангани кўриниб турар, ҳатто ҳайрон қолган К. уни кўли билан ушлаб ҳам қўрди. Кўрилганидек, соқчи шовқин-суронга дарров қулогини диккайтириб қизиққанидан, нима ғал-

ва деб сўраб-сурштириди. Хизматчи уни дарров тинчлантириш пайида бўлди, бироқ у ҳаммасини ўзи текшириб кўриш лозимлигини уқтириди-да, қўлини чеккасига олиб борди, сўнг қандайдир шошқин бир алфозда ўша томонга йўргалаб кетди, афтидан, у нима учундир куйиб-пишарди.

К. унга ҳам, йўлакда ўтирган мижозларга ҳам ортиқ эътибор қилмади, худди шундай тўғри юриб, даҳлизнинг ярмини босиб ўтди ва эшикнинг ўйилган жойидан ўнгга бурилмоқ мумкинлигига кўзи тушди. Хизматчидан эса ўзи тўғри кетяптими ёки йўқ, деб сурштириди, бу ёқقا юринг, деган ишорани кўриб, К. ўша томонга ўтди. Ҳамиша хизматчидан уч-тўрт қадам оддинда юриши қандайдир ёқимсиз, айниқса, шу бинода юз бераётганлиги гўё унинг ҳақиқатан ҳам маҳбуслигини билдириб тураётгандай эди. Шунинг учун хизматчини кутмоқчи бўлди, аммо тўхташи билан у киши ҳам шу заҳоти тўхтарди. Охири К. бу ёқимсиз аҳволни бас қилиш ниятида деди:

– Мана, ниҳоят, мен бу ерда ҳаммаси қандай тартибда бўлса, кўрдим, энди кетаман.

– Йўқ, сиз ҳали ҳаммасини кўрмадингиз, – хизматчи унга илтифотсиз қаради.

– Э, ордона қолсин, қолганини кўришга хушим йўқ, – К. шундай деркан чинакамига тинка-мадори қуриганини ҳис қилди. – Кетмасам бўлмайди. Чиқиш жойи қаерда?

– Наҳотки, сиз адашиб қолсангиз? – ҳайратланниб сўради хизматчи. – Бурчаккача тўғри шундоқ юриб бориш керак, кейин ўнгга бурилсангиз яна бир йўлак чиқади, ўша бўйлаб охиригача кетилса, адогида эшик бор.

– Ўзингиз бирга юра қолинг, – деди К. – Йўлни қўрсатиб юборасиз, бўлмаса адашиб кети-

шым ҳеч гап эмас, ахир бу ерда қанча-қанча кириш-чиқиши жойлари келади.

– Йўқ, бу ягона чиқиши жойи, – бир қадар киноя билан деди хизматчи. – Лекин сиз билан ортга қайта олмайман, бир қанча топшириқдарни бажаришим керак, шундок ҳам сиз билан юриб, анча вақтим кетди.

– Йўқ, қани, кетдик! – К. кескин галириб юборди, гёё охири хизматчининг ёлғонини фош қилгандай.

– Бақирманг! – шивирлабгина деди хизматчи. – Бу ер бошидан охиригача девонхона, ахир. Агар менсиз кетишни истамас экансиз, яна бир оз олдинга қараб юрайлик, йўқ, яхшиси бир зум шу ерда кутиб туринг, мен апил-тапил топшириқдарни етказиб қайтаману сўнг сизни мамнуният билан кузатар эдим.

– Йўқ, йўқ, – деди К., – ҳеч ҳам кута олмайман, сиз ҳозироқ мен билан боришингиз керак.

К. ҳали ўzlари бинонинг қаерида, қандай турганларини хаёлига келтирмасдан, бу ердаги сонсиз ёғоч эшиклардан бири очилиши билан ўша ёққа кўз ташлади. Ҳангоматалаб, қандайдир қиз, афтидан К.нинг баланд-баланд янграган овозидан чиқиб келиб, ундан сўради:

– Сизга нима керак ўзи, жаноб?

Ортидаги гира-шира сал нарида келбатидан эркакка ўхшаш яна бир қора ҳам кўринарди. К. хизматчига қаради. Ахир у айтмовдими, К.га ҳеч ким эътибор қилмайди, деб; бу ерда эса ҳозирданоқ иккитаси айланиб қолишибди, ҳали кўп ўтмай – ҳамма амалдорлар уни таниб қолиб, эътибор беришар, нега бу ерда юрганини тушунтириб беришни талаб қилиб, бошини қотиришлари мумкин. Тушунса ва қабул қилса бўладиган ягона баҳона, у айбланувчи, навбатдаги тергов қай-

си кун белгиланганини билиш учун келган, аммо бундай изоҳ беришни истамас, устига-устак бу важ-карсони ҳақиқатта тўғри келмас, ахир бу ерга фақат ва фақат айнан қизиқиши бошлиб келди-ку, шунингдек, у суд ишларининг ташки томондан қанчалик жирканч бўлса, ботинан ҳам шундай қурилганлигини ўз кўзлари билан кўрмоқ ниятида эди, афсуски келиш сабабини бундай изоҳлаб бериш асло мумкин эмас. У нимани ўйлаган бўлса, бу ерда ҳаммасининг тасдигини кўрди, қолганини ҳам шундай идрок этишга ожиз эди, гувоҳ бўлганиларидан у шунчалик хафа бўлиб кетдики, айни пайтда бирон-бир эшикдан чиқиб келиб, шап этиб пайдо бўладиган каттакон бир амаддор билан юзлашишга ҳоли қолмади, у фақат хизматчи билан бу ердан тезроқ кетишни истар, агар иложи бўлса, якка ўзи кетишга ҳам рози эди.

Бироқ оғзига қулф солингандай ўжарларча, миқ этмай туриши дарров кўзга ташланиб қолди, шунинг учун ҳам қиз билан хизматчи унга шундай бир анграйиб, ваҳима билан қарадиларки, гўё яқин лаҳзаларда унда қандайдир бир бошқача эврилиш юз берар, улар шундан доғда қолмасак эди деб хавфсираб туришарди. Эшикда анчадан буён бир киши турар, К. унга анча оддин, узоқданоқ кўзи тушганди; у эшикнинг пастки кесакисидан тутганча, худди сабрсиз томошабиндек билинар-билинмас рўмолчасини силкитиб қўярди. К.нинг ғалати хатти-ҳаракатига қараб, мазаси қочаётганлигини биринчи бўлиб қиз тушунди ва югуриб бориб оромкурси олиб келди ва таклиф қилди.

– Эҳтимол, ўтирасиз?

К. таклифга кўнди ва гўё суюнчик қидиргандай, ўриндиқ дастагига маҳкам ёпишди.

– Бир озгина бошингиз айланди, чамаси, шундайми? – сўраб-сурештириди қизгина. У жиддий қиёфада меҳрибонлик билан бошини энгаштириб, унга юзини жуда яқин олиб келди, ҳа, аёлларда қанақа бир ўзига хос қалбнисорлик бўлса, бу айнан ёшлик тонг отарида рўй кўрсатади.

– Ҳечқиси йўқ, ташвишланманг, – деди қиз, – бунда тобингиз қочиши одатий ҳол, кимки бу ерга биринчи марта қадам ранжида қилган бўлса, қарийб ҳамма, шунақа тутқаноқни бошидан ўтказади. Сизнинг ҳам биринчи марта келишингизми дейман? Ҳа, унда бу бутунлай табиий ҳол. Қуёш том тўсинларини аёвсиз тарзда қиздиради, қизиган ёғочдан эса ҳаво оғирлашади, диққинафас бўлади. Мана шунинг учун ҳам, ҳамма жиҳозлари етарли бўлишига қарамай, девонхонанинг бу ерда жойлаштирилганлиги унчалик тўғри эмас. Ҳавонинг бундай бузулишига эса ҳар куни лак-лак мижозлар, кунда-шунда тандагўйланлар эҳ-ҳе... – бу ерда нафас олиб бўлмай қолади. Агар яна эсга оладиган бўлсак, бу ерга кўпинча кийим-кечак, чойшабларни қуритиш учун ҳам осишади – ахир яшовчиларга чордоқдан фойдаланишни тақиқлаб қўёлмайсиз-ку, шундай бўлгач, ана энди ўзингиз, мазангиз қочиб қолганлиги сабабини тушуниб олаверинг-да. Бироқ охир-оқибат шунақа ифлос ҳавога ҳам ўрганар экансан. Ҳа, яна икки-уч марта бу ерга келганингиздан кейин ҳавонинг айниганини сиз ҳам сезмай қоласиз. Сал яхши бўлиб қолдингизми?

К. ҳеч қандай жавоб қилмади, – у бирдан дармони қуриб, бу кишиларга тирик товон бўлиб қолганлигидан эзилиб ўтирас, устига-устак, бунинг сабабидан воқиф бўлгач, у ўзини яхши ҳис қилмади, балки аҳволи баттар оғирлашди. Қиз буни дарҳол пайқади, деворда турган узун дастали ил-

гакни тортиб, ишқилиб, озгина бўлса-да тоза ҳаво кирсин, деб К.нинг боши устидаги кичкина туйнукни очди. Бироқ озгина ҳаво кириши билан қиз шу заҳоти туйнукни ёпди ва кўл рўмолчаси билан К.ни елпиб турди, чунки йигитнинг ҳоли хароб – ўзини жуда олдириб қўйган эди. У куч-куват йиғиб олиб, сўнг кетмоқ умидида бу ерга астойдил ўтирган ва унга шунча кам эътибор бериб, хира пашиша бўлишмаса, шунча тез ўзига келган бўларди. Бироқ шу пайт қиз огоҳлантирди.

– Бу ерда ўтириш мумкин эмас, қатновга ха-лақит берамиз.

Қанақа ҳаракат қатнови ҳақида гап боряпти, деб К. қизга анқоссираганча саволомуз қаради.

– Агар истасангиз сизни тиббиёт хонасига ку-затиб қўйишим мумкин. Қани, менга ёрдамлашиб юборинг, – у эшик ёнида турган эркакка му-рожаат қилди ва у киши ҳам дарров кела қолди.

Бироқ К. тиббиёт хонасига боришини умуман истамасди, ҳаммадан ҳам ўша ерда уни кўришларидан кўрқарди, эҳтимол, у ёқقا боргани сари аҳволи баттар ёмонлашар.

– Бу ёғига энди ўзим ҳам кета оламан, – деди худди оромкурсида ўтириб қолиши унга жуда нокулайдай ва бутун танаси титраб-қақшаб, базўр ўрнидан турди. Аммо ўзини тикка тутиб туролмади.

– Кўлимдан келмас экан, – у бошини сарак-са-рак қилиб, чуқур хўрсинди-да, яна ўзини ўриндиқقا ташлади. Унинг эсига суд хизматчиши тушди, ахир у нима бўлганда ҳам чиқиб олишига ёрдам бериши мумкин, бироқ маълум ҳол, у аллақачон бу ердан гумдон бўлганди. У қиз ва киши орасидан тушиб турган ёруғда теваракка қаради, аммо хизматчига кўзи тушмади.

– Менимча, – киши сўзга лаб очди, унинг кийим-кечаги башанг, айниқса, икки тугаш жойи

ҳошияли кулранг нимчаси кўзни ўйнаторди, – менимча, бу ердаги диққинафас ҳаво бу жанобнинг мазасини қочирди, шу боис энг ақдли тадбир, унинг ўзига ҳам маъқул келади, деб ўйлайман, уни тиббиёт хонасига судрагунча, девонхонадан чиқариб қўйсак, шунинг ўзи етади.

– Э, бор экансиз-ку! – К. қувончдан ҳайқириб юборди-да, ҳеч қанақа музокарага ҳожат қолдирмасдан давом этди. – Албатта, шундай қилинса, дарров яхши бўлиб қоламан, ҳа, унчалик нимжон эмасман, сизларга ҳеч қанақа оғирлигим тушмайди, фақат қўлтифимдан ушлаб, суяб борилса етади, у қадар узоқ бўлмаса керак, қани, мени эшиккача элтиб қўйинглар, у ердаги зиналарда бир оз ўтириб, нафасимни ростлаб оламану тамоман ўзимга келаман, ҳайронман, қаердан юз берди, менда бунақа маза қочишлар ҳеч қачон содир бўлмаган эди. Ахир, ўзим ҳам хизматдаги кишиман, девонхона ҳавосига ўрганиб қолганман, бироқ бу ернинг ифлос ҳавосига сиз бир қаранг, бўғиб ўлдиргудек. Барака топгурулар, бошим айланиб боряпти, бирдам ҳамроҳлик қиласангизлар бўлмайди чофи, агар бировнинг суюнчигисиз қолсан, ўзимни тутишга ожизман, – у андак елкаларини кўтариб, қаддини ростлади, ишқилиб, булар қўлтифи остидан ушлашлари мумкин бўлсин деб.

Бироқ эркак киши унинг илтимосига илтифот кўрсатмади ва қўлини чўнтағидан чиқармасдан қаҳқаҳа отди.

– Мана кўрдингизми, – деди у қизга қараб, – умуман олганда бу жанобга жин ҳам урмаган, фақат ҳамма бало мана шу ерда.

Қиз ҳам жилмайди, бироқ бармоқларини от бошидек қиррадор қилиб, эркакнинг елкасига дуқ-дуқ енгилигина уриб қўйди, гўё К.дан қулишга айни шу киши туртки бергандек қилиб.

- Э, сиз бунақа ўйламанг-да, - масхара қилишини яширишга уриниб деди у киши, - ахир мен ҳам унинг бу ердан чиқиб олишига астайдил ёрдам беришни истайман-ку.

- Бу бошқа гап, - қыз шундай деб, бежирим бошчасини қимирлатиб қўйди, - марҳамат, сиз бу кулганларимизга кўп ҳам аҳамият бераверманг, - қыз К.га қараб мурожаат қилас экан, у яна ҳорғин ва тунд ҳолда, ўзи билан ўзи бўлиб турар, гап-сўзлар қулоғига кирмасди. - Бу жанобни сизга таништиришга рухсат беринг, - (у киши ҳам имо-ишора билан бунга розилик аломатини билдириди), - бу жаноб маъдумотлар шохобчасини бошқаради. Бахтга қарши суд ишлари тартибини халқ яхши билмайди ва шу боис ҳам ҳар турли нарсани сўраб-суринтираверишади. У эса мунтазир мижозларимизга ҳамма керакли маълумотларни бера олади. У истаган саволга жавоб бериши мумкин. Агар имкони туғилса, сиз ўз кўзингиз билан бунинг гувоҳи бўласиз. Бироқ ягона устуналиги шугина эмас. Унинг яна бир аломат фазли - башанг камзули борлиги. Биз, - бу ердаги барча хизматчилар шундай қарорга аллақачон келганмизки, маълумотлар шохобчаси мудири мижозлар билан биринчи бўлиб юзлашишига тўғри келганидан, шу заҳоти илиқ таассурот уйғотиши учун аъло даражада пўрим кийинган, ўзига қараб юрган бўлиши керак. Қолганларимиз эса, менга қараб ҳам ҳукм чиқаришингиз мумкин, афсуски, жуда ёмон кийинамиз, даққионусдан қолган латта-путтани эгнимизга илиб юрамиз, очифи, ташвишларимиз бошимиздан ошиб ётганидан кийим ҳақида ўйлашга фурсатимиз ҳам бўлмайди, бутун вақтимизни шу ерда ўтказамиз, ҳатто девонхонанинг ўзида тунаб ҳам қоламиз. Бироқ, ҳали айтиб ўтганимдек, ишқилиб, маълу-

мотлар бюроси мудири яхши кийинган бўлиши зарур деб ҳисоблаймиз. Худди шундай бўлиши керакдай, бу масалада раҳбариятнинг муносабати жуда ҳам ғалати, улар билан ҳеч нарсани ҳал қилиб бўлмайди, шунда ўзимиз мижозларимиз ила алоҳида бир йигин уюштириб, бу анжуманда фақатгина шу камзулни эмас, яна бир неча антиқа, пўрим камзуллар унга олиб берилди. Буларнинг бари, ишқилиб, у мижозларда яхши таассурот қолдирсан, деган ниятда қилинганд эмасми, аммо у ўзининг ишшаявериши билан ҳаммасини бир пул қиласди, одамларни биздан қочиради.

– Тўғри, – тиржайиб деди маълумотлар бюросининг мудири. – Фройляйн, мен фақат бир нарсага тушунмаяпман, нега вақтингизни кетказиб, ички тартибларимиз ҳақида бу жанобга гапириб ўтирибсиз, булар билан унинг нима иши бор. Наҳотки, сиз ҳозир у бутунлай ўз дардига андармон эканлигини кўрмайтган бўлсангиз?

К. қизга нисбатан бирон-бир қарши мулоҳазани синовдан ўтказишга ўзида ҳеч бир хоҳиш сезмади, қизнинг нияти аён, гапи жуда ҳам савимий, юракдан эканлиги билиниб турибди, албатта у К.ни нима биландир чалфитиш учун бу гапларни топган ёки ўзига келиб кучини йигиб олишга имконият бермоқни кўзлаган, бироқ буни уddyаломмаган эди.

– Кулгингиз сабабини тушунтиришим керак эди-да, – куюнчаклик билан деди қиз. – Ахир, у бундан хафа бўлиши мумкин.

– Мен уни бу ердан чиқариб қўйсам, эҳтимол, у бундан баттарроқ хафагарчиликларни ҳам кечирворса керак.

К. бу сафар ҳам ҳеч нима демади, ҳатто бошини кўтариб қарамади ҳам; иккаласи жонсиз бир матоҳ каби у ҳақида гапирганда ҳам қарши-

лик билдирмаган бўлар, балки бу унга янада хуш ёқарди. Бироқ тўсатдан маълумотлар бюроси мудирининг қўли ўнгидан, қизники эса чап томонидан тутди.

– Қани, турақолинг, бунчалик нимжон бўлмасангиз, – деди мудир.

– Мен сиздан жуда ҳам миннатдорман, – деб кўйди К. кутилмаган мададдан қувониб, секин ўрнидан турди, бу узатилган қўллар кейин ҳам уни тутиб борадигандек уларга ўзини топширди.

– Балки бу сизга ғалати кўринган бўлиши ҳам мумкин, – йўлакка етай деганларида К.нинг қулоғига шивирлаб деди қиз, – гёё маълумотлар бюроси мудирини ҳаддан ташқари кўз-кўз қилмоқчи бўлгандирман, бироқ ишонинг, деганларим чиппа-чин. Унинг қалби табиатан меҳрга тўла. Ўзингиз кўрдингиз, у сизга қанчалик ёрдам қўлинни чўзди, ҳолбуки, касалманд мижозларни суюб юриш унинг хизмат вазифасига кирмайди. Эҳтимол, бизнинг барчамиз ҳам худди шундай, у даражада золим кишилар эмасдирмиз ва ҳар бир кишига астойдил ёрдам бермоқни истаймиз, бироқ суддан бўлганимиз боисми, енгил-елпилик билан булар золим, баттол кишилар, ҳеч ҳам кўмак бермайдилар, деб ўйладилар. Мен бундан чунонам изтироб чекаман.

– Шу ерда ўтиришни истайсизми? – деб суриштириди маълумотлар бюроси мудири.

Улар, ниҳоят, йўлакка етиб олдилар ва К. ҳали гаплашган айбланувчининг рўпарасига келиб қолгандилар. Энди бир оз хижолат бўлиш гали К.га келганди; у сал оддин бу одам олдида ўзига ишонган ҳолда турарди, энди эса, икки киши икки ёғидан суюб келган, мудир унинг шляпасини олиб, юзини елпир, тўзгигб кетган сочлари, терлаб кетган пешонасига осилиб тушганди.

Бироқ айбланувчи гүё ҳеч нимани сезмагандек, маълумотлар бюроси мудири олдида ўзини ҳақи-
рона тутиб турарди, мудир эса ҳалиги кишининг
бу ерга келишини изоҳламоқчи бўлганига ҳам
ҳеч қанақа эътибор қилмади.

– Биламан, – деди айбланувчи, – бугун менинг
аризам бўйича бирор-бир қарорга келиш мум-
кин эмас. Шундай бўлса ҳам келавердим. Бугун
ахир якшанба куни-ку, вақтим бемалол, бу ерда
ҳам ҳеч кимга халақит бермай, хаёл суреб ўтира-
вераман.

– Кечирим сўрашингизнинг ҳеч ҳожати йўқ, –
деди мудир. – Сизнинг нозик табиатингиз ҳам-
мага ибрат бўлгувли. Тўғри, беҳудадан беҳуда-
га жойни банд қилиб ўтирибсиз, бироқ ҳозирча
менга халақит бермаётган экансиз, ўтиришин-
гизга қарши бўлолмайман, майлингиз, шахсан
ўзингиз ишингиз қандай бораётганини кузати-
шингиз мумкин. Ўз бурчига виждонсизларча
хиёнат қилаётган кишиларни кўравергач, худди
сиз каби сабр қилишдан бошқа чора йўқлигига
икрор бўлаверасан. Ўтиринг!

– У мижозлар билан муомала қилишда жудаям
устаси фараанг бўлиб кетган, – шипшиб қўйди қиз.

К. бор-йўти бошини қимирлатиб қўйди, бироқ
тўсатдан маълумотлар бюроси мудирининг овози
янграганида чўчиб тушди.

– Ўтиришни истайсизми?

– Йўқ, – деди К. – Нафас ростлашимнинг ҳо-
жати йўқ.

У имкон қадар бу гапни узил-кесил айтишга
уринди, аммо ростини айтганда, ўтириб, нафа-
сини ростлаш ўзи учун фақат фойдали бўларди.
Нима учундир дengiz хасталигига йўлиққандай
боши айлануб кетаётганини ҳис қилди. Гүё ўзини
долғали мавжлар орасида қолиб, чайқалиб бора-

ётган кемага менгзарди. Унинг назарида тўлқинлар ёғоч қопламага аёвсиз урар, йўлакнинг энг тўридан эштилган гувиллаш энига пўртана бўлиб чайқалар, йўлакнинг поли икки томон садларигача бориб-келар, икки томонда ўтирган мижозлар бу гувиллашда бир кўтарилиб, бир тушарди. Шундай алғов-далғовда унинг икки ёғидан тутган эркак ва қизнинг хотиржамлигини тушуниб бўлмасди. Агар улар ўз ҳолига қўйсалар, шу зумда бир боғ похол каби қулаб тушишини К. аниқ-тиниқ тасаввур этарди. Кўзларини қисиб қўйганча, тез-тез нигоҳдари алмашиниб турган бу икки кишининг бир текис одим отиш маромини К. ҳис қилиб борар, лекин бу маромга ўзи туша олмас, чунки уни қарийб кўтариб боришаради. Охири у шерикларининг ўзига мурожаат қилаётганини эшитди, аммо ҳеч вақони тушунмади. Қулогига чор-атрофини эгаллаган, бошибети йўқ ғала-ғовур оқиб кирди, ундан эса бир оҳангли юксак, сиренанинг куйига ўхшаш бир суруд тараларди.

– Қаттиқроқ гапиринг, – бошини солинтирганча шивирлади, унга қичқириб мурожаат қилаётган бўлсалар-да, ҳеч нимани тушунмас, буни чуқур англаб тургани учун ҳам хижолатли эди. Ниҳоят, шу ерга келганда, гўё унинг олдида ғовдек бўлиб турган девор қулади, димогига тоза ҳаво урилди ва шундоқ ёнгинасидаги гап-сўзлар қулогига кирди:

– Бир қарасант, уйига кетмоқ истайди, бошка сафар эса, унга юз марта, мана бу чиқиш жойи, деб кўрсатсанг ҳам, қоқкан қозиқдек жойидан қимирламайди.

К. эшик олдида турагар, қиз уни ланг очиб юборганди. У бир зумда куч-куввати ўзига қайтиб келганини ҳис қиларкан, озодлик шамолидан тў-

йиб-түйиб нафас олиш учун шу заҳоти зинапояга чиқди ва шу ердан ўзни суюб келганлар билан хайрлашмоқчи бўлиб, уларга таъзим қилди.

– Катта раҳмат, – деб қайта-қайта такрорлар экан, узатилган кўлларни беармон сиқди ва бир нарсани сезиб қолди, иккиси ҳам девонхонанинг дикқинафасига ўрганиб қолишгани боис зинапоянинг очиқ жойидаги тоза ҳаво билан тўқиниб, ўзларини ёмон ҳис қилдилар. Улар аранг жавоб қилишди, К. беихтиёр, эшикни тезликда ёпмаганида, эҳтимол, қиз бечора йиқилиб тушган бўларди. К. бир дақиқа тин оди, сўнгра чўнтақ ойначасига қараб тўзгиб кетган сочларини тузатди, навбатдаги ўриндиқда турган шляпасини олиб бошига қўндириди. Бу ерга мудир иргитгани аниқ, у шунчалик дадиллик билан, зиналарда сакраб-сакраб борардики, бу тез тикланишидан ўзида йўқ хурсанд эди. Ҳар қачон чайир ва умуман олганда соғлом бўлган танаси бунақа каромат кўрсатмаганди. Аввал бундай тоби қочганини у ҳеч ҳам эслолмайди, наҳотки, жисми-жони ўзгарган ҳаёт тарзига исён кўтарган бўлса? У хаёлига келган бирон-бир шифокорга мурожаат қилиш зарур деган фикрини рад этолмагач, қатъий қарорга келди: бу борада ҳеч кимга маслаҳат солишнинг ҳожати йўқ – бугун кеч бўлди, яххиси кейинги якшанба эрталабдан бунга бир жаҳд қилиб қўради.

ФРОЙЛЯЙН БЮРСТНЕРНИНГ ДУГОНАСИ

К. ўтган бир неча кун орасида фройляйн Бюрстнер билан ҳеч бўлмаса уч-тўрт оғиз гаплашиб олишнинг асти иложини тополмади. У нима қилиб бўлса-да қизга яқинлашишга интилар, бироқ фройляйн Бюрстнер эса ҳамиша қандайдир устомонлик билан ўзини чеккага оларди. Ишдан кейин у тезда уйга келар ва ҳужрасидаги ўриндиқча ўзини ташлар, чироқни ҳам ёқмас, бошқа бир иш билан ҳам машғул бўлмас – фақат келувчилардан биронтаси йўлакка киарканми деб, назардан қочирмай ўтиради. Мабодо, бу ёққа оқсоч ўтиб қолса, қия очиқ эшикни кўриб, хонани кимсасиз хаёл қилиб, эшигини ёпиб кетар, салдан кейин Кўрнидан туриб эшикни очиб қўярди. Фройляйн Бюрстнер ишхонасига кетиб қолмасдан олдин, ишқилиб, қиз билан учрашиб қолай деб эрталаб ҳам одатда турадиган вақтидан бир соат олдин ўрнидан қўзғаларди. Бироқ барча уринишлари беҳуда кетди. Шундан кейин у қизга, идораси ва уйига хатлар ёзди, ўзининг хатти-ҳаракатини оқлашга уринар экан, қизга ўз айбини нимаки юмшатиш мумкин бўлса, шунга розилигини, ҳеч қачон чегарадан чиқмаслигини ваъда берди ва фақат қиз у билан суҳбатлашишга имкон беришини ўтиниб сўради, айниқса, фройляйн Бюрстнер билан кенгашиб олмасдан олдин фрау Грубах билан ҳам ҳеч қан-

дай битимга келолмаслигини айтди. У хатлари охирида шуни ҳам маълум қилдики, келадиган якшанба кун бўйи ўз хонасидан ҳеч қаёққа чиқмай қизни кутади – учрашишга розилиги ҳақида қиз бирон-бир хабар юборса ҳам майли ёки ҳеч бўлмагандага нима учун илтимоси ерда қолаётганинги изоҳини етказиши керак, қиз нимани талаб қиласа, нимани истаса, сўзсиз ҳаммасига бўйсунишга вавъда берди. Хат қайтмади, аммо жавоби ҳам келмади. Фақат келгуси якшанбада ҳеч қанақа шубҳага ўрин қолдирмайдиган аломатли бир воқеа содир бўлди. Саҳар-мардонда пайдо бўлган бир кимса қўшни эшик қулфини очиш учун бехуда уринар, бу уқувсизлик сабаби ҳам тез орада маълум бўлиб қолди. Шу пайтгача бир ўзи эгаллаб келган фройляйн Бюрстнернинг хонасига озгин, рангпар, оқсоқ француз тили муаллимаси – нисбасига қарагандага немис бўлиши керак – Монтаг хоним кўчиб кирди. Қиз бир неча соат давомида йўлақда шип-шип этиб, у ёқдан бу ёққа ўтиб турди. Гоҳ у кўрпа-тўшагидан ниманидир олишни унутганидан зинфиллаб чопар, гоҳ гилами ва китоблари учун алоҳида бориб келлар, ишқилиб, ҳамма кўч-кўронини янги кўчиб ўтган жойига киритиб олсан, дерди.

Фрау Грубах бу орада унга ионуштасини олиб кирди – ораларида бўлиб ўтган кўнгилсизликлардан кейин бека энг майда-чуйда ишларни ҳам хизматчиларга топширмас, ўзи адo этарди. Охири К. ўзини ушлаб туролмади, беш кунлик гунглиқдан кейин биринчи бор тилга кирди:

– Бутун тонг саҳардан намунча ғавро? – деб сўради у ўзига қаҳва қуяр экан. – Буни бартараф қилишнинг ҳеч иложи йўқми? Саранжом-саришталашни айнан якшанба куни қилиш шартми?

К. фрау Грубахга эътибор бериб қарамаган бўлса-да, хонимнинг баайни енгил тортгандек тин олганини сезиб қолди. Ҳатто мана шу аёвсиз сўроқни ҳам худди ярашиш деб қабул қилган ёки ҳеч бўлганда ярашмоқ сари ташланган биринчи қадам, деб ўйлади.

– Ҳеч қанақа уйни йигиштириш бўлаётгани йўқ, жаноб К., – деди хоним. – Бу нарса-қорасини ташиб олаётган фройляйн Монтагнинг иши, у фройляйн Бюрстнернинг хонасига кўчиди киряпти.

Хоним бошқа ҳеч нарса демади, сўзларини К. қандай қабул қиласар экан, гапини давом эттиришга яна рағбати бўлармикан дегандай кутиб турди. Бироқ, К. синамоқчи бўлди, индамайгина, хаёлга ботиб, чой қошиқ билан қаҳвани аралаштираверди. Сўнгра эса нигоҳини ердан кўтариб, сўради:

– Энди фройляйн Бюрстнер ҳакидаги олдинги шубҳа-гумонларингизни рад этарсиз?

– Сизни қарангув, жаноб К.! – худди шу саволни кутгандек ҳовлиқиб чийиллади фрау Грубах ва ялингансимон алфозда қўлларини К. томонга чўзди.

– Сиз шунчаки огоҳлантиришни кўнглингизга жуда ҳам қаттиқ олибсиз. Менинг фикри хаёлимда ҳеч қачон, сиз ва бошқа бироннинг дилини оғритиш нияти бўлмаган. Ахир, мени отам замондан буён биласиз, шу боис ҳам жаноб К. ишонишингиз керак. Ҳа, сиз ҳатто тасаввур қилолмасангиз ҳам керак, мана бу ўтган кунларда қанчалик изтироб чекканимни! Наҳотки, мен ижарачиларим устидан мағзава тўкишга қодир бўлсан! Аммо сиз, сиз жаноб К., шунга ишонишингиз мумкин экан! Ҳа, яна менга сизни бу хонадондан чиқариб юборишни ҳам таклиф қилиб кўрдилар. Сизни-я! – охирги

сүзларга қўшилиб, кўз ёшлари ҳам қўйилиб чиқди, хоним юзларини қўллари билан бекитиб, бор овозда обидийда қиласади.

– Йифламанг, фрау Грубах, – К. шундай деб дезага қаради. У фақат бегона бир қизни ўз хонасига қўйгани учун ҳам фройляйн Бюрстнер ҳақида ўйлагани ўйлаган эди. – Э, бўлди, йифламасангиз-чи! – у хонага қайрилиб, ҳамон фрау Грубах йигидан тўхтамаганини кўрди. – Аввал ҳам сизга бирон-бир ёмон гап айтиш хаёлимга келмаганди. Биз бор-йўғи бир-биrimизни тушунмадик. Бу эски дўстлар ўртасида юз бериб туради.

Фрау Грубах, ҳақиқатан ҳам К. ундан хафа бўлганми ёки йўқ, шуни билмоқчи бўлиб, кўзларидан қўлинни олиб қаради.

– Ҳа, ҳа, бу чин, ишонинг, – деди К. У фрау Грубахнинг хатти-ҳаракатига қараб, тушундики, хонимга жияни, капитан ҳеч нарса демаган, шу боис ҳам гапига қўшимча қилмоқчи бўлди:
– Наҳотки аллақандай, ўзимиз кам биладиган ойимтиллани деб мен сиз билан сан-манга бориб ўтирсам, наҳотки шунга ишонсангиз?

– Э, балли, жаноб К., – деб юборди фрау Грубах. Хоним ўзини бир қадар бардам ҳис қилиши билан баҳтга қарши андишасиз бир ҳолга киради: – Мен ҳам ҳайрон қолиб, ўз-ўзимдан сўрайман: намунча жаноб К. фройляйн Бюрстнер учун ёниб-куймаса? Бу ойимтиллани деб мен билан нимага жанжаллашади? Нимага тортишади? Наҳотки, шу ойимқиз боис жиқиллашиб қолганимиздан буён кечалари мижжа қоқмай чиқишимни билмаса? Буни билатуриб, жаноб К. нега мендан хафа бўлади? Қиз ҳақида эса, ўз кўзларим билан кўрганимдан кейингина шу гапларни айтганман.

К. хонимга эътиroz билдиrmади, аммо хаёлига пансион соҳибаси шу заҳоти хонани бўшатиб қўй, деб қолса-я, деган фикр ҳам келиб қолди, буни эса истамасди. У жимгина ўтириб, қаҳвасини ичаркан, бу билан энди хонасида фрау Грубахнинг ўзи ортиқча эканлигини таъкидлаётгандек эди. Эшик ортидан яна ҳарсиллаш эшитилди: фройляйн Монтаг яна даҳдиз орқали ўтиб борарди.

– Эшитяпсизми? – К. қўlinи эшикка ишора қилиб сўради.

– Ҳа, албатта, – чуқур уф тортиб деди фрау Грубах, – мен ҳатто ўзим унга ёрдам қилмоқчи бўлдим, кўмак бериш учун оқсоchnи юбордим, у бўлса тушунарсиз бир ўжарлик билан ҳаммасини ўзим ташиб оламан, дейди. Фройляйн Бюрстнернинг хатти-ҳаракати ҳам мени ҳайратга солди. Фройляйн Монтагнинг меникida – шу хонада яшашига қўзим учиб тургани йўқ эди, бироқ фройляйн Бюрстнер эса унга хонасини қўшқуллаб тутди.

– Бу сизга дахл қилмаса керак, – шундай деб сўраркан, К. финжон тагида қолган қанд бўлагини қошиқча билан майдалади, – ёки сиз бу билан кўпга тушасизми?

– Йўқ, – деди фрау Грубах, – нафсиlamрини айтганда, хона бўшаса, нур устига нур бўларди, у ерга жияним, капитанни жойлашим мумкин эди. Ҳозир меҳмонхонада тунаяпти, бу сизга ха-лақит беради, деб анчадан буён хижолатдаман. Унинг сал-пал беандишилиги бор-да.

– Топган гапингизни қаранг! – К. шундай деб курсидан турди. – Сиз мени жуда инжиқ одам, деб ўйлайсиз афтидан, шу боис ҳам Монтагнинг та-тур-тупури жиги-бийронимни чиқаряпти, деган хаёлга бордингиз. Бу ҳакида гап бўлиши мумкин эмас. Эшитяпсизми, у яна келяпти.

Фрау Грубах К.га мұлтираб қаради.

– Жаноб К. у күчишни түхтатгани маъқулдир. Агар сизга шу керак бўлса, буни унга ҳозироқ айтаман.

– Бироқ афтидан, у айнан фройляйн Бюрстнернинг хонасигагина кўчиб кириши керак? – деди К.

– Тўғри айтасиз, – деб тасдиқлади фрау Грубах, К. гапни қаёққа бураётганига тушунмай.

– Шундай экан, – давом этди К. – демак, у нарса-қорасини ташиб олиши керак-да.

Фрау Грубах бошини билинар-билинмас қимирлатиб қўйди, холос. Бу ғашни келтирувчи ожизлик ва қайсарликка қарши ҳеч бир чора кўриб бўлмаслигидан К.нинг янада аччиги чиқарди. К. хонанинг у бошидан бу бошига, эшик билан дераза орасида бориб-келар, фрау Грубах эса ҳозиргина кетмоқ истагида ёнганига қарамай, ҳеч ҳам чиқиб кетишни уддасидан чиқмасди.

К. яна эшикка етай деб қолганда, қўнғирогини босиб қолиши. Ичкарига кирган оқсоч жаноб К.га фройляйн Монтагнинг бир неча оғиз хос гаплари борлиги боис ошхонада кутаётганигини, К. ўша ерга бориши кераклигини илтимос қилганини айтди. К. оқсочни паришенхотирлик билан тинглади, кейин эса кулимсираб жуда кўрқиб кетган фрау Грубахга разм солди. Бу нигоҳ К. аллақачон фройляйн Монтагдан шундай таклиф бўлишини куттанигини, бу якшанба тонгида фрау Грубах ижарачиларидан етган яна бир, лекин у сабр қилиш қарорига келган азиятлардан эканлигини англатиб турар эди. У оқсочга ҳозир боришини етказиб қўйишни айтди, ўзи эса камзулинин алмаштириш учун шкафга қараб юрди ва фрау Грубахнинг мияни чақадиган ши-

коятларига жавоб ўлароқ фақатгина нонушталик учун келтирилган идиш-товоқларни йиғишириб олишни сүради.

– Сиз ахир уларга қайрилиб ҳам қараганингиз йўқ-ку! – эътиroz билдиргандай деди фрау Грубах.

– Уф, буларни тез кўзимдан йўқотинг-э! – бақириб берди К. Унга бу таомлар негадир фройляйн Монтакка алоқаси бордек, ҳаддан ғайирлиги тутган, балодек кўринган эди.

Даҳлиз орқали ўтган К. фройляйн Бюрстнернинг ёпиқ эшигига кўз ташлади. Бироқ уни бу хонага эмас, ошхонага таклиф қилишган, шу боис унинг эшигини ҳатто тақиллатмасдан, силтаб очди.

Бу жуда узун ва тор, бир деразали хона эди. Унда фақат иккита шкаф сигар-сигмас туарар, улар ҳам эшикка яқин бир бурчакка тақаб кўйилган, қолган асосий майдонни чўзинчоқ тушлик столи эгаллаб олганди; бу стол эшик оғзидан бошланиб, қарийб каттакон деразагача етган, шунинг учун хонада бемалол юриш жуда ҳам қийин эди. Столда ҳар хил идиш-товоқлар тирбанд, қарийб бўш жой йўқ, ҳамишагидек ҳар якшанбада яшовчиларнинг қарийб ҳаммаси шу ерда тушлик қилишарди.

К. хонага кириб келганда, столнинг у томонидаги ойна қошида турган фройляйн Монтаг унинг истиқболи сари юрди. Улар ими-жимида сўрашишди. Кейин фройляйн Монтаг одатича атайн ясамалик билан бошини ликкиллатиб, гап бошлади:

– Билмадим, менинг кимлигим сизга маълумми ёки йўқ?

К. унга дикқат билан қараб қўйди.

– Биламан десам бўлар, – деди К. – фрау Грубахнида сиз анчадан буён яшайсиз-ку.

– Бироқ менга сиз күп ҳам пансион ҳаётига эътибор беравермайдигандай туйиласиз, шундаймасми?

– Эътиборим кам, – иқрор бўлди К.

– Эҳтимол, ўтиарсиз? – фройляйн Монтаг таклиф қилди.

Иккиси ҳам икки курсини судраб келишиб, столнинг бир бурчагига, бир-бирларига юзма-юз ўтиридилар. Бироқ зум ўтмай фройляйн Монтаг ўрнидан дик этиб турди, дераза рафида сумка-часини унутиб қолдирганди, шу боис оёқларини аранг судраб, бутун хонани босиб ўтди. У дераза олдидан қайтиб келар экан, бармоқларида сумка-часини оҳистагина ўйнатиб, гапга тушди:

– Мен дугонамнинг топшириғига кўра, сизга бир-икки оғиз омонат гапни айтиб қўйишни истардим. Ўзи келмоқчи эди, аммо бутун тоби қочиб қолди. Шу боис уни кечиришингизни ва ўрнига мени тинглашингизни илтимос қилди. Шунга қарамай, сизга айтадигани мен етказаётганимдан ортиқча эмас. Щунаقا. Ҳарқалай, мен холис киши бўлганим учун, ўйлашимча, кўпроқ нарсани айтишим мумкин. Сиз менга қўшиласизми?

– Бунга нимаям дейиш мумкин? – деб жавоб қилди К., фройляйн Монтагнинг бақрайиб туриши гашига текканди. Гўё қиз К. нима демоқчилигини олдиндан пайқагандек эди. – Афтидан, мен ундан буни астойдил илтимос қилганимга қарамай, фройляйн Бюрстнер юзма-юз туриб гаплашиб олиш бахтидан мени бенасиб қилганга ўхшайди.

– Ҳа, тўғри, – деди фройляйн Монтаг. – Йўқ, тўғрироғи, бутунлай акси. Сиз саволни жуда ҳам қалтис қўйяпсиз. Умуман олганда, бунақа сұхбатларга розилик бериilmайди, рад этиш ҳам бўлмайди. Бироқ вазият тақозосидан сұхбат умуман беҳу-

да ҳисобланиши мумкин, мана, ҳозирги вазиятда ҳам ахвол қарийб шундай. Ҳозирги писандангиздан кейин энди ҳамма-ҳаммасини очиқ-ойдин айтмасам бўлмайди. Сиз сўраган нарса, дугонагинам томонидан бериладиган тушунтириш ёзма бўлиши керакми ёки оғзаки, қайсини маъқул кўрасиз. Бироқ бундан қатъи назар, бу суҳбат сабаби менга ноаён бўлса-да, тахмин қилганимдек, унинг ҳеч кимга фойдаси тегмаслигини дугонажоним жуда яхши билади. Қисқаси, бу ҳақида у менга кеча айтаркан, бу суҳбат сиз учун унчалик муҳим эмаслигини, хаёлингизга тўсатдан қелиб қолганлигини, ўзингиз буни тушуниб олсангиз яхши бўлишини, эҳтимол, ҳозирданоқ ҳеч бир изоҳларсиз бу ниятингиз бемаъни бир иш эканлигини фаҳмлаб етган бўлишингиз мумкинлигини жуда юракдан изоҳлади. Шунда ҳам мен унга, эҳтимол буларнинг бари тўғридир, бироқ ҳаммаси аниқ-тиник тушунарли бўлиши учун, сизга узил-кесил бир жавоб бермоғи фойдадан холи бўлмайди, деб айтдим. Менинг даъватимдан кейингина яна аллақанча иккиланишларни хаёлидан кечириб, охири дугонажоним бунга рози бўлди. Мен дугонамни ҳамда сизнинг фойдангизни кўзлаб, иш кўрарканман, бу иш бориб турган бемаънилик бўлса-да, охири нима билан тугаши номаълум эса-да ҳар қанақа жон азоби бўлишига қарамай, унга жиндеккина енгил бўласин десангиз, ишни орқага ташламай, бир ёққа сурасиз, деган умиддаман.

– Раҳмат-э, – деди шў жойда К. бир оғиз ва базур ўрнидан кўзгалиб, аввал фройляйн Монтагга, кейин столга, сўнг деразага, дераза орқали, – уйлари чароғон қуёшга рўпара эди – нигоҳ ташлади ва эшик томон юрди. Фройляйн Монтаг гўё К.га унчалик ишонмаганидек, изидан таъқиб

қилиб келарди. Бироқ чиқиши жойида иккаловлари ҳам йўл бўшатишга тўғри келди: эшик очилиб, капитан Ланц ичкарига кирди. К. уни яқиндан биринчи бор кўриши эди. Бу қирқ ёшлардаги бўйчан эркакнинг гўштдор юзлари роса офтобда тобланганидан бўлса керак, қорага чўйкаб кетганди. У К.га нисбатан сўрашиш маъносида билинар-билинмас енгилгина таъзим қилиб кўйди, кейин фройляйн Монтаг сари юриб, эҳтиром билан унинг кўлини олиб, ўпди. У жуда енгил ва абжир ҳаракат қиласи эди. Унинг фройляйн Монтагга нисбатан хушмуомаласи К.никига солиштирганда, бошқачалиги дарров сезиларди. Бироқ фройляйн Монтагнинг К.дан дили оғриганга ўхшамасди, ҳатто К. шуни билиб қолдики, хоним уни капитанга таништиришга тараддуланаарди. Бироқ унга барибир, фройляйн Монтаг бўладими ёки капитанми, К. кимгадир ўзини таништиришларини умуман истамас, мажбуран хушмуомала бўла олмас, капитан фройляйн Монтагнинг кўлини ўтгандаёқ, унинг кўз олдидан буларнинг ҳамфир эканликлари ўтди ва назаридага ҳаммаси олий бир кўринишда, ҳеч бир хафагарчиликсиз ва эътиборни тортмаслик қабилида унинг фройляйн Бюрстнер билан учрашишига халақит беришдан бошқа нарса эмасди. Бироқ К. фақат буни тушуниб қолмади; назаридаги фройляйн Монтаг танлаган йўл чакки эмас, у сихни ҳам, кабобни ҳам куйдирмоқчи эмас эди. У К. билан фройляйн Бюрстнер ўртасидаги яралган муносабатнинг аҳамиятини энди янада бўрттириб кўрсатди, асосий эътиборни эса бунда К. муваффақ бўлиши керак сухбатга қаратиб, қимматини чандон оширди, гўё иш бу томонга бурилишига ўлиб-тирилиб интилар экан, вақт етиб, бунга

ҳаммадан күпроқ К. аҳамият бериши, тинчини йүқотиши керак эди. Шу ерда хоним хатога йўл қўйганди: К. ҳеч нарсани ортиқча бўрттиришни асло истамас, фройляйн Бюрстнер шунчаки бир жўн фирибгар эканлигини, ўзига ҳам узоқ пайт қаршилик қила олмаслигини у жуда яхши билар эди. К. фройляйн Бюрстнер ҳақида уй соҳибасидан у-бу билиб олгандан кейин, бунга атайин эътиборсиз қаради. У ошконадан таъзимларга беътибор чиқар экан, бошида минг тури шунга ўхшаш хаёл гужон ўйнарди. У шу заҳоти ўзининг хонасига бормоқчи эди, бироқ шу пайт ортида қолган ошхона ёқдан фройляйн Монтагнинг кулгиси эшитилиб қолди, шунда унинг калласига фройляйн Монтаг билан капитанни ўзининг бу тарздаги ҳаракати ажаблантириди, деган фикр келди. У атрофга аланглади, қўшни хоналардан кимдир бунга аралашмаяптими деб қулоқ тутиб кўрди, бироқ атроф сув қўйгандек тинч, фақат ошконадан гангур-гунгур овозлар келиб тураг, йўлакдан рўзғор бошқарувига оид фрау Грубахнинг йўл-йўриғи эшитиларди. К. га вазият хайрли кўринди ва у фройляйн Бюрстнер эшигига яқинлашиб, уни оҳистагина тақиллатди. Бироқ жавоб бўлмади. У яна бир бор тақиллатиб кўрди, лекин яна унга жавоб қилишмади. Наҳотки у ухлаб ётибди? Балки ҳақиқатан ҳам соғлигининг мазаси йўқдир. Ёки фақат К. шундай киши билмас – секингина тақиллатишни билганидан, атайин очмаяптими? К. қиз атайин яшириниб олган деган қарорга келди ва янада қаттиқроқ тақиллатди, аммо бунга ҳам ҳеч ким сас-садо бермагач, қилган хатти-ҳаракати нафақат яхши эмаслигини, бутунлай бемаъни эканлигини ҳам тушуниб етди, эҳтиёт билан эшикни тортди. Хонада ҳеч

кимса йўқ эди. Унда таниш хонани эслатадиган бирон-бир белги ҳам қолмаганди. Деворга яқин жойда иккита каравот турар, эшик олдидаги уч оромкурси устида кийим-кечак ва кўрпа-тўшаклар уюб ташланган, шкаф эса ланг очиқ ётар эди. Афтидан, фройляйн Монтаг К.ни авраб турган бир пайтда, фройляйн Бюрстнер кетворган эди. Бироқ бу уни жуда ҳам хуноб қилгани йўқ, фақат фройляйн Бюрстнер билан учраша олиш бунчалик осон эканлигини хаёлига ҳам келтирмаган эди, шунинг учун бу аламзадаликларнинг ҳаммаси фройляйн Монтагга қаратилган эди. У эшикни ёпар экан, худди шунинг учун ҳам, ошхона эшиги олдида сухбатлашиб турган капитан билан фройляйн Монтагга кўзи тушиб, нокулай бўлиб кетди. Эҳтимол, улар К. эшикни қия очган лаҳзалардаёқ, гўё ҳеч нарсани билмагандек кўринишда, аслида кўз етадиган жойдан туриб, К.ни кузатганча, ўзаро гурунглашиб ўтираверишган. Нима бўлганда ҳам уларнинг нигоҳи остига қолиши К.ни хижолатга солди, даҳри дун кўзига қоронғи бўлиб, хонасига беркиниб олиш учун шошилди.

МИРГАЗАБ

Яқин оқшомлардан бирида К. иш бўлмаси-ни асосий зинадан ажратиб турувчи йўлак бўй-лаб келар экан, бу сафар у хизматдан қарийб энг охирги бўлиб чиққан, фақат девонхонанинг фира-шира чироқлари остида икки чопарги-на ишлашарди, шу пайтгача бирон-бир марта ўзи кўрмаган ва омборча бўлса керак, деб ўй-лаган жойнинг эшиги ортидан ҳарсиллаб на-фас олишлар қулогига чалинди. У ажабланиб тўхтади, ишқилиб, хато қиммаётганига иймо-ни комил бўлиши учун астойдил қулоқ тутди. У ердан бир дақиқа сас-садо чиқмади, кейин яна нафас олишлар эшитилди. К. чопарлардан би-рини чақирмоқчи бўлди – гувоҳ сифатида керак бўлиб қолиши мумкин эди – лекин уни шундай бир сабрсиз қизиқувчанлик эталлаб олдики, у силтov билан эшикни ланг очди. Ҳақиқатан ҳам, тахмин қилганидек, омборча экан. Остоноаданоқ эски-туски, қофоз-погоз – кераксиз нарсалар қа-лашган, тагида сиёҳ қуйқаси қотган сопол ши-шачалар ағдар-тўнтар бўлиб ётарди. Бироқ мана шу жойда уч эркак шифтнинг пастқамлигидан энкайиб олганча туришар, токчадаги шам юқо-ридан уларни ёритиб турарди.

– Бу ерда нима қилиб ўтирибсизлар? – К. ҳая-жондан базур, тутилиб-тутилиб гапиаркан, ҳар-қалай ҳаяжонини сездирмасликка тиришди.

Эркаклардан бири – кўринишидан қолганларининг сардори бўлса керак – аллақандай антиқа, ўйиглари катта-катта енгиз терни мато кийганидан қўллари ва кўкраги шундоқ ялангоч ҳолда эди. У ҳеч нима деб жавоб қилмади. Бироқ қолган иккиси бирваракайига қичқиришиди:

– Аҳ, тақсиржон-эй! Ҳозир бизни роса савалашади, устимииздан терговчига шикоят қилибсан-ку!

Шундан кейингина К. буларни – соқчилар Франц ва Виллемни таниди; учинчиси эса қўлида гаврон ушлаб олганча, баайни шерикларини савалашга тараддуд кўраётгандек эди.

– Йўғ-э, – К. гудранибина шундай деркан, уларга еб қўйгудек тикилди, – мен сизлардан умуман ёзғирганим йўқ, бор-йўги хонадонимда бўлиб ўтган воқеани шунчаки ҳикоя қилиб бердим, холос. Қолаверса, хатти-ҳаракатларингизда ҳам ножоиз бирон-бир қусур содир бўлгани йўқ.

– Тақсир, – деб Веллем гап бошлар экан, у ҳам худди Францдек учинчи бир кишининг ортига ўтиб, пана бўлиб олиш пайида бўлаётганилиги аниқ кўзга ташланди, – агар сиз бизга қанчалик кам тўлашларини билганингизда, бизни бунчалик қаттиқ айбламаган, изза қилмаган бўлар эдингиз. Мен рўзгоримни тебратишм, Франц бўлса уйланиши керак, шунинг учун тиришиб-тирмашиб, сариқ чаقا олишимизга қарамай жонимизни жабборга бериб ётибмиз, бироқ озиб кетганимизга қарамай, бир иш билан кишининг косаси оқармайди. Сизнинг пўрим кийим-кечагингизни ўзимники қилгим келди, ҳолбуки, биз соқчиларга бу ман қилинган. Албатта, яхши иш бўлмади, лекин бу одат бўлиб қолган, ишонинг менга, ҳибсга олингандарнинг кийими аллақайси замонлардан соқчиларнинг удуши, бундай ўйлаб қаралса, бечора маҳбуслик пе-

шонасига ёзилган киши учун бу майда-чуйданинг қанақа аҳамияти бўлиши мумкин? Ҳаммасини тушунгандирсиз! Аммо шикоят қилинадиган бўлса, бизни жазолашади.

– Буларнинг ҳеч биридан хабарим йўқ, бундан ташқари, қанақа вазият бўлишидан қатъи назар, ҳеч кимдан сизларни жазолашларини талаб қилмаганман, бор-йўғи баъзи тартиб-қоидалар ҳақида гап бўлди.

– Франц, кўрдингми, – Виллем иккинчи соқчига мурожаат қилди, – мен сенга нима дегандим? Жаноб ҳеч ҳам бизни жазолашларини талаб қилмаган. Ўзинг эшитдинг, у ҳатто бизни жазо кутаётганини ҳам билмас экан.

– Э, сен буларга қараб ўзингни хароб қилма, уларнинг бари шунақа сафсата сотади, – учинчи киши К.га юзланиб шундай деди: – уларни кутаётган жазо муқаррар ва адолатли.

– Сен унга қулоқ солма, – Виллем шундай деркан, иши ўнгидан келмаган кишидек шошилиб, қўллари билан оғзини ёпмоқчи бўлди гаврондан еб қолгач. – Бизни фақат сенинг чакувингга қарабгина жазолашади. Бошқа пайтда қилган кирдикорларимизни билган тақдирларида ҳам ҳеч қанақа дахл қилолмайдилар. Наҳотки, шу адолат деб аталса? Иккимиз ҳам, айниқса, мен анчадан буён ишлаб юрганимдан бемалол ўзим учун жавоб берга оламан, раҳбариятнинг баҳосига кўра ҳам биз сени аъло даражада қўриқдаяпмиз, бунга ўзинг ҳам иқрорсан. Бу хизматнинг орқасидан судралиб юриш жонимизга тегиб кетди ва ўйлаб қолдик: мана бунга ўжшаб, биз жазоловчи бўлиб олсак нима қиласди, сих ҳам куймасди, кабоб ҳам, у жазоловчига ҳеч ким арз-шикоят қилмайди, умуман олганда ҳам бизда шикоятбозлик жуда камдан-кам учрайдиган ҳодиса. Тақсир,

ҳаммаси тамом, бизнинг амалимиздан ҳам нишон қолмади, энди бизни энг қора, елка яғир бўлиб кетадиган ишларга ҳайдашади, соқчи бўлиб хизмат қилган одамга бу жуда алам қиласар экан, устига-устак бу ёқда аямасдан савалашади.

– Наҳотки, мана шу гаврон шунчалик қаттиқ оғритса? – К. сўраркан, уни ушлаб, мирғазаб жазоловчи олдида силкитиб кўрди.

– Афтидан, қип-яланғоч бўлиб ечинишимизга ҳам фурсат етганга ўхшайди, – деди Виллем.

– Ҳали бунақаси ҳам бор денг, – К. шундай деб жазоловчига кўзини олайтириб қаради. Мирғазабнинг денгизчи қаби офтобда қорайган, қон томай деб турган юзи соғлом ва сурбетларча эди.

– Наҳотки, уларни калтаклашдан асраб қолишнинг бирон-бир иложи бўлмаса? – суриштириди К.

– Бунинг иложи йўқ-да! – бу гапни мирғазаб кулиб айтаркан, бошини инкор маъносида қимиirlатиб кўйди. – Ечининглар! – соқчиларга у амр этди. Кейин К.га яна мурожаат қилди. – Уларга сен кўп ҳам ишонаверма. Бу калтаклаш даҳшатидан каллалари сал айниган – шу ерда у Виллемга бошини силкиб деди. – Ҳали у ўзининг мансаби ҳақида лақимлагандай бўлдими? Бунинг ҳаммаси масхарбозлик. Унинг ёғ бօғлаб кетганига бир қара, бу семизликда гаврон ўтармиди, дарвоқе у нега бунчалик семириб кетган, биласанми? Барча маҳбусларнинг нонуштасини паққос туширишни ўзига одат қилиб олган. Эҳтимол, у сенинг ҳам насибангни егандир. Ҳа, айтмадимми, мен билмасам, гапирмайман! Наҳотки, шунақа қориндор ҳолида мирғазаб бўлиши мумкин? Ҳаётда бунақаси ҳеч қачон учрамайди.

– Бу бўхтон, шунақа жазоловчилар ҳам учраб туради, – гапга Виллем аралашибди, у шими бօғичларини қарийб ечиб бўлаёзган эди.

– Йўқ, бўлиши мумкин эмас, – мирғазаб унинг гапини кесиб, бўйни аралаш гаврон билан шунақа солдики, кишининг юраги орқага тортиб кетар эди. – Э, аралашма, қани, тезроқ ечин!

– Мен сенга яхшигина тўлайман, фақат уларни бу жазодан озод эт, – К. шуни астойдил сўраркан, мирғазабга қарамай ҳам деди, – бунақа ишларда кўзни юмиб, марҳаматли бўлган маъқул, – у чўнтағидан ҳамёнини олди.

– Э, йўқ, кейин сен мени ҳам дарранинг тагида қолдирасан, йўқ, йўқ, бунақаси кетмайди!

– Аҳмоқ бўлма! – деди К. – Агар иккисига ҳам жазо берилишини истаганимда, уларни сотиб олиб озод қилишга интилмаган бўлардим. Мен аслида эшикни зарб билан ёпиб, ҳеч нарсани кўрмай ва эшитмай, бу ердан хотиржам уйга кетишпим мумкин эди-ку. Бахтга қарши, бунинг акси, уларни озод қилишга астойдил уринмоқчиман. Модомики, жазоловчи, деган гумонга борганимда ҳам, бу уларнинг хизматига зиён етказадиган бўлса, ҳатто номларини ҳам тилга олмаган бўлардим. Ҳа, уларни айбдор деб ҳисобламайман, балки бунинг учун бутун бир маҳкама, бутун бир тизим, мансабдор шахслар – казо-казо тўралар айбдор.

– Жуда ҳам тўғри! – бир йўла соқчиларнинг иккиси ҳам ҳайқирди, бироқ шу лаҳзадаёқ уларнинг яланғоч белларига шарт-шурт гаврон ҳам келиб тушди.

– Агар сенинг бу гавронинг остига суд ҳаками тушганида, – К. унинг қўлидан ушлаб тўхтатишга уринди, – мен ҳеч қачон бу дарралашга халақит бермаган, аксинча, сенга пул бериб, бу савобли ишнинг давом этишига ҳисса қўшган бўлардим.

– Сўзларинг тўғрига ўхшаб кетади, – деди мирғазаб, – шунга қарамай ўзимни сотиб олишларига йўл қўёлмайман. Демак, мен савалаш

учун вакил қилиб юборилганманми, дўппослашми-дўппослаш, ўз ишимни қилишим керак.

Шунда соқчи Франц унинг калтаклашга ха-лақит беришидан хайрли бир натижа чиқиши-га умидворлик туйиб, шимлардан бирини эшик яқинидан олиш учун йўналаркан, эмаклаб келга-нича К.нинг оёғидан маҳкам ушлади ва эшити-лар-эшитилмас овозда унга илтижо қилди:

– Агар сен иккимиз учун меҳр-шафқат кўрса-тишни уddyалолмаётган экансан, ҳеч бўлмаса бир-гина мени бу зулмдан ҳалос қилишга уриниб кўр. Виллем пишиб кетган, парвосига келтирмайди, ахир унинг бу калтаклар тагида қолганига ҳам икки йилдан ошиб кетди, тўғри, унчалик оғрит-майди, аммо номус-оримга жуда ёмон тегади. Буларнинг барига Виллем айбдор, у мени уриб-сўкиб, яхшига ҳам, ёмонга ҳам ўргатди. Пастда, банк эшиги олдида мени қайлиғим кутиб туриб-ди, унинг олдида бу қанчалик уят, оҳ, қанчалик даҳшатли номуссизлик-а! – у юзидағи шашқатор ёшларини К.нинг камзулига артарди.

– Қани, бўлинглар, мен бундай ортиқ кутиб ўти-ролмайман, – жазоловчи шундай деб икки қўлига ҳам гавронларни олиб, Францини савалай кетди, Виллем бўлса бир чеккада унутилганча, қимирлаш-га ҳам юраги дов бермасдан зимдан кузатарди.

Бирдан Франц дод-вой кўтарди, пайдар-пай ва тўхтовсиз тараалган бу чинқириш ҳеч ҳам ин-сонникига ўхшамас, гўё қандайдир дабдаласи чиққан чолғу асбобиникидай эди. Бутун йўлак ана шу товушларга тўлди, эҳтимол, бу вовайло бутун бинога эшитилгандир.

– Додлама! – ўзини тутолмасдан ҳайқирди К. ва важоҳат билан эшикка қаради, қаердандир ҳозир хизматчилар югуриб келишини хаёл қилиб, шунинг олдини олмоқчи бўлибми, Францини куч-

сизгина туртди, бироқ ҳаммаси худди шундай бўлиши керакдай, Франц тагидан ўрилган бир боғ беда каби полга қулади, ерда ётганча, тутқаноқ тутгандек қўллари билан ерни пайпасларди; жазоловчи бундан яхшигина фойдаланди, гаврон ерда ҳам Францни топиб, бир текисда келиб тушганча вужудини тўлғантиради. Ниҳоят, йўлак адогида гумашта кўринди, унинг ортидан яна қадамлар, иккинчиси ҳам келарди. К. тезликда эшикни ёпиб, ҳовлига қараган дераза олдига яқинлашди ва уни ланг очиб юборди. Дод-войлар бутунлай тинчид қолди. Ишқилиб, хизматчилар унга жуда яқин келишларига имкон бермаслик мақсадида товушини кўтариб деди:

- Бу менман!
- Хайрли кун, жаноб прокурест! – жавоб қилишди у ёқдан. Бирон-бир кўнгилсизлик бўлгани йўқми?
- Йўқ, йўқ, – бақириб деди К. – Ҳовлида шунчаки ит вовуллади. – Бироқ чопарлар жойидан жилишмагач, у гапига қўшимча қилди. – Ишларингизга бораверсангизлар ҳам бўлади.

Ишқилиб, чопарлар билан сұхбат яна уланиб кетмасин деб деразадан бошини чиқариб турди. У бир неча дақиқа ўтказиб, қайрилиб қараганида чопарлар аллақачон кетиб бўлганди. Бироқ К. дераза олдида анчагина туриб қолди, унинг омборчага киришга юраги дов бермас, уйга кетиши ҳам истамасди. Ихчамгина, тўртбурчак ҳовлига К. тепадан қааркан, теваракдаги хизмат идораларининг зулмат босган деразаларига кўзи тушди, фақат энг юқоридаги ойналарда ой нури шуълаланарди. К. кўзини йириб, ҳовлининг олис бир чеккасига назар ташлади – унда аллақандай аравачалар уймалашиб ётарди. К.ни калтаклашнинг оддини ололмагани қийнар, бироқ бу муваффақиятсизликда у айбдор эмас: агарда Франц

бунақа дод-вой солмаганда – албатта унинг ҳам жонидан ўтиб кетгандан кейин нима қилсин, бироқ ҳал қилювчи лаҳзаларда ўзини қўлга олмоқ керак – К. бутуни чораларни ишга солар, ишқилиб, мирғазабни бирон йўлини топиб, кўнглини эритган бўларди. Демак, барча қуий табақадаги хизматчилар шунаقا ярамас, бузук бўлишар экан-да, демак, бу мирғазаб ҳам бунақа ноинсоний юмушни ўзидан соқит қилиши мумкин эмас. Ахир қопчири оғзини очиб, пулларни кўрсатганда кўзлари қанчалик ўйнаб кетди, бунга К.нинг ўзи гувоҳ-ку; у калтаклашга зўр бераётган экан, бундан ҳам кўзлаган мақсади нархини ошириш бўлса керак. Турган гап, бу ерда К. ҳеч ҳам хасислик қилмоқчи эмас, у ҳақиқатан ҳам соқчиларни бу жазодан озод қилмоқни истади: агар у бу билан суд муассасасининг маънавий бузуқдигига қарши курашни бошлаган бўлса, бошқа йўли йўқ, буни ҳам табиий деб билиш керак. Бироқ Франц дод-вой кўтариши билан буларнинг бари ерпарчин бўлди. К. ахир ҳалиги гумашталар ёки бошқа бирорлар бўлсин, бу ерга югуриб келиб, омборчада мана бу қалани-қасанfilaр билан муроса-мадора қилиб ўтирганини кўришларига йўл кўйиб беролмайди-ку. К.дан бунақа курбонликни, ақди бор ҳеч кимса талаб этолмайди. Агар шунга қарор қилганида, жўнгина, унинг ўзи бу соқчилар ўрнига ечиниб, мирғазабнинг қамчисига орқасини тутиб берган бўларди. Қолаверса, бу ўрин алмашишни ҳалиги киши қабул қилиши даргумон, чунки бу билан ҳеч нарсада ютиб чиқмас, ўз бурчини кескин бузиб, демакки, ўз бурчига икки карра хилоф иш қилган бўлар, чунки К.нинг иши терговда бўлгани боис, суд хизматчилари барчаси учун у дахлсиз ҳисобланарди. Албатта, бу ерда ҳар қанақа бошқа ишларни ҳам амалга ошириш

мумкин. Хуллас, К. бошқа бирон нарса қила ол-
мас, у эшикни зарб билан ёпган экан, буни ҳеч
ҳам момақалдироқдай босиб келаётган хавф-
нинг олдини олиш учун қилгани йўқ. Афсуски
у охир-оқибатда Францни туртиб қўйди, бироқ
буни ҳам ниҳоятда таъсиrlаниб кетгани билан
изоҳлаш мумкин.

Узокдан чопарларнинг қадам товушлари эши-
тилди, улар эътиборига тушмаслик учун К. де-
разани ёпди ва ҳашаматли зинапоя сари юрди.
Омборчанинг ёнидан ўтар экан, тўхтаб, қулоқ
солди. Сув қуйгандай тинч. Эҳтимол, анави бе-
зори бу соқчиларни ўласи қилиб дўппослаганидан
бўлиши мумкин – ахир бечоралар миғазабнинг
бутунлай зулми-зўравонлиги остида қолишган-
ди-да. К. эшик тутқичига қўл юборди, аммо шу
заҳоти қўлинни тортиб олди. Барибир бу билан ҳеч
кимга ёрдами тегмайди, ҳозир бўлса, чопарлар
келиб қолиши мумкин. Аммо шу ерда у бу ишни
очиқ-ойдин ҳал қилишга зўр бериб, бор кучини
аямаслигини ва ҳақиқий айборлар – ҳозирча
кўринишга журъат қилишмаган суднинг казо-ка-
зо тўраларини жазога тортилишига эришишини
дилига тугди. Банкнинг ташқари зинаси бўйлаб
тушиб борар экан, у барча йўловчиларга синчков
назар содди, ҳатто кимнидир кутаётган қиз бола
кўринмайдими, деб четларгаям қаради. Демак,
Францнинг қайлиги ҳақидаги гапи – ундан кутиш
мумкин, очифи, кечирса ҳам бўладиган гирт ёлғон
екан-да, бироқ бундан биттагина мақсадни, яна
ҳам ортикроқ раҳм-шафқат уйғотмоқни кўзлаган.

Эртаси куни паришонхотир К. соқчилар би-
лан бўлиб ўтган воқеани унутолмай, йирилиб қол-
ган ишларини тўғрилаш учун ўз хонасидан чиқ-
масдан кечагига қараганда ҳам узокроқ ишлади.
Уйига кетиш йўли устида бўлгани учун омборча

олдидан ўтаётганда, худди одат бўлиб қолган-дек, унинг эшигини ярим очди. Бироқ кутгани қоронгилик ўрнига яна гувоҳи бўлган ҳолатдан жуда ажабланди. У ерда ҳеч нарса ўзгармаган, кеча қандай кўрган бўлса, шундай ҳолда эди. Остонадаёқ ашқол-дашқоллар уймалашиб ётар, тагида сиёҳи қотган шишалар олдида мирғазаб қамчиси билан туарар, сал нарида ҳалиям бутунлай ечинган соқчилар, токчада шам ёнарди, яна уни кўрибоқ «Барака топкур», деганча соқчилар дод-вой кўтаришди. Бироқ К. шу заҳотиёқ эшикни зарб билан ёпди, яна уни мушти билан уриб ҳам қўйди, гўё бу билан эшик янада қаттиқ бекиладигандек. У йиглашдан берироқ бўлиб, нусха кўчирувчи машинада бамайлихотир ишлаётган чопарлар сари отилди, улардан бири ишини тўхатиб, К.га ҳайрон бўлиб қаради.

– Қачонгача омборча шу аҳволда ётади, – бақириб берди К. – Алал-оқибат бу нопоклика ўзимиз ҳам кўмилиб кетамиз-ку.

Чопарлар у ерни эртага тозалаб, саранжом-сарышталашга вაъда беришгач, К. розилик аломати ила бошини қимирлатиб қўйди, ҳозир жуда кеч бўлиб қолган, бошда ўзи жўшиб таклиф қилгандек, уларни ишлашга мажбурлашнинг ҳеч ҳам мавриди эмасди. У озгина бўлса-да, кишилар ёнида бўлиши учун ўтирди, бир неча нусхаларни шунчаки варакларкан, гўё текшираётгандек ўзини кўрсатмоқчи бўлди, чопарлар у билан бир вақтда кетишга юраклари дов бермаслигини тушунгач, паришон ва ҳорғин бир аҳволда судралиб уйига жўнади.

АМАКИ. ЛЕНИ

Иш вақти тутай деб қолган кунларнинг бирида К. почтани жүнатиш билан жуда банд эди, кўлларида қоғоз билан хонасига бош сукқан икки чопарни бир ёққа суриб, ўртаҳол ер эгаси Альберт амакиси ичкарига кирди. К. амакисига кўзи тушар экан, бу манзарадан унинг ташрифини эшишиб, тасаввур қилганидек кўрқиб кетмади. Амакининг ташрифи муқаррап, у бу ҳақида бир ой олдин биларди. Шунда у чап кўлида эзғилашиб-абжаги чиқиб кетган соябонли похол шляпа ушлаганча, шошилиб кириб келган амаки кирчир ўнг кўлинини унга узатиши ва бу кўришувда беҳуда уринишни истамай, стол орқали йўлида неки учраса ҳеч нарсани кўнглига келтирмай, ҳаммасини ағдар-тўнтар қилишини хаёлан тасаввур этди. Амакиси ҳамиша шошилиб юради: у ўзининг пойтахтга бир кунлик ташрифи давомида мўлжаллаган ишларининг ҳаммасини ўз хаёлида ҳисоб-китоб қилиб чиқар, қолаверса, ҳамма-ҳаммасига улгурибгина қолмасдан, ишига алоқадор ёки шунчаки, ҳангоматалаблик юзасидан бўладиган бирон-бир дилтортар сұхбатни, ошначилик ва томошани ҳам бой беришни истамайди, ҳар ерда ҳозир нозир бўлиш пайида бўлади. К. ўзининг собиқ васийи олдидағи кўпдан-кўп бурчдорлиги юзасидан елиб-югуриб амакисига кўмаклашади ва ниҳоят, ҳамма ишлар пишиб, энг чўққи нуқтага етганида, уни ўзини-

кида тунаб қолишига таклиф қилади. К. унга ўзи-ча «Қишлоқи авлиё» деб ном берган.

Ҳамишагидай ҳол-аҳвол сўрашиш учун ором-курсига ўтиришга мулозамат қилганига қарамай амаки буни хаёлига ҳам келтирмади ва ҳеч қа-чон кўринмаган бир фавқулоддалик билан К.дан ўзлари яккама-якка қолишлиарини сўради.

– Бу жуда ҳам зарур, – деди уф тортганча ҳов-лиқиб амаки. – Менинг хотиржам бўлишим учун бу жуда муҳим.

К. эса айни пайтда бошини қотириб, ҳеч холи қўймаётган чопарларга аллақандай амри фар-монлар бериб, уларни хонадан узоқлаштириди.

– Биласанми, Йозеф, мен нимани эшитдим?
– ёлғиз қолганларидаёқ амаки ҳовлиқиб деди, у ҳеч нарсага қарамасдан, аллақандай қоғозларни тагига тортганча столга ўтириб олган, ўзига юм-шоқ бўлса бўлди эди.

Давоми нима билан тугашини яхши билгани боис, К. индамади. Бироқ тезда қилмаса бўлмай-диган ишларидан алаҳсиб, бир дақиқа бўшашибди ва танида ёқимли бир ҳорғинлик ҳис қилди ва де-раза орқали кўчанинг қарама-қарши тарафига кўз тикиар экан, у ўзи ўтирган жойдан фақат кичкина-гина учбурчак ёруғдан – икки витрина орасидаги гунг-гаранг деворларни кўра олди, холос.

– Шу ҳолингда сен яна ойнадан кўчани томо-ша қилиб ўтирганингга қара-я! – амаки қўлларини пахса қилиб, бақирди. – Худо ҳаққи, Йозеф, жавоб бер менга. Наҳотки, буларнинг бари тўғри, наҳот-ки буларнинг бари шундай юз берган бўлса?

– Азиз амакижон, – деди қийинчилик билан ўзига келиб К. – Ҳеч нарсани тушунмай қолдим, сен мендан нима истайсан ўзи?

– Йозеф, – амаки аразлагандай деди, – били-шимча, шу пайтгача фақат тўғри гапни сўзлаб

келгансан. Наҳотки, охирги гапинг вазият ёмон-лигининг аломати бўлса?

– Ҳа, сен нима ҳақида билмоқчи бўлаётганингни энди тушуниб етдим, – итоаткорларча мингирилади К. – Афтидан устимдан қўзғатилган иш ҳақида эшитган кўринасан.

– Худди шундай, – бошини секин қимирлатиб, жавоб қила қолди амаки, – мен судланаётганингни эшитиб келдим.

– Кимдан? – суриштириди К.

– Менга бу ҳақида Эрна ёзиб юборибди, – деди амаки, – у сени анчадан буён кўролмабди, афсуски, у ҳақида кам қайғурасан, ҳолбуки қизгина сенга бефарқ эмас, ҳаммасини сўраб-суриштириб билиб олган. Бугун ундан хат олдиму аҳволнинг жиддийлигини фаҳмлаб, бу ёқقا учеб келавердим. Бу келишимнинг бирдан-бир сабаби, дарҳақиқат жиддий, асосли сабаб. Хатнинг сенга даҳлдор жойларини ўқиб беришим мумкин. – У ҳамёнидан хатни юлқиб олди. – Мана, қара: «Йозефни мен аллақачондан буён кўра олмадим, ўтган ҳафта банкка борсам, иш билан шунчалик банд эканки, мени олдига киритишмади. Қариб бир соатлар кутиб ўтириб, кейин уйга қайтишимга тўғри келди – мусиқадан машғулотим бор эди. У билан мириқиб сухбатлашмокчи эдим, эҳтимол, бу бошқа сафар амалга ошиб қолар. Унинг меҳрибон ва эътиборлилигини айтмайсизми, туғилган кунимда каттакон бир қутида шоколадли қанд-курс юборибди. Ўшандада сизга буни ёзиб юборишни унуглан эканман, мана энди у ҳақида ўйлаб туриб, эсимга тушиб қолди. Афсуски, пансионимизда уни бир зумда гумдон қилишади, ҳатто сенга бир жаҳон шоколад совфа қилишганига қараб, севинишга ҳам улгуролмайсан, бир қараганингча йўқ, паққос туширишган бўлишади. Аксига олиб, мен сизга ҳеч кечик-

тирмасдан Йозеф бошига түшиб турган яна бир ташвиш ҳақида ҳам билдиришим керак. Банкка борганимда, қандайдир жаноб билан банд бўлгани учун олдига киритишмади. Аввалига мен сабр-тоқат билан кутдим, сўнгра чопардан анави киши Йозефнинг олдида узоқ ўтирадими, деб суриштирдим. Чопар менга, узоқ ўтиришса керак, чунки сухбат, айтидан, катта прокурист устидан олиб борилаётган тергов ҳақида бораётган бўлиши керак, деб жавоб қилди. Мен ҳовлиқиб, бу тергов деганингиз яна нимаси, сиз хато қилмаяпсизми, деб ҳоли-жонига қўймай сўраб-суриштирдим, бироқ у ҳеч қанақа хато қилмаётганини, тергов бўлаётганини жиддий туриб айтди ва бундан бошқа ҳеч нарса унга маълум эмаслигини билдириди. Унинг ўзи Йозефга жони-дили билан ёрдам қўлини чўзишни истар, аммо қандай кўмак беришини билмаскан, чунки жаноб прокурист ҳамиятли, адолатли одам, нуфузли кишиларнинг аралашуви боис иш яхшилик билан тугаса ажаб эмас, буни унга астойдил тилайман. Эҳтимол, ҳаммаси худди шундай яхшилик билан тугар, бироқ ҳозирча жаноб прокуристнинг кайфиятига кўра ишнинг кетиши яхшига ўхшамайди, деб хавотирини ҳам изҳор қилди чопар. Албатта, мен бу сухбатга аҳамият бермадим, лақма чопарни тинчлантиришга уриндим, бошқаларга оғзидан гуллаб юришини бас қилишни тайинладим ва умуман ўзим ҳам унинг гаплари куп-куруқ сафсатадан бошқа нарса эмас, деб ҳисоблайман. Шунга қарамай, отажон, сен бу ёққа кейинги сафар келишингда, ишнинг миридан сиригача билиб олсанг заар қилмасди, бу сенга чўт эмас, мабодо у жиддийроқ бўлса, тоши оғир ошна-оғайниларингни ишга солиб, тўғрилашинг мумкин бўларди. Бунга ҳожат бўлмагандга ҳам, яна бир қувончли томони, сени жонидан ортиқ қўрувчи қизинг кутилгандан ол-

динроқ дийдорингга етиб, баҳтдан масур бўлишига имкон яратган бўласан. У бундан ўзида йўқ, курсанд бўлади». Ажойиб қиз-да! Хатни ўқиб бўлиб шундай деркан, амаки намланган кўзларини ҳам артиб олди.

К. бошини қимирилатиб, ҳаммасига иқрор бўлди: кейинги вақтда бошига тушган мана бу савдолар боис, у Эрна ҳақида бутунлай унугиди, ҳатто туғилган куни ҳам тамоман хотирасидан кўтарилиб кетибди: шоколад борасидаги гап К.ни амакиси ва холаси олдида оқлаш учун қиз томонидан ўйлаб топилган эди. Бундан унинг кўнгли жуда эриб кетди. У ўзича қиз театрга тушшиб туриши учун патта юбориб туришни дилига тугди, бироқ, бу камлигини тушунар, аммо пансионатга бориб, 18 ёшли бу жимитдайгина толиба қиз билан дийдорлашиб туришни тасаввурига сифдира олмас эди.

– Қани, энди менга нимани айтиб бермоқчисан? – сўрашга тушди амаки. Хатни ўқигандан кейин у ҳаяжонланиш ва ҳовлиқишини бас қилиб, гўё номани яна бир бор ўқишга тараддуд кўраётгандай эди.

– Ҳа, амаки, булар бор гап, – деди. К., – эшигтганингиз тўғри.

– Ҳаммаси ҳақиқатми? – бақириб юборди амаки. – Қанақасига ҳақиқат бўлади? Қанақа иш бу ўзи? Жиноий иш бўлмасин тағин?

– Ҳа, жиноий иш, – тасдиқлади К.

– У ёқда устингдан жиноий иш кўзғатилиб, хавф-хатар устингга бало-қазодай бостириб келлаётган бўлса-ю, сен бу ерда бамайлихотир қўл қовуштириб ўтираверсанг! – янада баттарроқ чинқириб, айюҳаннос солди амаки.

– Мен қанчалик вазмин бўлсам, ҳовлиқмасам, буларнинг оқибати шунчалик яхшилик билан ту-

гайди, – К. ҳорғин алфозда деди. – Ҳа, сен бундан күпам құрқаверма!

– Йўқ, йўқ, сен асло мени тинчлантиришга уринма! – бақира кетди амаки. – Ў, Йозеф, қўзингни оч, жигарим, яхшиси, ўзинг ҳақингда жиддийроқ ўйла, яқинларинг, қавми-қариндошларинг, бизнинг гард юқмаган пок номимизнинг қайгусини қил. Сен ҳамиша фахру ифтихоримиз бўлиб келгансан ва ҳеч қачон бизни шарманда-ю шармисор қиласлигинг керак. Ҳолбуки, ўзингни бунақа тутишинг менга сира ҳам ёқмаяпти, – у бошини бир ёнга буриб, кўзларини чақчайтириб, К.га қаради.

– Ақди-хуши жойида, айбизз киши ўзига бунақа муносабатда бўлмайди. Қани, тез бўл, нима гап ўзи, бошидан охиригача, битта қолдирмай айтиб бер-чи, шундагина мен сенга ёрдам қила олишим мумкин. Бирон чорасини топармиз, ахир. Нима бало, нафсинг ҳакалак отиб, банкда бўладиган галамисликларга қўшилиб қолдингми?

– Э, йўқ, қўйсанг-чи, – К. шундай деб ўрнидан турди. – Қадрли амакижон, сен намунча бақириб-чақирмасанг, ахир, эшик ортидан буни чопар ҳам эшитаётган бўлиши мумкин. Бу мен учун жуда ҳам кўнгилсиз. Яхшиси, бу ердан чиқиб кетамиз. Албатта, қўлимдан келганча, барча саволларингга жавоб беришга ҳаракат қиласман. Ҳонадонимиз шаъни нима эканлигини яхши биламан, ахир.

– Э, балли, бор экансан-ку! – шодланиб ҳайкирди амаки. – Гапларинг жуда ҳам тўғри. Қани, тез бўл, Йозеф, отни қамчилайлик!

– Бироқ мен оддин анча-мунча ишларни буюриб кетишим керак, – деди-да, шу жойда К. телефон орқали ўзининг ўринбосарини чақирди ва бир неча дақиқа ўтар-ўтмас чорланган киши хонага кириб келди.

Амаки унга ҳовлиқиб, мен эмас у сени чақирди, дегандай К.га ишора қилди. Ҳолбуки, бу

ўз-ўзидан тушунарлы эди. Ёзув столи олдида туриб, К. йигитчага ҳар хил қоғозларни күрсатиб, паст овозда, бугун у йўқлигига бажариши лозим ишларни уқтирар, йигитча К.ни совуққонлик билан, аммо дикқат-эътибор-ла эшитар эди. Амаки эса уларни тингламагани ҳолда кўзларини чақчайтириб, лабларини тишлаб, ҳар бир хатти-ҳаракати билан ишнинг белига тепиб турарди. Кейин у бутун хона бўйлаб у ёқдан бу ёққа юра бошлиди, гоҳ дераза олдида, гоҳ сувратлар олдида тўхтарди-да, гоҳ «Йўқ, бу менга бутунашай тушунарсиз!» гоҳ «Э, барака топгур, бу ёғи энди нима бўлади?», каби ишга дахли йўқ хитоблар қилиб қоларди. Йигитча ҳеч нарсага эътибор бермаган тусда ўтириб, К.нинг ҳамма буюрганларини охиригача хотиржам тинглади, қайси бирларини ёзисб ҳам олди, сўнг К. ва амакига таъзим қилиб хонадан чиқаркан, уларнинг орқасида туриб олган амаки, дераза оша қайларгадир қараганча, беихтиёр пардани жазава билан ғижимларди.

Эшик ёпилишига ҳам сабр қилмай, амаки ҳайкириб юборди:

– Хайрият-э, бу масхарабознинг ҳам қораси учди. Энди биз ҳам кетсак бўлади. Хайрият-э!

Афсуски, амакининг шаштини ҳеч қанақа куч билан тўхтатиб бўлмас эди. Ҳали улар бинодан чиқиб кетмасданоқ, банкнинг амалдору хизматчилари ўтиб турганида, ҳатто директор мувовинига дуч келиб қолганларида ҳам, у умуман парвосиз ўз саволларини ёғдириб борар эди.

– Менга қара, Йозеф, – дерди амаки теграларида гиларнинг салом-алигига енгилгина бир таъзим билан жавоб қила туриб. – Менга очиғини айт, нега устингдан жиноий иш қўзғатилади, бунинг сабаби нима?

К. ҳеч нарсани англатмайдиган иборалар билан унинг оғзини ёпмоқчи бўлди, ҳатто кулибги-

на қутулмоққа уринди, зиналардан тушаётганды, охири бўлмади, кишилар олдида ҳеч нима айтмаслигини очиқ маълум ҳилди.

– Тўғри қиласан! – деди амаки. – Қани, энди ҳаммасини бир бошдан гапириб бер!

Тамакини ютоқиб тортган амаки бошини солинтириб, тинглашга шайдек эди.

– Амакижон, ҳаммасидан олдин шуни билгинки, – деди К., – бу жараён одатдаги суддан фарқ қиласди, – уни шунчаки бир ёққа суриш амри маҳол.

– Бу яхшилик аломати эмас! – деб қўйди амаки.

– Нега ундан дейсан? – К. амакига тикилганча буни суриштирди.

– Сенга айтаяпман-ку, бу яхшилик аломати эмас деб, – амаки луқмасини яна қайтарди. Улар кўчага чиқадиган энли зинапояда туришар, худди шу ерда ҳар нарсага кўз-кулоқ дарбон бўларди, К. амакини пастга бошлади ва гужфон ўйнатгандан оломонга кўшилиб кетишиди. Амаки ҳам К.нинг қўлидан тутганча, суд ҳақидаги жонга тегар сўраб-суриштиришларни бас қилди, йўлак бўйлаб жимгина юриб кетдилар.

– Аммо бу қандай содир бўлди? – амаки яна қўққисдан жойида тўхтаб, сўраб қолди, шунда ортидан келаётган кишилар чўчиб тушиб, шивир-шивир қилишиди. – Бунақа ишлар бирдан бўлмайди, зимдан тараддуд кўрилади. Қанақадир аввалдан белгилари, огоҳлантиришлари, қалтис тегиниб кўришлари бўлгандир, нимага булар ҳақида менга бирон оғиз ҳам ёзмагансан? Ахир устингда ўлиб қолишимни яхши биласан-ку, мен ҳозир ҳам қайсиdir маънода ўзимни валинеъматинг ҳисоблайман ва бундан фақат фахрланиб келаман. Албатта, ҳозир ҳам сенга ёрдам қўлинни чўзишим мумкин, фақат бу ишнинг аллақачон қўзғаб қўйилганлиги чатоқ бўлибди, буни бости-бости қилиш қийинк бўлар-ов. Ҳар нима бўлганда ҳам ҳо-

зир, энг яхьиси, қисқа бир муддатта таътилга чиқсангу бирга қишлоққа қайтсак айни муддао бўларди. Жуда озиб-тўзиб кетибсан-ку, менга эндиғина билинди. Қишлоқда сал ўзингта келиб олардинг, бу сенинг учун жуда фойдали, афтидан, шубҳасиз, ҳали олдингда бирталай алламбало муаммолар кутиб турган бўлиши керак. Энг асосийси, суднинг бош оғритар ғалваларидан сал йироқ бўлардинг. Бу ерда эса улар ҳар қанақа ножӯя тадбир-тартибларни жорий қилишиб, ҳоли жонингта қўйишмайди, қишлоқда бўлса, аввалига бирон-бир вакил орқали ёки сенга хат битиб, телеграмма юборишлари, телефон орқали мурожаат қилишлари мумкин. Бу, албатта, тинкани қуриладиган дикқатбозликни сал бўлса-да кесади, бутунлай улардан ҳалос бўломасанг-да, бир қадар, нафас ростлашингта имкон беради.

– Бироқ менга бирор ёққа кетишни тақиқлаб қўйишлари мумкин, – деди К. амакининг фикр йўсини таъсирида.

– Улар шу даражага етмаслар, деб ўйлайман, – паришонхотирилик билан деди амаки, – ҳатто бу ердан кетган тақдирингда ҳам барибир устингдан ўрнатган ҳукмронликларидан четлашишинг қийин.

– Менимча, – К. амаки бир жойда тўхтаб туравермасин деб, уни қўлтиқлаб олди, – бу ишнинг сира ташвишини қилмаслигинг керак, сен эса, ўзингга бир қара, буларнинг баридан жуда сиқилган кўринасан.

– Йозеф! – амаки бақириб, унинг қўлидан юлқиниб чиқишига ва шу ерда қоққан қозикдек турмоққа уринди, бироқ К. унинг қўлини бўшатмади. – Сен умуман бошқа одам бўлиб қолибсан, сенда ҳамиша бамаъни мулоҳазалар бўларди. Наҳотки, сени бу жараён шунчалик ўзгартириб юборган бўлса? Судда бой беришни истайсанми?

Бунинг нима эканлигини тушуняпсанми? Юмшоқ қилиб айтганда, бу ўз ҳаётинг устидан ўзинг қора чизик тортганинг бўлади. Бу билан бутун қавму қариндошинг юзига оёқ қўйган бўласан, улар касрингга қолади, номусдан ўлади, ундаи бўлмагандага ҳам ўзингни гўнгга қориб ташлайсан, адо қиласан. Йозеф, ўзингни қўлга ол. Лоқайдлигинг мени ақлдан оздирай деяпти. Сенга қарайман-у мана бу мақол бекорга айтилмаганига яна бир бор амин бўламан: «Вақтинг кетди – баҳтинг кетди!»

– Қадрли амакижон, – деб гап бошлади К., – бунақа ҳовлиқиши сен учун ҳам, қолаверса, мен учун ҳам бемаъниликтан бошқа нарса эмас. Ҳовлиқиши билан устимдан кўзғатилган ишда ютиб чиқиб бўлмайди, озгина бўлса-да, менинг ҳам тажрибамга ишон, бирпас гапимга қулоқ сол, худди мен ҳамиша маслаҳатларингта қулоқ тутиб келганимдек, ҳатто ҳозир ҳам сенга соме бўлиб турибману, Гапларингга қараганда, оиласизнинг барчаси бу жараёнга тортилармиш. Очифи, бундан ҳеч нимани англамадим, бу умуман бўлиши мумкин бўлмаган нарса, мабодо шундай бўлиб чиқса, ҳаммаси учун сени айبلاغан бўлардим. Аммо қишлоққа жўнаб қолиш ҳақидаги таклифинг ҳам менимча мақсадга мувоғиқ эмас, бу ўзининг айбордлигига икror бўлиб, қочиб қолишга ўжшаб қолади. Қолаверса, бу ерда текшир-текшир билан ҳоли-жонимга қўйишишаса-да, фақат шу ерда туриб, ишнинг бирон-бир чорасини топишим мумкин.

– Тўғри, – бу сўзни амаки шундай бир оҳангда айтдики, гўё улар охир-оқибат бир-бирларини тушунгандек эдилар. – Мен бу таклифни бу ерда қоладиган бўлсанг шу лоқайдлигинг билан, ҳамма ишни пачавасини чиқарасан деб айтгандим. Ҳарқалай, биргаликда иш олиб борсак, сен учун

фойдалироқ бўлади, деб ҳисоблайман. Бироқ бу ишни бутун кучинг билан бартараф қилишга ҳаракат қилаётган экансан, охири натижасиз бўлмаса керак.

– Демак, келишдик, – деб кўйди К. – Агар сенда таклиф бўлса, айт-чи, бундан кейин ишнинг ижобати учун нима қиласа бўлади?

– Аввал ҳаммасини яхшилаб ўйлаб олиш керак, – деди амаки. – Сен бир нарсани унутма, мен қарийб йигирма йилдан бўён ҳеч қаёққа чиқмасдан қишлоқда яшайман, шунинг учун бу ишнинг фахмига борадиган кишилар билан алоқам узилган. Қолаверса, вақт ўтиб, бу борада сезгирлигим ҳам ўтмаслашган бўлиши турган гап, ўзинг тушунарсан, қишлоқда шунақа гумроҳ бўлиб қоларкан киши. Гапнинг пўскалласи, бунақа савдолар бошингга тушгандагина билинади. Умуман, буларнинг бари мен учун ҳеч кутилмаган воқеа, ҳолбуки, Эрнадан хат олганимдаёқ, қанчалик ғалати бўлмасин, анча-мунча нарсаларни ўзимча гумон қилгандим, бугун сени кўрдим-у, менга ҳаммаси аён бўлди. Бироқ ҳозир бу муҳим эмас, асосийси, вақтни бой бермаслик керак.

Шуларни айтар экан, у оёқ учида кўтарилиб, қўлларини силкита-силкита такси чақирди; дўриллаб манзилни ҳайдовчига тушунтириди-да, ўзи билан бирга К.ни ҳам машинага тортиди.

– Оқловчи Гульднинг олдига борамиз, – деди амаки. – У менинг мактабдош дўстим бўлади. Албатта, бу ном сенга таниш бўлиши керак? Йўқми? Наҳотки? У ахир қашшоқларнинг адвокати ва ҳимоячиси сифатида довруқ қозонган-ку. Холис бир инсон сифатида унга ихлосим баланд.

– Сен нимани лозим кўрсанг, ҳаммасига розиман, – деди К., бироқ ўжар ва ҳовлиқмалиги билан амаки ҳозирнинг ўзидаёқ унга бир талай кўнгилсизликлар олиб келганидан дили ғашланди.

Фақирлар адвокати олдига айбдорлардек елка қисиб бораётгани ҳам ориягини келтирап эди. – Бу ишда адвокатларни ҳам жалб қылса бўларкан-да, – гудраниб деди у. – Мен эса билмасдим.

– Бўлмаса-чи! – жўшиб кетди амаки, – бу ўзўзидан тушунарли-ку. Нега уларни жалб қилмаслик керак экан? Қани, энди бошингга тушган савдоларнинг ҳаммасини гапириб бер, устингдан қўзғатилган жиноий иш жараёни ҳақида ипидан иғнасигача билишим керак.

К. шу жойда ҳаммасини, ҳеч бир нарсани қолдирмасдан ҳикоя қиларкан, бу ошкоралик унинг устидан олиб борилаётган суд катта шармандалик, деб ишонган амакининг ўй-фикрларига ягона норозилик, ҳақди эътиroz бўлади, деб ўйларди. Бошига тушган кўргилик ҳақида гапирганда, у фройлейн Бюрстнер иштирокини фақатгина бир бор юзакигина эслаб ўтди, шунга қарамай, айтганлари ҳақиқатга хилоф эмас, ахир фройлейн Бюрстнернинг бу ишда аҳамиятга молик бирон-бир томони йўқ эди-да. Ҳикоя қилатуриб, К. такси ойнасидан ташқарига қараб борар экан, айни паллада суд девонхонаси олдидан ўтаётгандарига кўзи тущди. У амакисига бинони кўрсатмоқчи бўлди, бироқ вазиятни ҳисобга олганда, бунинг кераклигига алоҳида бир асос тополмади. Такси зим-зиё бир уй олдидаги тўхтади. Амаки шу заҳоти пастки қаватдаги биринчи эшикнинг қўнғирофини босди ва жавоб кутиб туришар экан, катта-катта тишларини кўрсатиб тиржайиб шипшиди:

– Кечки соат саккизда адвокат қабулига келишининг мавриди эмас, албатта. Аммо Гульд биздан хафа бўлмайди.

Эшик кўзчасидан иккита тим қора, катта-катта кўз келганларга қаради-ю, яна ғойиб бўлди; эшик эса очилмасдан қолаверди. К. ва амаки

бир-бирлари билан кўз уриштириб, бу кўзларни кўрганликларини билдиришди.

– Янги оқсоч бегоналардан қўрқади чоғи, – амаки яна бир бор эшик қўнгирогини босди.

Яна ўша шаҳдо кўзлар пайдо бўлди, ҳозир улар маҳзун кўринарди, аммо бир қараашда алданиб қолиш мумкин, газ чироқ шуъласи ҳам баланд овоз чиқариб вишиллагани билан нури жуда хира бўлади.

– Очсангиз-чи, – амаки бақириб, эшикни мушти билан урди. – Биз жаноб адвокатнинг дўстлари бўламиз!

– Жаноб адвокатнинг мазалари йўқ, – деди кимдир орқадан мингирилаб.

Торгина йўлакнинг нариги бошидаги эшик оғзида, уй халатида турган аллақандай жаноб бу гапни ҳаддан ташқари бегам бир оҳангда айтганди.

Амаки роса кутиб қолганликларидан дарғазаб эди. Шу заҳоти шаҳдам қадамлар билан ўша жанобга юзланди-да, ўшқирди:

– Касалми? Сиз уни касал дедингизми? – деб кимсага таҳдид билан яқинлашаркан, гўё бу кимсанинг ўзи унга бало-қазонинг тимсолидай эди.

– Сизга эшик очилди-ку, – киши шундай деб, адвокатнинг эшигига имо қилди-да, ерда судралган халатини йигишириб олиб, қайгадир фойиб бўлди. Эшик ҳақиқатан ҳам очик, даҳлизда қўлида шам ушлаганча узун оқ пешбанд тақиб олган, дуркунгина қиз турарди – К. унинг нақ олов, тимқора кўзларидан дарров таниди.

– Кейинги сафар ҳайиқмасдан очаверинг! – деган амакига қиз енгилгина таъзим қилиб, саломлашди. – Кетдик, Йозеф, – у эса қизнинг олдидан қимтинибгина ўтаётган К.га мурожаат қилди.

– Жаноб адвокат хаста ётибдилар, – деди қиз, бироқ амаки тўхтамади, у иккинчи эшикка қараб шошиларди. Қиз кириш эшигини маҳкам-

лаш учун бурилганда К. унга сүқланиб қаради. Бу дүндиңча түркімнен, унинг фақат оппоқ юзлари дүмбоқ бўлиб қолмасдан, дудоқлари-ю лабининг чеккаларигача бежирим эди.

– Йозеф! – баланд овозда чақирди амаки ва қиздан сўради. – Яна юраги чатоқ бўляптими?

– Ҳа, эски касаллари, – деркан, қиз уларга етиб олиб, қўлида шам билан бошлиб кетди, мана, нихоят, эшикни ҳам очиб берди.

Хонанинг тўрида, ҳали шам ёрги етмаган бир жойда ёстиқдан узун соқолли бир бош кўтарилди.

– Лени, ким бу келган? – деб суриштирди адвокат. Бу кўройдинда у меҳмонларни кўриши душвор эди.

– Эски қадрдонинг Альбертман.

– Э, Альберт, ўзингмисан? – адвокат қайта сўраркан, бу меҳмонлар оддига, ўзини бирон-бир кўйга солишга ҳожат йўқдай ёстиқчага ўзини ташлади.

– Наҳотки, аҳволинг шунчалик ёмон бўлса? – амаки ҳол-аҳволини сўраб, адвокатнинг тўшаги чеккасига ўтириди. – Ҳеч ҳам ишонгим келмайди. Эҳтимол, бу сенда оддин ҳам содир бўлиб турган юрак хуружининг қайталашидир, одатдагидек, тезда ўтиб кетар.

– Балки шундайдир, – адвокат паст овозда жавоб қилди. – Бироқ ҳеч қачон бу даражада аҳволим ёмонлашмаган эди. Нафасим қисади, кеча-кундуз уйқу йўқ, кун ўтган сари тинка-мадорим қуриб боряпти.

– Буни қара, – амаки шундай деб пахса қўллари билан тиззасидаги шляпасини қаттиқ фижимлади, – бехосият янгилик-ку бу! Ўзи парваришинг яхшими? Бу ер намунча гарип, намунча зимиистон бўлмаса, жаҳаннамнинг ўзи-ку. Тўғри, сеникига анча замондан буён келганим йўқ, лекин авваллари ҳаммаси жойида, кунинг кунинг кунинг

ўтаётгандай туйиларди. Бу ойимтилланг ҳам со-
вукроқ экан. Ёки у мугомбирроқми дейман!

Қиз қўлида шам билан ҳамон эшик ёнида турарди, унинг ўйноқлаган нигоҳлари ҳозир амакидан ҳам кўра К.ни нишонга олган, ҳатто гап ўзи ҳақида бораётгандা ҳам бир туки ўзгармасдан, йигитга еб қўярдай қараб турарди. К. курсининг орқасидан тирсаги билан итариб, уни қизнинг яқинига суреб қўйди.

– Мен каби хаста бир одам учун ҳаммасидан кўра муҳими тинчлик, – деди адвокат. – Бу ер менга ҳеч ҳам фариб кўринмайди. – У бир оз сукут сақлаб туриб, гапига қўшимча қилди. – Ленининг ҳам мен учун жони ҳалак, барака топсин. У менга яхши қарайди.

Бироқ амаки бу гапларга ишонмади, шу боис ҳам беморнинг мулоҳазаларига бирон-бир эътиroz билдирамаган бўлса-да, ҳамширага нисбатан олатоп кайфияти ўзгармади, қиз каравотнинг яқинига келиб, тунги столча устига шамни кўйиб, беморнинг устига энгашганча, ёстиқчалирини тўғрилаётib, қулогига нимадир деб шивирлаганда ҳам қаҳрли бир нигоҳ ила уни таъқиб этди. Хаста одамни эҳтиётлаш кераклиги ҳам унудилди, амаки курсидан кўзгалиб; ҳамширанинг орқасида бўзрайганча хонанинг у бошидан бу бошига бориб келишга тушди, у ҳозир Ленининг этагига чанг солиб, қизни каравотдан отиб юборганида ҳам К. асло ажабланмаган бўларди. К. ҳаммасига бепарво қараб ўтирас, ҳатто адватнинг касал бўлиб чиқиши ҳам жўяли кўринар, бошқача бўлганда, у ҳеч ҳам амакининг бу саъиҳаракатига тоқат қилолмасди, аллақандай кишининг ишини ўз йўриғига олиши ҳам уни ажаблантирган бўларди, – ҳозир эса амакининг бу алаҳсигани ва алоҳида жаҳди-жадаллиги билан иши йўқ, чунки у К.га жуда қўл келиб турарди.

Бироқ шу ерда амаки ҳамширага ёмонлик соғингандай деди:

– Ў, ойимқиз, бир зумга бизни холи қолдирсангиз, дўстим билан жуда муҳим бир-иккита шахсий ишларимизни гаплашиб олишимиз керак.

Ҳамшира худди девор ёқдаги чойшабларни тўғриламоқчи бўлгандек беморнинг устига эгилди, кейин амакининг важоҳатига қаршилик ўлароқ вазмин оҳангда деди:

– Ахир, кўриб турибсиз-ку, жаноб адвокатнинг тоблари йўқ. Ҳозир у шахсий ишларни кўрадиган аҳволда эмас.

Бу гапларни қиз амакига вазиятга қараб айтди, уларни ҳар қанақа холис киши жуда борса, кулибгина қабул қилиши мумкин эди, амаки эса баттар тутақиб кетди.

– Аҳ, сен, балогинага йўлиқтур! – аччиғи зўридан ўзини босолмай қолган амакининг қолган сўзлари яrim-ёрти, фуладираб чиққанидан уларни тушуниб олиш қарийб мумкин эмасди.

К. қўрқиб кетди, ҳолбуки, у амакининг қуюшқондан чиқиб кетишини кутганди, шу боис ҳам чолнинг оғзини икки кўллаб ёпмаса бўлмайдигандек отилди. Бахтларига бемор ўрнидан яrim қўзғалиб, ёnlама қилиб қизга қаради; амаки юзи бужмайганча, гўё қалампир чайнаб қўйгандек ўтиаркан, охири ўзини босиб олиб, тили калимага келди:

– Ҳм, биласизми, биз ҳали бутунлай ақли-хушшимизни еб қўйганимизча йўқ, бўлмаса ҳеч мумкин бўлмаган нарсаларни муҳайё қилишини сўрармидим, ҳарқалай, буни талаб қилганимча йўқ. Илтимос, бизни холи қолдирсангиз!

Ҳамшира тўшак олдида турганича, саркашлиқ билан бошини амакига бурди, ўзи бўлса, К.нинг кўзига адвокатнинг қўлларини силаётгандай туйилди.

– Сен Ленининг оддида ҳаммасини тўкиб-солишинг мумкин, – адвокатнинг гапида қатъий бир илтимос зоҳир эди.

– Гап менга даҳлдор эмас-да, – деб гап бошлиди амаки, – сир ҳам меники эмас. – Ва у бирдан юзини орқага бурди, бу билан ҳеч қанақа тортишувга ўрин қолдирмоқчи эмасди, балки мулоҳаза қилиб олишга имкон берадигандай бўлди.

– Унда кимники? – адвокат ёстиқни қўйвориб, ожиз бир овозда сўради.

– Жиянимники, – деди амаки. – Мен уни бу ерга бошлаб келдим. – Ва у К.ни таништириди:

– Мана ўзи, Йозеф К., банкда прокурист бўлиб ишлади.

– Э, шунақами? – бемор анча жонланиб олиб, К.га қўлини узатди. – Кечирасиз, мен сизга эътибор қилмабман. Лени, чиқиб тур, – у ҳамширага буюрди. Қиз ҳам ортиқ қаршилик кўрсатмади, гўё узоқ айрилаётгандай адвокат қизнинг қўлини сикиб қўйди. – Демак, шундай де, – у амакига қараб минғирларкан, хотиржам бўлиб қолди ва яқинроқ сурилди. – Бундан чиқди, беморнинг ҳолидан хабар олиш учун эмас, иш билан келибсан-да!

Шу пайтгача у булар беморни кўргани келган деб азобланиб ўтирганга ўхшарди, гап нимадалигини билгач, бирдан жонланиб қолди, гавдасини тиклади, тирсагига суюниб олди, бир ҳолда ўтириб уни чарчатган бармоқларини чуқур ботириб, соқолини тутамлай бошлади.

– Бу манжалакининг қораси ўчиши билан сен ҳам дарров ўзингга келиб қолдинг, – деди амаки. Шу ерда у бир оз тўхтаб турди-да, кейин шивирлади. – Гаров ўйнашим мумкин, ҳозир у ўғри мушукка ўхшаб эшик ортида гап пойлаб ўтирибди. – Амаки югуриб эшик олдига борди. Бироқ эшик ортида ҳеч ким кўринмади, у қайтиб келар экан, бехуда дарғазаб бўлганидан хижолат тортиш ўр-

нига, назарида қизнинг эшик ортида йўқлиги янада баттар ярамаслик эди, шу боис қаҳри-ғазаб алангаси ўрлагандан ўрлаб борарди.

– Сен у ҳақида янгишаётисан, – деб қўйди адвокат, бироқ ҳимоя қилишга уринмади; эҳтимол, бу билан у ҳамшира ёрдамга муҳтоҷ эмаслигини кўрсатиб қўймоқчи бўлгандир, сўнг хайриҳоҳ оҳангда сўзида давом этди. – Бундай фавқулодда жиддий ишни уддалашга куч-қувватим етармикан? Қадрли жиянингга бирон-бир фойдам тегса, ўзимни жуда баҳтиёр ҳис қилган бўлардим; уни ҳал қилишга ҳолим келмаса-чи, деб жуда қўрқаман-да, ҳарқалай, қўлимдан нима келса, ҳаммасини ишга солиб кўраман; шунда ҳам бир иш чиқара олмасам, бошқа бирорни жалб қилиб кўрармиз. Тўғрисини айтганда, бу иш менинг бор ақли-хушимни олиб қўйди. Унга бош қўшишдан ўзимни тия олмайман. Агар юрагим кўтаролмаган тақдирда ҳам начора шарафли бир ўлим топишига бундан ортиқроқ асос топишим қийин.

К. бу сўзлардан бирор маъни уқмагандек ўти-рарди, у изоҳ истаб амакига қаради, амаки бўлса тунги столда турган шамни қўлига олволганча, дорили кичкина шишачани думалатиб юбориб, адвокатнинг ҳар бир сўзини маъқуллаётгандай бошини ликиллатар, йўқ, йўқ, аксинча, К.га қараб, ўз розилигингни билдири, деяётгандай эди. Эҳтимол, амаки аввалроқ келиб, бу суд ҳақида адвокатга айтиб берганмикин? Бироқ бунинг бўлиши мумкин эмас, юз бераётган ҳодисалар ўйлаганининг акси эди.

– Ҳеч нарсага тушунмаяпман, – охири каловланиб гап бошлади К.

– Йўқ, афтидан, мен сизга тушунмаган бўлсам керак, – ҳайрат ва эсанкираш билан унинг гапини бўлди адвокат. – Эҳтимол, мен шошқалоқлик қилгандирман? Сиз ўзи нима ҳақида мен билан

кенгашиб олмоқчи эдингиз? Фикри ожизимча, сүз устингиздан қўзғатилган жиноий иш жараёни ҳақида? Шундайми?

– Э, албатта-да! – маъқуллади амаки ва К.га юzlаниб деди: – Сен нимасига тушунмайсан ўзи?

– Сизлар мен ва устимдан қўзғатилган жиноий иш ҳақида қаердан ҳам билар эдингиз? – сўради К.

– Бунинг гапини қаранглар! – кулибгина деди уй эгаси. – Ахир мен адвокатман-ку, суд ҳакамлари даврасида бўлиб турман, у ерда эса ҳамиша сон мингта суд жараёнлари, тергов-сўроқ, қама-қама машмашалари ҳақида гапиришади; ҳаддан ташқари шов-шувли ишлар билан қизиқмай иложинг йўқ, айниқса, улардан бири қадрдон дўстингнинг жияни устидан қўзғатилган иш бўлса беихтиёр эслаб қоласан. Бунинг ҳеч қанақа ҳайрон қоладиган жойи йўқ.

– Яна сенга нима керак? – амаки К.ни қасди-бастига олди. – Нега бунча тинчингни йўқотиб қўйдинг.

– Сиз суд амалдорлари даврасида бўлиб тураизми? – қизиқсинди К.

– Ҳа, – деб жавоб қилди адвокат.

– Она сути оғзидан кетмаган гўдакка ўхшаб савол берганингни қара, – луқма ташлади амаки.

– Ўз ҳамкасларим қолиб яна ким билан учрашай, – деб сўз қўшди адвокат. Бу гап шунчалик иддаоли, устувор янградики, К. ҳеч нима деб жавоб қилмади.

«Афтидан сиз, Адолат саройида фаолият кўрсатсангиз керак, уларнинг чордоқقا жойлашган девонхонасини қаердан ҳам билардингиз?» – демоқчи бўлди-ю, аммо буни айтиш учун ўзида куч топа олмади.

– Ўзларинг тушунасизлар, – адвокат гапини шундай бир оҳангда давом эттирдики, баайни ўзича англаб етган бир ҳақиқатни маълум қи-

лишнинг хонаси келгандай эди, – сизлардан қолар гап йўқ, менинг бунақа суд ходимлари даврасида бўлишим беҳудага эмас, балки ҳар доим мижозларимнинг фойдасига нимадир ундиrmоқ, ниманидир билмоқ пайида бўламан, ҳолбуки, бу жуда нозик масала, ҳаммасини гапириб ўтириш ўринсиз ҳам. Албатта, ҳозир бу жин ургур хасталик оёғимга болта уриб турибди, шукрки, зиёратимга келадиган қадрдонларимнинг шарофатидан ер тагида илон қимирласа хабардорман. Ҳа, мен суд эшигига куни билан сарғайиб ўтирадиган айрим кимсалардан кўра кўпроқ нарсадан хабар топаман. Мана, ҳозир ҳам, сизларга айтсам, қадрли бир меҳмоним бор, – деди ва у хонанинг сим-сиёҳ бир бурчагини кўрсатди.

– Қани, қаерда у? – К. шу даражада ҳайрон қолганидан қўполлик билан сўради.

У ишонмаган бир алфозда ўша ёққа қаради; шамнинг ожиз нурлари рўпарадаги деворларга етиб борицга олислик қиласарди. Бироқ у ёқда ҳақиқатан ҳам нимадир қимирлаб қолганди. Амаки шамни кўтарган эди, кичкинагина столча, ёнида чўйкан кекса бир кишини кўрдилар. Албатта, жойида нафасини чиқармай ўтирган бўлиши керакки, алламаҳал ўтса-да, уни пайқашмаганди. У истар-истамай ўрнидан кўзғалди, аммо унга эътибор қаратгандаридан норозилиги ранг-рафторидан шундоқ билиниб турарди. Калта-калта қанотчаларга ўхшаш кўлларини силкитиб кўяркан, гўё у шу билан жамики таништирувларга этак силкандай, ўзгалар сұхбатига халал берганидан хижолат тортгандай, унугилганча қоронги бурчагида ўтиришни хуш кўргандай эди. Аммо бу борада ҳеч ким унга хайриҳоҳлик билдиrmади.

– Бизни бир оз шошириб кўйдинглар, – тушунтирди меҳмонларга адвокат ва кекса жанобга дадилроқ бўлинг, дегандек бош ирғади; у

жаноб эса иккилангансимон атрофга алангласа ҳам, ишоч ва хотиржамлик билан даврага яқинлашди. – Жаноб девонхона директори... Қариллик курсин, маъзур тутинглар, сизларни таништирамбман ҳам – бу қадрдан дўстим Альберт К, ёнидаги К.нинг жияни Йозеф, банкда прокуррист, бу киши эса девонхона директори... Жаноб директор азбаройи садоқатидан мени қўргани келган. Бундай ташрифнинг қадрини касал ҳамда қари одам жуда яхши билади. Ҳолбуки, жаноб директорнинг иши бошидан ошиб ётибди. Шунга қарамай келиб, жуда ҳам мароқди гурунг берди, маза қилдим, сұхбатимизга менинг ўсаллигим ҳам халал бера олмади. Биз Ленига келган меҳмонларни киритмасликни буюганимиз йўқ, чунки бирор келиши даргумон, биз шунчаки холи қолиб дардашиб тургандик, холос, шу маҳал сен эшпикни муштлаб қолдинг, Альберт, шундан сўнг жаноб директор ўз столи ва креслосини узоқ бурчакка элтиб ўтириди, мана кутилмагандা ҳаммаси аниқ бўлди, нима қипти, агарки, албатта, шу зарур бўлса, имкон етгани қадар баъзи ишларни муҳокама қилиш мумкин бўлар, келинглар, бир-биrimизга яқинроқ ўтириб олайлик. Жаноб девонхона директори! – илтимос қилди адвокат Галати кулимсираб ва боши билан каравот ёнидаги оромкурсини кўрсатди.

– Афсус, бир неча дақиқагина вақтим бор, холос, – очилиб деди директор, оромкурсига қулай жойлашаркан, соатига қараб қўйди. – Иш кўп. Шунга қарамай дўстимнинг дўсти билан танишмоқ имкониятини қўлдан бергим келмаяпти.

У амакига енгил таъзим қилди; афтидан янги таниш орттираётганидан мамнун эди. Амаки девонхона директорининг бу галиарини хижолат-пазлик билан, аммо жуда ҳам янгроқ қаҳҳаҳа билан қаршилади, зеро, унинг табиатида ялтоқи-

ликка мойиллик йўқ даражади эди. Албатта, бу таассуротни ёқимли дейиш қийин. К. бу воқеаларни хотиржам кузатиб ўтирас, чунки унга ҳеч ким эътибор қилмай қўйганди, девонхона директорининг одати шунаقا чоғи, уни лутфан таклиф этишдими, сұхбат йўсинини ўз қўлига олиб, давранинг гулига айланарди, янги меҳмонларни рад этиш мақсадида ўзини ёлғондакам касалга соглан адвокат эса энди кафтини кулоқ чаккасига тираб олиб, уни дикқат билан тинглар, чароғбон бўлиб қолган амаки, – шам унинг тиззаларида липилларди, – адвокат у томонга ташвишланиб қараб қўяр, у эса тортинишни бир чеккага йифишириб қўйиб, девонхона директори нутқини очикдан-очиқ олқишлиб қолмасдан, қўлларини ҳавода тўлқинсимон қилиб, имо-ишоралар билан бу нутқга жўр бўлишга тушганди. К. қаққайганча каравотга суюниб турар, директор атайнин қилгандай бирон марта унга қайрилиб қарамаган, катталар уни бор-йўғи тингловчи сифатида кўрадилар, афтидан. Қолаверса, К.нинг ўзи ҳам гап нима ҳақида кетаётганига умуман тушунмас, у ҳамширани, қизга амакиси қанчалик қўпол муомалада бўлганлити ҳақида ўйлар ёки девонхона директорини аввалроқ, масалан, илк тергов куни кўрганмидим, дея хотира сандигини титарди. Эҳтимол, у адашаётган бўлиши ҳам мумкин, шунга қарамай девонхона директори ҳайрон қоларли даражада йифишишнинг биринчи қаторида ўтирган сийрак соқолли чоллардан бирига жуда ҳам ўхшаб кетарди.

Бирдан ҳамма чўчиб тушди, йўлакдан ерга тушиб синган идиш-товоқнинг жарангни эшитилган эди.

– Қарай-чи, у ёқда нима юз берди? – К. шундай деб шошилмай эшик сари юрди, гўё бошқалар уни ушлаб қолишига имкон қолдиргандай бўлиб.

Бироқ у шундок даҳлизда чиқиб, қоронғилик-да йўлни тўғри олиш учун пайпасланаркан, эшик дастагини ушлаган бармоқдарига, ўзининг кўлига солиштирганда миттигина кўлча келиб тегди ва секингина эшикни қия ёпди. Бу шу ерда кутуб турган ҳамшира эди.

– Ҳеч нима бўлгани йўқ, – шивирлади қиз, – нима қилиб бўлса ҳам сизни бу ёққа чақириш учун мен атайин тақсимчаларни деворга қараб отдим.

К. нима дейишини билмай довдираб қолди ва беихтиёр деди:

- Мен ҳам сиз ҳақингизда ўйлаб тургандим.
- Нур устига нур, – деди қиз. – Кетдик!

Улар бир неча шошқин қадам ташлаб, кўримизиз ойнаванд эшик олдига келиб қолдилар. Қиз К.нинг истиқболига уни ланг очиб юборди.

- Қани, киринг! – амр этди қиз.

Бу адвокатнинг иш хонаси эканлиги шундок кўриниб туарди. Ойнинг хира ёруғида нималардир кўзга ташланар, уч деразадан тушган шульладан полнинг кичкинагина тўртбурчак жойи ёришиб турар, бутун хона даққиёнусдан қолган эски урфдаги оғиркарвон уй жиҳозларига тўлдириб ташланган эди.

– Бу ёққа, – ҳамшира шундай деб қоронғидаги сандиқсимон нақшинкор ёғоч ўриндиқни кўрсатди.

Ўтиришгачгина К. теваракка аланглади: хона кенг, баланд эди; афтидан, бу дабдабадан адвокатнинг мижозлари бўлган бева-бечоралар ўзларини йўқотиб қўйса керак. К. ўзича уларнинг улкан ёзув столи олдига қандай қилиб пилдираб боришлигини тасаввур этди. Бироқ бир лаҳза ўтмай, ҳамширадан бошқа ҳамма нарсани – бутун борлиқни унуди – қиз унга шунчалик яқин эдики, ҳатто ўриндиқнинг ён дастагига йигитнинг кўли сиқилиб қолганди.

– Сизни чақиришга ҳожат бўлмаса керак, ўзингиз чиқиб келасиз, деб ўйлагандим, – бидирлаб кетди қиз. – Бу жуда ҳам ажабланарли ҳол. Аввалига сиз ичкарига кирибоқ, менга еб қўйгудек қарадингиз, энди бўлса кутишга мажбур қиласиз. Мени оддийгина қилиб Лени деб чақираверинг, – қиз буни шошиб-пишиб, йўл-йўлакай қўшимча қилди, олтинга тенг дақиқалари арзимас нарсаларни изоҳдашга кетиб қолишини истамагандай бўлиб.

– Бажонидил, – жавоб қила қолди К. – Бироқ биласизми, Лени, буларнинг бари ҳеч ҳам ажабланарли эмас, тўла асосга эга. Биринчидан, қарияларнинг валақлашларига қулоқ солиб ўтиришим керак бўлди, ҳеч нимадан ҳеч нима йўқ, улар олдидан кетиб қолишим ҳам ақлга тўғри келмасди; иккинчидан, мен тортинчоқ одамман, тез-тез одамовилигим тутиб қолади. Бунинг устига сиз ҳам «гаҳ» деса қўлга қўнадиганларга ўхшамайсиз.

– Гап унда эмас, – деди Лени, қўлини ўриндикинг орқасига қўйиб К.га қарап экан, – бор-йўғи мен сизга ёқмадим, эҳтимол, ҳозир ҳам ёқмасман.

– Ёққанда қандок, – суюлинқираб деди К.

– О-о! – Қиз оғзининг танобини йигиштиромай қолди.

К.нинг сўзига жавоб бўлган бу олқишлиашда қиз мамнунлигини ўз-ўзича ифодалаганди. Шу боис ҳам йигит жимиб қолди. Қоронигига кўзлари ўрганаётган К. қандай вазиятда ўтирганларининг айрим жиҳатларини энди-энди фарқлай бошлади. Айниқса, деворнинг ўнг томонига осилган катта суврат унинг эътиборига тушган, расмга яхшироқ разм солиш учун у қўзғалиб олдинга юрди. Суратда суд амалдорлари кийим-бошидаги бир киши тасвирланган эди, у оромкурсига гўё тахтда ўтирган шоҳдек юксак мақомда қўр тўккан-

ди; ўриннинг у ер-бу ери зар билан нақшланган эди. Бироқ суд ҳакамининг ўтириши фавқулодда ғалати, унинг қиёфаси на хотиржам, на улуғвор эди, аксинча, чап қўли оромкурсининг орқа суюнчигини қаттиқ тутганча турар, ўнги бўлса, оддина га узатилган, бармоқлари нимагадир чанг солгудек, гўё навбатдаги лаҳзада шунаقا ҳад билмас бир түғён билан эҳтимол тўхтовсиз қаҳру газаб, нафрят билан энг сўнгги ҳал қилювчи сўзни айтмоқ ва балки ҳукмни эълон қилиш учун ўрнидан отилиб турадигандек эди. Афтидан, айбланувчи зиналарнинг пастки қисмида қолган, суратда бўлса, сариқ гиламлар билан қопланган зиналарнинг юқори қисмигина кўринарди.

– Эҳтимол, у менинг ҳакамим бўлиб чиқар, – К. шундай деб бармоги билан сувратга ниқтади.

– Мен уни яхши биламан, – деди Лени, – у бу ерга тез-тез пашибаҳўрда бўлиб туради. Бу суврат ёшлигида чиздирилган, салгина бўлса-да ўзига ўҳшамаган, ахир у ҳаддан ташқари калтабақай-да. Сувратда ўзини шунаقا олиймақом, пурвиқор қилиб тасвирашни буорганки, буларнинг ҳаммаси ўзига бино қўйганликдан бошка нарса эмас. Дарвоҷе, уларнинг бари шунаقا, бурнига хода етмайди. Қолаверса, ўзим ҳам шунаقا олифтаи худо урганларданман, шу боис ҳам сизга ёқмаганим жуда алам қиласди.

Бу сўзларнинг жавобига К. Ленини қучиб, уни ўзига қаратди, қиз индамайгина бошини йигитнинг елкасига қўйди. К. сувратдаги кишини суриштириди:

– Унинг нуфузи қанака?

– Терговчи-да, – деди Лени ва йигитнинг қучиб турган кўлларини олиб, бармоқларига разм солди.

– Бор-йўғи терговчи экан-да! – ажабланди К. – Мартабали амалдорлар ўзини кўрсатавермайди. Ўзини хаспўшлаганини. Нақ тахтдаги шоҳ-а!

– Буларнинг бари хаёлпарамастликнинг меваси,
– деди қиз ва К.нинг қўлига юзини қўйди. – Аслида у тит-пити чиққан эски ёпинчиқди яғир ошхона курсисида ўтиради. Намунча устингиздан қўзғатилган суд жараёни ҳақида бош қотирмасангиз? – секингина қўшиб қўйди қиз.

– Йўқ, бунинг учун бошим оғриётгани йўқ,
– деди К., – аксинча, бунинг қайғусини ҳаддан ташқари кам қиляпман чоғи.

– Сизнинг хатоингиз бу эмас, – деди Лени. – Эшитишимга қараганда, сиз ҳаддан ташқари ўжармишсиз.

– Буни ким айтди сизга? – қизиқсинди К., у қиз пинжига тиқилиб олганини ҳис қилиб, ҳурпайган, қоп-қора, қайрилма, гиреҳ-гиреҳ соchlардан кўзини узолмасди.

– Буни ким айтганлигини ҳам маълум қилсам, мен ҳаддан ташқари кўп нарсани гуллаб қўйган бўламан, – сўзлай кетди Лени, – илтимос, буни мендан сўраб ўтирманг, яхшиси ўз хатоингизни тузатинг, бунаقا ўжар бўлманг, барибир судга қаршилик кўрсатиш бефойда, барчасини бўйнингизга олинг. Сизнинг қўлингиздаги биринчи имконият – бўйсуниш, фақат шундагина, ҳа, фақат шундагина сирғалиб, йўл топиб кетиш мумкин бўлади. Шунда ҳам бегоналарнинг аралашуви, ёрдамисиз ҳеч нарсага эришиб бўлмайди, бироқ сиз ҳеч нимадан ташвишланмасангиз ҳам бўлади, менинг ўзим сизга ёрдам бераман.

– Ҳа, албатта, сиз суднинг кўп сирларидан боҳабарсиз, ундаги минг бир ҳийла-найранглардан ҳам воқифсиз, – деди К., бироқ шу пайт қиз унга шу даражада суйкалдики, тиззасига олмаса бўлмай қолди.

– Мана бу ажойиб бўлди, – деркан, қиз этагини тортиб, ҳарир нимчасини тўғрилаб, яхшилаб ўр-

нашиб олди. Ва йигитнинг бўйнидан қулоқлади, сўнг ўзини орқага олиб, унга узоқ термилди.

– Мабодо бўйсунмасам-чи, унда менга ёрдам беролмайсизми? – К. ундан синовчан нигоҳда сўради.

«Топган ёрдамчиларимдан ўргилдим». Боши қотиб ўйланди у. «Аввалига фройляйн Бюрстнер, кейин суд хизматчисининг хотини, энди бўлса мана бу жимитдай ҳамшира – ҳеч тушунмайман, булар нега мунча менга тирғалишади? Буни қаранг, айнан шу ер унинг ўтирадиган жойидек тиззамга ялпайиб олганини».

– Йўқ, – секингни бошини қимирилатиб деди Лени, – унда мен сизга ёрдам қила олмайман. Афтидан, менинг ҳеч қанақа ёрдамимни ҳам истамайсиз, бу сизга керак эмас, сиз ўта кетган ўжарсиз, фикрингизни ўзгартириб бўлмайди!.. Сизнинг маҳбубангиз борми? – қиз бирдан шуни сўради-ю, жимиб қолди.

– Йўқ, – деди К.

– Ёлғон, – деди қиз.

– Бахтга қарши бор! – иқрор бўлди К. – Уни ўйқ, деб тасаввур этмоқ тўғрироқ бўлади, мен унинг баҳридан қарийб ўтиб юборганман, шундай бўлса ҳам фотосувратини доим ўзим билан бирга олиб юраман.

Лени сувратни сўради, йигит чўнтагидан Эльзанинг сувратини чиқариб берар экан, қиз унинг тиззаларига ўзини бутунлай ташлаб олиб, Эльзанинг сувратига тешиб юборгудек қаттиқ тикилди. Бу ҳаваскорларнинг ўрганчиққа йўл-йўлакай олган расми бўлиб, суврат Эльза рақсга тушаётганда туширилган, – қиз ўзининг мўъжаз ресторанчасида рақс тушишнинг хўб ишқивози эди, давомли чарх уриб айланишларда куйлагининг этаклари қанот боғлаган, ўзи бўлса, бошини орқага ташлаб, қўлларини белига тираганча, ўк-

Тамона нигоҳда табассум билан қаёққадир боқиб турарди: у кимга табассум ҳадя қилиб турибди, уникқан сувратдан буни кўриб бўлмасди.

– Ҳм, ўзининг бақалоқдигини яширмоқчи бўлибди, – Лени шундай деб сувратдаги бир жойни кўрсатдики, Эльза нимча боғичларини жуда ҳам қаттиқ тортиб боғлаган эди. – Менга у ҳеч ҳам ёқмади, жуда ҳам хунук ва бесўнақай экан. Тўғри, сизнингча, ойдайтина ва нозик ниҳол бўлиши ҳам мумкин, шу бир парча қоғозни бағрингизга босиб юрганингиз ҳам буни кўрсатиб турибди. Бунақа йўғон, найновлар баъзида жуда камтар ва одамнинг жонидай кўриниб кетади. Бироқ у сизнинг саодатингиз учун ўзини қурбон қила оладими?

– Йўқ, – деди К. – Мен учун узатган оёғини ҳам йиғмайди, қолаверса, у соҳибжамол ҳам, ширин тилли ҳам эмас. Тўғриси, шу пайтгача ундан ҳеч нима талаб қилганим ҳам йўқ. Вижданан айтадиган бўлсам, ҳеч қачон бу сувратга ҳам худди сиздай, эътибор билан қарамаганман.

– Бундан чиқди, у сиз учун ҳеч нарсага арзимайди, – деди Лени. – Маҳбубангиз ҳам эмас.

– Афсуски, шундай, – деб каловланди К. – Мен гапимдан тоғмайман.

– Майли, ҳозирча у маҳбубангиз бўла қолсин, – деди Лени. – Бироқ сиз уни йўқотиб, ўрнига бошқасини топганингизда ҳам ҳатто бу қизни эсламайсиз.

– Албатта, – кулимсиради К. – Бу жуда ҳам бўлиши мумкин. Бироқ унинг сизга қараганда улкан афзаллиги бор, у менинг устимдан қўзгатилган жиноят иши ҳақида ҳеч нарса билмайди, билган тақдирда ҳам бош қотириб кўрмасди. Ва у ҳеч қачон мени муроса-мадора йўлини тутиб, таслим бўлиш учун аврамасди.

– Бу құли баландлыгини күрсатмайды, – деди Лени, – агар бошқа афзаллик томони бўлмаса, мен ҳам умидимни узмайман. Унинг жисмоний томондан бирон-бир нуқсони борми?

– Жисмоний қусур дейсизми? – қайта сўради К.

– Ҳа, шуни айтаяпман, – деди Лени, – мисол учун менинг кичкинагина бўлса-да, нуқсоним бор. Мана, қаранг.

У ўнг қўлидаги номсиз бармоғини керди, бармоқдар орасида қарийб бир бўғинча жимитдеккина бармоқча ўстганди. Фира-ширада қиз нимани кўрсатмоқчи эканлигини бирдан билмаса-да, К. нозик қўлни қўлига олган, Лени ўша бармоғини ушлаб кўриш учун унга тутганди.

– Табиатнинг ажиг ўйинига қаранг! – деди К. ва қизнинг бутун қўлига разм солиб чиқди-да, гапига қўшимча қилди, – намунча кичкина бўлмаса бу жимжилоқча.

Лени бир қадар фахр билан К.га қаради. К. эса яна ва яна ҳайрат билан қизнинг бармоқлари орасини очиб-ёпиб кўрар, кейин уларни жўшқинлик билан ўпид қўярди.

– О-о! – қийқиравди қиз. – Сиз мени ўпичга кўмиб ташладингиз! Оғзини ярим очганча, шошилиб йигитнинг тиззалири устида тиззачалари билан турди. К. бутунлай довдираб қолди, қиз унга шунчалик ёпишиб олган, унинг қалампир каби аччиқ ва нохуш бўйи диморини ёраёзганди. Қиз ўзини унинг боши устига ташлаб, эгилганча бўйнидан ўпар ва тишлар, бунга йигитнинг энсасидаги соchlари ҳам қўшилиб кетарди.

– Сиз мени унинг ўрнига олинг! – деб ўпичлар орасида ҳансираб ҳайқиравди қиз. – Кўрдингизми, сиз мени унинг ўрнига олаёздингиз!

Шу пайт қизнинг тиззалири тойиб, додлааб юборди ва гилам устига ағанаб тушишига бир баҳя қолганда, К. уни қаттиқроқ қучоқлаб, тутиб

қолишга уринди, бироқ қизнинг ўзи уни бағрига маҳкамроқ босиб, пастта тортди.

– Сен энди меникисан, – дерди қиз.

– Мана сенга уйнинг қалити, қачон истасанг келавер, – К. уйдан чиқаркан, ҳаводан ўпич йўллаб қолган қизнинг охирги гапи шу бўлди.

Уйнинг дарвозасидан ташқари чиқибоқ, у майдада ёмғирга тутилди, аммо яна бир бор Ленини дебраза орқали бўлса-да кўрмоқ умидида, тош йўл билан юрмоқчи бўлди, дарвозанинг олдида автомобиль турар, паришонхотир К. унга эътибор қилмаганди, шу пайт амаки югуриб келиб, елкасидан тутиб, дарвозага шундай қисиб олиб бордики, байни уни шу жойда михлаб ташламоқчидек эди.

– Аҳ, болакай, болакай-а! – бақирди амаки. – Нима иш қилиб қўйдинг?! Иш қарийб бости-бости бўлаёзганди, сен нима ёмонлик бўлса, ўзингга қилдинг. Бу чурваقا наҳс босганин олиб қаёқча йўқолдинг, афтидан, у адвокатнинг ўйнашига ўхшайди! – Худо билади унда қанча вақт қолиб кетдинг, бунга бирон-бир арзирли важ-карсон ҳам топмадинг, – ҳаммаси кундек аён, ҳамманинг кўз олдида унинг орқасидан югуриб кетдинг. Бу ёқда эса биз учовимиз: сен учун жони ҳалак амакинг, ишни фойдангта ағдармоқни кўзлаган адвокат, ҳаммасидан ҳам, каттакон бир киши девонхона директорининг ўзи – ахир мана шу қалтис вазиятда бутун тақдиринг шу кишининг қўлида-ку! – сени кутиб, сарғайиб ўтирдик. Сенга қандай қилиб ёрдам берса бўлади, муҳокама қилмоқчи бўламиз, мен эҳтиёткорлик билан адвокатни бу ишга унатиб юборсан дейман, у бўлса девонхона директорини; бирон-бир ёрдам йўлинни топишга барча асослар бор эди, наҳотки, шуни тушуммаган бўлсанг? Бунинг ўрнига сен жуфтакни ростлаб қолдинг. Бу ерда ҳеч нарсани сир тутиб бўлмайди, шукрки, улар хушмуомала, маданият-

ли кишилар, бир оғиз ҳам бир нима демадилар, бироқ охир-оқибат сабр косалари тўлиши турган гап эди. Лекин индамасдан ўтиришди. Биз жимгина сабр билан куттганча қачон келар экан, деб йўлингга интизор кўз тутдик. Эвоҳки, ҳаммаси беҳуда бўлиб чиқди. Охири девонхона директори ўрнидан қўзғалди, у шусиз ҳам кўп ўтириб, суви чиқиб кетганди, кетишга тайёрланаркан, мен билан хайрлаштуриб, очиқ-оидин афсуслар билдириди, ҳеч қанақа ёрдам қилишнинг имкони қолмаган бўлса-да, кутилмагандан бирон-бир хушхабар бўлишини куттандек яна эшик олдида анча вақт турди. Бундан, мен саодатманд эдим, у кетиши билан бўғилиб қолаёздим. Буларнинг бари касалманд адвокатга ҳам қаттиқ таъсир қиёди, у шунчалик беғараз, хокисор киши бўлганидан ҳатто мен билан хайрлашаётганда, бир оғиз сўз айтишнинг ҳам эпини қилолмади. У бутунлай тамом бўлди, бунинг учун, эҳтимол, сен ҳаммадан кўпроқ айбдорсан, айни тақдиринг қўлида бўлганда сен унинг қазосини тезлаштириб юбординг. Туғишган амакинг – мени эса ёмғир тагига отдинг, мана, кўр, бутунлай ивиб, неча соатдан бўён кўзим йўлингда тешилгудек бўлиб азобланаман!

АДВОКАТ. ФАБРИКАЧИ. РАССОМ

Киш тонгларидан бирида, фира-шира ёруғда ойнага қор түшгани билинаркан, ҳали эрта бўлишига қарамай, ишхонасида ўтирган К. жуда ҳам ҳолдан тойган алфозда эди. У ўзини ҳеч бўлмаса, мана бу, паст табақа хизматчилар нигоҳидан муҳофаза қўлмоқ учун, худди жиддий иш билан банддек гумаштасига оддига ҳеч кимни қўймасликни буюрди. Бироқ бирон-бир ишга машгул бўлмоқ истаб, нимагаки уринса нотинчлиги баттар ортиб, оромкурсисида қимирлайверар, маъжолсиз, столи устидаги ашқол-дашқолларни у ёқдан бу ёққа сурар, кейин хоҳишига кўра столнинг устида узанган қўлига бошини қўйиб, музлагандек қотиб қоларди.

Суд ҳақидаги фикр уни тарк этай демасди. Ўзини оқдайдиган хат ташкил қилиб, судга юборса, бир фойдаси тегармикин, деб кўп ўйлади. Бунинг учун у муҳтасар таржимаи ҳолини келтириши, унинг эса ҳар бир қатори ҳаёт йўлининг энг кўзга кўринган воқеа-ҳодисалари билан тўлдирилган бўлиши зарур; умуман, у қайси асосга кўра шундай қиласди, шу тўғрими ёки бошқача йўл тутгани маъқулми, ҳозирги тушунчasi бўйича буни қўллаб-куватлайдими ё муҳокама қилишга тушиб кетадими ва нима билан ҳодисани изоҳлаши мумкин. Бу оқлов хатининг одатий ҳимоялардан афзаллиги, қанақадир бевосита иш олиб борилар, шу билан адолатсиз, қўлидан ҳеч

иши келмайдиган адвокатлар ҳаракатидан холи, узоқ бўлиши шубҳасиз. Айни пайтда адвокат нима ишлар қилиб юрибди, К. буларни умуман билмасди: ҳарқалай бирон-бир муҳим чора-таддабири қўзга ташланмади, мана бир ой ўтишига қарамай, ҳатто оддига бирон марта чақирмади ҳам, оддинги барча музокаралардаги гаплари ҳам у учун ниманингdir уддасидан чиқа олиши мумкинлигига асос бермади ва умуман, буларни бари К.да ҳеч қанақа яхши таассурот қолдирмади. Ҳаммасидан ғалатиси К.дан қарийб ҳеч нарсани сўраб-суриштирмайди. Ҳолбуки, туғилган саволлар бир талай бўлиши керак эди. Асосийси – масалани ўртага ташлаш. Ҳатто К.нинг ўзи ҳам жуда кўп жиддий таклифларни ўртага кўя олиши мумкинлигини ҳис қиласди. Адвокат эса буларни сўраш ўрнига гоҳ аллақандай нарсаларни лақиллар, гоҳ миқ этмай К.нинг рўпарасида чўкканча, кулоги яхши эшитмаса керак, энгашганча соқолини тутамлар, гиламнинг бир сафар К. билан қиз ётган жойига кўз ташлаб ўтиради. Бақт ўтган сари эса К.ни ёш боладек кўриб, тутуриқсиз насиҳатлар қиласидан бўлди. Шу боис ҳам К. бу бош оғритар маза-матрасиз ваъз-насиҳатлар учун сариқ чақа ҳам бермасликка қатъий қарор қилди. Гоҳида К. ҳаммасини тақдирнинг йўриғига ташлаб қўйган деган хаёлда адвокат уни қайтадан руҳлантирап эди. Адвокатнинг ҳикояларига кўра, унинг ўзи бунақа суд жараёнларининг бир талайида ютиб чиққан экан, аммо аслига бир қараашдаёқ уларнинг ҳеч биридан умид йўқдек туйиларди. Бу саъй-ҳаракатларнинг натижаси ҳув анави ердаги қутида ётар, гоҳ уларни столга олиб, бирма-бир титкилаб кўяр, афсуски кўрсатишга келганда бу мумкин эмасдай, хизмат сири сифатида сақларди.

Ҳар ҳолда йиллар давомида тўпланган тажриба, бу суд жараёнларида қилинган кашфиётлар ҳеч бир шубҳасиз, К.нинг фойдаси учун иш бериб қолса ажаб эмас-ку. Алалхусус, у ниҳоят ишга киришиб, биринчи арзномани қарийб тайёр ҳолга келтирди. Худди шундай илк таассуротга кўра ҳимоя воситаси сифатида, у суд жараёнининг боришига кучли ижобий таъсир қилиши турган гап. Бу фавқулодда муҳим эди. Афсуски, адвокатнинг огоҳлантиришича, судда кўпинчча воқеалар бўлакча тусда ривож олар, – биринчи арзномалар умуман инобатга олинмасди. Уни шунчаки айбланувчининг ҳужжатлар жилдига тикиб қўйишар, бундан кўра судда дастлабки тергов ва назоратлар муҳим эканлигидан уни огоҳлантиришарди. Агар аргўй бирон нарсани уқтироқчи бўлиб, туриб олса, ҳамма материаллар йиғилиб, ҳамма ҳужжатлар кўтарилганида унга нимадир дейишлари учун суднинг охирги, ҳал қидувчи қароридан олдин биринчи ҳимоя ўтинчномасига ҳам бир қур назар ташланади. Афсуски, аксариёт ҳолларда умуман бошқача бўлиб чиқади: биринчи арзномани Худо билади, қаергадир тиқиб ташлашади, ҳатто гумдон қилиб юборишлари ҳам мумкин, мабодо сақланганида ҳам адвокатларнинг ҳар турли миш-мишларига кўра, унга бирон бир киши эътибор бериши – астойдил ўқиб чиқиши даргумон. Буларнинг баридан надомат қиласа арзийди, аммо ўз йўлига бу ҳам табиий. К. барча тафтишлар махфий суръатда олиб борилишига диққат қилиши керак, албатта, суд керак деб ҳисобласа, ошкора ҳам қилинади, бироқ қонунда ошкора олиб бориш қайд этилмаган. Жиноят ишидаги барча суд ҳужжатлари, айниқса, айбномага на айбланувчи, на унинг ҳимоячиси яқинлаша олади, оқибатда гоҳ бу ҳақида умуман

билишмайды, гоҳ жуда ҳам ноаниқ, сал-пал билгандаридан, биринчى арзномада нимага йўналтиришини билмайдилар, шу боис ишда унинг бирон-бир аҳамият касб этиши камдан-кам бўлади. Ҳақиқий, аниқ исбот-далилга эга арзномани эса кейинроқ, айбланувчи устидан кўзгатилган иш айбловнинг алоҳида банди бўйича кўрилаётганда, ҳеч бўлмаса, унинг қандайдир дараклари, миш-мишлари қулоқларига чалингандагина тайёрлаш мумкин. Шундай шароитда ҳимоя ишини олиб бориш жуда ҳам қийин ва у бутунича фойдасизdir. Лекин атайлаб шундай қилинади. Гап шундаки, очиги, суд ҳеч қанақа ҳимояга имкон бермайди, фақат бу йўлдаги уринишларга сабр қилиб келади, ҳатто бу сабр қилиб келиш руҳини унга мос келадиган қонун банди билан изоҳдаш мумкинми, шу саволга жавоб бериш ҳам муаммо, буни тушунтиришнинг ўзи баҳсли. Шу боис ҳам кескин қилиб айтганда, суд тан олган адвокатларнинг ўзи йўқ, ҳимоячи мақомида суд олдида чиқадиганларнинг аксарияти яширин суръатда иш олиб борадиган хуфия адвокатлардир. Фаҳмланганидек, бу шу йўл билан тирикчилик ўтказадиганларни ҳаддан ортиқ таҳқирлайди, ишонмаса, К. кейинги сафар суд девонхонасида бўлганида, адвокатларга ажратилган хонани кўздан кечириб, масаланинг бу томони билан танишса ҳаммаси аён бўлади. У ерда тўпланадиганлар давраси кишини фавқулодда даҳшатга солади. Каталакдек тор, тўкилай деб турган пастқамгина хонанинг уларга берилиши ҳам суднинг бу кишилардан қанчалик жирканишини кўрсатади. Хона кичкинагина туйнукдан тушиб турган бир тутамгина нур билан фирға-шира бўлиб турди, у ҳам шунчалик баланддаки, агарки бошингни кўтариб қарамоқчи бўлсанг, фақат димофингга кир-чир анқиган ҳавогина урилмайди, балки худ-

ди шу ернинг тепасида курилган ўчоқдан чиққан қурумлар бир зумда юз-кўзингни бежаб ташлайди, йўқ, бу етмайдигандек, касбдошлардан кимнидир елкасига оёқ қўйишга тўғри келади, хонанинг полини кўринг, бу ҳам ҳароблигига бир мисол – мана шу полда бир йилдан ошдики, ўйиқ пайдо бўлди, унча катта эмас, киши бутунлай тушиб кетмайди, лекин бир оёғи кириб кетиши турган гап. Адвокатлар хонаси иккинчи чордоқда жойлашгани боис мабодо кимнингдир оёғи шу уйикда кириб кетса, биринчи чордоқнинг мижозлар кутиб турадиган йўлагининг айни устида осилиб қолиб, чайқалиб тураверади.

Юмшоқ қилиб айтганда, адвокатлар гуруҳининг ишлаш шарт-шароити ана шунаقا шармандали, аммо бу ҳеч кимни ажаблантирумайди. Бошлиқларга шикоят қилишлардан ҳеч бир натижа чиқмайди, бу етмагандай, адвокатлар ўз ҳисобларидан қай бир даражада хоналарини таъмирлаб олишлари ҳам қатъяян тақиқданади. Зеро, бунинг асоси бор. Чунки улар ҳимояни умуман бир чеккага суреб, бутунлай йўқ қилишни хоҳлашади. Ҳамма оғирликни айбланувчининг зиммасига юклаб, гаров сифатида ўзини қолдиришади. Можиятан, бунақа мўлжал олишлар ҳам чакки эмас, бироқ бу хатти-ҳаракатнинг оқибати фавқулодда хатокор якун топиб, айбланувчилар учун адвокатлар умуман кераксиз бўлиб чиқади. Аксинча, судда айбланувчилар учун адвокатлардан-да керакли бошқа бир касб эгаси йўқ. Аҳвол шундайки, бутун суд жараёни оммадангина сир сақланиб қолинмайди, ҳатто айбланувчининг ўзидан ҳам сир тутилади. Афтидан, худди шу тартибда улар хоҳлаганини қила олади, гап шундаки, бунда уларни имконияти чегараланмаган. Айбланувчи жиноий иш қофозларини

кўриш ҳуқуқига эга эмаслиги аён, терговлар асосида йиғилган маълумотлар билан бирон-бир хуласага келиш ҳаммасидан ҳам қийин, айниқса, бу айбланувчининг ўзи учун кўтара азоб, бунга йўл-йўлакай бошқа бош оғритар ноҳушликлар кўшилади-да, унинг тинчи баттар йўқолади. Худди шу жойда ҳимоя даҳмазаси ҳам бунга қўшилади. Сирасини айтганда, ҳимоячилар терговларга қўйилмайди, шунинг учун ҳам улар ҳимояда аскатади, дея имкони бўлиши билан шундоқ, терговчнинг хонаси эшиги олдидা кутиб турадилар ва айбланувчи чиқиши билан уни жон-ҳолига қўймай, терговда сўралганини қайта-қайта суриштиришади ва кўпинча унинг пойинтар-сойинтар чалкаш жавобларидан бир хуласа ясашади, шундан ҳимоя учун фойдали бир тадбир қилишга уринадилар. Бироқ бу ҳал қилувчи тадбир эмас, бу йўл билан кўп нарсани билиш мушқул, ҳолбуки, ҳамма жойда бўлганидек, бу ерда ҳам ишга қоришиб юрган устаси фаранг киши бошқаларга қараганда кўпроқ маълумотга эга бўлиши турган гап. Ҳа, бу ерда асосий иш берадигани адвокатларнинг таниш-билишлари бўлса ажаб эрмас, ҳимоянинг қиммати шуларга боғлиқ бўлади. Англашилганидек, суд идорасининг қуий табақасидаги фаолият тартиби номукаммал, унда тепса-табранмас ва нафсининг қулига айланиб сотилганлар тиқилиб ётганига К. ўзининг бошидан кечирган аччиқ тажрибалари илиа дуч келаркан, бунчалик кескинлик билан тешик-туйнути беркитиб олинган суд идорасида бундай раҳналар қаердан солинганига тушунгандай бўлди. Адвокатларнинг катта қисми ҳар қанақа йўллар билан суд идорасига сукулиб кирган бўлиб, улар айғоқчилик ва пора олиш илинжида бунда изғиб юришади, ҳатто фаолиятларининг илк даврларида айблов қоғозларини ўғирлаб

олиб чиқиб кетиши ҳам шуларнинг кўрсатган кароматларидан. Албаттa, шундай қинғирликлар билан қўлга киритилган натижалар судданувчи учун ақд бовар қилиб бўлмас муваффакият сифатида кўринишини инкор этиб бўлмайди ва шунинг учун ҳам кўтчилик майда-чўйда адвокатларнинг куни туғиб, атрофларига одам йиғиш, мижозларни қўпайтириш учун худа-бехудага оғизларини кўпиртириб, бу қаҳрамонликларини мақтаниб юришади, аммо жараённинг навбатдаги босқичида унинг ҳеч қанақа ижобий таъсири бўлмайди, ҳатто зиён-захмат етказиб қўйиши мумкин. Ҳақиқатда эса ишнинг ижобати учун қимматли турткини, ҳал қилувчи маънода, катта амалдорлар билан шахсий ва ҳалол таниш-билишлик беради ва бунда ҳам гап албаттa, пастки мезондаги юқори мақомли амалдорлар ҳақида кетаётганини назардан қочирмаслик керак. Фақат шугина ишнинг кўрилишига сезиларли ўзгариш ясади: аввалига – ичкаридан билинар-билинмас, кейинига эса борган сари зоҳирда кучини намоён этади. Аммо бунака имкониятга ноил адвокатлар камдан-кам топилади, шу жойда К.нинг омади келган, у одам танлашда адашмаганди. Доктор Гульд каби соҳиби икром, нуфузли таниш-билишларга эга адвокатлар саноқли. Шунинг учун ҳам адвокатларга ажратилган гарриб хонадаги мишиқилар билан унинг салом-алиги йўқ, бундайлар билан алоқа қилиб ўтирмас, дахлдорлиги йўқ деса бўларди. Унинг асосан суд амалдорларининг ўзлари билан қуюқ жўрачилиги бор. Худа-бехудага судга қатнаб, унинг эшиги туруми ни бузиш, тўраларнинг чиқиб қолишини кунлаб кутиб, кутганлари мабодо юз берганида ҳам шу кимсаларнинг кайфиятига қул бўлган ҳолда, бирон-бир муваффакиятга эришгандай бўлиш ёхуд ҳеч бир иш чиқаролмасдан қайтмоқ доктор Гульд

учун ёт нарса. К.нинг ўзи гувоҳ, Гульднинг аҳволи бутунлай бошқача, суд амалдорлари, ҳатто энг юқори мартабалилари ҳам ҳеч бир орланмай олдиға ўзлари келишади ва тоғъ жиноят ишининг навбатдаги босқичи ҳақида бор-йўқ маълумотларни очиқ тўкиб солишади, тоғъ эса сал-пал пардалаб, лекин ҳаммасини билиб олса бўладиган бир ма-ромда ҳикоя қилиб беришади; бундан ҳам ўтадигани айрим ҳолларда келганлар ўзларининг нуқтаи назарларидан воз кечиб, унинг фикрини қабул қилишади. Тўғриси, шунинг учун ҳам уларга ишониш ярамайди – ҳатто буни бутунлай яхши ниятда, айборни ҳимоя қилишнинг жўяли воситаси сифатида айтган тақдирларида ҳам, ўзлариникидан воз кечиб, адвокатнинг фикрига қўшилишларини эълон қилишса-да, бу ердан чиқиб, тўғри девонхонага йўл олишлари, навбатдаги мажлисга тайёргарлик кўра туриб, айланувчи учун аввалги-га қараганда янада қаттиқ ва жиддий бўладиган салбий хulosани айтиб туриб ёздиришлари жуда ҳам мумкин. Албатта, бунга қарши мудофаланиш жуда қийин, афтидан, юзма-юз туриб, кўзга кўз ташлаб айтилган бу гап-сўзлар шундоклигича қолиб кетади ва тақдирни нима бўлганини ҳам ошко-ра муҳокама қилиб бўлмайди, ҳатто ҳимояга ўша мартабали киши билан орадаги кўнгли яқинлик қолсин деб ҳам интилиб кўрилмайди. Бошқа та-рафдан эса бу шахсларнинг ҳимояга алоқадор бў-либ чиқишлиари табиий бир ҳол, албатта, бу ҳимоя-чиликда жуда ҳам устаси фаранг бўлишлари ке-рак; аммо бу ишни инсонга муҳаббатлари боис ёки дўстона ҳиссиётлари кучлилигидан қилмайдилар, балки ҳар на бўлса-да ўзларининг фойдаларини кўзлаб шундай йўл тутадилар. Бу ишлар бошида-ноқ маҳфий суръатда олиб борилишига амр қили-нади. Худди шу ерда суд тузилишида номукаммал-

лик күзга ташланади. Амалдорлар аҳоли билан боғланмаган бўлади. Тўғри, одатий, ўртамиёна суд жараёнларидан улар яхшигина хабардор бўлишади, бундай суд жараёнлари баайни темир изга солиб кўйилгандек, ўз-ўзича, жуда силлиққина боради ва бальзан-бальзан салгина турткиласант, бас. Аммо оддий воқеаларда ёхуд шунингдек, жуда ҳам мураккаб жараёнларда эса уларнинг кўлидан ҳеч нарса келмайди; буларнинг ҳаммаси ҳеч шубҳасиз, қонунларнинг ўзи чекланганлигидан, уларда инсоний муносабатларни туশунишда ҳеч вақо йўқлигидан далолат, бу эса кўзгатилган ишнинг ичига киришга – моҳиятига бориб етишга даҳшатли бир тарзда монелик қиласди. Ҳуванави дераза олдида жаноблар нақадар фуссага ботганча, кўчага термилиб ўтирганларида – бундан ортигини ҳеч ҳам кутиб бўлмайди – худди шу паллада бечора адвокат ўз столи устидаги хужжатларни ҳижжалаб, уларга бирон-бир жўяли маслаҳат бериш учун ёниб-куяди. Айни шундай вазиятларда элак сувдан кўтарилади, бу жаноблар ўз касбларига қанчалик эътиимод қўйган бўлмасинлар, оҳ, қанчалик кўнгилсизлик, феъл-атворларидаги енгиб бўлмайдиган қусурлар ишнинг олға кетишига ғов бўлади. Тан олиш керак, аҳволлари шусиз ҳам жиддий, ташвишлари бошларидан ошиб ётибди, бу хизматни ҳеч ҳам енгил деб бўлмайди. Суддаги мартаба ва мавқе поғоналарининг боши-кети йўқ, бунинг адоги шу соҳа кишиларига ҳам номаълум. Бу ерда тирикчилик қилаётган қуий табақа хизматчилар учун ҳозир ўзлари кўраётган жиноят ишининг қандай боришини кузатиб бориш имконига қарийб эга бўлмайдилар, натижада бу иш уларнинг кўз олдида шундай бир даражада турадики, қаёқдан, қандай савдоларни босиб келганини билмаганларидек, кейинги тақдири нима бўлиши, қаёқка бо-

ришидан ҳам кўпинча ўофил қоладилар. Шундай қилиб, суд жараёнининг ҳар қанақа босқичдаги аҳволи, хусусан, охирги хulosаси ва унинг нимага асослангани мана бу амалдорларнинг онгига етиб бормайди. Қонунга кўра, улар ишнинг фақат айни пайтдаги қисми билан шугулланиш ҳуқуқига эга бўладилар ва бу жараённинг кейинги тақдири, айниқса, ўз ишларининг натижалари борасида ҳам ҳимоя қилувчига қараганда камроқ билар, чунки адвокатнинг иши жараённинг охиригача айбланувчи билан боғлиқ бўлади. Демак, ана шундай бир шароитда ҳимоячи унга кўп қимматли маълумотларни бера олиши мумкин. Агар К. буларнинг барини ҳисобга олганда, суд амалдорларининг ва жоҳат билан асабий юришларидан, кўпинча, мижозларга хусуматли бир кўринишда муомала қилишидан ажабланмаган бўларди, лекин буни ҳамма ўзича бошидан ўтказганда билади. Шу боис, зоҳирян сипо, хотиржам кўринишга уринганларига қарамай бундаги бари амалдорлар асабийликка мубтало бўлганлар. Бунинг ҳаммадан кўра, кунда-шунда юрадиган майда-чуйда адвокатлар кўпроқ азобини тортади. Мисол учун, ривоят этилган мана бу мозий воқеаси, ҳайрон қоларли даражада ҳақиқатга яқин. Бир нуроний, софдил, камсукум амалдор бор экан. У адвокатлар аралашиши билан фавқулоддачувалаштирилган бир ишни қарийб бир кечакундуз ўрганиб,ammo вазиятдан чиқишининг бирон-бир чорасини тополмабди. Бунақа фидойиликни бошқалардан топиш қийин. У қарийб йигирма тўрт соат ишлаб, бир натижага эришолмагач, эрталаб идоранинг орқасида яшириниб олганча ичкарига кирмоқчи адвокатларни бирма-бир зинапоядан улоқтирибди. Кейин адвокатлар зинапоя майдончасида йиғилиб олиб, бу ёғига нима қилишларини маслаҳатлашибилар.

Бир томондан, адвокатлар унга ўзларига йўл бер дея талаб қилиш хукуқидан маҳрум, демакки, раҳбариятга унинг устидан арз қилиш ҳақида гап бўлиши мумкин эмас, бундан ташқари, юқорида эслатилгандек, улар амалдордан узокроқ юришлиари, беҳудага жаҳрини чиқармасликлари керак эди. Бошқа томондан, суд жараёнининг ичидаги бўлишга нима етсин, ташқаридаги ўтказилган ҳар бир кун улар учун йўқотиш. Охири улар қария шўрликнинг таъзирини бериб қўймоқчи бўлишибди. Юқорига бир адвокат орқасидан иккинчиси, кетма-кет зинапоялардан чиқиб борар, номигагина чол билан тортишиб, кейин у улоқтириши учун бутун ихтиёрларини унга беришар, пастда эса ҳамкаслари тутиб олишар экан. Бу масхарабозлик қарийб бир соат давом этиб, бир жойга етибдик, туни билан ишлаб тинка-мадори куриган шўрлик қариянинг ҳаддан ташқари жонидан ўтиб, девонхонага кириб кетишибди. Аввалига пастда турганлар бунга ишонишмай, ҳақиқатан ҳам эшик ортида ҳеч ким йўқми, деб ҳамкасларидан бирини юқорига йўлашишибди. Фақат шундан кейин барчалари бир йўла юқорига кўтарилиб, аммо ғазабланишга ҳам юраклари дов бермаган чоғи, ҳеч нарса дейишмабди. Адвокатлар, афтидан, шундай бир тоифаки, ҳатто улардан энг бориб турган ўламсаси ҳам, ҳар қанақа қалтис вазиятларни қисман тасаввур қила оладилар, бироқ суднинг боришини қандайдир дарражада бўлса-да, яхшилашга ҳеч ҳам уриниб кўришмайди, ҳолбуки, бу вақтда ҳар бир айбланувчи, ҳатто бориб турган эси пасти ҳам, жиноий ишга бевосита даҳлдор бўлганлигидан унга оид илк таассуротдан бошлаб, бошига келган қайгуни бартараф этишта ҳаракат қиласи ва салгина бўлса-да, бу ишнинг бориш жараёнини яхшилаш, енгил қилиш пайида бўлади. Афсуски, имкония-

тидан ташқари бирон-бир тадбирни кўллайман деб кўпинча вақтини беҳудадан беҳудага йўқотгани қолади. Ҳолбуки, бу пайтда сарфлаган кучларини фойдалироқ бошқа бир ишга сафарбар қилса бўлади-ку, энг тўғри йўл – дунёнинг бунаقا ишларига муросаи-мадора қилмоқ. Ҳатто кишининг кўлидан кичкина бир ўзгариш қилиш келса ҳам бу аслида нодонликдан бошқа нарса эмас, балки у келгусида суд жараёнларида баҳтли воқеа бўлиб, кимгадир қўл келиши мумкин, аммо ўзи учун фақат ва фақат ҳеч ўрнини тўлдириб бўлмайдиган йўқотишга олиб келади, суд амалдорларида унинг ишига нисбатан алоҳида дикқатни кучайтиради, қасос олиш ҳиссини қўзгайди. Асосийси – эътибор уйғотмаслик! Жонингдан ўтиб кетган бўлса ҳам ўзингни хотиржам кўрсат! Судни шундай бир баҳайбат махлук деб тасаввур қилишга уриниш лозим: ҳамиша омонат бир мувозанатда – қалтис ҳолатда туради, агар сен ўзбошимчалик билан ножўя нимадир қилиб қўйсанг, бу билан оёғинг тагидаги ерни ўзинг ўпирган бўлиб чиқасан ва жарга қулаб тушасан, ҳад билмас ҳудудга эга суднинг ўзи эса бошқа бир ҳисобдан бу кичкинагина ўйикнинг ўрнини тўлдириб кетаверади ва бу билинмай ҳам қолади, афтидан, унда ҳаммаси бир-бирига ўзаро боғлиқ, шундай бўлмагандა ҳам, янада сирли, янада қатъий, янада ҳушёр, янада даҳшатли тус олиши жуда ҳам мумкин. Яхшиси, ўзингизни қисматнинг қўлига топшириб, унга халақит бермаслик керак. Албатта, гина-кудуратларнинг ҳеч кимга фойдаси йўқ, айниқса, баъзан айбланувчига айби нима эканлигини тушунтириш нокулай бўлса, қандай қилиб бунинг учун ўпкалаш мумкин, бироқ нима бўлганда ҳам гапнинг расамадини айтганда, девонхона директори олдида ўзини бунаقا тутиб, К. ишнинг белига тепгани рост. Афтидан, кўрила-

ётган ишга таъсир этиб, К.га фойдаси тегадиганлар рўйхатидан бу нуфузли зотни ҳам ўчиришга вақт етганга ўхшайди. Энди у атайин суд жараёнинга оид қулогига чалингган гапларга ҳам парво қилмай кўйди. Бу амалдорлар она сути оғзидан кетмаган гўдакнинг ўзи эканликлари, хатти-ҳаракатларидан ҳам маълум. Баъзан арзимас-нетмас ҳодисалар бўлиб туради, – афсуски, К.нинг қилигини бунга кўшиб бўлмайди – уларнинг шунака жиғибийронлари чиқиб кетади, ҳатто энг яқин дўстларининг ҳам кўкракларидан итариб, гаплашмай кўйишади, тескари бўлиб олиб, кучлари етгунча бир-бирларига қаршилик кўрсатишади. Шундай бир қалтис вазиятда мажбурият юзасидан куракда турмайдиган ҳазил бир лукма ташланса, багногоҳ ўзгариб, хаҳолашлари, муросага келиб, ярапшиб олишлари ҳам ҳеч гап эмас. Улар билан ош-қатиқ бўлиш ҳам мушқул, ҳам оппа-осон, ҳеч бир рисолага тўғри келмайди. Баъзан худди бир инсон ҳаётига шу нарса зарурдай, қойил қолдириш учунгина ишга даҳлдор ҳамма йўл-йўриқлар эгалланилади, натижада бу қанча муваффақиятларга йўл очади. Очиги, қанчалик чоп-чоп қилиниб куйиб-пишганинг эвазига қўлга кирган майда-чуйдалар ютуқдай туйилиб, сени кувонтирган эса-да, аслида фақат мағлубиятдан бошқа нарса эмас. Шундан кейин эса ҳар қанақа ишончингта ҳам дарз кетади, ҳатто мабодо сендан кўрилаётган суд кетишига кўра яхшилик билан якунланиши керак жарайён айнан ўзингнинг аралashiшинг билан пачаваси чиқди, шундай эмасми деб сўраб қолишиша ҳам бунга қаршилик билдиришга журъат қиломайсан. Сенинг олдингда бор-йўғи ўз-ўзингни ҳимоя қиладиган ички алламбало қолади. Бундай шубҳа-гумонлар хуруж, ҳа, ҳа, улар хуруждан бошқа нарса эмас – адвокатлар бу дардга тез чалинадиган

бўладилар, қайдаки олиб бораётгани ҳаммани қониқтирадиган иш уларнинг қўлидан юлқиб олинганда бу талваса юз беради. Адвокатларга бундан ортиқ мусибат бўлиши мумкин эмас. Кўрилаётган ишни айбланувчи тортиб олмайди, бунақаси ҳеч қачон бўлмаган: мабодо айбланувчи бирон-бир адвокатни ишга жалб этса, ҳеч қачон ундан воз кечмайди, қаердан ҳам кайвонилик қила олсин, ахир унинг ўзи бошқа бировнинг ёрдамига кўз тикиб турган бўлса? Бундай бўлиши мумкин эмас, аммо бошқа бир оқибат юз кўрсатади: суд шундай бир бурилиш нуқтасига етадики, у томонига адвокатга йўл бўлсин. Алалхусус, иш ҳам, айбланувчи ҳам, ҳамма-ҳаммаси хамирдан қил суғургандек жўнгина қилиб адвокатдан олиб қўйилади, бу ерда энди тўралар билан таниш-билишчилик ҳам иш бермайди, чунки уларнинг ўзи ҳам ҳеч нимани билишмайди. Жўнгина айтганда, бутун жиноий иш жараёни шундай бир босқичга келиб етадики, энди ҳеч қанақа ёрдам бериш мумкин эмасдай кўринади ва иш ёнига йўлаб бўлмайдиган суд идораларига оширилади, адвокат учун айбланувчининг ўзи ҳам қўл етмас бўлиб қолади. Ва Худо берган кунлардан бирида ўз уйига қайтган адвокат столи устида бир уюм арзномаларга кўзи тушади, э, уларни у қанчалик пухталик билан тайёрлаб, ишнинг натижаси учун ниҳоятда фойдаси тегади деб кўз тутган эди; мана, энди барини ўзига жўнатишган ва бир уюм қофоз парчалари бўлиб қолибди, холос. Аммо бу жараён бутунича ютқазилди, деган маънони билдирмайди, ҳар қанақа воқеалар содир бўлишига қарамасдан, бундай мулоҳаза юритишга ҳеч қанақа асослар йўқ, фақатгина сен жиноий иш жараёни бундан кейин нима бўлиши ҳақида ҳеч нима била олмайсан ва билиб

олиш ҳам умуман мумкин эмас. Хайриятки, бундай ишлар истисно. Ҳатто К.нинг жараёни шунақа мусибатга дучор бўлиши мумкин эса-да, ҳозирча иш бу даражага етиб бормаган эди. Айни пайтда адвокат фаолият олиб боришида барча имкониятлар муҳайё этилган, К. бу кўмакдан истеъфода қилмоққа ҳеч бир шубҳага бормаса бўлади. Айтилганидек, илтимосномалар ҳали жўнатилмаган, шошилиш ярамайди, балки бундан-да яхши тадбир амалдорлар билан дастлабки музокаралар олиб борилар эди. Бироқ бу қўл солишлар – ҳақиқатан англаб олиш керак бўлса – ўзгариб турадиган музafferиятлардир. Яххиси, ҳозирча булар ҳақида муфассал гапирмаган маъкул, бўлмаса бу К.га ёмон таъсир этиши, ҳаддан ташқари қувончли умидларини қўзғатиб юбориши ёки уни жуда ҳам қўрқитиб қўйиши мумкин; фақат бир нарсани баралла айтса бўлади: бир қанча амалдорлар фавқулодда олижаноблик билан бу хусусда гапиришди ва амалда ҳаракат қилишга тайёр эканликларини изҳор этдилар, худди шу паллада бошқалари ҳам унча самимий бўлмаса-да минғир-минғир қилишиб, ёрдам беришдан воз кечмадилар. Умуман олганда, бу натижалар бир сўз билан айтганда, умидбахш эди, аммо бундан бирон-бир ҳал қилувчи хулоса чиқариш мумкин эмас, булар шунчаки йўлига дастлабки музокаралар бўлиб, уларнинг қай даражада қимматга эга эканлигини фақат иш жараёнининг кейинги ривожи қўрсатиб қолса ажаб эмас. Ҳар на бўлганда ҳам ишда ҳали ҳеч нарса йўқотилмаган, орадаги арзимас қўнгилсизликка қарамасдан девонхона директорининг хайриҳоҳлиги тикланса борми, қолаверса, бўлак чоралар ҳам кўрилди, ҳарқалай, худди жарроҳлар айтганидек, ярага ҳеч қанақа гард юқмаган, бу ёғига иш қандай тус олишини на-

зардан қочирмай, сабр-бардош билан кутиш керак эди.

Шундай ва шунга ўхшаш суҳбатларда адвокат роса тўлиб-тошади. Бу ҳар бир учрашувда қайтарилади. Ҳамиша қандайдир муваффақият қозонишларга имконият мавжудлиги гапирилса-да, улар нималардан иборат эканлиги ҳеч қачон айтилмайди. Биринчи арзнома устидаги ишлар тўхтовсиз давом этар, у ҳали яхлит бир тарзда тайёр эмас, ҳолбуки кейинги учрашувда айнан у энг катта имтиёз бўладиганга ўхшарди; худди шундай аксига олиб, бу арзномани узатиш учун кейинги икки-уч кун жин урдими, ноқулай бўлиб чиқди, зеро, буни ҳеч ким аввалдан амалласа бўларди, деб, башорат қиломайди. Агарки, К. бу боши-кети йўқ, жонга тегар сафсата сотишларга эътибор бериб, барча қийинчиликларни, ҳатто иш жуда ҳам судралаётганлигини айтса, унга шу ердаёқ қарши чиқиб, ҳеч ҳам иш пайсалга солинмаяпти, деб оғзига уриши турган гап, ҳолбуки К. ўз вақтида адвокатларга мурожаат қилганида иш тезроқ жилган бўларди. Бироқ минг афсуски, шу ерда у хатога йўл қўйди, бу хатолик эса фақатгина ҳозир эмас, келгусида ҳам бир қанча мушкулликларни тугдириши тайин.

Бу боши-кети йўқ қатновларга роҳат-фароват бағишлийдигани ягона омил Ленининг шу ерда бўлиши эди: қиз ҳамиша К. бу ерда бўлганида ажабтовур чойхўрликлар уюштиради. К.нинг орқасида туриб олганча, гўё адвокатга маҳдиёдай, аслида чолнинг жуда ҳам эгилиб, финжонга чой қўйиши ва ҳарислик билан ичишини кузатиб ўтирад, яширинча узатилган қўли эса К. томонидан силанаётган бўларди. Шунда бутунлай жимлик чўқади. Адвокат чой ичар, К. эса Ленининг қўлларини сиқиб ўтирад, Лени ҳам гоҳо ботиниб К.нинг соchlарини силаб қўяр эди.

– Сен ҳали ҳам шу ердамисан? – чой ичиб бўлган адвокат ундан сўраб қоларди.

– Мен идиш-товоқларни йигиштириб олмоқчи эдим, – Лени, сўнгги бор қўл қисиши асносида жавоб қиларкан, шу заҳоти лабларини артган адвокат яна янги куч, зўр иштиёқ билан К.га қараб тап уқтиришга тушарди.

У К.ни тинчлантируммоқчими ёки руҳини чўктируммоқчи? Бу кишим яна нимани дўндириб бермоқчи, К. ҳеч ҳам тушуна олмасди. Эҳтимол, адвокатнинг гапида жон бордир, аммо у ўзини аллома қилиб кўрсатмоқдиги аён, ростини айтганда, К.нинг жиноий ишига ўхшашиб мурakkab жараённи ҳеч қачон олиб бормаган. Бироқ гап-сўзларидаги энг шубҳа уйғотадигани амалдорлар билан шахсан танишлагини бот-бот таъкидлайвериши эди. Бу алоқалар К.нинг фойдасигами ёки аксинча? Адвокат аслида нуқул паст табақа хизматчилар, яъни ижрочилар ҳақида гапиргани-гапирган, жараённинг ҳал қилувчи бурилишларида уларнинг аралашиши эса факат лавозимлари кўтарилишигагина асқатиши мумкин, холос. Эҳтимол, улар айбланувчи учун ана шу бурилишлар нобоп бўлиб чиқишини кўзлаб, бу йўлда адвокатдан усталик билан фойдаланган бўлишса-чи? Улар ҳар бир ишда ҳам бунақа мақсадни ўз олдиларига қўявермасалар керак, бу ҳақиқатдан жуда узоқ, балки ўзларига қилган астойдил хизматларига яраша адвокатта ёрдам қилиб юборишлари ҳам мумкин, чунки бундан суд амалдорларининг ўзлари кўпинча манфаатдор бўладилар, шунга кўра, уларнинг донги чиқади. Аммо адвокат таъкидлаганидек, иш жуда ҳам жиддий, яъни суд ҳокимияти бошиданоқ дикқат-эътибор билан қараётган бўлса, К.нинг ишига қандай қилиб аралашишлари мум-

кин. Йўқ, барибир уларнинг охир-оқибат кўзла-
ганлари нималигига шубҳаланмаса ҳам бўлади.
Бироқ хавфнинг қай бир аломатларини чамала-
са бўлади: зеро, бир неча ойдан буён кўрилаёт-
ган иш бир жойда туриб қолди, биринчи илтимос
аризаси эса ҳалигача юборилгани йўқ, адвокат-
нинг фикрига кўра, суд жараёни хавфсирашга
арзимайдиган, қуйи бир босқичда эмиш; аммо
бу айбланувчининг диққатини чалғитиб, мудҳиш
режани амалга оширишга жуда қўл келиб қоли-
ши ва бирдан унинг оёқ-кўлини боғлаб бериб,
устидан ҳукм чиқаришга йўл очиши ҳеч гап эмас
ёки кам деганда айбланувчи учун тергов муваффақиятсиз тарзда якунланиб, у юқори босқичда
кўрилишга узатилиши мумкин.

Йўқ, К.нинг ўзи ишга аралашмаса бўлмайди.
Силласи тамоман қуриган, ушбу қиши тонгида
бутун фикри хаёли шундай қилиш керак деб турар,
ҳеч бир тортишувсиз бунга ишончи комил
эди. Суд жараёнига нисбатан бошда ҳис қил-
ган ижирғанишга ўхшаш туйғу ҳозир қайгадир
йўқолди. Агарда ёруғ оламда ёлғиз ўзи қолганда
бу ишга менсимасдан, беэътибор қараган бўлар-
ди, топган гапини қаранг, ундай тақдирда бунақа
суд жараёнининг ўзи ҳам бўлмасди-да. Лекин ҳо-
зир амакиси уни адвокатнинг олдига судраб бор-
гандан кейин қариндошлиқ ришталари ҳақида
ҳам ўйламаса бўлмаслигини; ҳа, қолаверса унинг
банкдаги фаолиятининг кетиши ҳам қисман суд
маромининг боришига боғлиқ бўлиб қолганлиги-
ни тушуниб қолди, чунки унинг ўзи эҳтиётсиз-
лик қилиб ёки ҳатто қанақадир тушунтириб бўл-
мас қониқиши билан ўз жараёни ҳақида оғзидан
гуллаб қўйгани боис у кўрмаган билмаган бошка
ошиналарининг бу ҳақида қаердан билиб олганла-
рига ҳайрон; ҳатто фройляйн Бюрстнернинг му-

носабати ҳам ишнинг бориш жараёнига боғлиқ тарзда ўзгариб турад, хуллас, бу суд жараёнини қабул қиласинми ёки йўқ, унинг учун қарийб танлаш имкони қолмаган эди, у шундай бир гирдобга тушиб қолгандики, омон қолиш учун фақатгина курашиши керак эди. Мабодо ҳозирданоқ тинка-мадори қуриб қолган бўлса, бу ўзи учун яна ҳам ёмон.

Шунга қарамай, вахима қилиб айюҳаннос соладиган ҳеч бир воқеа содир бўлганича йўқ. У ўз банкида фаолият юритган қисқа бир фурсатда жуда қийин ва масъулиятли йўлни босиб ўтиб, юқори бир мансабгача кўтарилиб боришнинг уддасидан чиқди ва лаёқати ҳамма томонидан эътироф этилиб, анчадан буён шу лавозимда ҳовлиқмай-нетмай касби-корини давом эттириб келяпти; шундай экан, демак, энди у мана шу устакорлигини устидан кўзғатилган ишни бартараф этишга қаратиши керак, шунда, ҳаммаси яхшилик билан фойдасига ҳал бўлиши бегумон. Лекин ҳаммасидан олдин, жиндаккина бўлса-да, муваффақиятта эришмоқчи экан, бирон-бир айби борлиги ҳақидаги ҳар қанақа шубҳа-гумонни фикри-хаёлидан улоқтириб ташлаши керак. Ҳеч қанақа айби йўқ. Бутун суд жараёни ҳам каттагина бир иш – банкда ҳам шунақа залварли юмушларнинг кўпини уddaлаган, ҳаёт қонуниятига кўра бунда ҳам ҳар қанақа хавфу хатарлар бўлиши табиий – унинг олдида турган асосий масала булардан устун бўла олиши. Бу мақсадга мувофиқ, қандайдир айби борлигини хаёлга келтириши ҳам ақдга хилоф, аксинча, барча фикр-ўйларни ўзининг мутлақ ҳақлиги теварагида жипслаштиришга эришиши керак. Бунда эса муқаррар равишда адвокатни бу ишдан қанча бўлса, шунча тез, бугун кечқуреноқ четлаштириш

қарорига келиш нур устига нур бўлади. Очиги, бу айнан шу адвокатнинг ўз лутфи билан айтганда, кўз кўриб, қулоқ эшитмаган намунавий тадбир бўлар ва шунинг учун ҳам унинг жонини чиқариб юборса керак; бироқ К. бор куч-куввати айнан мана шу адвокат тўқиб-бичиб уюштирган алламбалоларига сарф бўлишига энди ортиқча чидаб ўтиромайди. У қанча тез тобелик юкидан холос бўлса, пайсалга солмай шу заҳоти унинг ўзи арзномани керакли жойга йўллар ва эҳтимол бу қофозларни кўриб чиқицлари учун суд маҳкамасига ҳар куни боришига тўғри келар эди. Бироқ у кўриб юрганидек, бошқаларга ўхшаб, шляпасини ўриндиқ тагига қўйганча, йўлакда кўзлари тўрт бўлиб ўтиromoқчи эмас. Балки унинг ўзи ёки таниш аёллар, ё бошқа биттаси, ишқилиб, ким бўлмасин, биронтаси ҳар куни тўғридан-тўғри бориб, суд амалдорларини гирибонидан олганча панжара орқасидан даҳизни тамоша қилиб ўтиришга қўймай, юзма-юз К.нинг арзномасини кўриб чиқишига мажбур қиласиди. Бу ерда шалвирамоқ ярамайди, бор имкониятларни ишга солиб, ҳаммасини ташкиллаштириш, бирма-бир текшириб чиқиши керак; ва охир-оқибат суд ўз ҳақ-хуқуқини талаб қила оладиган айбловчи билан тўқнашсин.

Бироқ буларнинг барини қилишига К. ишона олса, бошқа гап эди, ҳолбуки, арзномаларни қандай тайёрлашни тасаввур қилишнинг ўзи унинг учун енгиг бўлмайдиган маشاққат эди. Бир ҳафта олдин бу қофозни мажбурият юзасидан тайёрлашни ўйлар экан, ўзини жуда ҳам нокулай сезди. Ҳатто шугинанинг ўзи шунчалик қийин бўлади деб етти ухлаб тушига кирмаганди. Унинг эсига бир воқеа тушди: бир куни эрталаб юмушларга кўмилиб ўтиаркан, бирдан у буларнинг барини бир чеккага улоқтириди-да, балки

кейинроқ бирон-бир тепса-тебранмас адвокаттаға фойдаланиш учун берарман деб, арзнома қоралаш учун ён дафтарчасини олди; шу паллада эса директор хонасининг эшиги очилиб, жарангдор қаққаға отиб, хонага директор мувовини кириб келди. Бундан К. жуда ҳам нокулай ахволга түшди, ҳолбуки, директор мувовини ҳеч ҳам унинг ўтиңчномаси устидан кулмаган, бу ҳақида у қарердан ҳам билсин, балки бунинг боиси эшитган биржа латифаларидан бири эди; мувовин бу латифа унга ҳам тушунарли бўлсин деган ниятда, расмини чизиб кўрсатиб бермоқчи бўлди ва К.нинг столи устига энгашиб, қўлидан ручкасини олди-да, қораламалар учун очилган ён дафтарчаси варағига расм солишга тушиб кетди.

Бироқ бутун К. нокулайликларни унугтган – арзнома ёзиши шарт эди. Агар у хизмат пайтида бу ишга вақт ажратса олмаса, бошқа пайт, демак, кечаси, уйга келгандан кейин ёзишга тўғри келади. Мабодо кечалари ҳам ишлаш учун камлик қиласидиган бўлса, таътил олиши лозим бўлади. Фақатгина ярим йўлда тўхтамаса бўлгани, тўхтамоқ ишдагина эмас, умуман ҳар қачон ва ҳар ерда гумроҳликка олиб келади. Тўғри, арзнома ёзиш узоқ, қарийб боши-кети йўқ бир ташвиш. Ҳатто иродаси темир киши ҳам бундай қофозларни мукаммал бир тарзда тайёрлашга ақл бовор қилмайди, деган фикрга келиши мумкин. Фақатгина адвокатнинг ҳар қанақа ёлғон-яшиқ бичиб-тўқиши, пасткашлиги йўлда тўғаноқ бўлиб чиқмайди, балки айловнинг ўзи нимадан иборатлилигини билмаслик каттағов бўлиб туради, шунинг учун ҳам унга ҳар қанақа мумкин бўладиган, фойдаси тегиши эҳтимоли бор қўшимчаларни қўшиш учун бутун ҳаёт йўлини муфассал ёзиб чиқиши, хотирадаги ҳар бир майда-чуйда воқеа-

ҳодисаларгача тиклаб ва уларни ҳар томонлама текшириб кўриш керак бўлади. Бу эса, эҳ, қанчалик мусибатли юмуш! Балки бу иш нафақага чиқиб кетган бирон-бир қарияга қўл келиши, у нима биландир миясини банд қилиб, боладек бўлиб қолган кирди-чиқди хаёlinи овунтириш учун ва шу билан имиллаб ўтадиган узун кунларининг танобини тортиб қўйишига асқатса ажаб эмас. Аммо қайнаб турган соғлом фикрларини иши учун асраб-авайлашга мажбур, вақти ҳам фавқулодда тутқич бермай ўтаётган, амали ҳам шунга яраша ўсиб боргани сари қай бир жиҳатдан директор муовини учун таҳдидли, яна навқирон ёшда қисқагина кечалардан лаззат олиши керак бўлган ҳолида аксига олиб, нечун ҳаммасидан кечиб, бу хужжатларни тайёрлаш учун боши билан шўнгизи керак экан! Ва К. яна хаёлан ўзига ачиниблар кетди. Ишқилиб, у бу хусусидаги пайдар-пай келаеттган ўйлар оқимиини бас қилиш учун беихтиёр қабулхона қўнгирорини босиб юборди. Мурватни босди-ю, у соатига кўз ташлади. Қарийб, ўн бирга етаёзибди, демак, у қимматли икки соатини ҳавога совуриб, бу ерда бўлмагур хаёллар суриб ўтирибди, аммо аввалгидан-да ҳориб, тинка-мадори қуриганини хис қилди. Ҳарқалай, вақти бежуда ўтди деб бўлмайди, қатъий бир қарорга келди, балки шу унинг учун фойдалироқ бўлар. Чопар хат-хабарлар билан бирга икки жанобнинг ташриф қоғозини ҳам киритди, улар аллақачондан буён кўзлари ниғорон бўлиб К.нинг таклифини кутиб ўтиришарди. Аксига олиб, улар банкнинг жуда керакли мижозлари бўлиб, ҳар қандай вазиятда ҳам куттириб қўйиши мумкин эмасди. Нега улар ана шундай ит эгасини танимайдиган нокулай вақтда ташриф буорищди, нима учун дегани нимаси, балки бу жаноблар ҳам эшик ортида туриб, К.дай ўз ишига

масъулият билан қарайдиган тиришқоқ бир ходим қайноқ фаолият күрсатиши керак бўлган қимматли бир лаҳзаларда уларни маҳтал қилиб нима учун шахсий иши билан машғул бўлиб ўтирибди, дея ўйлаган бўлсалар-чи? Бўлиб ўтганинг ҳаммаси учун жонидан тўйган К. ҳоргин бир алфозда нима бўлишини кутишга қарор бериб, ноилож ўрнидан турди ва биринчи мижознинг истиқболига чиқди.

Бу киши К. яхши билган кичкинагина, пачоқ гавдали фабрикачи эди. У К.ни муҳим юмушлардан чалғитгани учун узр сўраган бўлди ва К. ҳам ўз навбатида уни узоқ куттириб қўйганлигидан хижолатда эканлигини изҳор этди. Бироқ гаплари шунгчалик нотабиий чиқдикни, агар фабрикачи ўз ташвишлари билан ҳаддан ташқари банд бўлмаганида, К.нинг овозидаги соҳталикни албатта сезиб қолган бўларди. У эса шошқалоқларча барча чўн-такларидаги ҳисоботлар ва жадвалларни сугуриб олиб, К.нинг олдига ёйиб ташлади ва алоҳида бандлар билан уларни шарҳдашга тушиб кетар экан, шу илдам кўз ташлаб олишдаёқ, ҳисоб-китоблардаги кўздан қочган у бу камчиликларни тузатди, шу аснода К. билан бир йил олдин қулай битимга келганини эслатди, йўл-йўлакай эса бу сафар бошқа бир банк арзирли ён бериш билан шундай битимга келишга тайёр эканлигини гапига қистириб ўтди ва охири бунинг учун у К.нинг фикрини эшлишига келганини изҳор этиб, чакаги тинди. К. ҳақиқатан ҳам бошда катта қизиқиши билан фабрикачининг ҳар бир гапини тинглаб, тарозига солиб ўтириди, унинг фикри хаёлини ҳам мўмай даромад қиласа бўладиган фойдали битимга келиш нияти эгаллаб олди, афсуски, бу узоқ давом этмади; кўп ўтмай бу гапларга қулоқ солиб ўтиришни бас қилди, шунда ҳам бир оз вақт фабрикачининг иштиёқ билан айтаётган сўзларига қўшилгувчи кишидай жавоб

ўрнида бошини қимирлатиб ўтири, сўнг эса буни ҳам йифиштири, гоҳ унинг тап-тақир кал бошига разм солиб қўйиб, қофозлар устига энгашар экан, бу вайсашлари беҳуда эканлигини фабрикачи қачон тушуниб етади, деб ўз-ўзидан сўрарди. Нихоят, фабрикачи жимиб қолгач, К. ҳам бошда жиддий қиёфада ўйланиб турди, гўё бу билан у бирорнинг гапини тинглаб, қабул қилиш вазиятида эмаслигини сукут аломати билан билдиримоқчи, буни тушуниб олиш учун имконият яратаетгандай бўлди. Аммо фабрикачининг оч арвоҳдай бутунлай ўз дардига ботиб қолган нигоҳларига кўзи тушди-ю, ҳар қанақа эътиrozга ўрин йўқлигига амин бўлди ва чор-ночор иш борасидаги суҳбатни давом эттирмаса бўлмаслиги ни тушунди. К. баайни буйруқقا бўйсунгандек, бошини қўйи эгиб, қаламини судрагандек қилиб қофоз устида юритганча, айрим жойларига эътиборни ошириш керакдай қандайдир рақамларга кўз солиб ўтираверди. Бу ҳолдан фабрикачи К. нимагадир рози эмас, деб чамалади, эҳтимол, ҳисоб-китоблар у дараражада аниқ эмасдир, балки улар ишни бир ёққа суриб беролмас, нима бўлганда ҳам, фабрикачи қўлидаги қофозларни ёпиб, К.нинг олдига янада яқин суриб қўйди-да, яна қайтадан ўз ишининг умумий қирралари хусусида тушунтиришга киришди.

– Буларнинг бари жуда мушкул, – фабрикачи қофозларни ёпганда, К. шундай деб, лабларини жийирди, – энг тўғриси, бутун хаёлни бир жойга қўйиб, ҳаммасини яна бир бор эринмасдан кўриб чиқиш керак, – у беихтиёр ўзини орқага ташлаб, ўриндиққа суюнди.

У эндинина нигоҳини кўтарганди ҳам, директор хонасининг эшиги очилиб, узокдан, гўё тутун ичиди қолгандек фира-ширада имиллабгина ке-

лайтган директор ўринбосарининг гавдаси кўзга ташланди.

К. бунга парво ҳам қилмади, лекин фабрика-чининг фавқулодда ўзгариб, терисига сифмай кетгани уни-да қувонтириди, ахир бу фабрика-чидан қутулишнинг айни мавриди келганлигини кўрсатарди. Фабрикачи шу чоқ курсидан сакраб туриб, директор муовинининг истиқболига шошди. К. унинг бундан-да ўн баробар илдамроқ ҳаракат қилишини истар, директор муовини бирдан ғойиб бўлиб қолишидан қўрқарди. Хавфсираш беҳудага ўхшарди, чунки икки жаноб бир-бирларининг қўлларини дўстона қисишиганча кўришдилар ва бирга-бирга К.нинг столига яқинлашишди. Фабрикачи жаноб прокуррист бу ишни жўнаштириб юборишга ҳеч бўйни ёр бермаяпти, деб К.дан нолиган бўлди ва унга қараб бошини силкиб кўйди ва директор муовинининг кўз қарashi остида қофозлар устига янада бошини пастроқ эгди. Иккиси ҳам К.нинг столига энгашиб, қофозларга бор эътиборни қаратишгач, фабрикачи нима бўлса ҳам директор муовинини ўз томонига оғдириш учун жони ҳалак бўлиб, уни аврашга ўтди. К.га бу икки жаноб ҳаддан ташқари ғовлаб кетиб, ҳамма жойни эгаллаб олгану энди эса боши узра туриб, ўзининг тақдирини ҳал қилаётгандай туйилди. У оҳиста ва эҳтиёткорлик билан тепада нима воқеа юз бераеттанига кўз ташлаш умидида нигоҳини юқорига кўтарди; стол устида ётган қофозлардан бирини, ҳеч бир томонга қарамай, кафтига олди ва оромкурсидан секин-асталик билан бир миқдорда кўтариб, хужжатларни уларга тутди. Бу пайтда у ҳеч нима ҳақида ўйлай олмас, топган эрмагини давом эттирас экан, хаёлан бир куни бутунлай ўзини оқлайдиган арзномани тайёрлагандага ҳара-

кати шунақа бўлишини кўз олдига келтиради. Директор муовини қулоғи динг бўлиб фабрикачини тинглар экан, К. кўтарган қофозни кўриб турган бўлса-да, жаноб прокуррист учун жуда ҳам муҳимдир, деган андишага бормади, ҳатто ўқиб кўриш у ёқда турсин қиё ҳам бокмади, фақатгина К.нинг қўлидан олар экан, «Рахмат, мен ўзим ҳаммасини аллақачон биламан», деб, қофозни хотиржам стол устига кўйди. К. унга хушламайтгина кўз қирини ташлади. Бироқ директор муовини бу қарашни пайқамадиям, борди-ю пайқагандা ҳам бундан янада кўпроқ севинган бўларди. У бирдан қаттиқ қаҳқаҳа отиб, ҳамма ёқни бузди, ҳатто фабрикачи билан ҳазиллашиб, уни хижолатга солди, сўнг эса узил-кесил бир битимга келиш ниятида мижозни ўз иш бўлмасига таклиф этди.

– Бу иш ҳар томонлама жиддий, – деди у фабрикачига қараб, – менга бунинг сабаби беш панжадек аён. Жаноб прокуристга келсак, – у бу сўзни фақат фабрикачига дахлдордай қилиб деди, – биз уни бу ташвишдан озод қилсак, менимча, вижданан энг тўғри йўл тутган бўлар эдик. Сизнинг ишингиз хотиржам муҳокамани талаб этади. Бугун иши жуда ҳам бошидан ошиб кетган кўринади, шунинг учун ҳам қабулхонада кишилар уни соатлаб кутиб ўтиришибди.

К. директор муовинидан юзини терс ўтиришга бир баҳя қолди ва ўзини зўрлаб, фақат фабрикачига билинар-билинмас табассум қилиб кўйди. У бошқа улар билан иши бўлмади, енгилгина олдинга энгашиб, столга икки тирсагини тиради-да, икки жанобга худди пештахтали дўкондор каби қаради, улар эса ўзаро ниманидир келишиб олганча, стол устидаги қофозларни йиғиштиришиб, директор хонаси ортига ройиб бўлишди. Эшикда фабрикачи яна бир бор ортига ўтирилиб, жаноб

прокурист, хайрлашмаймиз, мен натижалардан сизни хабардор этмай кетмайман, деди, бундан ташқари яна сизга айтадиган кичкинагина бир янгилигим бор, деб қистириб ҳам кўйди.

Ниҳоят К.нинг бир ўзи қолди. У навбатдаги мижознинг ҳожатини чиқариш учун бу ёқса чақиришни хаёлига ҳам келтирмади, аниқ-тиниқ бўлмаса-да, ҳарқалай қабулхонада ўтирган кишилар гўё у фабрикачи билан банд деб ўйлашига ишончи комил, шунинг учун ҳеч ким, ҳатто чопарнинг ўзиям олдига киришга журъат этолмай ўтирганини тасаввур қилди, бу ҳазилакам омад эмас. У дераза олдига келди, унинг рафига ўтирганча бир қўли билан лўқидонни ушлаб, хиёбонга разм солди. Қор ҳамон уриб ётар, об-ҳаво ҳали-бери очиладиган эмасди.

У узоқ пайт қимиirlамасдан ўтирди, айнан уни нима ташвишга солаётганига тушунмай, фақат аҳён-аҳёнда, қанақадир шовқин-сурон эшитилаётган қабулхона тарафга елкаси оша қўрқа-писа қараб қўяр эди. Ҳамишаги вазият эди, хонасига ҳеч ким кирмагач, у хотиржам тортиб, қўл ювгич олдига борди ва совуқ сувга ювиниб, боши енгил бўлган ҳолда яна дераза олдига қайтиб борди. Ўз ҳимоясини қўлига олиш қарорига келган дамдан кўра энди бу иш унга масъулиятли, жиддий кўринарди. У бутун ҳимояни адвокатнинг зиммасига юклаган пайларда суд жараёнига моҳиятан жуда ҳам кам алоқаси бор, унинг маромини фақат ҳимоячиси ортида туриб, четдан кузатган, аммо иш билан тўғридан-тўғри тўқнашмаган бўлиб, ўз истагига кўра, хоҳласа қизиққан, хоҳласа унугтган эди. Энди, агар ҳимояни ўз қўлига оладиган бўлса, ҳеч бўлмаганда айни пайтда жиноий ишига бемалол аралашибиши, унга бутун вужуди билан шўнфиши керак бўлади. Агар ҳаммаси

муваффақиятли якунланса, ниҳоят биратўла ва мутлақ озодликни қўлга киритар эди, аммо бунга муваффақ бўлиши учун ҳозирга қараганда ҳам қўпдан-кўп хавф-хатар билан тўқнашишга тўғри келади. У шу кунгача буни тусмоллаб келгани бўлса – мана бугун директор муовини иштирокида фабрикачи билан учрашуви аниқ-тиниқ кўрсатди – етарли даражада ишонтирди. Ҳимоясини ўз қўлига олишни бор-йўги ният қилганида, мана бу кишилар кириб келди-ю, довдираб, нима қилишини билмай қолди. Энди бу ёғи нима бўлади? Уни оддинда не кунлар кутиб турибди? Ишқилиб у ҳаммаси хайрли тугайдиган йўл топа олармикан? Бошқача бўлса, буларнинг бари қуруқ хом хаёл бўлиб қолаверади. Ҳимояни ўз қўлига олишнинг пухта ўйланган бирон-бир йўлини топмоқ бошқа барча ўй-хаёлларга чек қўйиб, имкон қадар кераксиз юмушларнинг баҳридан ўтиши фойда берармикин? Шу орқали у ҳаммасини баҳайр якуnlай олармикан? Бу режасини у ўз ҳаётida, банк шароитида қандай татбиқ этса бўлади? Афтидан, унга вақт фақат арзномаларини тайёрлаш учунгина керак бўлмайди, бунинг учун таътилга чиқса етарли – ҳолбуки, таътилга чиқишини сўраш учун ҳам ундан ҳали катта жасорат, ўқтамлик зарур – бироқ вақт бутун бир суд жараёнини бошидан кечириш учун керак бўлади, Худо билади, у қанча судраларкин? Мана қанча тўсиқлар К.нинг ҳаёт йўлида бирдан кўндаланг бўлиб турибди.

Наҳотки, у шундай бир ҳолда ҳам банқда ишлашга маҳкум бўлса? У столга кўз қирини ташлади. Наҳотки, ҳаёт-мамоти ҳал бўлаётган шундай қалтис паллада ҳам мижозларни қабул қилиб, улар билан иш юзасидан кенгашиб ўтира олса? Тепадаги чордоқда йиғилиб олган суд амал-

дорлари ўлжага ташланмоқчи бўлган қашқирлар-дек устидан қўзғатилган жиноят ишини бир ёқди қўлмоқчи бўлсалару, бу ерда ноҳақ айбланаётган кимсанинг ўзи банкнинг одатий юмушларига бўғзигача кўмилиб ўтиrsa? Бу уни руҳий қийноққа, исканжага солишга ўхшамайдими ёхуд у суддагиларнинг ижозати билан шу қийноқларга атайнин солинаётганмикин? Унинг фавқулодда ҳолатини ҳисобга олишиб, шунга яраша ишларини баҳолайдиларми? Ҳеч ким ҳеч қачон! Кимлардир устидан кетаётган жараён ҳақида у-бу нарса билишар, аммо бу ҳам ярим-ёрти. Ҳар қанақа мишиш-мишлар ҳозирча директор муовинининг кулоғига етмаганилигига ишонса бўлади, аксинча бўлганда, дўстона ва одамохун бўлишига қарамай, уларни у шу заҳоти К.нинг зарарига ишлатиш учун астойдил интилган бўларди. Директорнинг ўзи-чи? Албатта унинг К.га ихлоси баланд, мабодо суд жараёни ҳақида хабар топганида, К.нинг тақдирини изга солиш учун дарров қўлидан нима келса, шуни қилган бўларди; бироқ энди буям даргумон. Чунки айни пайтда К. ўз галваси билан бўлиб, муовинга қарши туришни қарийб бас қилган, директорнинг ярим жонлигидан фойдаланиб, муовин нега ўз ҳокимиятини мустаҳкамлаб олиши керак эмас экан. Шундай ҳолда нимага умид боғласин? Эҳтимол, мана шу ўй-хаёлларнинг ўзига бардош беришдан ҳам кучи қирқилаётгандир, бироқ, бошқа томондан, ўзини алдаб юриши ҳам мумкин эмас, худди шу лаҳзаларда ҳаммасини нима, қанчалик мумкинлигини оддиндан кўра билиши керак.

Ҳар қанақа дардисар баҳоналарсиз ҳам ёзув столига қайтиб ўтирмаслик учун К. деразанинг очиб юборди. Уни очишнинг ўзи бўлмади, дастакдан икки қўл билан тутиб, зўр куч билан

итаришга түгри келди. Бутун хона бўйиу энига туман ва тутунга, яна куйинди исига тўлди. Елизак бир талай қор заррачаларини ҳам ичкарига туширди.

— Лаънати куз ҳавоси-да, — К.нинг орқа томонида фабрикачининг овози янгради. У киши директор муовини хонасидан чиқиб, билдирмайгина ойнага яқинлашганди.

К. унинг гапини тасдиқлагандай бошини силкитди-да, фабрикачининг портфелига ҳавфсираш билан қараб қўйди. Эҳтимол, у ҳозир портфелдан қофозларни олиб, директор муовини билан музокаралари қандай ўтганлиги ҳақида ҳикоясини бошлаб қолса ҳам ажаб эмас. Бироқ фабрикачи К.нинг нигоҳи билан тўқнашиб, портфелига уриб қўйди-да, уни очмай гап бошлади.

— Албатта, сиз учун, мен нимага эришганимни эшитиш қизиқарли бўлса керак. Шуни айтишим мумкинки, шартнома қарийб менинг чўнтағимда деса ҳам бўлади. Ажойиб киши-да муовинларингиз. Ушлаган жойини кесади.

У табассум қилиб, К.нинг қўлларини бир неча бор силтаб қўйди, афтидан, К.нинг кайфиятини кўтармоқчи бўларди. Бироқ фабрикачи ҳужжатларини кўрсатишни ҳам истамагани К.нинг кўнглига шубҳа солди, қолаверса, сўзларидан ҳам кулгини қистатадиган бирон нарса тополмади.

— Жаноб прокуррист, — деб қолди бирдан фабрикачи, — эҳтимол сизга об-ҳаво ёмон таъсир этаётгандир? Чехрангиз қандайдир сўлғин.

— Ҳа, — деди К. қўлинни чаккасига яқинлаштириб. — Оилавий ихтилофлар чиқиб турибди, бoshим шишиган.

— Тўғри, билинади, — ҳамдардлик билдиргандай бидирлади фабрикачи, у жуда ҳам сабрсиз — шошқалоқ киши бўлиб, ўзига қаратагапираёт-

гандарида ҳеч қачон охиригача хотиржам тинглашга сабри етмасди. – Ҳар ким пешонасида ёзилганини күради.

К. беихтиёр эшикка қараб талпинди, гүё мижозини ҳайдамоқчи бўлгандай, бироқ шу он яна фабрикачининг жаги очилди:

– Жаноб прокуррист, менда сизга айтадиган яна кичкинагина бир хабар бор эди. Жуда кўрқаманки, аҳволингиз унақа эмас, менинг фаромушлигимни қаранг, кейинги икки бор келганимда ҳам буни сизга айтиш хотирамдан кўтарилиб кетибди. Балки хабаримни бир чеккага улоқтирадиган бўлса, вақт ўтган сари унинг ҳеч қанақа қиймати қолмайди. Шунақа бўлса ҳам, ўйлашимча, эҳтимол, сизга бирон-бир фойдаси тегиб қолса ажаб эмас, – унга нимадир деб жавоб қилишга ултурмаган ҳам эдики, фабрикачи юзма-юз келиб, кўкрагига букилган бармоғини дўқ-дўқ уриб, секингина деди:

– Устингиздан жиноят иши қўзғатилибди, шу ростми?

К. ўзини орқага ташлаганча ҳовлиқиб деди:

– Буни сизга директор муовини айтдими?

– Э, йўғ-э, – эътиroz билдириди фабрикачи, – бу ҳақида муовин қаердан ҳам билсин?

– Сиз-чи? – К. энди ҳовуридан тушиб хотиржам суриштирди.

– Мен суддагилар даврасида бўлганимда, бу соҳага оид у-бу нарсани эшитиб тураман, – деди фабрикачи. – Шу боис бу ҳақида сиз билан гаплашмоқчи эдим.

– Бу даврага алоқадор кишилар нечта ўзи? – сўради-да, К. бошини қуи солиб, фабрикачини ҳам стол сари бошлади.

Улар аввал қандай ўтиришган бўлса, шундай ўтиришгач, фабрикачи гап бошлади:

– Афсуски, мен сизга бу ҳақида жуда кам маълумот бера оламан. Бироқ бунақа ишларда жуда майда-чыйда гапларга ҳам эътиборсиз қараш мумкин эмас. Ҳа, менинг айтганларим жуда арзимас бўлиши мумкин, лекин у бирон-бир кори-ҳолингизга яраса, деган ҳис-туйғу мени бу ерга етаклаб келди. Ахир биз шу пайтгача ҳамкор сифатида бир-биришимиз билан муносабатларимиз жуда самимий эди, шундай масми? Бўлмасам-чи!

К. бугунги суҳбат чоғида қилган муомала-муносабати учун ундан кечирим сўрамоқчи бўлди, бироқ фабрикачи сўзини бўлинишига тоқат қидолмас эди. У портфелини кўлтиғи остига тиқиб, ўзининг қандай шошилаётганлигини таъкидлаган бўлди ва гапида давом этди:

– Устингиздан кўзғатилган жиноий иш жараёни хусусида мен Титореллидан эшитдим. У расом, Титорелли унинг тахаллуси, ҳақиқий исмини ҳатто билмайман ҳам. Кўп йиллардан буён у менинг идорамга тез-тез бош сукіб, кичкина-кичкина, бир энлик сувратларини кўтариб келади, ранг кўр, ҳол сўр деганларидек, у шунчалик қашшоқки, унга ачинганим ҳаққи, садақа қилгандек, бир нима бериб, уларни олиб қоламан. Бу битимга иккимиз ҳам одатланиб қолганимиз, ҳамиша беғалва савдомиз силлиқкина битарди. Бироқ борган сари у серқатнов бўлиб қолгач, жонимга тегиб, охири суҳбатларимиздан бирида бу сувратчалар чизиш билан қандай тирикчилик қиласан, деб ошкора қизиқдим, жавобини эшитиб, ҳайратланганимни кўрсангиз эди, унинг асосий қиладиган даромади портретлар чизиб беришдан келаркан. «Суд учун ишлаб бераман», деди у. «Қанақа судни айтяпсан?» ҳайрон қолиб суриштирдим. Шунда у суд ҳақида ҳаммасини ҳикоя қилиб берди. Эҳтимол, бундан қанчалик эсанкираб қолганимни бошқаларга қараганда сиз яхшироқ

тасаввур қиласыз. Шундан бошлаб, ҳозиргача ҳар келишида ундан қанақадир янгиликни эши-тиб, бу маълумотлардан суд ҳақида ўзимча нималарнидир тасаввур қиладиган бўлдим. Тўғри, Титорелли жуда ҳам вайсақи, уни кўпинча тўхта-тишга тўғри келади, буни фақат у ўз ҳикоясига истаган ёлғон-яшикни шунчаки тикиштириб кетаёт-гани боисгина қилмайман, бу ҳеч гап эмас, балки мендай ташвиши кўп тадбиркор киши ҳеч қачон бошқаларнинг ишига ҳаддан ташқари машгул бў-лиши ярамайди. Буни кези келгани учун айтяп-ман-да. Ўйлаб қолдим: эҳтимол тасодифан Титореллининг сизга бирон-бир фойдаси тегиб қолар, ахир у кўргина суд ҳакамларини танийди, майли, ўзи бир тайинли таъсирга эга бўлмаса ҳам, балки шунга сўзи ўтадиган амалдорнинг қандай қўлидан тутса бўлади, шу хусусда жўяли бир маслаҳат бе-рар. Фикри ожизимча, эҳтимол бу йўл-йўриқлар, ўз-ўзича ҳеч бир аҳамиятга эга эмасдай кўрингани билан сизга асқатиб қолиши мумкин. Ўзингиздан қолар гап йўқ, киройи адвокатсиз-ку. Мен доимо ўз-ўзимга: «Жаноб прокуррист К.нинг ўзи бориб турган адвокат» деб юраман. Албатта жараённингиз натижасидан менинг кўнглим тўқ. Шунда ҳам Титореллининг олдига бир бориб кўрмайсизми? Тавсиямга кўра, Титорелли сиз учун нимага кучи етса, ҳаммасини қилади. Ўлашимча, бу фойдадан холи эмас. Албатта, бугун бориш шарт эмас, куни түққанда, йўл-йўлакай уникига кириб ўтса бўлади. Тушунишимча, буни алоҳида таъкидлашим керак эди, аммо Титореллиникига бориш-бормасликни ўзингиз ҳал қилинг, бу сизнинг ихтиёрингиз. Балки, буни Титореллисиз ҳам уддаласа бўлади, дейи-шингиз мумкин, унда яхшиси, бу томонини ўла-маган маъқул. Эҳтимол, белгилаб олган режала-рингиз бўлиб, Титорелли уни фақат бузиб қўйиши

мумкиндири? Йўқ, йўқ, агар шунаقا бўладиган бўлса, ҳар қанақа воқеа юз бермасин, Титореллининг олдига боришингиз ҳеч ҳам керак эмас. Албатта, бунаقا нусхаларнинг маслаҳатини ҳам бир қур ўйлаб қўрмасдан, енгил-елпи қабул қилиб бўлмайди. Шунга қарамай, нимани хоҳдайсиз, ўзингиз биласиз. Мана ташриф қоғози, мана яшаш манзили.

К.хатни олиб, чўнтағига солиб қўйди – унинг жуда ҳам ҳафсаласи пир бўлганди. Ҳатто бу танишиликдан бир фойда чиқиб, кўнглини чоғ қиласидаган вазиятларга сабабчи бўлган тақдирда ҳам, ўлчаб бўлмас даражада зарари фойдасидан кўпроқ, суд жараёни ҳақида фабрикачига етказгани, шу билан ҳам ҳар хил шов-шуввларнинг авж олишига йўл очиш дегани эди.

Фабрикачи қарийб хонадан чиқаёзганда К. унинг изидан жуда ҳам машаққат билан ўзини зўрлаб, миннатдорчилик билдиримоққа уриниб, гудраниб қўйди.

– Уникига кириб ўтарман, – эшик олдида фабрикачи билан хайрлашаркан, К. шундай деди, – мана кўриб турганингиздек, жуда ҳам бандман, унга ёзма тарзда билдирсам, балки ўзи бу ерга келар.

– О, сиз вазиятдан чиқишининг янада яхшироқ йўлини топишингизга шубҳам йўқ, – деди фабрикачи. – Очифи, сиз Титорелли тоифасидаги кишиларни чақирмаганингиз ва суд жараёни ҳақида у билан бу ерда гаплашмаганингиз маъқул. Яна бунаقا кишиларнинг қўлига бирон-бир керакли қоғозни тутқазиш ҳам ярамайди. Э, албатта, сиз ҳамма нарса ҳақида ўйлаб қўргансиз, нима қиласа бўлади, нимани эса йўқ, ўзингиз жуда яхши биласиз.

К. бошини қуйи солинтирганча, қабулхона орқали фабрикачини кузатиб қўйди. У зоҳирлан хотиржам қўринса-да, ич-ичидан жуда қўрқиб

кетди: гапнинг пўскалласини айтганда, Титореллига хат ёзиб юборарман деганда, фабрикачининг маслаҳатини қандай қадрлашини кўрсатмоқчи, Титорелли билан қандай учрашса бўлади, шуни ўйлаётганини билдириб қўймоқчи эди, ҳолбуки, Титореллининг ёрдами ўзи учун фойдали бўлади, деб ҳисоблаган тақдирдагина унга бирон-бир нарса ёзиб юборган бўларди. Бироқ фабрикачининг гапи унга бундай қалтис қадам босишлар кейинги барча ишларнинг оёғини осмондан қилиб юбориши мумкинлигини яна бир бор аён этди. Наҳотки, у ўзининг соғлом ақлига таяна олмаса? Буни қаранг, у директор муовинидан икки қадам берида, ёлғиз эшиккина уларни ажратиб турган хонага аллақандай насли-насабининг тутуриги йўқ бир кишини ёзма равиша чақириб келиб, устидан қўзғатилган суд жараёни хусусида унга ёрилиб, кенгаш сўраб ўтиrsa, бунақа нодонлик билан ҳар қанақа нохуш воқеалар юз бериши мумкин-ку, эҳтимол шунга ўхшаш бир талай бошқа хавф-хатарлар юз беришини ҳам кўрмай, бошига ортиқча гавғолар орттираётган бўлмасин? Ахир ёнида бу каби хавфлардан уни огоҳлантириб турадиган киши ҳамиша ҳам бўлмайди-ку. Айнан ҳозир, барча кучини жамлаб, ҳаракат қилиши керак бўлган бир пайтда шубҳа-гумонлар ҳам ваҳимага солиб, ҳушёргилини бой беришга бир баҳя қолди. Наҳотки, банк юмушларида қийин муаммога дуч келгандек суд жараёни билан жиддий шуғулланиш ҳам шунчалик қийин бўлса? Қандай қилиб калласига Титореллига хат ёзиб юборишу банкка таклиф қилиш фикри келиб қолди, ҳозир ўзи ҳам буни қарийб тушунтириб беролмасди.

Ҳали фикрини бир жойга йиголмасдан бoshини чайқаб ўтирганда, хонасига чопар кириб

келди ва қабулхонада уни уч киши кутиб ўтирганини айтди. Улар аллақачондан буён сарғайиб кутиб қолишган, мана ниҳоят энди ўзларини К. нинг хонасига таклиф қилиб қолишса ажаб эмас, деб туришарди. Чопар К.га мурожаат қилганини кўрганлар ўринларидан ҳовлиқиб туришди ва имкониятдан фойдаланиб қолиш умидида бир-бirlарига гал бермай, К.га ўз дардларини тўкиб-солишига интилишди. Бу ерда илтифотсиз бир муносабатда бўлиб, қанча вақтларини совуриб қабулхонада тош қотиб ўтиришга мажбур қилишган экан; демак, улар ҳам, ҳеч қанақа тартибни писанд қиласликларини кўrsатиб қўядилар.

– Жаноб прокуррист, – гап бошламоқчи бўлди бири. Бироқ қишилик пальтосини чопарнинг ёрдами билан кийиб олган К. учовига бир йўла мурожаат қилди:

– Кечирасиз, жаноблар, афусуски, ҳозир сизларни қабул қила олмайман. Мени афв этишларингизни ўтиниб сўрайман, баҳтга қарши жуда ҳам зарур бир ишим чиқиб қолди, ҳозир кетмасам бўлмайди. Гувоҳ бўлгандарингиздек, роса вақтими олишди. Барака топкурлар, эртага ёки ўзингизга қачон қулай бўлса, ўшанда келсаларингиз бўлмайдими? Балки юмушларингизни телефон орқали кенгашиб олармиз? Ёки ҳозир сизларга нима кераклигини қисқагина баён қилиб берсангиз, сўнг мен ёзма тарзда жавоб йўлласам бўлмайдими? Йўқ, яхшиси, албатта, яна бир бор ўзингиз бу ёқقا келгандарингиз тузук.

Бу таклифдан мижозларнинг бутунлай тиллари калимага келмай қолди, наҳотки шунча пайт беҳуда кутиб ўтирган бўлсак? – дегандек бир-бirlарига қараб олишди.

– Демак, - келишдикми? – К. шундай деди-ю, шляпасини тутиб турган чопарга юзланди.

Хонанинг деразаларга рўпара очиқ эшигидан ташқарида қалин қор тушганини бемалол кўрса бўларди. К. пальтосининг ёқаларини кўтариб, бўйинларини беркитди. Шу лаҳза қўшни хонадан чиқкан директор муовини К. пальтода турганича, ниманидир мижозлари билан келишиб олаётганига кулимсиб қараганча, сўради:

– Жаноб прокуррист, наҳотки, сиз кетаётган бўлсангиз?

– Ҳа, – деди К. қаддини ростлаб, – бир иш бўйича кетмасам бўлмайди.

Бироқ директор муовини шу заҳоти мижозлар томонга қараб юзланди.

– Бу жаноблар энди нима қиласди? – сўроқча тутди у. – Адашмасам, улар аллақачондан буён кутиб ўтирибдилар.

– Биз келишиб олдик, – деди К.

Шу ерда етганда мижозлар ҳам энди ўзларини тутиб туролмадилар: К.ни ўраб олишиб, агар муҳим ишларини ҳеч кечиктирмасдан юзма-юз туриб мұхомама қилиб олиш зарур бўлмагандан шунча пайт кутиб ўтирган бўлишларини дастурхон қила кетишиди. Директор муовини уларни тинглаб бўлиб, К.га қаради-да, шляпасини қўлига олганча, ундаги қанақадир бир доғни тозалашга тутиниб деди:

– Жаноблар, бу мушкулотдан чиқишининг оддий бир йўли бор. Агар мен мушкулингизни осон қила олсам, жаноб прокуррист ўрнига сизлар билан гаплашиб олишни мамнуният билан ўз зиммамга оламан. Тушунишмча, ҳеч кечиктирмасдан ишларингизни ҳал қилиш керакка ўхшайди. Биз ҳам ўзингизга ўхшайдиган ишбилармон кишилармиз, вақтларингиз қанчалик қимматли эканлигини тушунамиз, бу ёқса юрсангиз бўладими? – у эшикни очиб, улардан бирига қабулхонага ўтишини сўради.

Буни қаранг, К. зарурат юзасидангина бундан воз кечиб турганда, директор мувовини ҳаммаси-ни ўз фойдасига ишлатмоқчи. Эҳтимол, ҳақиқатан ҳам К. ишининг ваҳимасини жуда бўрттириб юборгандир. – У ҳеч ҳам керакмасмиди? У агар ана шундай асоссиз, бетайин нарсаларга ишо-ниб, аллақандай номаълум бир рассомнинг олдига югураверса, ҳеч вақога арзимас нарсаларга умид қилиб югураверса, иш кўрсатолмай, бу ерда, яъни хизмат жойида тузатиб бўлмас даражада обрўйи-га путур етади-ку. Ундан кўра, пальтосини қайта ечиб, қозикқа илса-ю, жилла курса, қабулхонада кутиб ўтирган икки мижознинг ишини ҳал қилиб беришни ўз бўйнига олса тузук бўларди. Эҳтимол, директор мувовини хонасиға қайтиб кириб, худди ўз уйидагидек сурбетларча китоб жавонини тит-килаётганини кўрмагандан, К. шундай қилган ҳам бўларди. Аммо К. эшикка яқинлашганда яна мувовиннинг овози янграб қолди:

– Э, ҳали ҳам кетмадингизми? – К. унга қарап экан, юзидаги қатор-қатор ажинлар қарилгининг эмас, ҳукмфармонлиги далолатидай туйилди. – Шартномани излаяпман. Фирма вакилининг айтишича, у сизда экан. Топишга қарашиб юборолмайсизми?

К. унга яқинлашувди ҳамки, директор мувовини деди:

– Раҳмат, ўзим топдим, – у шундоққина кўри-ниб турган шартнома қоғозининг ўзини олиш ўрнига талай мұхим хужжатлар тикилган семиз хатжилдни ҳам қўлтиқлаб, хонаси сари йўрғалаб кетди.

«Ҳозир у билан жиққиллашиб ўтиришга ҳолим йўқ, – дерди ўз-ўзига К., – ҳаётимдаги кўнгилсизликлардан у ўзини ўнглаб олиб, валло-матлигини кўрсатиб қолсин, менинг ҳам куним

келар, биринчи имконият туғилгандәёқ у билан ҳисоб-китоб қиласынан. Күнини күрсатаман!»

Бу фикр билан у бир оз овунди ва қарийб дахлизнинг очиқ эшигига етаёзганида чопарга иш билан кетаётгандыгини банк директорига айтиб қўйишни буюрди, сўнг эса ҳарқалай аллақанча вакт бутунлай ўз иши билан банд бўлишига имконият туғилганидан қувониб, банкдан чиқди.

Шаҳарнинг бир чеккасида суд девонхонаси жойлашган бўлса, рассом яшайдиган уй қарама-қарши тарафда эди, пайсалга солмасдан ўша ёққа йўл одди. Бу чекка мавзе хаддан ташқари гарид бўлиб, кўримсиз уйлари оралаб ўтган жин кўчаларида билч-билч эриётган қорда ҳар турли ахлат уйилиб ётарди. Рассом яшайдиган уй дарвозасининг кенг табақаларидан фақат биттаси очиқ, ёпиқ табақасининг пастидан синдириб очилган туйнукчадан аллақандай бадбўй суюқлик оқиб чиқаётган жойда у билан тўқнашиб қолишдан асрармоқ умидида ариқчага ўзини ташлаган бир неча каламушларни кўрди. Зина-поянинг пастида аллақандай болакай чинқириб ётар, бироқ дарвозанинг нариги тарафи остида жойлашган чилангарлик устахонасидан чиқаётган шовқин-суронда бу қарийб эшитилмасди. Устахона эшиклари очиқ бўлиб, уч шогирд қандайдир темир-терсакни ўртага олиб, тўқмоқлашарди. Деворга осилган оқ тунукаларнинг катта-катта бўлакларига офтоб нури тушиб, шуъланар, шулардан бир бўлагини ерга олиб ишлаётган икки шогирд болаларга бу шуъла тушиб, юз ва пешбандларини ёритарди. Аммо К. бир қургина нигоҳ ташлади, фикри-хаёли тезроқ рассомни топиш, у билан гап-сўзни лўнда қилиб, бу ердан дарров жуфтакни ростлаб, яна банкка қайтиб боришда эди. Агар у арзимас бўлса-да, нимага-

дир эришса, банкдаги бутунги ишига бу ижобий таъсир этган бўларди.

Учинчи қаватга чиққанча ўпкаси оғзига тиқилиб, жуда ҳам ҳансираф қолди, бу уйнинг қаватлари баланд-баланд, афтидан, рассом, нақ болохонада умргузаронлик қиласади. Уйнинг ҳавоси дим, айнитан, танг-тор зинапоя тикка юқорига ўрлаб борар, майдончасиз, устга ағанайдигандек деворлар икки томондан сиқиб келар, қай жойларидаир бир энлик синдириб очилган ойначалар бор эди. К. бир зумга нафасини ростламоқчи бўлиб тўхтади. Шу ерда қўшни хонадондан бир этак қизалоқдар югуриб чиқишиди ва шодон қийқириқлар билан зинапоядан гизиллаб юқорига кўтарилиб кетишиди. К. улар ортидан имиллаб юқорига кўтарилаверди ва қизалоқлардан бири қоқилиб кетиб бошқалардан ажралиб қолганда, ундан сўради:

– Рассом Титорелли шу ерда яшайдими?

Қизалоқ бир оз букри, ёши ўн учларда деса бўларди; жавобига у К.нинг биқинига тирсаги билан туртиб, зимдан тикилди. Қиз ҳали ёш, яна жисмонан қусурли бўлишига қарамасдан, К.нинг аллақачон бузилиб бўлганлигини ҳис қилди. У ҳатто жилмаймасдан еб кўярдай қараб, очикдан-очиқ беҳаё шама қиласади.

К. қизчанинг қийшангланини сезмагандай сўради:

– Сен рассом Титореллини биласанми?

Қиз бошини қимиirlатиб, К.ни ўз навбатида саволга тутди.

– Унда нима ишингиз бор?

К. Титорелли ҳақида у-бу нарсани сўраб-суришириб билиб олсам, зарар қилмайди, деб кўнглига тугди.

– Портретимни ишлатмоқчи эдим.

– Портретингизни? – оғзини ланг очиб қайта сүраркан, бу ҳеч кутилмаган фавқулодда иш ёки ақд бовар қилмас ҳодисадек кафтлари билан К.ни шапатилади-да, кейин ўзи шундоқ ҳам калта бўлган этагини икки қўли билан янада кўтариб, гала-ғовурлари юқоридан келаётган қизалоқлар томон оёғини қўлига олганча югуриб кетди.

К. зинапоянинг навбатдаги бурилишида қизалоқларни яна кўрди. Букри қиз, афтидан, К.нинг ниятини шерикларига етказган чоғи, уни кутиб ўтиришарди. Улар К. эмин-эркин ўтиб олиши учун йўл очиш мақсадида зинапоянинг икки томон деворларига қапишганча, пешбандларини бармоқлари билан у ёқдан бу ёққа суриб ўйнашарди. Деворга суюниб туришаркан, бу наврасталарнинг юзларида, ғалати бир тарзда болалик илиа бузукликнинг аломатлари аралашиб кетганини кўриш мумкин эди. Букри қиз йўл бошлади, қолганлари эса К.нинг ортидан пиқир-пиқир қулишди. Фақат шу қиз сабаб К. дарров йўлни топти. У шу заҳоти тўғри тепага кўтарилоқчи бўлганди, қиз Титореллининг оддига фақат ёnlама зинапоя орқали бориши мумкинлигидан воқиф этди.

Унга олиб борувчи зинапоя анча-мунча узун, яна тиккасига кетган, нақ Титореллининг эшиги оддиди ниҳоясига етарди. Бутун зинапояга солиштирганда, бу ер анча ёруғ, шипдан очилган кичик туйнукдан тушиб турган ойдинда рассомнинг эшиги яхшигина кўриниб турар, унинг тахтаси бўялмаган бўлиб, мўйқаламда жимжимадор ва катта-катта қилиб қизил буёқда Титорелли номи ёзив қўйилган эди. К. ўзининг ҳангоматалаблари билан зинапоянинг ўртасига етганди-ям, бирдан юқоридан, афтидан шу зинапоянинг ўзида шовқин-сурон эшитилди ва эшик ярим очилиб, тунги либосидан бошқа эгнида ҳеч вақо йўқдай бир эркак киши чиқиб келди.

– Вой-бў! – ўймалашиб турган тўдага кўзи тушган бу киши шундай деб нидо қилди ва ўша заҳоти ортига қайтиб, фойиб бўлди. Букри қувончдан кафтларини бир-бирига урди, қолган қизалоқлар эса К.ни орқасидан итаришиб, тепага чиқишга қисташарди.

Бироқ улар тепагача кўтарилиб боришга улгuriшмади, кўп ўтмай эшик ланг очилиб, ўзини хокисорларча тавозеда тутган рассом К.ни ичкарига киришга таклиф қилди. Аммо қизчаларга йўл бўшатишни хаёлига келтирмади ва уларни сиқиб, ташқарида қоддирди, қанчалик эланишмасин ё зўрлик билан ичкарига кириб олишга уринишмасин, барибир фойдаси бўлмади, ружсат тегмади. Фақатгина букри қиз қўл остидан сирғалиб, ичкарига ўтишга муваффақ бўлди, бироқ рассом унинг ҳам ортидан кувиб, этагидан тортиб ушлади-да, даст кўтариб, ўз атрофида чир айлантириди ва ҳатто ўзи букри билан овора бўлганда ҳам қизалоқлар киришга журъат қиломаган эшикнинг нариги томонига қўйди. К. бўлаётган ишларга қараб, бирон-бир ҳаракат қилишиб ўзида куч топмади, нима дейишни билмади; чунки бу ерда гўё дўстона муносабатлар ҳамма нарсадан устувордек эди. Қизалоқлар тўдаси ҳайдалганига қарамай, рассомга ҳазил-хузул қилишиб, аллақандай қитмир гаплар отишди, аммо буларнинг маъносини К. ҳеч тушуна олмади, рассом илжаяр, унинг қўлларида букри қиз гўё ҳавода учгудек бўларди. Кейин у эшикни ёпиб, К.га яна бир бор тавозе қилди, меҳмоннинг қўлларини сиқиб, унга ўзини танишиди.

– Санъаткор-мусаввир Титорелли.

К. қизалоқлар шивир-шивир қилаётган эшикка қараб деди:

– Бу уйда сизни ҳаддан ортиқ севишилари кўриниб турибди.

– Ох, бу маймунчаларимнинг ўзини тутишларини! – У шундай дер экан, жон-жаҳди билан ёқа тугмаларини қадашга уринарди.

Рассом сарпойчанг турар, энди унинг устида кўйлагидан ташқари тасманинг кучи билан зўрга ушлаб турилган сарик йўл-йўл иштони ҳам бўлиб, айниқса, пойчаси ҳалпиллоқгина эди.

– Менга бу маймунчаларнинг дастидан ҳаловат йўқ, – дея туриб кўйлаги тугмаларини ўтказишга уринар экан, худди шундай бўлиши керакдай, охирги тугма узилиб кетди, у оромкурси келтириб, К.ни ўтиришга таклиф этди.

– Қачонлардир ораларидан биттасининг сувратини солган эдим – у ҳозир буларнинг ичida йўқ – шундан бошлаб ҳозиргача булар мени ҳол-жонимга қўйишмайди. Уйда бўлган пайтларимда-ку изни-ихтиёrim билан киришади, бироқ хонамни тарқ этишимга тўғри келса, доимо, ҳеч бўлмаса биттаси бу ерга кириб олади. Улар эшик қулфига тушадиган калитча ясаб олишган ва уни бир-бирларига ошириб туришади. Э, улар жонимга қанчалик тегиб кетишганини сиз ҳатто тасаввур ҳам қила олмайсиз. Мисол учун, бирон бир хоним билан суратини чизиш умидида руҳан тўлиқиб келаман-да, эшикни калитим билан очиб, нимани кўраман денг: столим олдида ўтириб олган букри қиз мўйқаламим билан лабларини бўяётган, унинг амри-фармонидаги шумтака ука-сингилчалари эса хонанинг тўрут томонига югуриб, ҳамма жойни бурчак-бурчаккача ифлослаб ташлаган бўлади. Ёки масалан, кеча оқшом юз берган воқеани олайлик: алламаҳалда уйга қайтдим, шунинг учун ҳам сиз хонамдаги тартибсизлик ва бунаقا кўринишиим учун кечиринг – уйқум қисталанг қилиб турарди, апил-тапил ечиниб, ўзимни тўшагимга ташладим ва бир-

дан кимдир оёғимни чимчилагандай бўлди. Каравотимнинг тагига энгашиб бу ярамаслардан бирини тортиб чиқардим. Менга намунча тирғалишади – ҳеч тушуниб бўлмайди. Сиз ўзингиз кўрдингиз, мен уларнинг раъйига қараётганим йўқ. Улар ишлашимга халақит беришади. Агар бу устахона менга бериб қўйилмаганда, бундан аллақачон жўнаворган бўлардим.

Шу пайт эшик ортидан ингичгагина овоз келди:

- Титорелли, биз ичкарига кирсак бўладими?
- Йўқ! – шартта рад қилди рассом.
- Ҳатто менга ҳам рухсат йўқми? – яна ўша болапақир – ингичка овоз эгаси сўради.
- Сенга ҳам мумкин эмас! – рассом шундай деб эшик олдига келди ва уни қулфлади.

Шу орада К. хонанинг у ёқ-бу ёғига қарашга ултурди; шу ёшга кириб кимдир шу тор-танг кулбачани «устахона» деб атасини ҳеч тасаввурита сиғдира олмасди. Унинг эни-ю бўйини икки қадамда ўлчаб ташласа бўларди. Пол, девор ва шифтларининг ҳаммаси ёғочдан, тахталар орасидаги кичкина тешик-туйнуклар ҳам кўзга ташланади. Хонанинг бир чеккасидаги каравот устида ямоқ чойшаб ва ёстиқлар турарди. Хонанинг ўртасида ўрнатилган мольбretда аллақандай сувратнинг эскизи енглари ергача тушган ҳалпилдоқ кўйлак билан ўраб қўйилганди. К.нинг орқа томонида ойнаванд дарича бўлиб, ундан гира-шира тумандагидек қор билан қопланган қўшни томларини аранг кўриш мумкин.

Калитнинг шакур-шукур буралгандаги овозидан К. эшик томонга бурилиб, бу ердан тезроқ кетмоқчи эканлигини хотирлади. Шунинг учун ҳам чўнтағидан фабрикачининг хатини чиқариб, рассомга бераркан, деди:

– Мен сиз ҳақингизда танишингиз бўлган мана бу жанобдан хабар топдим ва унинг маслаҳати билан бу ерга келдим.

Рассом хатга шошиб-пишиб қаради-да, уни каравот устига улоқтирди. Агар фабрикачи аниқ-тиниқ қилиб ошнаси рассомнинг қашшоқлиги-ю, ўз муруватига қарам бир киши эканлиги ҳақида гапириб бермаганида, Титорелли умуман уни танимайди ёки ҳеч бўлмаганда, алмақачон фабрикачини унутиб юборган, деган хаёлга бориш мумкин эди. Шунда рассом яна ундан сўраб қолди:

– Сиз суврат харид қилишни истайсизми ёки портретингизни чиздирмоқчисиз?

К. рассомга ҳайрат билан қаради. Қизиқ, хатда фабрикачи нималарни ёзиб юборган бўлса? К. фабрикачи унга нима кераклигини ўз-ўзидан яхши тушунади, рассомга шу жиҳатни маълум қилган бўлиши керак, деб ҳисоблаганидан факат ўз иши ҳақида маълумот олишни истарди. Эҳ, у нимага чукур мушоҳада қилмасдан, бу ерга югуриб келаверди? Бироқ ҳозир у жиллакурса нимадир деб рассомга жавоб қайтариши керак эди, шу мажбурият юзасидан мольбертга кўз ташлаб деди:

– Сиз ҳозир шу суврат устида ишлайпсизми?

– Ҳа, – деди рассом ва суврат устини ёпган кўйлакни тушириб, уни ҳам хатни отган жойга иргитди. – Портрет ишлайпман. Бу менинг жони дилим, аммо иш эндиғина бошланди.

Бу ерда қалашиб ётган нарсалар ҳарқалай К. учун қўл келди, дабдурустдан суд ҳақида гапириш учун имкон туғдирди – чунки портретда айнан бир суд ҳаками тасвир этилган эди. Ҳаммасидан, у адвокатнинг хонасида осилган сувратга жуда ҳам ўхшаб кетарди. Тўғри, бу ердаги ҳакам бутунлай бошқа киши бўлиб, бутун юзини мўй қоплаган, қорасоқол, хўппа семиз, барваста бир киши эди; қолаверса, адвокатникида осилган суврат мой бўёқда чизилган, бу эса пастел-рангли

қаламда, яна гүё туман орасидагидек элас-элас күзга ташланарди. Бироқ қолган ҳамма-ҳаммаси жуда ўхшаб кетар, бу ҳам таҳдид билан ҳозир ўз тахтидан туриб кетадигандек ён дастакларни қаттиқ қисиб олганча турарди.

«Ҳа, бу ўша ҳакам-ку», – деб К. айтмоқчи бўлди, бироқ ўзини босди, сувратга яқинроқ келиб, уни тўлалигича томоша қилмоқни истади. Унга оромкурсининг тахтга ўхшаб солинган орқа суюнчиғи тушуниб бўлмас даражада чўзиб юборилгандай туйилди ва рассомдан бу нимаси деб сўради.

– Унга ҳали яна бир оз ишлов бериш керак, – деб тушунтириди рассом ва қўлига столда турган рангли қаламлардан бирини олиб ўша чўзиқдикка сиртдан бир неча қўшимча чизгилар қилди, бироқ булар билан ҳеч нарса ўзгармасдан К. учун тушунарсиз қолаверди. – Бу Адолатпеша, – охири изоҳлади рассом.

– Ҳа, энди таниётгандай бўляпман, – гап қўшди К. – Мана кўзларидағи боғич, мана булар эса тарози паллалари. Бироқ унинг товоонларида қанотчалар борми, гүё у қаёққадир ошиқаяптими-ей?

– Шундай, – деди рассом, – мен уни айнан шундай буюртма асосида чиздим. Очифини айтганда, бу бир шахс тимсолидаги адолат ва музаффарият маъбуддари.

– Бу жуда ҳам тўғри тавсиф эмас, – табассум қилиб деди К. – Адолат маъбуди ўз жойида қатъий турган бўлиши керак, тарози палласини тенг тутмаса бўлмайди, иккиланиб турган одам ҳеч қачон адолатли хукм чиқариши мумкин эмас.

– Лекин, мен буюртмачимнинг талабига бўйсунишга мажбурман, – эътиroz билдириди рассом.

– Ҳа, албатта, – деди К. ўз огоҳлантириши билан уни хафа қилиб қўйишни истамасдан. – Афтидан, сиз уни худди одатдагидек рамзий оромкурсида чизгансиз.

– Йўқ, – деди рассом, – мен ҳеч қанақа оромкурсини ҳам, рамзни ҳам кўрмаганман, буларнинг бари тасаввур қилинганд, холос. Аммо менга аниқ кўрсатма беришдими, шу талаб асосида ишлаб беришим керак-да.

– Қандай қилиб? – чеҳрасига рассомни тушунмагандай тус бериб қайта сўради К. – Ахир оромкурсида ўтирган суд ҳаками эмасми?

– Тўғри, – деб тан олди рассом, – аммо бу олий суд ҳаками эмас, у ҳеч қачон бунақа ҳашаматли ўриндиқда ўтирган.

– Бироқ ўзини шундай бир шоҳона тарзда тасвирлашларига мажбур этади! У бу ерда айни суд раисининг ўзи-ку!

– Ҳа, бу жанобларда амалпарастлик касали кучли! – деб қўйди рассом. – Аммо улар худди шундай тарзда тасвир этилсин, деган юқоридан буйруқ ҳам бор. Ҳа, ҳар бири қандай кўринишда намоён бўлиши белгилаб берилган. Афсуски, рангли қаламчалар ила чизилганида оромкурсининг бор савлатию башанг лиbosларни ҳар томонлама ёрқин чиқариш амри маҳол.

– Ҳа, – деди К. – бу сувратнинг рангли қаламчаларда ишланганининг ўзи ғалати.

– Суд ҳакамининг хоҳиши, – аниқлик киритди рассом. – У портретни бир хонимга совға қилишни кўзлаган.

Сувратга қараш асносида рассомда портрет устида ишлашга рағбат уйғониб қолди; кўйлаклари енгини шимариб, кўлига рангли қаламчаларни олди ва чизгилар қилас экан, ҳакамнинг боши теграсида қизилдан келган нур чамбараги пайдо бўлгани ва суврат чеккасида шуълалар уймалашганига К.нинг кўзи тушди. Аста-секин бу чапловлар ўйини аниқ бир шаклга кириб, ҳакамнинг боши атрофида худди тождек бўлиб кўрин-

ди. Бироқ Адолатпешанинг теграсидаги нур чамбари ёрқин қолгани билан бу нурлар ғужгонлигига унинг сиймоси янада аниқ чиққан, бироқ у на адолат маъбудини, на зафар маъбудини эслатарди; тез орада эса у бор-йўғи ов маъбудининг ўзи бўлди-қолди. К. бор ақли шуури билан рассомнинг ишига бутунлай қизиқиб кетди; лекин охир-оқибат бунчалик узоқ ушланиб қолгани учун ўзидан хаёлан ўпкалашга тушди, қанча вақти беҳуда кетди, аммо иши ҳақида бир оғиз гапиришга ҳали улгурмади ҳам.

– Ҳакамнинг исми нима? – тўсатдан сўради у.

– Буни сизга маълум қилиш хуқуқига эга эмасман, – жавоб берди рассом. У суврат бошида мукка тушганча ишлар, меҳмонини очиқдан-очиқ ўз ҳолига ташлаб, умуман эътибор бермай қўйган, ҳолбуки бошда К.ни жуда ҳам очиқ чеҳра билан қаршилаганди. К.буни унга андармон бўлиб, рассом қанча вақтини йўқотгани учун шунчаки ноз-истигно ва ранжиганликка йўйди.

– Бундан чиқди, сиз суднинг ишонган кишиларидан экансиз-да, шундайми? – сўради у.

Шунда рассом қаламини ташлаб, қаддини ростлади, қўлларини артар экан, К.га табассум билан бокди.

– Қани, бўлмаса очиқчасига ўтайлик! – деди рассом. – Сиз суд ҳақида нимадир билмоқчисиз чоғи? Бахтга қарши, йўлланмангизда ҳам шу қайд этилибди, сиз эса мени ўзингизга мойил қилмоқ умидида, сувратларим ҳақида гап ташлаб ўтирибсиз. Майли, бу учун сиздан хафа эмасман. Мен бунаقا қармоқларга илинмаслигимни сиз қаердан ҳам билар эдингиз. Йўқ, йўқ, керакмас!

– К. нимадир деб эътиroz билдиromoқчи эканлигини сезиб, у янада кескин, пайдар-пай қўшимча қилди: – Шунга қарамай сиз жуда ҳам тўғри

пайқабсиз, мен ҳақиқатан ҳам суднинг ишонгандан кишиларидан бўламан.

Сўнг у бир оз тўхтаб турди, гўё К. бу тасдиқловга ўзини кўнигириб олишини истагандай бўлиб. Эшик ортидан яна қизалоқларнинг пичир-пичир қилгани келди. Улар қулфнинг тешиги ёки тахта деворнинг тирқишлирдан қарааш учун уймалашаётган бўлишса керак. К. айрича бир тарзда тасдиқлов белгисини қилмади, К. рассомнинг суд ҳақидаги ҳикоясидан овунмоқчи эмасди, шу билан бирга, ўзининг таъсир доирасига жуда катта баҳо бериб юбориб, амалга ошириб бўлмас нарсани зиммасига олишини ҳам хоҳламасди, шу учун ҳам сўради:

– Бу расман эътироф этилган лавозимми?

– Йўқ, – қисқагина жавоб қилди рассом, байни бу савол уни жим бўлишга мажбурлагандек. К.га бу жимлик унинг зарарига ишлайдигандай тўйилди ва далда бериш умидида деди:

– Биласизми, лавозими расман тасдиқланган бўлмаса-да, бунақа кишилар расмий хизматчиларга қараганда таъсир доираси кенгроқ бўлади.

– Менинг юмушим ҳам айнан шунаقا, – рассом бошини қимирлатиб, пешонасини тириштириди.

– Кеча фабрикачига устингиздан қўзратилган суд жараёни ҳақида гапириб берганимда, у сизга бирон-бир ёрдам қилиб юборишими сўради. Мен унга, «Майли, ўша киши одимгага келиб, бир учрашсин-чи», деб жавоб қилдим ва шунчалик тез қадам ранжида қилганингиздан бошим кўкка етди. Кўриниб турганидек, бу иш жиддийгина, сизни анча-мунча овора қилади, аммо бу мени кўп ҳам ажаблантирмайди. Эҳтимол, оддин пальтонгизни ечсангиз бўлармиди?

К. бу ердан қанча тез кетса, шунча яхши дея тараддуд кўриб келган бўлса-да, рассомнинг бу

таклифидан жуда хурсанд бўлиб кетди. У борган сари бўғилиб борганидан хона четидаги ёқилмаган печкага ҳайрон бўлиб қараб қўяр, – хонанинг бу даражада иссиқ эканлиги унга бутунлай тушунарсиз эди. У палътосини устидан олиб, камзулинни ҳам ечаётганда рассом хижолатли оҳангда деди:

– Менинг совуқقا тобим йўқ, хонани иссиққина қилмасам ўтиромайман. Лекин бу ер жуда ҳам қизиб кетди, шундаймасми? Очиги, хона қулагина, нақ жоннинг роҳати.

К. ҳеч нарса деб жавоб қилмади; тўғрисини айтганда, унга бу иссиқдик эмас, балки айнигана ҳаво ёқимсиз бўлиб, хона анчадан бүён шамоллатилмагани кўриниб турар эди. Рассом уни каравотга ўтиришга таклиф қилиб, ўзи мольберт ёнидаги курсига чўкканда, К.даги ноҳуши кайфият баттар кучайди. К. тўшакнинг бир чеккасига омонаттина ўтирганини рассом ҳеч ҳам тушуна олмади, шу боис меҳмондан бемалол, қулай бир тарзда ўтиришни астойдил сўради. Аммо К. бирон-бир қарорга келолмаганига гувоҳ бўлгач, яна ўрнидан туриб келиб, уни чойшаб ва ёстиқчалар уймалашган тўшакнинг энг тўрига сурди ва яна ўз курсисига чўкиб, К. учун долзарб биринчи саволни бердики, у теваракдаги барча нарсани унудти.

– Сиз бутунлай айбсиз эмасмисиз?

– Бўлмасам-чи! – К. шу заҳоти севиниб жавоб бера қолди, чунки унинг олдида оддий бир киши ўтирап ва айтган ҳар бир сўзи учун ундан жавобгарлик талаб қилмасди. Ҳамда ҳеч ким бунчалик очиқ-оидин сўраб-суриштирмаганди. Бу қувонч ҳисларини бир оз яна чўзмоқ умидида К. қўшимча қилди:

– Мен мутлақ айбсизман.

– Буни қаранг, – деб қўйди рассом ва чукур хаёлга ботгандай бошини ҳам қилиб олди. Бироқ тўсатдан бошини кўтариб деди: – Мабодо сиз

айбсиз бўлсангиз, иш хамирдан қил сугургандек осонгина ҳал бўлади.

К. дарров тўмтайиб оди: ўзига суднинг ишончили кишиси мақомини беради-ю она сути оғзидан кетмаган гўдакдек мулоҳаза юритишини!

– Менинг айбсизлигим ишни енгиллаштирмаса керак, – деди К. У бирдан иродасига хилоф равишда кулиб юборди ва бошини сарак-сарак қилди: – Бу ерда ишнинг қалтислиги шундаки, суднинг ўзи ҳам чалкашиб қолиши мумкин. Буларнинг ҳаммаси эса охир-оқибат бир бўшлиқда йиғилиб, суд ҳаками йўқ жойдан оғир бир айбни кавлаштириб топиши ва воқеликка олиб чиқиши ҳеч гап эмас.

– Ҳа, ҳа, албатта бўлиши мумкин, – деб қўйди рассом гўё К.нинг фикр йўсинига чап бериб: – Бироқ шунда ҳам барибир сиз айбсиз бўлиб қолавермайсизми?

– Бўлмасам-чи, – деди К.

– Бу энг асосийси, – қувватлади рассом.

Унга эътиroz билдириш беҳуда эди. Унинг бунақа қатъий гап оҳангига қарамай бир нарса ойдин бўлмаганга ўхшарди: у буларни астойдил ишонганидан гапиряптими ёки щунчаки вақт ўтказиц учун лоқайдлик билан лақиллаб ўтирибдими? К. ҳозироқ буни билмоқчи бўлиб, сўради:

– Албатта, сиз судни менга қараганда ўн чандон яхши биласиз, мен у ҳақида бор-йўғи ҳар турли одамлардан у-бу миш-мишларни эшитганман, холос. Бироқ ҳаммасининг гапи ушбу нуқтага келганда бир хил: судда ҳеч қанақа енгил-елги айблов бўлмайди, агарки, ҳакам айби бор деган фикрга келганми, айланувчининг айбдорлиги-га қаттиқ ишонишади ва бу масалада уларнинг фикрини ўзгартириш жуда қийин.

– Қийин эканми? – деб рассом қайта сўраб олгач, кўлларини кўкка чўзди. – Ҳа, гапнинг пўскал-

ласини айтганда, уларнинг фикрини ўзгартириш умуман мумкин эмас! Агар мен мана бу бўзда бунақа суд ҳакамларининг барини чиза олганимда, сиз ҳам жилмакурса бўздагилардан ҳимояланишини улдалай билганингизда эди, ҳақиқий суд оддида ўзингизни ҳимоя қила олишдан кўра каттароқ музаффарият қучган бўлардингиз.

У тўғри айтяпти! – К. ўзича шундай деб пичирлаб қўяр экан, сал оддинроқ рассомнинг ҳақиқий фикрини ўсмоқчилаб бўлса-да, билиб олмоқчи бўлганлигини бутунлай унуганди.

Эшик ортида яна қизалоқдар шовқин-сурон кўтаришди:

– Титорелли, у бу ердан қачон қорасини ўчиради?
– Овозларингни ўчиринглар! – ўшқирди расом, – менинг бу жаноб билан қилаётган суҳбатимиз қанчалик жиддий эканлигини тушунасизларми ўзи?

Бироқ бир қизча шунда ҳам тинчимади:
– Сен унинг сувратини солмоқчимисан? – Расом шундай бўлиши керакдай индамагач, у чудиравша давом этди: – Илтимос, унинг расмини чизма, жуда ҳам бадбашара-ку! – Қолганлари маъқуллаб, қандайдир тушуниб бўлмас сўзларни тилга олишганча шовқин-сурон кўтаришарди.

Рассом эшикни қаттиқ тепиб, ярим очар экан, қизалоқдарнинг ёлворувчан алфозда чўзилган кўлларига кўзи тушди ва уларга қаратадеди:

– Агар жим бўлмасангизлар, ҳаммаларингизни ҳозир зинапоядан пастга улоқтираман. Қани, ўриндиқларга ўтириб олиб, ўзларингизни тутиб олинглар-чи.

Улар бунга дарров қўнақолмадилар, охири уларга ўшқириб амр қилишга тўғри келди:

– Қани, зинапоя томонга жўнанглар!
Фақат шундан кейингина жимлик чўкди.

– Кечирасиз-да энди, – рассом шундай деб К. нинг олдига қайтиб келди. Бироқ К. эшик томонга ҳатто қайрилиб ҳам қарамади, у рассом ўзини қандай ва қачон муҳофазаламоқчи бўлса, бутунича буни ўзига қўйиб берганди. Рассом унга томон эгилиб, ишқилиб, зинапоядаги қизалоқлар эшитиб қолмасин деган андишада, нақ қулоги остида шивирлаганда ҳам у қилт этмади: – Мана бу қизалоқларнинг ҳам судга даҳлдорлиги бор.

– Э, қанақасига? – К. юзини рассомга бурганча сўради.

Бироқ рассом аллақачон ўз жойига чўккан, ҳазиллашибми ёки жиддий туриб, К.га қараб шундай деди:

– Ҳа, афтидан, бу ёруг оламда қимиirlаган жон борки, судга даҳлдорга ўхшайди.

– Буни мен ҳозирча сезганим йўқ, – К. лаҳзали кўз ташлаб шундай деркан, рассомнинг қизалоқлар ҳақидаги гапи уни умуман хавотирлантирмади. Шундай бўлса-да, зиналарида қизалоқлар уймалашиб юрган эшик томонга бир қараб қўйди. Қизалоқлардан бири тахта тиркишига похол поясини тикиб, уни секин-аста пастга эндириб, баландга кўтариб ўйнарди.

– Кўриниб турганидек, сиз суд ҳақида ҳеч қанақа тасаввурга эга эмасга ўхшайсиз, – деди рассом; у оёқларини кенг ёйиб олганча, бармоқлари билан полни чертишга тушди. – Аммо сиз айбсиз экансиз, буни сиздан талаб ҳам қилиб бўлмайди. Биргина ўзим бу мушкулотдан сизни халос эта олишим мумкин.

– Буни қандай тушунмоқ керак? – ҳайрон қолиб сўради К. – Ҳар қанақа далил-исбот судда ўтмайди, деб ҳозиргина айтдингиз-ку!

– Шундай далил-исбот инобатга ўтмайдики, уни тўғридан-тўгри суднинг ўзига бориб, баён

этиб берилса, – рассом шундай деб К. гүё энг муҳим, жуда нозик бир нарсани назардан қочирғанлигига ишора қылғандай күрсаткич бармоғини юқорига никтади. – Фақатгина расмий суд доирасидан чиқмасдан, маслаҳатхоналарда, йўлакларда ёки мисол учун ҳатто мана бунақа устахонага ўхшайдиган жойда пухта ҳаракат қилинадиган бўлса, бутунлай бошқача натижаларга эришиш мумкин.

Эндиликда рассомнинг сўзлари К.га анча-мунча ишонарлироқ кўринар, уларнинг асосий қисми бошқалардан эшиттанига мос келарди. Ҳаммасидан ҳам кўра уларда умид шундоқ балқиб турарди. Агар адвокат таъкидлагандай, шахсий таниш-билиш орқали бўлса ҳам, рассом кабиларнинг ёрдами тегиб қолиб, ҳарқалай кеккайган ҳакамларнинг шохини қайириб, осонликча ўз томонига оғдириб олинганидами, жуда аломат иш қилинган бўларди-да; ҳар қанака ҳолларда ҳам бу алоқаларни назар-писанд қилмаслик бориб-турган нодонлик. Янада муҳими, рассом суд ёрдамчилари гуруҳининг ичига кўшилиб юрган бир одам бўлганидан К. аста-секин уларни атрофига йириб оларди. Унинг банкдаги ташкилотчилик қобилиятига неча марта тан беришган, ҳозир ўзини ҳамма томонлама чамалаб кўрар экан, бунинг учун имконияти ҳар қачонгидан ҳам кенгроқ кўринарди.

Рассом ўз сўзлари К.да қандай ўзгариш ясаётганлигини кўриб турарди, шу боис ҳам бироз ваҳимали қилиб гапини давом эттирди:

– Менинг гапим худди ҳуқуқшуносникидек сизни чўчитиб юбормадими ишқилиб? Очиги, менда ҳам суддаги тўралар билан муттасил мулоқот қиласверишга тўғри келганидан шунака димоғдорликнинг нуқси урган. Албатта, бунинг

ўзига яраша нафи тегади, аммо бошқа томондан эркин фикрлашишга, ижодий ёндашишига ха-лақит беради.

– Биринчи бор сиз бу суд ҳакамларига қандай қилиб түқнаш келгансиз? – қизиқсиниб сүради К. У рассомнинг ишончига кирмоқ истар, аввало тўғридан-тўғри хизматидан фойдалансам, дерди.

– Жуда ҳам оддий, – деди рассом. – Бу алоқалар менга ота мерос. Отам ҳам ўз вақтида суд рассоми бўлган. Бу жой ҳам менга мерос сифатида инъом этилган. Судга янги кишиларни олишмайди. Гап шундаки, ҳар турли амалдорларни чизиш учун бир талай муҳим, ҳаммадан ҳам кўра махфий қонун-қоидалар ишлаб чиқишиган, буларга эса синалган оиласавий сулолалардан бошқа ҳеч ким жалб этилмайди. Мисол учун, ҳув анави стол галадонида отамнинг ёзишмалари сақланади, мен уни ҳеч кимга кўрсатмайман. Уларни судда портрет чизишга иқтидори бор кишигина билиши, тушуниши мумкин. Бундан ташқари, ҳатто бу ёзувлар йўқолган тақдирда ҳам, қонун-қоидаларнинг аксарияти хотирамдан кўтарилимайди, уларни фақат ўзим биламан ва бирор кимса ўрнимни ҳеч қачон эгаллаб олмаслиги учун бошидан адогигачага ёдлаб олганман. Маълумингизким, суд ҳаками борки, ўлиб-тирилиб бир нарсани орзу қиласди: уни ҳам бир замонлар ўтган бутоқ қозилар каби удуғвор қилиб сувратини солишса, буни эса фақат мен дўндира оламан.

– Сизга фақат ҳавас қилмоқ мумкин, – К. ўзининг банкдаги мавқени ўйлаб туриб, рассомга шундай деди. – Сизнинг мавқеингиз шунақа ҳам барқарорми?

– Айнан шундай барқарор, – рассом буни тасдиқлаб, елкаларини мағруронга кериб қўйди.
– Шунинг учун ҳам, ҳарқалай кам бўлса-да, суд

жараёнининг боришига хилоф ўлароқ, баҳтсиз бечораларга ёрдам қўлинни узатиб тураман.

– Буни қандай тушунса бўлади? – рассом уни ҳозиргина тилга олган «баҳтсиз»лар сафига қўшмагандир деб сўради.

Бироқ рассом бунга эътибор ҳам қиммасдан, сўзида давом этди:

– Мана, масалан, сизни олайлик: сиз ахир бутунлай айбисиз-ку, шундай бўлгач, мен қўлимдан келганини қиласман.

К. бот-бот ўзининг бегуноҳлиги эслатилаверганидан ғазаби кела бошлади. Гўё бу ҳақида рассом эслатгани сари судда ўзининг ёрдами яхши бир оқибатга сабаб бўлишини миннат қилаёттандай бўлар, аслида ҳеч нарсани ўзгартиrolмаслиги аниқ-равшан кўриниб туарди. Бироқ ҳар қанақа шубҳаларга қарамасдан, К. ўзини тутиб оди ва рассомнинг гапини бўлмади. Унинг ёрдамини рад қилишни истамас, фойдаланишини кўнглига туккан, чунки адвокатнинг ёрдамидан кўра, буникидан камроқ шубҳага бораарди. К. рассомнинг таклифи холис, кўрсатган йўллари кўпроқ ўнграй деб билгани учун уларни ҳатто ўзича маъқул ҳам топди.

Рассом курсисини каравотга яқинроқ суриб, овозини пасайтириб гапида давом этди:

– Бир нарса ҳақида сўрашни бутунлай унугтибман: сиз суддан озод бўлишнинг қандай йўлинни маъқул кўрасиз? Уч хил имконияти бор: мутлақ оқданиш, қисман оқданиш ва ишни аччиқ ичакдек чўзиш. Албатта, мутлақ оқданишга нима етсин, бироқ бунақа қарорга мен ҳеч қанақа таъсир ўтказишим амри маҳол. Менимча, бу ёруғ оламда ҳеч бир одам ўз кучи билан мутлақ оқданишга эриша олмаса керак. Бу ерда, эҳтимол, айбланувчининг мутлақ бегуноҳлиги ҳамма нар-

сани ҳал қиласы. Сиз шу айбисизлигингиз устига барча умидларингизни юклай билганингиздами? Бирок бунақада сизга на менинг, на бошқа бирорвинг ёрдами керак бўлади.

Бунақа аниқ тавсиф олдинига К.ни бутунлай довдиратиб қўйди, фақат бир оздан кейингина у ҳам худди рассом каби овозини пасайтириб, гап бошлади:

– Назаримда, сиз ўз-ўзингизга қарши чиқаётганга ўхшаяпсиз.

– Қандай қилиб? – рассом марҳамат кўрсатаётгандай табассум қилиб, оромкурсига суюниб олганча, ундан сўради. Бу табассумдан К.нинг шуурида шундай бир ҳиссиётлар пайдо бўлдики, у ҳозир биргина рассомнинг гап-сўзларида эмас, балки бутун суд идораси тартибида зиддият борлигини излашни бошлаб бергандай эди. У ўзини тўхтатолмай, сўзида давом этди.

– Сиз, тушунишимча, аввалига бир нарсага эътиборни қаратиб, судда ҳеч қанақа далил-исбот инобатга ўтмайди, дедингиз, сўнг эса бу очик судгагина тегишли эканлигини уқтириб қолдингиз, энди бўлса, бутунлай бегуноҳ кишини судда умуман ҳимоя қиласоқнинг ҳожати йўқ деб чиқмокдасиз. Шуларнинг ўзи бир-бирига ихтилофий фикрлардан ташкил топган-ку. Бундан ташқари, аввал сиз ишга шахсан ҳакам таъсир ўтказа олиши мумкин, дегандай бўлувдингиз, энди эса буни рад қилаётисиз, худди ўзингиз атагандай – мутлақ оқланиш учун, қай бир даражада ҳакамга ҳам шахсан таъсир этишнинг иложи бор деб турибсиз. Бу билан энди иккинчи бор ўзингизни инкор қиляпсиз.

– Бу ихтилофларни жуда ҳам осонлик билан изоҳлаш мумкин, – деди рассом. – Бу ерда гап бутунлай бир-биридан бошқа-бошқа икки нарса

ҳақида кетяпти: бу ҳақида қонунда нима дейилади ва мен тажрибамдан келиб чиқиб қандай фикрдаман, сиз буларни бир-бирига құшиб, чалкаштириб юборманг-да. Қонунни, очиги, үқимаган бұлғас ҳам, унда айбсиз киши оқланади, деб ёзіб қўйилганини биламан, аммо ҳакамга таъсир қилиш ҳақида унда ҳеч нарса дейилмаган. Бироқ ўз тажрибамдан шуни яхши биламанки, амалда бунинг тескарисини қилишади. Мен ҳалигача бирон-бир марта мутлақ оқланиб чиқилганлик ҳақида эшитмадим, бироқ ҳакамларнинг таъсири билан иш у ёқ-бу ёққа буриб юборилгани күп бора қулоғимга чалинган. Англашилганидек, эҳтимол, менга маълум бұлған барча шов-шувли воқеаларда мутлақ айбсизлик ҳақида гап бўлмаган. Наҳотки, бу ҳақиқатга мос келса? Неча бир ҳодисалар бўлишига қарамасдан бирон-бир бегуноҳни топиб бўлмаса? Мен гўдаклик чоримданоқ отамнинг ҳикояларини тинглаб келаман, у уйда устахонасида ташриф буюрган ҳакамлардан эшитган суд жараёнлари ҳақида гапириб берарди; умуман бизнинг давраларда бундан бошқа гапнинг ўзи ҳам йўқ. Шу боис ҳам менда судда қатнашиш имкони туғилиши билан ҳамиша ундан фойдаланиб қолишга, айниқса, дикқатга сазовор суд жараёнларининг энг муҳим босқичларини тинглаб, кузатишга ҳаракат қиласман. Буни имкон қадар уддасидан чиқдим десам бўлар; шу боис сизга ҳозир дангал айтишим мумкин: ҳа, мен шу пайтгача бирор марта ҳам мутлақ оқланганлик ҳақида ҳеч нарса эшитмадим.

– Демак, мутлақ оқланиш бўлмаган нарса, – деб К. такрорлар экан, гўё бу билан ўзига, ўз умидларига мурожаат қиласетгандек эди. – Бироқ шунинг ўзи ҳам менда суд ҳақида тўпланиб қолган фикр-мулоҳазаларни тасдиқлайди. Демак, бу

томондан суд дегани хўжакўрсинга, шунчаки бир фойдасиз идора. Биттагина жаллоднинг ўзи ҳам унинг ўрнини бемалол босиши мумкин экан-да.

– Бундай хуросага келиш мумкин эмас, – рассом норизо оҳангда пўнгиллади. – Мен ахир бор-йуғи ўз тажрибадан келиб чиқибгина гапирдим.

– Шунинг ўзи ҳам етарли, – деди К. – Хўш, унда айтинг-чи, бурунги замонларда кимнингдир оқланганлигини эшитганимисиз?

– Айтишларича, бундай оқдов воқеалари бўлиб турган, – чайналиб деди рассом – бироқ, уларни тиклаш ҳозир жуда ҳам қийин. Ахир суднинг ҳал қилувчи ҳукми ҳеч бир жойда эълон қилинмаса, ҳатто ҳакамларнинг ўзи ҳам уларни махфий суръатда қолдиришади, шу боис қадимги суд жараёнларидан бизга фақат ривоятларгина етиб келган. Тўғри, уларнинг аксариятида бутунлай оқланганлик ҳақида оғиз кўпиртириб гапиришади, балки уларга ишониш мумкинdir, бироқ бирон-бир нарсани исботлашнинг ҳеч иложи йўқ. Фақатгина бу афсоналарга паст назар билан қараш ярамайди, бир мисқол бўлса-да, уларда ҳақиқат бор, қолаверса шу даражада ажойибки, қойил қоласиз! Мен ана шу афсоналар асосида бир неча сувратлар ҳам солганиман.

– Афсоналар фикримни ўзгартиrolмайди, – деди К. – Қолаверса, судда ҳеч бир ривоятни далил сифатида келтириб бўлмайдиям.

Рассом тиржайиб қўйди.

– Ҳа, албатта, мумкин эмас, – деди у.

– Демак, бу ҳақида гапириб ўтириш ҳам фойдасиз, – деркан К., рассомнинг бор-йўқ мулоҳазаларини охиригача тинглашга қарор қилди, ҳолбуки, уларга ишониш қийин, аксарияти бошқа маълумотларнинг акси эди. Ахир у рассомнинг ҳикояларидаги ҳақиқатни текшириб кўр-

моқ учун, айниңса, бу фикрларга қарши чиқмоқчи бўлиб, бу ерга келмаган-ку; агар рассомни аҳамияти жуда кам бўлса-да, ўзи учун бирон-бир ёрдам қилишга ундаи олса, шунинг ўзи буюк бир муваффақият бўлар эди. У фақат шунинг умидида деди:

– Келинг, шу мутлақ оқлов ҳақида гапиришни бас қила қолайлик. Сиз қандайдир яна иккита имконият борлиги ҳақида эслатгандек бўлгандингиз.

– Ҳа, қисман оқланиш ва ишни пайсалга солиб чўзиш. Энди фақат улар ҳақидагина суҳбатни давом эттириш мумкин, – жонланиб деди рассом.

– Бироқ бу хусусда сўзлашишимиздан олдин, сиз эҳтимол камзулингизни ечиб қўйсангиз яхши бўлармиди? Сизга бу ер жуда ҳам иссиқдик қиляпти, чоғи?

– Ҳа, – деб тасдиқлади К. У шу дақиқаларгача, рассомнинг изоҳларидан бошқа ҳеч нарса ҳақида ўйлаб кўрмаган эди, бироқ мезбоннинг биргина жазирама ҳақидаги эслатувданоқ пешонасида реза-реза тер томчилари тепчиб чиқди. – Бу ердаги ҳароратга чидаб бўлмайди.

К. ўзини нохуш ҳис этаётганини билгандек рассом бошини силкитиб қўйди.

– Ойнани очса бўлмасмикин? – илтимос қилди К.

– Йўқ, – деди рассом, – ойна очилмайдиган қилиб қурилган, уни очиб бўлмайди.

К. бирдан шу пайтгача рассом ёки ўзи ойна сари йўналади-ю тавақасини ланг очиб юборади, деб умид қилиб келганлигини англаш етди. У ҳатто туманни бутун вужуди билан сипқармоқча тайёрдай ҳам эди. Бу ерда ҳавонинг бутунлай етишмаслигини ҳис қилганидан боши гир-гир айланишга тушди. У ёнидаги пар тўшакни қўли билан бир уриб, ўсал овозда деди:

– Бироқ бу жуда ҳам нокулай ва заарали-ку.

– Э, йўғ-э! – деди рассом, ойнанинг шундай ўрнатилганини байни ҳимоя қилмоқчидаи бўлиб.

– Очилмайдиган бўлса, нима қилибди? Шу оддий ойна икки қават ромларга қараганда иссиқдикни яхши сақлади. Мабодо, хонани шамоллатиб олмоқчи бўлсам, тўғриси, бунга кўп ҳам зарурат йўқ, истаган пайт амаллаш мумкин, мана бу эшикнинг ўзини очса ҳам етади, ҳатто икки эшикни ланг очиб қўймоқ мумкин.

Бу изоҳ К.ни бирмунча тинчиди ва у иккинчи эшикни излаб, атрофга аланглади.

Рассом буни пайқаб деди:

– У орқангизда, каравот тўсиб турибди.

Фақат шундагина К. каравотнинг у ёғидаги деворда кичкинагина эшикча борлигига кўзи тушди.

– Ҳа, устахона учун бу ер тор, – деб қўйди рассом гўё К.нинг писандали қарашини ортига улоқтиргандай бўлиб. – Амал-тақал қилиб сиқиширилган-да. Албатта, шундоқ эшикнинг оғзида каравот жуда ҳам нокулай турибди. Шунга қарамай, мен расмини солаётган мана бу суд ҳаками ҳам ҳамиша каравотдан ҳатланадиган шу эшикча орқали хонага киради. Мен унга ҳатто битта калит ҳам бериб қўйибман, мабодо бирон-бир иш билан кетган бўлсам, у устахонага кириб, шу ерда мени кутиб ўтириши мумкин. Бироқ кўпинча у ҳали мен ширин уйкуда ётган тонг палласида пайдо бўлади. Ва қанчалик қотиб ухлашимга қарамай, у лаънати каравот ёнидаги эшикни очиб, мени уйготиб юборади. Шундай саҳар-мардонда каравотимдан ошиб ўтаётган ҳакамдан дарғазаб бўлиб, қанақа сўкишлар билан қаршилашимни бир кўрганингизда эди, суд ҳакамларига нисбатан ҳар қанча ҳурматингиз бўлса-да, бир зумда асар ҳам қолмасди. Албатта, мен ундан калитни олиб қўйишим мумкин, бироқ кейин бундан ҳам баттарроқ бўлади. Бу ердаги

ҳар қанақа әшикни ҳеч бир ортиқча күч ишлатмасдан илмогини қўпориб ташлаш мумкин.

У шулар ҳақида вайсаб ётганда, К. камзулни ҳақиқатан ҳам ечсаммикин ёки йўқ, дея бир қарорга келмоққа уринарди ва охири ечмоқчи бўлди, агар у шундай қилмаса, бундан кейин бир дақиқа ҳам бу ерда ўтиришга чидаши мумкин эмас эди. Шунинг учун камзулини ечиб, тиззалирининг устига қўйди, ишқилиб, музокаралари тугаши билан дарров уни кийиб олиши мумкин бўлсин, деб. Бироқ камзулини ечишга улгурмаган эдики, қизалоқдардан бири чинқирди:

– У энди камзулини ҳам ечди!

Улар бир-бирини итариб, ҳамма ёриқ-тирқишиларга ўзларини ургани, ишқилиб, бу томошадан қуруқ қолмасликка уринаётганлари шовқин-сурондан билиниб турарди.

– Қизалоқлар фикрига кўра, ҳозирнинг ўзидаёқ мен сизнинг расмингизни чизишм керак экан, – деди рассом, – бунинг учун ечинганга ўхшайсиз.

– Буниси ҳам бормиди ҳали, – деб қўйди К. Бу унга ҳеч ҳам таскин бағишламади, шунинг учун ҳам у битта кўйлакда ўтирганига қарамай, ўзини сал бўлса-да яхши ҳис қилмади. Шунга яраша у минифрилаб сўради:

– Сиз яна адашмасам икки имконият бор дегандек гап қилгандингиз, шундайми? – у яна, булар қандай номланишини унутиб қўйди.

– Қисман оқланиш ва пайсалга солиш, – чўрт кесди рассом. – Улардан қай бирини танлаш эса сизга боғлиқ. Шундан кейингина, унисига ҳам, бунисига ҳам менинг ёрдамим билан эришиш мумкин, фарқи эса қисман оқланиш учун қисқа бир фурсатнинг ўзи етади, аммо жонни жабборга бериб, жуда катта күч билан астойдил ҳаракат қилиш керак, пайсалга солишда бўлса, жуда

ҳам күп күч сарфлаш керак бўлмаса-да, жараён узоққа чўзилади. Аввал қисман оқлов борасида гаплашиб олайлик. Агар сиз шунда нимагадир эришмоқчи бўлсангиз, мен бир қоғозга айбизлигингиз хусусида кафолатнома ёзаман. Бунаقا кафолатнома матни отамдан қолган, уни ўзгартириш ман қилинади. Сўнг бу ҳужжатни ўзимга таниш барча ҳакамларга кўрсатиб чиқаман. Айттайлик, ишни сувратини солаётганим мана бу ҳакамдан бошласам ҳам бўлади: барибир бугун кечқурун у қуруқ савлатини намойиш қилиш учун бу ерга келади. Шунда мен олдига ҳужжатни қўйиб, айбизлигингизни изоҳлаб бераман ва кафилликни ўз зиммамга оламан. Бу қандайдир сафсалалардан иборат, расмий кафолатнома эмас, йўқ йўқ, бу ҳар томонлама талабга жавоб берадиган ҳақиқий кафолатномадир, – рассом К.га шундай нигоҳ ташладики, ўз зиммасига жуда ҳам оғир масъулиятни олишга тўғри келганидан гўё иддао қилаётгандек эди.

– Бу сиз томонидан кўрсатилган ажиб бир марҳамат бўларди, – деди К. – Бироқ суд ҳаками сизга тўла ишонишига қарамай, барибир мени бутунлай оқлаб юборармикан?

– Мен ҳалигина бу ҳақида айтдим-ку, – қизишиди рассом. – Ҳамма ҳакамлар менга ишонишлирига ўзим ҳам ақл бовар қилишим қийин, мисол учун, айримлари, сизни шахсан олиб боришимни талаб қилишлари мумкин. На чора, шунда бирга боришига тўғри келади. Англашилганидек, мабодо шундай бўлиб чиқса, ишнинг қарийб ярмида ютиб чиқилди, дея ҳисоблаш мумкин, қолаверса, ишнинг бошида турган ҳакам каби ўзимни тутиб, ҳар томонлама сизга йўл-йўриқлар кўрсатиб турман. Салбий оқибатларни эса шунаقا ҳакамлар томонидан кутиш мумкинки, ҳа, бундан

күз юмиб бўлмайди, улар илк қадамлардаёқ мени рад қилишлари турган гап. Ундай ҳолда бошқача йўл тутишга тўғри келади. Уларни инкор этиш учун мен турли хушомаду найрангларни ишга солиб кўраман, ишқилиб, йўлимиздан қолмаймиз, чунки ҳеч қайси ҳакам бир ўзи ҳаммасини ҳал эта олмайди. Хулласи калом, ҳужжатларингиз борасида ҳакамлардан етарлича имзо йигаман-да, устингиздан қўзғатилган жиноий иш жараёни ни кўраётган ҳакамнинг олдига олиб бораман. Эҳтимол, тўпланган имзолар орасида унинг ҳам имзоси бўлиши мумкин, бунда воқеа одатдагига қараганда тез ривожланади. Моҳияттан олиб қараганда, бундан кейин умуман ҳеч қанақа гов бўлмайди ва айбланувчи ҳам айни лаҳзаларда ўзини тўла ишончли ҳис қиласди. Бу худди мўъжизанинг ўзгинаси, лекин факт, оқдов ҳукми эълон қилингандан кейингига қараганда кишилар ушбу дамларда ўзларига кўпроқ ишонишади. Шунда ўлиб-тирилиб алоҳида уриниб ётишларга ҳам ҳожат қолмайди. Ҳакамда айбисзалигингизни тасдиқлаб, кўл кўйган кўплаб ҳамкаслари кафолатномаси туарар экан, ҳар қанақа шубҳа-гумон, иккиланишларга бормасдан сизни оқлади, албатта. Бир қатор расмиятчиликлардан кейин, менга-ю, бошқа танишларига илтифот қилгандек ҳожатингизни чиқаради. Сиз бўлса, озодликни кўлга киритиб, судни тарк этасиз.

– Демак, мен озод бўламан? – К. бир оз ишончсизлик билан сўради.

– Ҳа, – деб жавоб қилди рассом, – аммо бу фақат қисман озодликка чиқиши бўлади, янада аникроқ қилиб айтадиган бўлсак, вақтинчалик озодлик деганидир. Гап шундаки, танишларим кичик лавозимдаги ҳакамларнинг ҳеч бирига бирор кишини мутлақ оқлаш ваколати берилмаган,

бундай ҳуқуққа фақатгина олий суд кенгаши эга бўлиб, на сиз учун, на мени деб, на бизнинг орамиздан биронта кишини ўйлаб унинг яқинига йўлаб бўлмайди. Бунақа суд қанақа бўлади – биз билмаймиз, ҳа, аксига олиб буни билишни ҳам истамаймиз. Шундай қилиб, айловдан мутлақ озод бўлишдек улуғ ҳуқуқни ҳакамларимиз олиб беролмайди, фақат улар айловни рад этиш ҳуқуқинигина бера олади. Агар ушбу босқичда оқлашса, худди шу паллада айлов сиздан четлатилади, аммо у барибир тепангизда осилиб тураверади, агарки буйруқ бўлиб қолса, шу заҳоти яна беш баттарроқ даражада кучга киради. Мен суд билан ҳар доим алокада бўлиб келганим оқлов, фақатгина мутлақ оқлов билан қисман оқлов ўргасидаги сиртқи фарқ қай даражада кўзга ташланишини сизга айтишим мумкин. Мутлақ оқлов чоғида жараённинг барча ҳужжатлари бутунлай гумдон бўлади, улар тамоман ишдан чиқариб ташланади, фақатгина айловнинг ўзигина йўқотиб ташланмайди, балки суд жараённинг барча ёзув-чизув қоғозлари, тергов даголатномаларигача, ҳатто оқлов ҳукмномаси ҳам йўқ қилиб юборилади. Қисман оқловга келадиган бўлсак, бу бошқа гап. Унда айбисизлик ҳақидаги гувоҳликлар миқдори ортиб, шу асосда оқлов ҳукмномаси чиққани ва вақтингчалик озодликка эришилгани билан қисман оқлов ҳужжатларида моҳияттан ҳеч нима ўзгармайди. Умумий жараён эса давом этаверади, мунтазам сувратда ёзув-чизув қилинаверади, улар юқори босқичдаги маҳкамага жўнатилади, кейин кўп ўтмай яна қуий босқичга қайтиб келади, у ёққа боради, бу ёққа қайтади, ишқилиб, худди тебрангич каби бир босқичдан иккинчисига, иккинчисидан биринчисига бориб келиб, тоҳ катта, тоҳ кичкина

бир масофада қулоч ёзиб, тоx бир фурсат, тоx анча-мунча вақт бир жойда туриб қолиб, сўнг яна ҳаракатга келиб туради. Бунинг тагига етиб бўлмайди. Балки ҳамма нарса аллақачон унуглиб, айбномадан асар қолмаслиги, оқдов тўла ва ҳақиқий бўлгандай кўриниши мумкин. Бироқ ҳаётини шу ишга тиккан ҳеч бир киши бундай бўлишига ишонмайди. Суд ҳеч нарсани унутмайди ва унда бирон-бир ҳужжат йўқолиши мумкин эмас. Кутмаган кунларнинг бирида аллақандай ҳакам ҳужжатларни кўлга олиб, уларни одатдагига қараганда, синчилаб кўздан кечириб чиқади-ю, бу иш бўйича ҳали яна айблов изи борлигига кўзи тушади ва тезлик билан ҳибсга олиш ҳақида фармойиш беради. Буларнинг барини мен сизга ҳикоя қилас эканман, қисман оқданиб, озодликка чиқиш билан янгидан ҳибсга олиш ўртасида етарли даражада вақт ўтади, деб ўйламайман. Баъзида эса шунақаси ҳам бўлиши – бунга ўхшаш воқеаларни ҳам кўрганман – оқданган киши суддан ўз уйига қайтиб келади-ю, уйида уни ҳибсга олиш ҳақида буйруқ кутиб тургани устидан чиқади. Шу ерда яна унинг озодликдаги ҳаёти ниҳоясига етади.

– Нима бало, суд жараёни яна янгидан бошланадими? – деб сўради К. ишонқирамай.

– Бўлмасам-чи, – баралла деди рассом, – албатта жиноий ишни кўриш жараёни қайтадан бошланади, бироқ бунда ҳам қисман оқданишга эришиш учун имконият бўлади. Ҳа, яна нима бўлганда ҳам жонни жабборга бериб бутун кучни сафарбар этиш, руҳни туширмаслик лозим, зинҳор-базинҳор таслим бўлиш, тақдирга тан бериш керак эмас. – Охирги сўзни рассом айнан таъкидлаб айтгани боис К. бу сухбатдан жуда ҳам бир нохуш кайфиятга тушди.

– Бироқ, наҳотки, кейинги сафар, – ҳовлиқиб деди К. рассомнинг ҳамма тушунтиришларини бошқалардан один пайқамоқни баайни истагандай. – Наҳотки иккинчи бор оқловга эришиш биринчисига қараганда осон бўлса?

– Бу масалада, – деди рассом, – бирон-бир нарсани аниқ-тиниқ айтиш мумкин эмас. Эҳтимол, сиз иккинчи ҳибсга олиш айланувчига нисбатан ҳакамнинг ғазабини қўзғамайдими, демоқчисиз, чоғи? Бироқ бу сиз ўйлаганчалик эмас. Ҳакамлар қисман оқлов ҳукмини чиқаришдан одинроқ ҳам бу ҳибсни кўриб турган бўладилар. Аммо худди шу вазиятга таъсир кўрсатиши эҳтимолдан йироқ. Ҳолбуки, бунда бошқа ҳакамларнинг кайфиятларини ўзгартирадиган ва ҳуқуқшунослик нуқтаи назаридан ҳам ишда ўзгача тус оладиган сон-саноқсиз сабаблар бўладики, шунинг учун ҳам иккинчи оқловга муваффақ бўлиш учун ҳамма ўзгаришларни ҳисоб-китоб қилиб, аввалгисидан оз бўлмаган куч-қувват сарфлаш керак бўлади.

– Бироқ бу ҳам, афтидан, якуний оқлов бўлмаса керак? – деди К. шубҳаланиш билан бошини сарак-сарак қилиб.

– Ҳа, албатта, – деди рассом, – иккинчи оқловдан кейин иккинчи ҳибсга, учинчи оқловдан кейин эса учинчи ҳибсга гал келади ва ҳоказо. Бунинг ўзи қисман оқлов нима эканлигини англатади. – К. лом-мим этмай қолди. – Ҳа, кўриниб турибди, қисман оқлов сизнинг жонингизга ора кирадиганга ўхшамайди, – деб рассом фикрини давом эттирди. – Балки сизга ишни пайсалга солиш кўпроқ фойдали бўлиб чиқар. Пайсалга солишнинг мазмун-моҳиятини лўндагина тушунтириб берайми сизга?

К. фақат бошини қимирлатиб кўйди. Рассом курсида ялпайиб ўтиаркан, кўйлакларининг

тұгмаси ечилиб, бутун күкси очилиб қолди, у бу жойдан қүлини тиқиб, бутун күкси ва ён томонларини секингина силаб қўйди.

– Пайсалга солиш, – деркан рассом, гўё жуда ҳам аниқ ифодалаб бериш учун сўзлар излаётгандек, бир дақиқа анқайиб қолди, – пайсалга солиш шундан иборатки, қўзратилган жиноий иш жараёнини узоқ пайт бошланғич босқичнинг ўзида ушлаб турилади. Бунга эришиш учун эса айбланувчи ва унинг ёрдамчиси, айниқса, ана шу ёрдамчиси доимий суръатда суд билан шахсан алоқада бўлиб, елиб-югуриши керак. Яна қайтариб айтаман, бунда қисман оқдовга эришиш учун қилинган саъй-ҳаракатларга ўхшаб кўп куч сарфлаш керак эмас, аммо ҳаммасини бир ерда ушлаб туриш жуда ҳам муҳим. Гапнинг индалоси, суд жараёнини бирон дақиқа ҳам кўздан қочирмаслик керак, ҳакамнинг олдига мунтазам қатнаб қолмасдан, унинг вақтига тўла мувофиқ келадиган аниқ бир паллада учрашиб туриш, қолаверса, ҳар қандай қулай вазиятни қўлдан чиқармасдан ҳакам билан энг яхши дўстона мунносабат ўрнатиш учун астойдил қунт қилишга тўғри келади. Агар сиз ҳакамни шахсан танимасангиз, унга таниш ҳакамлар орқали таъсир ўтказиш керак бўлади, аммо бу ҳар қанақа вазиятларга қарамай, шахсан музокаралар олиб бориши учун уриниб кўришларга ҳожат қолдирмайди дегани эмас. Агар сиз шу ерда ҳеч нарсани ўтказиб юбормасангиз, бундан кейин ҳам бу жараён ўзининг дастлабки босқичидан нарига ўтолмайди деб комил ишонч билан айтиш мумкин. Тўғри, уни барибир бартараф қилиб бўлмайди, аммо айбланувчи жазодан холи бўлиб, худди озод одамдай тараллабедод қилиб юраверади. Қисман оқданишга солиштирганда пайсалга солишнинг

яна бир афзаллик томони ҳар тугул айбланувчи учун келгуси бир қадар ойдин, у ҳамиша титраб-қақшаб, қачон ҳибсга олишар экан, деб кутиб ётмайди, ҳолбуки, күркіб ўтириш керак ҳам эмас, худди шундай вазият қисман оқдов ҳарекатидаги кимса учун ҳеч ҳам күнгилни хушнуд қиладиган бўлмай, у бир зумда яна ва яна бир талай ташвиш, ҳадик ва хавотирларни бошидан ўтказиб туради. Очиғи, пайсалга солишинг ҳам айбланувчига бир қанча ноқулайликлари бор, улар билан ҳисоблашмаслик ярамайди. Мен бу ерда айбланувчи бари бир эркин бўлолмаслигини айтмоқчи эмасман, ахир у қисман оқланишга эришганда ҳам ўзини мутлақ озодман деб, ҳисоблаши мумкин эмас. Бу ердаги ноқулайликлар бошқа. Суд жараёни яққол ё ҳеч бўлмаса билинар-билинмас сабабсиз ўз-ўзидан бир жойда туриб қолиши мумкин эмас. Шунинг учун жараён зоҳирان бўлса-да, ҳаракатдагидек мавжланиб туриши керак. Демак, вақт ўтган сари қандайдир фармойишлар берилиб, айбланувчи камдан-кам бўлса-да, сўроқ қилиб турилиши ва ҳоказо, ишқилиб, тергов давом этиши лозим. Афтидан, суд жараёнига ўзлари бир сунъий чегара қўйиб, у ана шу зич бир доира бўйлаб айлануб туриши кўзланган бўлади. Маълумки, бу вазият айбланувчи учун бир талай кўнгилсизликлар олиб келади, аммо сиз зинҳор-базинҳор уларни бўрттириб юбормаслигингиз керак. Буларнинг бари бор-бутунича фақат зоҳиран шундай; мисол учун терговлар жуда қисқа бўлади, мабодо терговга борищ учун истак ҳам, вақт ҳам йўқ бўлса, рухсат сўрамоқ мумкин, бир қанча терговчилар оддиндан биргаликда жадвал ҳам тузиб олишади ва келгусидаги кунлар ҳақида келишиб олиш имкони бўлиб, гапнинг сирасини айтганда, кун

үтган сари ҳакам тергов бераёттанинг ўз киши-сига айланиб боради.

Рассом ҳали сўнгги гапини айтиб бўлмаганди ҳам К. ўрнидан қўзғалиб, камзулини елкасига ташлаб олди.

– Турди! – эшик ортида чувиллашди.

– Сиз, нима, кетмоқчимисиз дейман? – ажабланиб сўради рассом. – Афтидан, сизни кетишга ундаётган бу ердаги диққинафас ҳаво бўлса керак. Мен учун бу жуда ҳам кўнгилсиз. Ҳали сизга кўп нарсани айтиш керак эди. Уларни мухтасаргина қилиб изоҳлашга тўғри келади. Шунга қарамай, сиз мени тушунасиз, деб умид қиласан.

– Ҳа, албатта! – деб юборди К., ҳолбуки, у ҳаммасини эштиб олмоқчи бўлиб, ўзини мажбурлаганидан зўриқиб, боши лўқиллаб оғрирди.

Бу тасдиққа қарамай, К.нинг жим бўлиб қолганида ҳудди хайрлашиб ва гапини холоса қилиб кўймоқчи бўлгандек, рассом яна бир-икки оғиз деди:

– Алалхусус, икки усул ҳам айбланувчи устидан ҳукм чиқаришга монелик қиласади.

– Бироқ улар мутлақ озод бўлишга ҳам шундайғов бўлиб туришади, – К. оҳиста деркан, гўё буни англаб етганидан уялёттандек эди.

– Сиз ишнинг жон жойидан ушладингиз-да ўзиям, – деди шу заҳоти рассом.

К. пальтосини олмоқчи бўлди, ҳолбуки, камзулини кийишда у бир қарорга келмаганди. Унга бор нарсани кўксига босиб, тоза ҳавога чопиб чиқиши истаги тинчлик бермаёттанди. Ҳатто кийинишга қизалоқдарнинг шовқин-суронлари ҳам мажбур этолмаган эди, улар эса энди уни кўрмасдан ҳам қичқиришарди.

– У кийиняпти!

Рассом эса, афтидан, К.нинг ҳолатини алланечук шарҳамоқни хоҳларди, щунинг илинжида деди:

– Афтидан, сиз, таклифларимдан қайси бири-ни қабул қилишда бир қарорга келомаётганга ўхшайсиз. Маъқул. Ҳатто мен тезда бирон-бир қарор қабул қилишингизни ҳам маслаҳат берма-ган бўлардим. Ҳа, жуда нозик фаҳмлик билан аф-заллик ва қусурларни фарқлаб олиш керак. Етти ўлчаб, бир кесмоқ лозим. Бироқ англашиб турил-гандек, вақтни бой бериш ҳам мумкин эмас.

– Мен тезда қайтаман, – деркан К. бирдан кам-зулини иккиланмай кийиб олиб, пальтосини қўлига ташлади-да, қизалоқдар чувилашиб ётган эшик томон шошилди. Гўё К.га ёпиқ эшик ортидан ҳам қизалоқдар уни кўриб туришгандай туйилди.

– Сиз, албатта, ўз сўзингизда туришингиз ке-рак, – деди рассом кузатмоқقا уриниб ҳам қўй-май, – бўлмаса ўзим банкка бориб, сиздан нима гаплигини суриштиришимга тўғри келади.

– Эшикни очсаларинг-чи! – дастакни силтаб ўшқирди К., – қизалоқлар эшикнинг ташқари то-монига ёпишиб, уни итариб турганлари равшан эди.

– Улар, энди, ташқарида ҳам сизга кун бер-майди, – деди рассом. – Яхшиси, мана бу чиқи-жойидан фойдалана қолинг, – у каравот нари-ёгидаги эшикчани кўрсатди. К. шу заҳоти рози бўлиб, каравот томон отилди.

Бироқ эшикни очиш ўрнига рассом каравот тагига бошини суқиб, у ердан туриб сўради:

– Бир дақиқага шошилмасангиз, мана бу сувратларга бир қарасангиз-чи, битта-яримта-сини сизга сотсан дегандим?

К. қўполлик қилишни истамади, нима бўлган-да ҳам унинг ишига рассом бош қўшди ва бун-дан кейин ёрдам беришни ваъда қилди, қолавер-са, К.нинг фаромушхотирлиги тутиб, бу ёрдамни тақдирлаш тўғрисида ҳам бирон-бир гап қилмаб-

ди, шу боисдан ҳам рассомнинг таклифини рад қилолмади ва сувратларни бу ёқса олиб чиқишига имкон берди, ҳолбуки, у устахонадан шунчалик тез отилиб чиқиб кетиш истагида ёнардики, азбаройи сабрсизланганидан титраб-қақшар эди. Рассом каравот остидан оқ мато тутилмаган бўзларни ташқарига чиқараркан, ҳаддан ташқари чанг босган сувратларнинг юзасини сидиришга тушди ва ҳавода узоқ туриб қолган қуюқ чангдан К.нинг томоги ачишиб, кўз оди қоронгилашиб кетди.

– Мана бу дашт манзараси, – деб рассом К.га бир бўзни узатди. Унда иккитагина нимжон дарахтча тасвириланган бўлиб, улар қуюқ барра ўтлар орасида бир-биридан айри-айри ҳолда туришарди. Сувратнинг бир чеккасида рангин шафак жилолари.

– Яхши, – деди К. – Мен уни сотиб оламан, – К. ҳеч нарсани ўйламасдан беихтиёр гапнинг пўскалласини айтар экан, яйраб кетди, рассом эса бундан ҳеч ҳам хафа бўлмасдан, ердан иккинчи сувратини кўтарди.

– Бу суврат ҳалигининг тамоман тескариси, – деб қўйди рассом.

Эҳтимол, у бу сувратда бошқа бир манзара тасвирини чиқармоқчи бўлгандир, аммо икки сувратда ҳам кичкина бир даражада айричаликни кўриш амри маҳол эди: бунда ҳам ўшанақа дарахтчалар ва барра ўт-ўлан, чеккада ўша шафак манзараси. Бироқ К. учун буларнинг бари фарқсиз эди.

– Ажойиб манзаралар экан, – деди у. – Мен буларнинг иккисини ҳам оламан ва ишхонамнинг тепасига осиб қўяман.

– Сизга бу мавзу ёкиши кўриниб турибди. – Рассом шундай деб, учинчи бўзга қўл узатди. – Менда бунга ўхшаш яна бир суврат бор, жудаям муваффақиятли чиққан.

Бироқ буниси ҳам шунчаки ўхшаб қолмасдан, балки ўша чўл манзарасининг айни ўзи эди. Афтидан, рассом ўзининг ўтмас, эски сувратларини устомонлик билан имконият келганида тиқишириб қолиш пайида эди.

– Мен бунисини ҳам оламан, – деди К. – Қанча туради бу уч сувратнинг ҳаммаси?

– Бошқа сафар баҳосини келишармиз, – деди рассом. – Сиз ҳозир шошилиб турибсиз, бундан кейин алоқамиз қалин бўлади. Биласизми, сувратларнинг сизга маъқул келгани мени жуда ҳам хурсанд қилиб юборди, шу боис ҳам каравот остидаги ҳамма бўзларимни сизга тухфа қилганим бўлсин. Бу чўл манзараси акс эттирилган биргина суврат, мен эса бу мавзуга оид хўб ва кўп сувратлар ишлаганман. Айрим кишилар бунаقا сувратларни тушунишмайди, уларнинг фикрича, булар ҳаддан ташқари мавҳуммиш, ҳолбуки, бошқа бирорлар, масалан, олайлик, сиз айнан шу мавҳумликни жон-дилингиз билан яхши кўрар экансиз.

Бироқ К. ҳеч ҳам бу бечораҳол рассомнинг ижодий тўлғоқларини талқин қилиб ўтирумокчи эмасди.

– Ҳамма сувратларингизни ўраб-чирмаб, тайёрлаб кўйинг! – бақирди рассомнинг гапини чўрт кесиб К. – Эртага чопарим келиб, уларни олиб кетади.

– Бунга ҳожат ҳам йўқ, – деди рассом, – шу ернинг ўзида ҳам ҳаммол топиб беришим мумкин, у сизни кузатиб қўяди. – У ниҳоят тўшак устига эгилиб, эшикчани оча қолди.

– Каравот устидан сакраб ўтаверинг, ҳеч ҳам хижолат бўлманг, ҳаммаям ўзи шунаقا қилиб кириб чиқади, – деди у.

Бироқ К. унинг рухсатисиз ҳам хижолат бўлишни ўйлаб ўтирумасдан, аллақачон оёғини тў-

шакнинг устига қўйган, аммо очиқ эшикка кўзи тушиб, ўзини орқага олган эди.

– Нариги ёқда нима бор ўзи? – у рассомдан ўсмоқчилааб сўради.

– Нимага бунчалик ҳайрон қоласиз? – рассом ҳам худди шундай ажабланиш билан суриштириди. – Ҳа, бу суд девонхонаси. Наҳотки, сиз бу ерда суд девонхонаси жойлашганлигини билмаган бўлсангиз? Нега у айнан шу ерда бўлмаслиги керак экан? Очиги, устахонам ҳам суд девонхонасига қарайди, ҳарқалай суд уни шахсан ўзим фойдаланишим учун қолдирган.

К. шундоқ суд девонхонасининг бурнига келиб қолганидан қўрққани йўқ; балки ўзининг суд ишларидағи нўноқлиги даҳшатга солар эди: унга шундай туйилдики, айланувчи учун доимий хавотир ва ҳозирлик лозим, қўққисдан қўлга тушиб қолмаслиги, воқеан судья чап томонда турар экан, ногоҳоний тарзда ҳам чапга қарамаслиги керакка ўхшайди. У эса қоидага зид равишда гуноҳ қилишдан тийила олмаяпти. Унинг олдидан чўзиқ йўлак чиқди, бу ердаги ҳаво роса қўланса, уни рассом устахонасидагига солиширадиган бўлса, устахонани жоннинг ҳузури деб атаса бўларди. Бу тор йўлакнинг икки томонида ҳам кета-кетганча ўриндиклар кўйилган, К. мурожаат қилган суд девони қабулхонасининг байни ўзидай эди. Ҳамма девонхоналар бир андозада солинади чоғи. Айни паллада ҳам девонхонага бирмунча мижозларни кўриш мумкин эди. Аллақандай эркак ўриндиқча чалқанча тушиб, қўли билан юзини ёпиб олганча ётар, афтидан, мизғирди; бошқа бири йўлакнинг тўридаги ним қоронфиликда турарди. К. каравотдан ошиб ўтди, ортидан йўлакка сувратларни кўтариб, рассом ҳам чиқди. Кўп ўтмай улар суд хизмат-

чисига тўқнаш келишди – фуқаровий камзуллардаги жўн тугмалар ичидаги ярқираб кўринадиган зарҳал тугмаларидан К. энди бу хизматчиларни ҳеч қийналмасдан ажратиб оларди. Рассом К.ни кузатиб қўйишни буоратуриб, сувратларни унинг кўлига берди. К. дастрўмолчаси билан оғзини маҳкам ёпиб, чайқалиб илгарилади. Қарийб чиқиш жойига яқинлашгандаги, бехос ёпирилган қизалоқлар тўпига тўқнаш келиб қолиши. К. бу ерда улардан халос бўлиши душвор эди. Албатта, улар устахонадаги иккинчи эшик қандай очилганини кўришган, қувиб етиш учун нариги томондан айланаб югуриб келган эдилар.

– Бу ёғига мен сизни кузатиб қўймасам ҳам бўлади! – қизалоқлар қуршовидаги рассом тиржайиб туриб деди. – Кўришгунча хайр! Жуда узоқ ўйланиб юрманг!

К. ҳатто ортига ўтрилиб ҳам қарамади. Кўчада у тўғри келган биринчи фойтунга тушди-ю, жуфтакни ростлади. У суд хизматчисидан бутунлай халос бўлишни истар, унинг тилла тугмаси кўзига бало-қазодай кўринар, ҳолбуки, бунга бошқалар тузук-қуруқ эътибор ҳам беришмасди. Хизматчи хизматга шайлигини кўрсатмоқчи бўлиб, извош ўриндигига тиришиб-тирмашди, бироқ К. уни ўзидан нари қувди. К. узоқ юриб, кун оққандагина банкка етиб келди. У ҳамма сувратларни фойтуннинг ўзида қолдиришни истарди, бироқ рассом кейинроқ улар қаерда деб қизиқиб қолса, нима дейман деб чўчиди. Шунинг учунгина ўз иш кабинетига олиб чиқиб, яқин орада директор муовинининг кўзига тушиб қолмасин деб, столнинг энг пастки ғаладонига қулфлаб ташлади.

**ТИЖОРАТЧИ БЛОК.
АДВОКАТНИ РАД ҚИЛИШ**

Шундай бир кун келдики, К. охири иши бўйича адвокат вакили бўлишини рад этишга қарор қилди. Бу ишни тўғри қиляптими ёки йўқ, очиги, уни шубҳа-гумонлар бир зум ҳам тарк этмади, лекин охир-оқибат, барибир, шундай қилишим зарур, деган фикр бошқасидан кучли чиқди. Адвокатнинг олдига бориб, ўз қарорини айтиб, узил-кесил орани очди қилмоқчи бўлган ўша кунда бунинг учун кўп куч сарфлашга тўғри келди, у бўшашиб, имиллаб ҳаракат қиласар, шу боис ҳам ишхонасида узоқ ушланиб қолди ва адвокатнинг эшигига яқинлашганда соат аллақачон ўн бўлганди. Бирон иш қилишдан олдин у адвокатта телефон қилиб ёки хат ёзиб, ўз қароримни билдириб қўйсам яхши бўлмасмикин, деган хаёлга борди, чунки юзма-юз туриб, гаплашиб олиш жуда ҳам кўнгилсиз кечиши турган гап эди. Бироқ К. юзма-юз туриб, рад этишни билдиримоқ қарорига келди: бунақада қатор ҳийлаларни ишга солиб, адвокат жавоб қилмаслигига ёки ҳар қанақа важ-карсонлар билан қутулиб чиқиб кетишига йўл қўймаган бўлади. Қолаверса, қарорини адвокат қандай қабул қиласади ва бу рад қилишнинг оқибати К. учун қандай бўлади, бу хусусда адвокат қандай фикрда, унинг фикри билан ҳисоблашмаслик мумкин эмас, агар адвокат билан юзма-юз бўлмаса ҳеч қачон буни билмас,

бир иложини қилиб, Ленидан сүфуриб олгандай сүраб-сурштириб ҳам тагига етолмас эди. Агар К. юзма-юз туриб, ўз қарорини билдирганды, бу адвокат учун куттимаган ҳол ясад, ундан бир сўз олиб бўлмаган тақдирда ҳам ўзини тутиши, афти-ангрига қараб, К. нимагаки қизиқса, ҳаммасини оппа-осон фаҳмлаши мумкин. Ҳатто у яна бир нарсанинг юз беришини ҳам мустасно қилмаган, адвокат унинг ҳимоясини астойдил ўз зиммасига олар. К.шунга амин бўлмоқчи, шундай бўлиб чиқадиган тақдирда эса рад қилиш ўз-ўзидан бекор бўларди.

Адвокатнинг эшигини биринчи бор тақиллатишга уринганда, ҳамишагидек, ҳеч ким жавоб қайтармади. Ҳеч бўлмаганда, Лени ошиқиб келарди-ку, деб ўйлади у. Ана шундай қаттиқ-қаттиқ тақиллатишлардан кейин кўпинча қўшнилардан халатдаги эркак киши ёки яна биронтаси югуриб чиқар ва даҳанаки жанг бошланиб кетарди, Худога шукр, бу сафар қўшнилар аралашмади. Иккичи бор эшик қўнғирогини босар экан, К. қўшнининг эшигига хавфсираб қараб қўйди, бироқ бу сафар ҳам у очилмади. Охири адвокат эшигининг тешигида бир жуфт кўз кўринди, аммо бу Лениниги эмасди. Кимдир қулфни очмоқчи бўлганига қарамай, ичкаридан ушлаб турилганга ўхшар ва хонадоннинг тўрига қараб «Бу ўша!» деб қичқирилгандан кейингина эшик очилди.

У эшикка сиқилибгина кирав экан, орқасидаги қўшни хонадон эшигининг қалити ҳам шошиб-пишиб буралаётганлигини эшилди. Даҳлизга ўтишга йўл бўшатишлари билан, у жон-жаҳди билан ўша ёққа отилди, эшикни очган киши ҳалиги огоҳлантирган овоз эгаси эди, биттагина кўйлакда эса йўлакнинг адогида чопиб бораётган Ленига кўзи тушди. К. қизнинг ортидан бир зум кузатиб турди-да, кейин остоңада турганга

бурилди. Бу ушоққина, соқолли, нимжон киши бўлиб, қўлида шам ушлаб олганди.

– Сиз шу ерда хизмат қиласизми? – қизиқди К.

– Йўқ, – деб жавоб қилди кимса, – бегонаман, адвокатда ишим бор, маслаҳатини олишга келгандим.

– Камзулсиз-а, – деб сўраркан К. қўл ҳаракатлари билан ярим-яланғоч ҳоддаги мижозни кўрсатиб.

– Вой, кечирасиз! – кимса хижолатомуз шундай деб, илк бор қандай қўринишда эканлигини билмоқчи бўлгандай, шамни ўзига тутиб теграсини ёритди.

– Лени жазманингизми? – дангал сўради К. У оёқларини бир оз кериб, қўлларини белига тираб олганча, шляпасини ушлаб олганди. Устидаги пўримгина пальтосининг ўзиёқ, бу пачоққина кишидан устуналигини таъкидлаб турарди.

– Ё, Худойим! – деди у киши қўрқинч билан ва гўё ўзини ҳимоя қилаётгандай бўлиб қўллари билан юзини тўсиб одди. – Йўқ, йўқ, нега бундай бўлмағур хаёлларга борасиз?

– Сиз ишончимга қарийб кириб улгурдингиз, – унга табассум билан кўз ташлаб деди К. – Лекин шунга қарамай... Э, яхшиси, йўл бошланг! – У шляпасини силкитиб, уни оддга ўтишига йўл берди.

– Исли-шарифингизни билсак бўладими? – сўради кейин.

– Блок. Тижоратчи Блок, – у шундай деб, ишқилиб ўзини нуфузли бир киши сифатида танитмоқ бўлди, лекин К. баттар ерга уриб, сўроққа тутди:

– Бу сизнинг ҳақиқий фамилиянгизми?

– Бўлмаса-чи! – қатъий ишонч билан деди Блок. – Бунга шубҳаланяпсизми?

– Эҳтимол, ўз исми-фамилиянгизни сир тутишингизга бирон-бир сабаб бўлиши мумкин, деб ўйлагандирман, – дилидагини қайтармади К. У ўзини фавқулодда эркин ҳис қилди, – бунаقا

ҳоллар фақат оддий халқ орасида бегоналар билан мулокотда рўй беради, виқор-ла лом-мим демасдан, бариси сенга тегишилдай, совуққонлик билан ишлари ҳақида сўраб-суриштираверасан, гўё бир сўрида ўтириб қолгансану келган сұхбатни хаёлингга келган жойда ҳеч нарсани ўйламай шарта кесиб тўхтатаверасан.

К. адвокатнинг иш кабинети оддида таққа тўхтади, эшикни очар экан, итоаткорона олға бораётган савдогарга бақирди:

– Шошманг! Мана бу хонани ёритинг-чи! – К. эҳтимол, Лени хонанинг бир четига яшириниб олгандир, деб ўйлади, шу боис ҳам савдогарни ҳамма бурчакларини ёритишга мажбур қилди, аммо хона бўм-бўш эди. Ҳакамнинг суврати рўпарасига келганда савдогарни шим боғичидан ушлаб тўхтатди.

– Сиз уни танийсизми? – К. кўрсаткич бармоғини юқорига ниқтаб жавоб кутди.

Савдогар шамни баландроқ кўтариб, мўлтираб юқорига қаради ва деди:

– Суд ҳаками-ку.

– Олий суд ҳаками? – К. савдогар билан бир қаторда туриб олиб, суврат унга қандай таассурот қолдирганини билмоқ илинжида, ўсмоқчилаб сўради.

Савдогар фавқулодда бир ҳурмат-эҳтиром билан юқорига қаради.

– Ҳа, бу олий мартабали ҳакам, – деб қўйди у.

– Сиз, афтидан, унчалик зийракка ўхшамайсиз, – деди К. – Барча майда-чуйда суд амалдорларининг ичида энг ҳақири шу бўлади.

– Энди эсладим, – савдогар шундай деб, шамни туширди. – Мен у ҳақида сал-пал эшитганман.

– Албатта шундай бўлиши керак! – ҳайқириб деди К. – Сиз албатта булар ҳақида аниқ-тиник эшитган бўлишингиз керак, буни бутуналай унуганимни қаранг.

– Нега энди? Нима учун? – сўради савдогар К. нинг туртқилаши билан эшик томон борар экан.

Йўлакка етаёзганларида К. ундан сўради:

– Ҳарқалай сиз Лени қаерга яшириниб олганини биларсиз?

– Яшириниб олган дейсизми? – қайта сўради савдогар. – Э, йўғ-э, ҳозир у эҳтимол ошхонада адвокатга шўрва қайнатиш билан овора бўлса керак.

– Нега сиз буни менга дарров айта қолмадингиз? – сўроққа тутди К.

– Мен сизни у ерга бошлаб бормоқчи эдим, бироқ ўзингиз мени орқадан чақириб тўхтатиб қолдингиз, – савдогар тескари топшириқдан боши гангиг қолганини айтди.

– Афтидан, сиз ўзингизни жуда пиҳини ёрган айёр чоғлайсиз! – кесатди К. – Қани бўлмаса, мени ўша томонга бошланг!

К. ҳали бирон марта ошхонада бўлмаганди, назарида ошхона ҳаддан ташқари каттакон ва жиҳозларга сероб туйилди. Ҳатто плита-ўчоқнинг ўзи жайдариларига қараганда уч баробар катта эди. Қолган шарт-шароитта зеҳн солишининг қарийб имкони йўқ, чунки кириш жойининг тепасида осилган кичкина чироқчагина ошхонани фира-шира ёритиб турарди, холос. Ўчоқ оддида ўзининг доимгилик оқ пешбандини илиб олганича, Лени куймаланаар, қизиган товага тухум чақарди.

– Хайрли кеч, Йозеф, – деркан қиз зимдан унга бир қур назар ташлаб олди.

– Хайрли кеч, – К. сўраша туриб бир чеккада турган курсини савдогарга кўрсатди; у курсига айбдорлардек чўқди. Шундан кейингина К. Ленининг олдига дадил бориб, қизнинг елкаси оша энгашиб, сўради:

– Ким ўзи бу нусха?

Лени бир күли билан уни қучоқларкан, – бошқаси билан шўрвани қўзғарди, йигитни ўзига тортиб шивирлади.

– Бу бадбаҳт жуда ҳам эзилган савдогар, Блок деган кимса. Сен унинг афти-анторига бир қара.

Иккиси ҳам ўша ёқقا қарашиди. Савдогар унга қандай буюрилган бўлса, шундай курсидан қўзғалмай ўтирад, кераксиз шамларни ўчирган, тутаб-путаб юрмасин, деб бармоғи билан пиликни босиб, эзғилаб ўтиради.

– Сен биргина кўйлақда эдинг, – деркан К. қўллари ила Ленининг бошини ушлаб, Блокка қарашга мажбур этди. Лени индамай ўтиради.

– У сенинг жазманингми? – саволга тутди К. Қиз қозончани кавламоқчи бўлди, бироқ К. унинг икки қўлидан шартта тутиб, ўзига қаратди: – Жавоб бер!

Қиз шивирлади:

– Юр, иш бўлмасига, мен сенга ҳаммасини тушунириб бераман.

– Йўқ, – чўрт кесди К. – Мен ҳаммасини шу ернинг ўзида қандай бўлса, шундай тушунтириб беришингни истайман. – Қиз унинг бўйнига осилиб, йигитни ўпмоқча уринди, аммо К. ўзини четта олиб, деди: – Айни пайтда мени ўпишингни истамайман.

– Йозеф! – Лени йигитнинг кўзига зорланиб, шу билан бирга тик қаради.

– Наҳотки, сен мени жаноб Блокдан рашик қилган бўлсанг? Руди, – у энди савдогарга юzlаниб деди: – Эй, ёнимни олмайсанми, мени қандай баттолликларда гумон қилишяпти, эшитдингми? Бир ёқقا отгин-э, қўлингдаги шамларни!

Бу воқеаларга Блок умуман эътибор қилгани йўқ, деб ўйласа бўларди, бироқ бахтга қарши, ҳаммасини аъло даражада эшитиб туради.

– Нимага асосланиб рашик қилиш хаёлингизга келиб қолганига ҳайронман, – деди у кишининг шаънига тегадиган қилиб.

– Ўзим ҳам бунга тушунолмайман! – деди К. савдогарга табассум билан қараб.

Лени қаҳ-қаҳ отиб кулди, фурсатдан фойдаланиб шу билан К.ни чалғитмоқчи бўлди ва унинг қўлига осилиб, шивирлади:

– Уни ўз ҳолига қўй, ўзинг кўрдинг, шуям одами? Мен унга бир озгина ачинаман, фақат ва фақат шунинг учунки, у адвокатнинг ўта қимматли мижози. Ўзингни аҳволинг қандай? Шу паллада адвокат билан гаплашиб олишни истайсанми? Аммо бугун аҳволи жуда ҳам оғир, имкони бўлиши билан мен унга сен ҳақингда хабар бераман. Ўзинг эса бугун меникида қоласан, ҳеч бир важ-карсонинг ўтмайди, қоласан, вассалом. Минг йилдан бери бизга қорангни кўрсатмай кетдинг, ҳатто адвокатнинг ўзи сени бир неча бор сўраб-суриштириди. Суд жараёнинга бепарво қарама. Менда ҳам маълум қилишим керак бир талай гаплар бор, баъзи бирлари ҳақида ўзим сўраб-суриштириб билишга мувофиқ бўлдим. Бироқ ҳаммасидан оддин пальтонгни ечсанг бўларди.

Қиз унга пальтосини ечишга қарашди, шляпасини олди ва даҳлизга кийимларни илиш учун зипиллаб кетди, кейин чопқиллаб келиб, шўрва тайёр бўлмабдими, деб қозонга қаради.

– Аввал сен ҳақингда хабар берайми ёки шўрвасини ичирайми? – қиз К.дан сўради.

– Аввал мен ҳақимда ахборот бер, – деди К.

У жуда ҳам асабийлашиб туарарди, чунки Лени билан ўзининг ишлари хусусида гаплашиб олишни ҳам мўлжаллаб келган, айниқса, бир қарорга кела олмаган муаммоси – адвокатнинг ҳимояси ни рад этсинми ёки йўқ, фикрини билмоқчи эди; аммо аллақандай савдогарнинг бу ерга тиқилиб

ўтириши барча хоҳиш-истагини йўққа чиқариб турарди. Шунда ҳам иши жуда муҳим туйилди ва бу бадбаҳт нусхани деб ҳал бўлиши керак ишлар режасини ўзгартириб ташлаш мумкин эмаслигини ўйлаб, йўлак бўйлаб югуриб кетаётган Ленини чақириб тўхтатди.

– Ҳарна бўлса ҳам аввал унинг шўрвасини ичириб, нафсини қондир, – буюрди у, – майли, мен билан гаплашиб олишдан олдин қувватга кириб, дадилланиб олсин. Бунинг учун ҳам унга куч-қувват керак бўлади.

– Бундан чиқди, сиз ҳам адвокатнинг мижозларидан экансиз-да? – деди хотиржамгина бир чеккада ўтирган савдогар. Аммо унинг бу гапи умумий норозиликни бошлаб келди.

– Нима ишингиз бор? – иддао билан сўради К. Лени эса уни баттар жеркиб ташлади:

– Оғзингни юмиб ўтир-э, – кейин қиз К.га юзланди: – Демак, аввал унинг шўрвасини ичирман, – деб у косага шўрва қўйди. – Ҳамиша овқатни ичиб бўлиши билан у тарашадек қотади қолади, яна шундай ухлаб қолмаса, деб кўрқаман-да.

– Ҳечқиси йўқ, менинг сўзларимни эшитиб, унинг уйқуси қочиб, кўзи мошдек очилиб кетади, – деди К.

У адвокат билан жуда ҳам муҳим бўлган ниманидир ҳал қилиб олишга тараффуд кўраётганини аввало ишора билан билдиришни истар, ишқилиб, сұхбат нима ҳақида боришига Лени фаҳми етиб, қизиқиб қолгачгина, унга маслаҳат солмоқчи эди. Қиз эса унинг истагини жон-жон деб бажарган бўларди.

Қиз коса кўтарганча яқинидан ўтар экан, ишвали нигоҳ ташлаб деди:

– У овқатини еб бўлиши билан дарров сен ҳақингда хабар бераман, ишқилиб, олдимга қанчада тез қайтсанг шунча яхши.

– Бор, бора қол! – амр этди К. – Тезроқ бор, деяпман!

– Сал хушмуомала бўлсанг-чи! – шундоқ эшик оғзида туриб, коса кўтарганча деди қиз, сўнг эса у томонга яна бир бор бурилиб, бутун қадду қоматини намойиш қилди.

К. унинг изидан термилиб қолди. Энди у адвокатнинг хизматини бутунлай рад этишга қатъий қарор қилди; эҳтимол, буни Лени олдида дастурхон қилишга улгурмагани яхши бўлгандир, чунки қизнинг дунёқараши жуда чекланган; эҳтимол, қиз яна уни авраб ташлар, бу сафар ҳам қилмоқчи бўлган ишидан тутиб қолар, яна муаллақ аҳволда қолиб аллақанча вақтгача шубҳалар тирдобида қоврилиб ўртанар, лекин барибир бир қанча вақт ўтгандан кейин ўз ниятини амалга оширас, чунки аллақачондан буён зўр бериб шунни орзу қилиб юрибди, ўзини бу хаёллардан халос этмаса бўлмайди. Афтидан, қанча тез бир қарорга келса, шунча кам зиён кўриши турган гап. Эҳтимол, мана бу тожирдан ҳам бирор жўяли гап чиқиб қолиши мумкин.

К.унга бурилди, савдогар эса буни сезган заҳоти, ўрнидан сакраб турмоқчи бўлди, бироқ К. уни ушлаб қолди.

– Ўтилинг, ўтилинг, – тинчлантирди К. ва унга яқинлатиб курсисини сурди. – Ҳм, сиз адвокатнинг эски мижозлариданмисиз? – суриштирди К.

– Ҳа, – деди савдогар, – жудаям эски мижозлариданман.

– Неча йилдан буён у ҳожатингизни чиқаради? – сўради К.

– Сиз буни нима учун суриштиряпсиз, менга қоронғи, – деди савдогар. – Мен фалла одди-бердиси билан шугулланишни бошлаган алазамонлардан у йўл-йўриқлар бериб келади, демак, қарийб йигирма йилдан буён ҳамкормиз. Агар сиз

устимдан құзғатылған жиной ишга ишора қила-
ётган бұлсанғиз, бунда ҳам дастлабки босқичданоқ
у ёнимда турибди, шунга ҳам, мана, беш йилдан
ошаپти. Ҳа, ҳа, шунга ҳам беш йилдан ортиқ вақт
үтди, – құшимча қилиб эски ҳамёнини пайпаслаб
кетди. – Бу ерда ҳаммаси, аниқ-тиниқ қайд этил-
ған; агар истасанғиз, аниқ саналаригача айтишим
мумкин. Аммо ёддан эслашим мушкул. Э, менинг
устимдан құзғатылған суд жараёнiga қанча замон-
лар бұлды, адашмасам рафиқам қазо қилганидан
күп үтмай бошланған әди, шунинг үзига беш ярим
йилдан ошиб кетибди.

К. унга янада яқынроқ сурилиб ўтиреди.

– Демак, адвокат жүнгина фуқаролик ишларини ҳам олаверади денг? – сүради у. Суд билан
бундай меъердаги қонун-қоида асосида алоқада
бўлиш ажаб тарзда К.ни тинчлантириди.

– Э, бўлмасам-чи, – деди савдогар ва шивир-
лаб құшимча қилди: – айтишларича, фуқаролик
ишларини у ҳатто бошқаларга қараганда чукур-
роқ тушунар экан.

Бироқ дарҳол маълум бўлдики, Блок ортиқча
сўйлаб қўйганидан пушмөнлик түиди ва К.нинг
елкасига қўлинни қўйиб, астойдил ўтинди:

– Гапларимни унга айтиб юрманг, илтимос!

К. унинг тиззачаларига шапатилаб қўйди ва
тинчлантирувчи оҳангда деди:

– Сизни қарангү, нима, мен сотқинманми?

– У ўч олмаса қўймайдиганлардан, – деди сав-
догар.

– Қўрқманг, сиздақа содиқ мижозни у ҳеч қа-
чон балога рўпара қилмайди, – далда берди К.

– Қўрқмайин-чи! – эътиroz билдиргандай деди
савдогар. – Дарғазаб бўлган чоғида, қўзига ҳеч
нарса қўринмайди, бундан ташқари, анчадан
буён унга унчалик ҳам ишонавермайман.

– Бу қанақаси бўлди? – ўсмоқчилаб сўради К.

– Билмадим, ҳамма нарсани сизга ишониб айтавериш керакми ёки йўқ, – шубҳали овозда деди савдогар.

– Айтаверинг, – деди К.

– Начора, – деди савдогар, – негадир сизга ишонгим келяпти. Ҳарқалай сиз ҳам баъзи сирларингизни ошкор этишингиз керак, сири бирнинг тақдири бир, деганларидек, шундагина адвокатта қарши жипсласишимиз мумкин.

– Сиз ҳаддан ташқари эҳтиёткорга ўхшайсиз,

– деди К. – Яхши, сизга шунаقا маҳфий сирни очаманки, бутунлай хотиржам тортасиз. Нега адвокатдан бунчалик ҳайиқасиз?

– Гап шундаки, – қўрқиб-қалтираб сўз бошлиган савдогарнинг хатти-ҳаракатидан қандайдир бир пасткашликнинг иси келарди, – менинг ундан ташқари ҳам бир неча адвокатларим бор.

– Нима бўлибди, бу унақа даражада ножӯя иш эмас-ку, – бир оз жонланиб деди К.

– Буни бу ерда ножӯя ҳисоблайдилар, – деди савдогар. У ўз икроридан бўғилиб қолаёзганди, ҳарқалай К.нинг далласи уни бир оз ўзига келтирди. – Бунга рухсат этилмайди. Ҳар қанақа воқеа содир бўлганда ҳам ишингизни зиммасига олган бир адвокат қаторига яна хуфия адвокатларни ҳам жалб қилиш фармойиш билан тақиқланади. Мен айнан шу йўлга ўтиб олганман, яна бешта хуфия адвокатларим бор.

– Бешта-я! – бақириб юборди К. Уни айнан оқловчиларнинг саноги ҳайратта солганди. – Бундан бошқа яна нақ бешта маслаҳаттўй адвокатим бор дeng!

Савдогар бошини қимиirlатиб тасдиқлади.

– Энди олтинчиси билан битишмоқчи бўлиб юрибман.

– Сизга бунча адвокатнинг нима кераги бор? – қизиқсинди К.

– Менга уларнинг ҳаммаси асқатади, – уқтириди савдогар.

– Балки қандай асқатиб қолишини тушунтириб берарсиз? – бунинг тагига етмоқ истарди К.

– Бажонидил, – деди савдогар. – Ҳаммасидан один кўзғатилган жиноий иш жараёнида мен мағлубиятга учраб қолишини ҳеч ҳам истамайман, бу ўз-ўзидан тушунарли. Шунинг учун ҳам ҳеч нарсани кўздан қочирмаслик керак, агар ҳаттоки, баъзи воқеаларга кўра, натижасидан заррача фойда чиқадиган бўлса ҳам, барибир, мен ана шу умидни бўш кўймаслигим керак. Агар лоқайдликка йўл кўйиладиган бўлса, бор имкониятларимнинг ҳаммасини бой беришим ҳеч гап эмас. Мисол учун, бор мол-мулкимни олиб кўрайлик: бир вакълар идорам қарийб бутун бир қаватни эгаллаган эди; энди-чи, ит ётар, мирза турар асосий бинонинг думи каби каталакдек ҳужрачам қолди. Ишм шунаقا тескарисига айланиб кетдики, бор будимдангина ажралиб қолмадим, балки бутун куч-кувватимни бой бериб, адойи тамом бўлдим. Жараёндан кўз-кулоқ бўлиб бормоқчи бўлсанг, бошқа бирон нарсани эплашга вақт қолмайди.

– Бундан чиқди, ўзингиз куйиб-пишиб суд жараёнини изга солиб юрар экансиз-да? – аниқлаштирмоқчи бўларди К. – Айниқса, ана шу хусусида мен муфассал билмоқ истардим.

– Бу борада мен жўяли бир нарса дея олмайман, – деди савдогар. – Аввалига бирон-бир иш чиқармоқчи бўлиб ўзим шугулланмоқчи бўлдим, аммо кейин бунинг баҳридан ўтдим. Ҳаддан ташқари тинка-мадорни қуритади-ю, натижажургур эса қарийб кўринмайди. Тиним билмай елиб-югуриб, ҳаммасини ўзинг ташкиллаштирасан, муросай мадоранинг боши-кети йўқ, охири бунга кучим етадиганга ўхшамади. Ҳаттоки оддийгина, ўтириб кутишнинг ўзи даҳшатли дара-

жада зўриқтиради. Ўзингиздан қолар гап йўқ, девонхоналардаги ҳаво қанчалик оғир, ифлос.

– У ерда бўлганимни сиз қаердан биласиз? – сўради К.

– Қабулхонада кутиб ўтирганимда, ўтиб қолгандингиз.

– Бунинг тўғри келиб қолганини қаранг! – ҳайқирди К. Бу уни шунчалик ҳайратга солдики, бошда савдогарни жуда ҳам бетайин киши деб ўйлаганини у тамоман унуганди. – Бундан чиқди мени кўрган экансиз-да! Мен кириб борганимда сиз қабулхонада ўтирган бўлгансиз! Тўғри, мен бир сафар у ерда бўлгандим!

– Буни жуда ҳам тўғри келиб қолган, деб бўлмас, – босиқдик билан деди савдогар, – мен у ерга Худонинг берган куни бориб турман.

– Эҳтимол, менга ҳам зув қатнаб қолишга тўғри келиб қолар, – деди К. – Аммо ўша сафартидек ҳурмат-эътибор билан қабул қилишлари даргумон. Ҳаммалари ўрниларидан туриб қаршилашганди – эҳтимол, ҳакам деб ўйлаган бўлсалар керак-да.

– Йўқ, – деди савдогар. – Биз суд хизматчи сига салом бергани ўрнимиздан қўзгалгандик. Сизнинг айбланувчи эканлигинизни эса билардик. Бундай маълумотлар бир лаҳзада тарқалиб улгуради.

– Бундан чиқди, ҳаммасидан воқиф бўлгансиз, – деб қўйди К. – Унда мен сизга роса ўзига бино қўйган гуппи қўринган бўлсам керак? Бу ҳақида ҳам гурунглашгандирсизлар?

– Йўқ, – деди савдогар, – аксинча. Шунга қарамай у ердаги гап-сўзларнинг бари нодонликдан.

– Нега нодонлик бўлар экан? – қайта сўради К.

– Нима қиласиз буни мендан суриштириб, – озорланиб деди савдогар. – Афтидан, сиз бундаги кишиларни билмайсиз, шунинг учун ҳам

масини нотүрри талқын қилаётган бўлишингиз мумкин. Диққат билан эшитинг, иокурай вази-ялтардаги сұхбатларда шунақа нарсалар қалқиб чиқадики, ақд билан ҳеч нимани тушуниб бўлмайди. Киши ҳолдан тойган, боши ҳар қанақа ўй-фикрлар билан шишганда куракда турмайдиган ирим-сиримга амал қилиш бошланади. Мен бошқалар ҳақида гапириб ётаман-у, ўзимнинг ҳам улардан ҳеч ҳам фарқим бўлмайди. Мисол учун, шундай бир ирим бор, гўё айбланувчининг тақдири унинг қиёфасида, айниқса, лабларида шундоқ кўриниб турармиш. Бу кишилар ҳам лабларингизга қараб сизга ҳадемай ҳукм чиқарилишини баён этишди. Яна қайтариб айтаман, бу жуда кулгили, аҳмоқона таъбир, маълумотларнинг катта қисми унга тескари вазиятдан хабар бериб туради, аммо бу тўдага тушиб қолсангиз, хурофотга қарши туриш душвор бўлиб қолади. Нима учун бу ўйдирмалар шу даражада кучли, бир ўйлаб кўринг-чи! Орамиздан бир кишини гапга солганингизни эслайсизми? У ҳатто сизга жавоб ҳам қилолмаган. Албатта, у ерда кишини зўрлаб, куч билан ҳар мақомга солиш мумкин, бироқ уни, айниқса, сизнинг лабларингиз ҳайратга солиб қўйгани аниқ. Кейин у лабларингизга қараб фақатгина сизнинг эмас, ўзининг устидан чиқариладиган ҳукмни ҳам ўқиганини ҳикоя қилиб юрди.

– Менинг лабларимга қарабми? – К. ҳайрон қолиб, буни сўраркан, чўнтағидан ойначасини олиб, юзига қаради. – Лабларимда ҳеч қанақа алоҳида аломатлар борлигини кўрмаяпман. Сиз-чи?

– Мен ҳам, – деди савдогар, – мутлақо ҳеч нарсани!

– Бу одамлар намунча иримчи бўлишмаса! – ҳайқирди К.

– Мен сизга нима деяпман ўзи? – истеҳзо қилди савдогар.

– Наҳотки, улар кўпинча шундай йиғилиб олиб, ҳаммасини бошларига келган ўй-хаёллари бўйича ҳал қилиб кўяқолаверадилар? – билмоқчи бўларди К. – Мен эса ҳозиргача яккамоховга ўхшаб, ҳаммасини ичимда сақлаб келаман.

– Улар ҳам тез-тез учрашавермайдилар, – аниқлик киритди савдогар, – кўпчилик-да. Бу ерга барчанинг тўпланиши имконсиз. Қолаверса, уларнинг яқдил дарду ташвишлари ҳам йўқ ҳисоби. Баъзан қандайдир гуруҳбозлар чиқиб, уларнинг умумий мақсадларидан сўз очиб, бошларини қовуштироқчи, нималаргадир ишонтироқчи бўладилар, бироқ кўп ўтмай бу хато эканлиги кўриниб қолади. Судда жамоа бўлиб ҳеч нарсага эришолмайсан. Судда ҳар бир ҳодиса алоҳида ва иш жуда пухталик билан олиб борилади. Тўдалашиб бу ерда мақсадга етиш душвор. Факат алоҳида ҳолда нимагадир муваффақ бўлиш мумкин; сўнгра бундан қолганлар хабар топишади, аммо у қандай юз бергани, қандай қилиб амалга оширилганлиги ҳеч кимга маълум бўлмасдан, сирли тарзда қолаверади. Хулласи калом, бу кишиларнинг ҳеч қанақа муштарак томонлари йўқ. Тўғри, улар баъзан-баъзан қабулхоналарда учрашиб қоладилар, бироқ кўпинча сукут сақлаб ўтиришларига тўғри келади. Бу ирим-сиримлар эса эскидан қолган ва ўз-ўзидан кўпайиб ётади.

– Қабулхонада кўрганим, – гапга аралашди К., – кишиларнинг бу ерда сарғайиб кутиб ўтиришлари бутунлай фойдасизга ўхшади менга.

– Йўқ, кутиб ўтириш фойдадан холи эмас, – эътироз билдириди савдогар. – Фойдасизи ҳаммасига ўзлари аралашишга интилишлари. Мен сизга айтдим-ку, бундан ташқари, яна беш адвокатим бор деб. Бошда мен ҳам ҳамма ишни қўшқўллаб битта адвокатнинг ўзига топширса бўлади, деб ўйлаганман. Бироқ бу мутлақо нотўғри бўлган. Энди эса

ақволим битта адвокатта топшириб қўйгандан-да қийинроқ. Албатта, булар сиз учун тушунарсиз!

– Тушунарсиз, – деркан К. гўё бу билан савдогарни тинчлантириб, ҳаддан ташқари тезлик билан ирод этаётган нутқининг суръатини сал тўхтатмоқчи бўлди ва кафтини унинг кафтига қўйди. – Мен сиздан факат бир нарсани ўтиниб сўрайман: сал секинроқ гапиринг, ўзингиздан қолар гап йўқ, буларнинг бари мен учун сув ва ҳаводай зарур, аммо пайдар-пай ёғилаётган сўзларингизни англаб, моҳиятига етиб олишга ҳеч улгуролмаяпман.

– Буни сиз менга яхши эслатдингиз, – деди савдогар. Маълумингизким, сиз янгилардансиз. Бу борада гўдаксиз. Жараёнингизга бор-йўғи ярим йил бўлди. Эшитганмиз, эшитганмиз. Айни навқирон ёшида! Мен эса ҳаммаси ҳақида минг марталаб ўйлаб чиққанман, мен учун бу ёруғ оламда бундан бошқа ҳеч нарса қолмаган.

– Устингиздан қўзғатилган жиноий иш шунчалик узоқ чўзилгандан балки ўзингиз хурсанддирсиз? – сўради К. У савдогарнинг вазиятини чамаларди. Бироқ у кутган жавоб бўлмади.

– Ҳа, мана, қарийб беш йилдан буён устимдан қўзғатилган жараённи қирчанғи отдек судраб келаман, – деркан савдогарнинг нафаси ичига тушиб, бошини эгиб олди. – Бу ҳазилакам муваффақият эмас.

У жим бўлиб қолди. К. Лени келмаяптими, деб кулоқ, солди. Бир томондан қиз келиб қолишини истамас, чунки ҳали жуда кўп нарса ҳақида савдогардан сўраб-билиб олиши керак, қолаверса, Лени дўстона гурунгни белига тепиши турган гап, бошқа томондан, оқсочнинг шўрва ичириб келаман, деб адвокатнинг олдида шунчалик узоқ қолиб кетганлиги уни эзарди.

– Мен у пайтларни жуда яхши эслайман, – яна тилга кирди савдогар ва К.нинг ҳам бутун вужу-

ди қулоқقا айланди, – ўшанды устимдан кечәттган суд жараёни айни сизнинг ҳозирги вазиятингиздек деса бўларди. Мана бу адвокатнинг ўзигина хизматимни қилар, аммо мен ундан кўп ҳам рози эмасдим.

Энди ҳаммасини билиб оламан, деб ўйлади К. ва бир жонланиш билан бошини қимирилатди, гўё у бу билан савдогарни энг муҳим саволга мутлақо ошкоралик билан жавоб беришга даъват қилаётгандай бўлди.

– Менинг устимдан қўзғатилган жиноий иш жараёни, – давом этди савдогар, – бир жойда туриб қолганди. Тўгри, тергов бошланган, мен ҳеч бир сўроқдан қолмасдим, ҳужжат йигиб, барча идора дафтарларини кўтариб, судга тақдим қилиб чиқдим, кейин билсам, буларнинг бари ортиқча, кераксиз югур-югурулар экан, устига-устак ҳар доим адвокатнинг олдига чопганим-чопган, у ҳам сон-саноқсиз арзномалар тайёрлаб беришдан чарчамасди...

– Сон-саноқсиз арзномалар дейсизми? – қайта-қайта суриштириди К.

– Бўлмаса-чи! – деди савдогар.

– Бу мен учун фавқулодда муҳим бир янгиллик бўлди, – деди К., – менинг ишим бўйича эса ҳали-ҳамон биринчи арзномани тайёrlаётir. У ҳеч ҳам жонини койитай демайди. Ҳа, у ишимни қанчалик бемаъни бир аҳволга солди, буни эндинга кўриб турибман.

– Ҳм, бу қофоз ҳали тайёр эмасми, балки арзирли сабаблари бордир, – деб қўйди савдогар.

– Кейинроқ маълум бўлдики, бу арзномаларнинг мен учун сариқ чақалик ҳам фойдаси йўқ экан. Улардан биттасини ҳатто ўқиганман, уни хушмуомала суд хизматчилидан бири илтифот юзасидан кўрсатганди. Тўгри, у илмий руҳда тайёrlанган бўлса-да, моҳиятан бирон-бир те-

ран фикрдан мосуво эди. Ҳаммасидан олдин жимжимадор лотинча иборалар қалаштириб ташланган, уларни тушунишга тишим ўтмади, сўнг бутун-бутун саҳифалар суд номига битилган оҳорсиз баландпарвоз олди-қочди фахриялардан иборат, кейин алоҳида-алоҳида казо-казо тўралар бардор-бардор қилинган, тўғри, бу зотларни исми-шарифи билан атаб, мадҳ этилмаган, лекин ҳар биридаги нозик қочирим, алоҳида бағишловдан ким ҳақида гап кетаётганлигини осонгина фахмлаб олиш мумкин, ниҳоят, ўз-ўзини кўкларга кўтариб мақталган саҳифалар – судга мурожаат қилаётганда адвокатнинг итдан баттар тубанлашиб кетишининг нима кераги бор, ҳайронсан ва охири ўтган йиллардаги ҳар қанақа суд жараёнлари талқин қилингандай бўлиб, сўнгида менини ҳам қистириб ўтилганди. Ақдим етганча шуни айтишим мумкинки, бу хужжат тайёрлашу ишни кўришлар ҳаддан ташқари пухталик билан олиб борилганига гап йўқ. Ушбу арзнома мен танишиш бахтига мусассар бўлган шундай қоғозлардан биттаси, холос. Аммо ҳар қанақа вазиятдан қатъи назар, шуни айни пайтда қайд этиб ўтишим керакки, бу арзномалар менинг ишим бўйича бирон-бир ижобий силжиш ясад, туртки берганини кўрмадим. Бор ҳақиқатни ошкор қиласлар эканман, бу билан адвокатнинг ишини қоралаш ниятим ҳам йўқ.

– Бу ишни қандай тезлатса бўлади? – сўради К.

– Саволингизда жон бор, – табассум билан деди савдогар. – Бундай ишлар камдан-кам ҳоллардагина жойидан жилади. Бироқ бунақа бўлишини мен у пайтлар билмасдим. Билганингиздек, мен савдогарман, аввало ҳозиргига қараганда ҳам кўпроқ савдо ишлари билан шуғуллансан дердим, бунинг учун эса иш охиригача этиб бориши ёки ҳеч бўлмагандага қандайдир даражада равнақ

олиши керак эди. Бунинг ўрнига маъно-мазмуни бир хил бўлган адоқсиз терговлар бўлиб турар, бериладиган жавоблар, худди дуо каби ёд бўлиб кетганди, бу етмагандай ҳар ҳафтада бир неча марта идорамга ёки уйимга, ишқилиб, қаерда мени учратиш мумкин бўлса, суддан чопарлар келарди; албатта бу ишларим юришувига жуда ҳам халақит берар, (эндигина бунақа муносабатларда вазият салгина ўнгланди, телефон орқали чақириб, халақит беришлар бир мунча камайди) натижада, ҳамкор ошна-оғайниларим, айниқса, қон-қариндошларим ўртасида устимдан олиб борилаётган суд жараёни хусусида турли-туман миши-миши овозалар болалаб кетди, булар, албатта, ортиқ даражада менга зиён-заҳмат етказдилар, шунга қарамай, яқин кунларда ҳеч бўлмаса ишни дастлабки кўриш ҳақида эса бирон-бир арзимас даражада ҳам аломат кўринай демасди. Мен адвокатга арз-дод қилдим. У бунинг боисини узундан-узоқ изоҳдади, ундан эса жонни жабборга бериб қилинган хатти-ҳаракатлар оқибати нима билан якунланишини тахминан шундай тасаввур қилдим: ишни кўриб чиқишини ҳеч ким тезлаштириши мумкин эмас, арз билан ишни бир ёқлик қилишни талаб қилиб, қаттиқ туриб олишим беҳуда, бу уларга етиб ҳам бормайди ё бу инжиқлик билан ўзимни ва уни ҳалокатга йўлиқтиришим мумкин экан. Бошим қотиб, ўйланиб қолдим: балки бу адвокатнинг қўлидан келмайдиган, эҳтимол, қўлидан келса-да, қилишни истамаган ишни бошқаси исташи ва уddaлаши мумкиндир. Ва бошқа адвокатларни излашга тушдим. Бир зумда ҳаммасини дўндириб ташла-моқчи бўлиб отни қамчиладим: аммо нақл қилганлариdek ишни кўришни ҳеч ким ҳеч қачон талаб қила олмас, ҳеч ким бунга эришиши ҳам мумкин эмаслигини қайдан билибман, нима учун

бу ҳақида гапираётганимни кейин айтарман, ҳақиқатан ҳам бунинг амалга ошиши ҳеч мүмкін эмас, бу жиҳатдан адвокат мени алдамаган экан; аммо бошқа адвокатларга бекорга мурожаат қилибман, деб афсусланмайман. Эхтимол, аллақачон сиз ҳам доктор Гульддан хуфия адвокатлар ҳақида әшитгандирсиз. Албатта, у бундай адвокатлардан ҳазар қылғандай, жирканиш билан гапиргандир, улар шунга лойиқ. Фақатгина у бундайлар ҳақида гапира туриб, ўз ҳамкаслариға солиширганда, жиндеккина хатога йўл қўяди, бу айнан нимадан иборатлигини йўл-йўлакай изоҳдайман. Одатда, ҳамтовоқлари билан қилган гурунгларида адвокатлар хуфиялардан устунликларини писанды қилишлари учун ўзларини йирик адвокатлар деб атайдилар. Бу ёлғон! Майли, кўнгилларига маъқул келган экан, ўзларини йирик адвокатлар деб аташлари мумкиндири, бироқ шунда ҳам суддаги атамалар ўзгармай қолаверади. Агар шунга амал қилинадиган бўлса, хуфия адвокатлардан ташқари майда ва йирик адвокатлар бор. Демак, мана бу адвокат ва унинг ҳамкаслари майда адвокатлар сирасига киради, йирик адвокатлар ҳақида эса мен фақат овозалардан әшитганман, холос, таассуфки, ҳеч бирини ҳозирга қадар кўришга муваффақ бўлмадим, афтидан «майдалар» хуфиялар устидан жирканиб, қанчалик юқорида турганларидек, йириклар майда адвокатлардан даражаларига кўра шунчалик юқори мақомда туришса керак.

– Йирик адвокат, деганлари нимани билдиради? – суриштира кетди К. – Улар қанақа одамлар ўзи? Қандай қилиб уларни илинтиришса бўлади?

– Бундан чиқди, сиз улар ҳақида ҳеч нима әшитмаган экансиз-да, – деди савдогар, – айбланувчи йўқки, бу адвокатлар ҳақида хабар топгандан кейин, уларни илинтиришни орзу қилма-

ган бўлсин. Яхшиси, бундай васвасага тушмаганингиз маъқул. Йирик адвокатлар дегани кимлар ўзи, буни тасаввур қила олмайман, менимча, уларни қўлга киритиш умуман мумкин эмас. Мен шу пайтгача судда улар аралашгани ҳақида ишонч билан гапирилган бирон-бир ҳодисани билмайман. Аллакимларнидир ҳимоя қилишган бўлса бордир, аммо бу айбланувчининг хоҳиширодасига кўра бўлиши мумкин эмас; улар кимки, ўзларига ўнғай ва манфаатли бўлсагина, шуларни ҳимоя қиласидилар. Қолаверса, ҳол шуки, улар қўлларига оладиган иш қўйи босқич ҳудудидан қарийб чиқаёзган бўлиши керак. Яхшиси, бутунлай йириклар ҳақида хомхаёл сурмаган маъқул, бўлмаса, бошқа адвокатлар билан олиб борилган барча гаплашувлар, берган маслаҳатлари ва ёрдамлари беҳуда ва кераксиз бўлиб кўринади; мен буни ўз бошимдан ўтказганман: охири ҳаммасини улоқтириб, уйингдаги жойхобингта чўзилиб ётганча, ҳеч нимани эшитмасликни истаб қоласан. Бироқ бунаقا аҳмоқлик билан ҳеч нарса қилиш мумкин эмас, барибир, тўшагингда ҳам ором тополмайсан.

– Демак, сиз йирик адвокатлар ҳақида аввал бошданоқ ўйламаган экансиз-да? – билмоқчи бўларди К.

– Ўйлаганман, аммо узоқ эмас, – деркан, савдогар яна мийигида кулиб қўйди. – Уларни бутунлай унугтиш мумкин эмас, айниқса, узун тунлар бошга ҳар турли ўй-хаёллар келади. Бироқ мен ҳаммасидан ҳам кўра ишимида бирон-бир сезиларли муваффақият бўлишини астойдил истаб қолган вақтимдан бошлаб, хуфия адвокатларга мурожаат қилишга тушдим.

– Икковларингга бундай баҳамжиҳат ўтириш қанчалик ярашибди! – қўлида идиш-товоқ билан қайтган Лени эшик оғзиданоқ садо берди.

Хақиқатан ҳам улар бир-бирининг пинжига тиқилгудек яқин; эҳтимол, жиндеккина бурилиш билан бошлари урилиб кетиши мумкин ҳолда, савдогар калтабақай бўлишига қарамай, янада буқчайганча, К. эса унинг ҳар бир сўзини қолдирмасдан териб олиши учун шундоқ яқинида, эгилиб олганича ўтиради.

– Бир дақиқага у ёққа қара! – қиз шундай деб К.га тўхталди, ҳолбуки, у ҳамон титраб-қақшаб, сабрсиз бир ҳолда савдогарнинг қўлинни тутганича туради.

– У мендан ишим ҳақида сўзлаб беришимни илтимос қилди, – савдогар Ленига юзланиб деди.

– Ҳм, айт, айтавер, – истеҳзо қилди қиз.

Қиз савдогарга хушмуомалалик қилди, аммо жуда юқоридан туриб гапирди, бу К.га ёқмади, у аллақачон Блок ҳурматга лойик эканлигини тушунган эди; қолаверса, бошидан ўтказган кўргиликлар хусусида ажойиб тарзда хикоя қилиб берди. Афтидан, Ленининг у ҳақида чиқарган хукми адолатдан эмас. К. Лени шундай бир ва жоҳат билан савдогарнинг қўлидан шамларни юлқиб олганини – у киши шамни маҳкам ушланча турганди – пешбанди билан аввал қўлларини, кейин эса тиз чўкиб шимига оққан мумни тозалаганини кузатиб ўтиреди.

– Сиз яна менга хуфия адвокатлар ҳақида ҳам гапириб беришга хоҳиш билдиргандингиз, – деркан К. ҳеч нарсага шама қилмай, Ленининг қўлинни итарди.

– Бунинг сенга нима кераги бор? – қиз шундай деб оҳистагина К.нинг қўлини уриб қўйди-да, ўз ишини давом эттиради.

– Ҳа, ҳа, хуфия адвокатлар ҳақидами, – деркан, савдогар гўё нима демоқчилигини эсламоқ-чикдек қўлини пешонасига олиб борди.

Унга ёрдам бериш умидида К. шипшишиб қўйди:

– Сиз сезиларли натижаларни тез құлға киришиңни истаганингиздан кейингина хуфия адвокаттарга мурожаат қылғансиз.

– Мутлақо түгри, – деб тасдиқлади савдогар, аммо қүшімчада қылмади.

Афтидан, у Ленининг олдидә гапиришни истамайды ўйлаб қолди К., ҳолбуки, ҳаммасини эшишиңни истар, лекин бетоқатлигини бас қилиб, бошқа бунга мажбурламади.

– Мен ҳақимда хабар қылдингми? – у Ленидан сүради.

– Албатта-да, – жавоб қылди қыз. – У сени күтиб ўтирибди. Блокни құя тур, кейин ҳам гаплашиб олишга улгурасан. Блок шу ерда бўлади.

К. тезда бир қарорга кела олмади.

– Сиз шу ерда бўласизми? – савдогардан сүради К.

К. бу кишининг ўзи шуни тасдиқлашини истарди, лекин Ленининг Блок бу ерда йўқдай гапириши унга ёқмади. Ҳа, умуман бугун К. кўнглида Ленига қарши қандайдир яширин гина пайдо бўлганини ҳис қылди.

Лекин яна унинг ўрнига қыз жавоб берди.

– У кўпинча шу ерда тунаб қолади.

– Шу ерда тунаб қоладими? – ҳайратланди К.

У бўлса, адвокатнинг олдига кириб, имкон қадар тезроқ музокарани тугатиб қайтгунича, Блок кутиб туриши ва кейин биргаликда бу ердан чиқиб, бир холи жойда бор гапни бошидан охиригача муҳокама қилишларига умид этган эди.

– Ҳа, албатта, – деди Лени. – Қани бўл, Йозеф, адвокат ҳаммани ҳам худди сен каби хоҳдаган пайтида қабул қиласкермайди. Адвокат бетоблигига қарамай, яна соат ўн бир бўлганида сени қабул қилаётганига ҳатто ажабланмайсан ҳам. Сен буни худди шундай бўлиши керак, деб ҳисоблайсан чоги, ҳолбуки, сени хурсанд қилай деб дўстларинг ўлиб-тирилиб ҳаммасини амаллашаётир.

Албатта, дўстларинг, ўзим ҳам буларнинг барини жони дилим билан қиласман. Ҳеч қанақа миннатдорчилик билдиришнинг кераги йўқ. Бор-йўғи мени севсанг бўлди.

– Сени севмоқ? – К. бир муддат тараффудланиб ўйланди: ҳа, албатта, мен уни севаман, деган фикр сал ўтмай хаёл пучмоқларида лип этиб ўтди.

Бироқ гап йўсинини бошқа ёқقا бурди:

– Адвокат мени мижози бўлганим учун қабул қиласди. Агар бунга ҳам бегоналарнинг ёрдами билан муваффақ бўлинаётган экан, демак, ҳар қадамда Худонинг зорини қилиб, яна пой-патак бўлганга ташаккур айтишга тўғри келар экан-да.

– Нима бало, у бугун чап ёни билан турганми, феъл-атвори бунчалик айнимаса, – Лени савдогарга қараб деди.

Мана энди бўлса, камина ҳақида ҳам гўё бу ерда йўқдек гапиришга ўтди, – ўйлади К., ҳатто шу ерда савдогардан ҳам дили ранжиди, у ҳам худди Лени каби андишасизларча деди:

– Адвокат яна бошқа бир сабабга кўра ҳам қабул қиласди: унинг жараёни меникига қараганда қизиқарли. Бундан ташқари, эндинига бошланди ва унча чувалашмаган ҳам, шунинг учун адвокатга бу иш билан шуғулланиш мароқлироқ. Кейинчалик ҳаммаси ўзгариб кетади.

– Ҳа, ҳа, – Лени қаҳқача отиб, савдогарга қарди. – Э, нималарни валдираб ётибсан! Сен бунинг гапларига ишонма, – энди у К.га бурилиб, гапини давом эттирди. – У ҳаддан ташқари меҳрибон, мушфиқ, аммо даҳшатли тарзда сафсатабоз ҳам. Балки шунинг учун ҳам адвокат кўзга илмайди. Ҳарна бўлганда ҳам адвокат уни қабул қиласди, аммо қачон хаёлига келиб, кўнгли эриса ўшанда ҳузурига чақиради. Мен унинг учун тиришиб-тирмасиб кўрдим, лекин ҳаммаси беҳуда кетди. Тасаввур қиласанми, баъзан унга

Блок кирмоқчилигини айтсам, фақат уч кун ўтгандан кейингина ҳузурига чорлайди. Бироқ ана шу пайт Блок йўқ бўлса, яна ҳаммаси чиппакка чиқади, қайтадан фурсати келгандагина айтишга тўғри келади. Шундай пайтлар бўладики, адвокат ярим тунда қўнфироқ қилиб, уни ўз олдига киришини талаб қилади. Шунинг учун ҳам мен Блокка бу ерда тунаб қолишга изн бердим. Демак, энди у тунда ҳам тайёр бўлиб туради. Тўғри, адвокат баъзан Блокнинг шу ердалигидан хабар топгач, қарорини бекор қилади.

К. савдогарга савол назари билан қаради. У киши ҳам бошини қимирилатиб, ҳали К. билан ёлгиз қолгандаги каби очиқ гапирди (унинг хижолатдан эсанкираб қолгани кўриниб турарди):

– Ҳа, ўз адвокатингга борган сари қарам бўлиб бораверасан.

– У фақат раҳм-шафқат уйғотиш учун шундай тусга киради, – деди Лени. – Аслида эса бу ерда тунаб қолишни яхши кўради, менга бир неча марта ўзи айтган, – қиз кичкинагина эшикча олдига келди ва уни лант очиб деди: – Блокнинг ётоғини кўришни истайсанми?

К. оstonадан туриб каталакдек, ойнасиз, энсизгина каравотча бор бўйини эгаллаган гариб хужрачани кўздан ўтказди. Каравотга фақат бир ён билан ётилса сифиши мумкин эди. Бош томондаги деворда кичкина бир тахмон кўзга ташланар, унда расмиятчиларда бўладиган бир саранжом-саришталик билан шам, сиёҳдон, ручка ва бир даста қоғоз алоҳида турар, афтидан, улар суд ҳужжатлари эди.

– Демак, сиз хизматкорлар учун мўлжалланган мана бу ҳужрада тунар экансиз-да? – сўради К. савдогарга мурожаат қилиб.

– Менга у ерни Лени бўшаттириб берди, – деди савдогар. – Бу жой жуда ҳам қулай.

К. унга тикилиб қаради. Афтидан, Блок қолдирған бириңчи таассурот түгри: тажрибаси катталиғи учун ҳам устидан күзғатылған иш ҳали-ҳамон судралиб келар, бироқ бу тажриба унга жуда қимматга түшганини тасаввур қылса бўларди. Бирдан бу одамнинг бутун сиймосига нисбатан қалбида нафрат уйғонганини ҳис қилди.

– Бўл, уни жойига ётқиз! – Лени К.нинг бу ўшқириғидан ҳеч нимани тушунмади.

Йўқ, ҳозир у адвокатнинг олдига кириб, хизматини рад этади, бу раддия эса фақатгина адвокатнинг ўзидангина эмас, балки уни Лени ва мана бу тасқара савдогардан ҳам ҳолос этади.

Бироқ у эшикка етиб бормасдан, савдогар оқизона овозда уни чақириди:

– Жаноб прокуррист! – К. жаҳл билан ортига ўгрилди. – Сиз берган ваъдангизни унутдингиз, – деркан савдогар ялинчоқдик билан турган жойидан К.га қараб узанди. – Менга қандайдир маҳфий сирни маълум қилмоқчи эдингиз?

– Тўғри! – деди К. Ленига шунчаки кўз ташлаб, унга эса еб юборгудек қараб. – Мана бўлмаса, эшитинг: бунинг энди сирлиги ҳам қолмади. Ҳозир адвокат ҳузурига кираман-да, хизматинг бошингдан қолсин, дейман.

– Бу унинг хизматини рад қилмоқчи! – савдогар бақириб юбориб, курсидан сакраб турди ва бутун ошхона бўйлаб югуришга тушиб, қўлларини осмонга қараб силкириди. – У адвокатни рад этмоқчи!
– У қайта-қайта шундай деб ҳайқирди.

Лени К.га ташланиб, тўхтатиб қолмоқчи бўлди, аммо савдогар орага тақалди – йўлини кесди, шу боис қиз савдогарга мушт тушира кетди. Кейин муштларини ёзмай К. томонга отилди, бироқ анави кимса чаққонроқ ҳаракат қилди, Лени К.ни қувиб етаёзганида йигит аллақачон адвокат хонасига етай, деб қолганди. У энди

эшикни ёпмоқчи бўлганида Лени эшикнинг бир тавақасига оёғини қўйиб, тутиб қолмоқчи бўлди ва тирсагини тақаб, каттароқ очишига уринди. Бироқ К. қизнинг бармоқларини шундай қаттиқ қисдики, увой-войлаб, эшикни қўйиб юборди. Хонага киришга қизнинг юраги бетламади, К. ҳам уни ичкаридан калит билан қулфлаб олди.

– Мен сизни анчадан бери кутиб ўтирибман,
– деди каравотдан туриб адвокат, шам ёруғида ўқиган ҳужжатлар тунги столда туарар, Гульд кўзойнагини тақиб, К.га тикилиб қаради.

Бироқ узр сўраш ўрнига К. дабдурустдан деди:

– Мен тезда кетаман.

К. ундан узр сўрамаганидек адвокат ҳам бу сўзларни эътиборсиз қолдирди ва кўшимча қилди:

– Кейинги сафар сизни бундай алламаҳалда қабул қилмайман.

– Бу менинг ҳам кўзлаган ниятимга тўла мос келади, – деди К.

Адвокат унга савол назари билан қаради.

– Марҳамат, ўтиринг! – деб қўйди кейин.

– Агар сизга шу қулай бўлса, жоним билан, – деркан К. оромкурсини тунги стол ёнига суриб, унга чўқди.

– Адашмасам, сиз эшикни ичкаридан калит билан қулфладингиз чоги, – деди адвокат.

– Ҳа, – деди К., – Лени боис шундай қилдим. – У ҳеч кимга раҳм-шафқат қилмоқчи эмасди.

Бироқ адвокат суриштириб қолди:

– У яна сизга суйкаляптими?

– Суйкаляптими? – қайта сўради К.

– Ҳа, ҳа, – деди адвокат ва тиржайди. Кулги билан бирга унинг йўтали ҳам тутиб қолди, сўнг яна ишшайиб деди. – Ҳа, у жуда енгилтак, буни ўзингиз ҳам, эҳтимол, аллақачон сезгандирсиз, – шундай деркан К.нинг қўлига уриб қўйди.

– Начора, сиз бунга аҳамият қиласлигининг керак, – деди адвокат К.нинг сукут сақлаб ўтирганини кўриб. – Шуниси тузук. Акс ҳолда эҳтимол, сиздан узр сўрашимга тўғри келади. Бу қизнинг тантиқдиги, мен аллақачон буларнинг бари учун уни кечирганман ва агар эшикни маҳкамлаб ёпмаганингизда, бу ҳақида ҳатто гапирмаган ҳам бўлардим. Менга бу сатангликни достон қилишнинг кераги йўқ, аммо ҳозирги важоҳатингизга қараб, миридан сиригача, бари-бари тилга олинмасдан қолмайди чоғи. Унинг бундай талтайиб кетишининг боиси кўпчилик айбланувчиларга Лени кетворган хушбичим бўлиб кўринади. Ва уларнинг бари Ленига шунаقا ипсиз боғланиб қоладиларки, кўнгил кўйиб, меҳрларини бериб юрадилар, ўз навбатида барининг назаридага қиз ҳам гўё ўзларига ошиқу бекарордай, кейин бўлса, мени юпантироқ бўлиб, шубҳасиз, розилигим билан гоҳ-гоҳида улар ҳақида билганларини битта қолдирмай менга айтиб беради. Мана сиз бундан жуда ҳайратланиб кетдингиз, мени эса ҳеч ҳам ажабланмайман. Бу чақноқ кўзлар бор экан, ҳеч шубҳасиз, бу гўзаллик айбланувчилар назаридан чеккада қолиши мумкин эмас. Албатта, ўзијам ҳайратланарли-да, ҳатто қодир табиатнинг камдан-кам учрайдиган мўъжизаси, деб атаса арзиди. Англашилгандек, айбловнинг ўзи сира ҳам қиёфага ўзгариш қила олмаслиги турган гал. Аслида бу сал ғалати эмасми, жиноий ишларнинг аксариятида айбланувчи ҳар кунлик одатий ҳаётини давом эттириб юраверади, унинг яхши бир адвокати бўлса, бор-йўқ ҳамма дардисарликларни унинг зиммасига юклаб, ўзини бу суд жараёнiga умуман тегишли бўлмагандек туттади. Шунаقا кишилар ҳам борки, бунақа ишларда кўзлари пишиб кетган, улар оломоннинг орасидан адашмасдан ҳар қандай айбланувчини юзига қараб таний ола-

дилар. Қандай белгилар асосида? – деб сўрашингиз мумкин. Эҳтимол, жавобим сизни қониқтирумас, бу жуда оддий: айбланувчиларнинг бари ҳусни таль-ат эгаси бўладилар. Албатта, кўркамликларининг омили содир этган жиноятлари эмас – ҳолбуки, адвокат сифатида, уларни шундай деб ҳисоблашим керак, лекин ҳаммаси ҳам айбдор – жиноятчи эмаслар, ахир ва албатта адолатли жазо олмоқликлари учун соҳиби ҳусн бўлиб туғилмаганлар, шунинг учун ҳам барчаси жазоланмайди; демак, буларнинг барини қўзгатилган ишда қарши дастак сифатида кўтарилса, бу уларга ёмон таъсир қиласди. Маълумингизким, бу – чиройли кишилар ичидан ҳаддан ташқари соҳибжамоллари ҳам учраб туради. Бироқ уларнинг ҳаммаси кўркам, ҳатто мана бу уч пулга қиммат Блок ҳам.

Адвокат гапларини охирига етказмаганига қарамай, К. аллақачон тамоман бир қарорга келган, у ҳатто адвокатнинг сўнгги сўзига жавоб бўлгандек даъваткор бир тарзда бошини қимирангатган бўлса-да, аслида ўз-ўзича жуда мураккаб бир алфозда кўзлаган нияти тасдифини топгандек эди: мана шу киши К.нинг фойдасини кўзлаб қандайдир бир фаолият олиб бориши мумкинми? Адвокат ҳам, афтидан, К. бу сафар одатдагидан ташқари унга қарши кайфиятда эканлигини сезмасдан қолмади, аммо бир нима демади, ишқилиб, К.нинг ўзи тилга кирсин, деб кутиб ўтираверди, бироқ К. ўжарлик билан жим ўтираверганини кўргач, ўзи гап очишга мажбур бўлди:

– Бугун олдимга бирон-бир аниқ мақсадни кўзлаб келгандирсиз?

– Ҳа, – деб жавоб қилди К. ва қўли билан шамни бир озгина тўсди, ишқилиб, адвокатни яхшироқ кўриш мумкин бўлсин, деб. – Шуни айтмоқчиманки, бугундан бошлаб менинг манфаат-

ларимни судда ҳимоя қилиш ҳуқуқидан сизни соқит қолмоқчиман.

– Мен сизни түгри тушундиммикан? – адвокат буни сүраш асносида ўзини түшакка ташлаб, тирсакларини ёстиқчаларга тираб ўтиради.

– Ўйлашимча, түгри тушундингиз, – деркан К. унга юзма-юз ўтирганча, ҳар вақт ҳар нарсага ҳозири нозир турарди.

– Начора, агар сиз шуни режалаган экансиз, буни кенгашиб олиш мумкин, – адвокат шундай деб жимиб қолди.

– Бу энди фақат режа әмас, – деди К.

– Бўлиши мумкин, – деди адвокат ҳам. – Шундай бўлса ҳам шошилиб нима қиласиз. – У «шошилиб нима қиласиз» деб айтиши билан гўё, К.ни ўз қўл остидан чиқаришни хаёлига ҳам келтирмаётгани, агар очиқ-ойдин вакил бўлиш иложсиз экан, лоақал маслаҳатчиси бўлиб қолмоқчилиги кўриниб турарди.

– Ҳеч ким шошилаётгани йўқ, – деркан К. оҳиста ўрнидан қўзғалди ва оромкурсининг суянчигидан тутиб қўшимча қилди. – Мен узоқ ўйладим, ҳатто ҳаддан ташқари, ортиқ даражада узоқ ўйладим. Ниҳоят, қатъий қарорга келиб бўлдим.

– Унда бир-икки оғиз гапиришимга рухсат беринг, – деб адвокат устидан чойшабни четга сурниб, каравотнинг бир чеккасига ўтиради. Унинг оқ мўй билан қопланган яланғоч оёқлари совуқдан қалтиради. У К.дан дивандаги қалин жун рўмолни узатиб юборишни илтимос қилди.

К. жун рўмолни олиб бера туриб деди:

– Сиз бунақада беҳудадан беҳудага шамоллаб қоласиз.

– Йўқ, беҳудага деб бўлмайди, буларнинг бари жуда ҳам муҳим, – деркан адвокат парёстиқни орқасига тортиб, жун рўмол билан оёғини ўради. – Сизнинг амакингиз қадрдан дўстим бўлади, ўтган

вақт орасида ўзингизга ҳам меҳрим тушиб қолди. Бунга очиқ иқрорман. Бу ерда уяладиган, хижолатта тушадиган ҳеч нарса йўқ.

К. учун қариянинг жуда ҳам таъсирантирадиган ҳасратини эшитиш ёқимсиз эди, ҳолбуки, булар ўз қарорини бирма-бир изоҳдаб беришни талаб қиласар, у эса бундан асти ўзини олиб қочишини истар, устига-устак, буларнинг барибири куч билан уни уриб эзғилаётганини очиқ эътироф этиб ўтирас, аммо азму қарорини ўзгартиролмас, бир фикрга келиб бўлганди.

– Дўстона ҳис-туйфулар учун ташаккур, – деб гап бошлади у. – Сиз ўзингизча менга нима фойдали деб ўйлаган бўлсангиз, ҳаммасини қилдингиз, буни тўла англаб турибман. Бироқ кейинги пайтда бунинг ўзи етарли эмаслигига менинг ишончим комил. Маълумингизким, мен ҳеч қачон фикри ўйимни зўрлаб бировга тиқиширишга ҳаракат қилмайман, айниқса, ёши улуғ, шунга яраша кўп нарсани кўрган бир киши бўлса, агар унда-бунда беихтиёр бунга журъат этган бўлсан, мени афв этишингизни ўтиниб сўрайман, бироқ шу ерга келганда бу иш, худди ўзингиз лутф этганингиздек, фавқулодда жиддий бир паллага кирди ва унга ҳозиргига қараганда каттароқ куч билан ёндашмаса бўлмайди. Вазият шуни талаб қиласади.

– Мен сизни тушунаман, – деди адвокат. – Сиз жуда сабрсизсиз.

– Мен-ку у даражада сабрсиз эмасман, – К. бир оз газаби қўзиб деркан, тезда сўз танлашни бас қилиб, гапини лўнда қилди: – Эҳтимол, амаким билан биринчи марта келганимга эътибор берган бўлсангиз, устимдан қўзғатилган жиноий ишга қизиқиш мени бу ерга етакламаган, балки бўйнидан ип боғлаб, айтиш мумкин бўлса, зўрлаб олиб келингандим, шу учун ҳам тезда уни унутиб қўйгандим. Аммо амаким қаттиқ туриб

олиб, сизни манфаатларимни ҳимоялашга вакил қилиб таңласам, бу мен учун фойдали бўлади, дегани учун шундай қилган эдим. Бундан кейин, табиийки, бошимга тўнкарилган суд жараёнидаги талай югур-югурлар, дардисарликларни адвокат ўз зиммасига олар, мен булардан қисман бўлса-да, озод бўлиб, эркинроқ нафас олишимни кутса бўларди. Аммо ҳаммаси тескари бўлиб чиқди. Сиз манфаатларимни ҳимоя қиласман деб ишимни ўз қўлингизга олганингизга қадар ҳеч қачон устимдан кечаётган суд жараёни борасида бунчалик хавотирга тушмаган эдим. Унгача мен ёлғиз ўзим эдим, бу борада бирон-бир юмушга киришмагандим, ҳатто у нимадан иборат эканлигини қарийб тасаввур ҳам қилмагандим, кейин эса, ниҳоят, ҳимоячим топила қолди, шунга кўра, бу иш ўз жойидан жилар деган умидда ҳаммасини ўрнидан қўзғатиб юборадиган туртки бўлишини орзиқиб кутдим, охир-оқибат эса ҳаммасиничувалаштириб юбордингизу, аммо бирон-бир нарсанинг уддасидан чиқмадингиз. Тўғри, сиз менга суд ҳақида шунчалар кўп нарса гапириб бердингизки, эҳтимол, бошқа ҳеч ким бунча нарсани ҳикоя қилиб беришнинг уддасидан чиқмас. Бироқ энди кўпол қилиб айтганда, сув бошдан ўтди, суд жараёни ҳам шундай бир паллага кирдики, менинг учун бу чидаб бўлмайдиган қониқарсиз ҳол. – К. оромкурсини итариб юбориб, ўрнидан қўзғалди, бутун бўйи-бастини ростлади, қўлларини эса чўнтағига солиб олди.

– Жиноий иш жараёнининг ҳаммага маълум бу босқичида, – оҳиста ва хотиржамлик билан гап бошлади адвокат, – амалиётда кўрилганидек, ҳеч қанақа воқеа содир бўлмайди. Қанчадан-қанча мижозлар суд жараёнининг ушбу босқичида ҳолатингиздек бир алфозда олдимда туришиб худди сиз қайтарган гапларни қайташишган.

– Бу шуни кўрсатадики, – деди К., – бу кишиларнинг бари, худди мен каби ҳақ бўлишган. Сизнинг эътирозингиз мени ҳечам қониктирмади.

– Мен эътиroz билдиришга тараддуд кўрганим йўқ, – деди адвокат, – фақат шуни қўшимча қилишни истардимки, суд ишлари тартибига чуқур назар ташлаш имконини бериб, янада мулоҳазакорроқ бўлишни кутган эдим ва ҳамиша ўз мижозларим буни тушуниб олишлари учун имкон яратишга куйиб-пишаман. Энди бўлса ҳаммасига қарамай, менга ишониш кераклигини ҳис қилмаслигингизга икror бўлиш қолди. Бу менга ҳеч ҳам ёрдам бермайди.

Бу адвокат К.нинг олдида ўзини қанчалик ерга урди-я! Касби-корига хос керилишлар қаерга ғойиб бўлди. Афтидан у бу ерда ҳам бутун кучини, бор макрини ишга солмоқчидир. Нега у бу хўрликни ўзига сотиб олди? Унинг адвокатлик тажрибаси чакки эмас, устига-устак ўзига тўқиши бўлса, битта мижоз хизматини рад қилиши ва бундан кўрадиган фойدادан ажралиб қолиш унинг учун фожиа эмас-ку, ахир. Қолаверса, хаста бир киши сифатида, ҳар турли уринтириб қўядиган чигал ишларга ўзини уравериши шартми? Шунга қарамай, у К.га елимдай ёпишиб олди. Нима учун? Амакиси билан ошна бўлгани учунми? Ёки К.нинг устидан юритилаётган суд жараёни унга ҳақиқатан ҳам одатдан ташқари ноёб туйилдими ва ёки у бу билан тилга тушмоқчими? Аммо кимнинг олдида? К.гами – бу имкониятни ҳам назардан қочирмаслиги керак ёки ўз ҳаммаслаклари олдида нимага қодирлигини кўрсатмоқчими? Йўқ, К. унга зингил солиб қарагани билан турқидан ҳеч нарсани уқиб ололмади. У балки атайин юзига шунаقا тунд тус бериб, гаплари қандай таассурот уйғотганини билмоқчими деган хаёлга ҳам бориши мумкин киши.

Бироқ у К.нинг жимлигини ўзи учун хайрли деб ўйлади чоғи, яна бидирлаб кетди:

– Сиз, эҳтимол, ҳайҳотдай каттакон девонхонада биронта ёрдамчим йўқлигига эътибор берган бўлсангиз керак. Авваллари вазият бошқача эди. Ўшанда қўлимда бир қанча ёш-яланг ҳукуқшунослар хизмат қилишарди, энди эса биргина ўзим тер тўкишга мажбурман. Бу қисман менинг тажрибам ўзгаришлари билан боғлиқ, шунинг учун ҳам асосан ўзимни чеклаб, ҳудди сизникига ўхшаш суд жараёнлари билан шугулланаман, чунки бундай ишларнинг илдизига етиб кўрганман. Ва тушундимки, агар мен мижозим олдида гуноҳга ботишни ва ўз олдимдаги бурчимни бузишни истамас эканман, бундай ишни бошқага топшириш мумкин эмас. Барча ишни ўз зиммасига олиш қарорининг албатта бир талай ташвишлари ҳам бор: шундай бўладики, юракдан жой олган бир иш билан шугулланиш учун деярли барча мижозлар рад қилинади, бунинг устига яқин-атрофда юрган шунаقا шилқимлар борки, мен улоқтирган арзимас нарсаларни ютишга илҳақ бўлиб туришади. Бу етмагандек, яримжон бўлиб қолдим. Аммо буларнинг ҳаммасига қарамай, шу қарорга келганим учун бирор марта ҳам ачинганим йўқ, балки ҳатто янада кўпроқ ишлардан воз кечишимга тўғри келгандир ва бу жараёнларга бутун кучимни сарфладим, бу шундай бўлиши керак эди ва қўлга киритилган муваффақият билан ўзини оқлади ҳам. Танишган ҳужжатларимда оддий фуқаролик иши билан мана бунаقا мураккаб иш борасидағи фарқ ажойиб бир тарзда аниқ кўрсатиб берилиган эди. Унда шундай ёзиб қўйилган: биринчи воқеага кўра, адвокат ўз мижозини суднинг ҳукмигача ип билан борглаб олиб боради, иккинчисида эса у мижозини дарров елкасига мин-

дириб ҳукмгача олиб борар, ҳатто ундан кейин ҳам елкасидан туширмайди. Бор-йўғи шундай. Лекин бундай катта ишни зиммамга олганимдан ҳеч қачон ўкинмайман, деган эсам-да, ўзимдан ҳам ўтганга ўхшайди. Агар сизга ўхшаб бирор шунча ишимни бир пулга чиқарса, шундан кеинингина афсус-надомат қилишга тушаман.

Бироқ бутун сұхбат К.ни ишонтириш ўрнига, тезда қонини қайнатиб юборди. Аллақачондан буён адвокатнинг бир оҳангдаги эзмаланишлари шундай туйилдики, у агар яна бу кимсага ўзини топширса, адвокатдан айнан нимани кутса бўлади: яна умидвор қилишлар авж олиб, суд амалдорларининг руҳиятини маст қиласиган арзномалар устидаги иш давом этар, улар ишни юритиб юборишига шама қилинаверар, ҳолбуки, ишдаги тўсқинлик ва қийинчиликлар ўз ҳолича тураверар, хулласи калом, адвокат кўнгилни айнитар усулларни кўллаб, К.ни алдаганча ноаён умидлар ва таҳдидли ваҳималар билан қийнашда давом этарди.

Буларнинг барига қатъий бир нуқта қўйиш керак деб ўйлаган К. сўради:

– Менинг ишончли вакилим бўлиб қолаверган тақдирингизда яна қандай тадбир қўллаган бўлардингиз?

Адвокат ўзи учун ҳатто таҳқирловчи савол янграганига қарамай норозилик билдирамди ва деди:

– Мен шу пайтгача қилиб келган ишимни давом эттираман-да.

– Ўзим ҳам шундай дейишингизни билардим, – чўрт кесди К. – Бехуда гап-сўзлар билан вақтимизни кетказиб ўтирумайлик.

– Йўқ, мен яна бир йўлни ишга солсам ҳам бўлади, – деди адвокат. – Кўряпсизми, фақатгина холис ёрдамимга билдирган адолатсиз баҳонгиздан эмас, йўқ, балки бутун ҳолатингиздан гумондаман, ҳолбуки, айланувчи бўлишингизга қара-

май, шу пайтгача сизга ҳаддан ташқари яхши муносабатда бўлинди, буни янада аниқроқ ифодалаш керак бўлса, ўз ҳолингизга қўйиб қўйилиб, ҳеч кимнинг сиз билан иши ҳам бўлмади. Бироқ буларнинг ҳам ўзига яраша сабаблари бор; бунақангидан кўра баъзан занжирбанд этилиш беҳроқдир. Нима бўлганида ҳам бошқа айбланувчиларга қандай муносабатда бўламан, сизга бир кўрсатиб қўйишни истар эдим; эҳтимол, бу сиз учун фойдали сабоқ бўлса ҳам ажаб эмас. Мен ҳозир Блокни ҳузуримга чақираман. Эшикнинг қулфини очиб, мана бу тунги стол ёнига бориб ўтиринг.

– Бажонидил! – мамнуният билан деди К. ва адвокат буюрганидек қилди: сабоқ чиқаришга у ҳамиша тайёр эди. Бироқ қанақа вазият бўлишидан қатъи назар, ўз эҳтиётини қилиб қўйиш учун яна бир бор адвокатдан сўради:

– Аммо мен сизни вакилим бўлиш вазифасидан озод қилдим, шу янгиликни маълумот сифатида қабул қилдингизми?

– Ҳа, – оҳистагина деди адвокат, – бироқ ўз қарорингизни бугуноқ ўзгартиришингиз мумкин.

У яна ёстиқчаларга чўкиб, чойшабни тумшугигача тортди ва девор томонга бурилиб, қўнғироқ қилди.

Қўнғироқ бўлиши билан шу заҳоти хонага Лени учиб кирди, у апил-тапил алантглаб, нима воқеа юз берганини тушуниб олишга уринди; К. адвокат тўшагининг бир четида тинчгина ўтиради, бу қизни хотиржам қилди. У табассум билан К.га бош силкаб қўяр экан, унга жавобан йигитнинг нигоҳи ўзгармади.

– Блокни олиб кир, – буюрди адвокат.

Бироқ қиз чиқиб кетиши ва Блокни бошлаб келиш ўрнига шунчаки эшикка яқинлашиб, шу ерданоқ қичқирди:

– Блок! Адвокатнинг оддига! – деркан, адвокат девор томонга ўгирилиб олганча, ҳеч нарсага эътибор қилмаётгани боис, қиз К.нинг оромкурсиси орқасига суйкалди.

Бу лаҳзаларда қиз уни ҳоли жонига қўймади: гоҳ оромкурсининг суюнчиғидан ошибб, эгилиб-букилар, гоҳ икки қўли билан, албатта, жуда эҳтиёткорлик ва латифлик билан соchlарини тарап ёки кафтлари билан бўйнини сийпаларди. Охир-оқибат, К. буни бас қилдирмоқчи бўлиб, нозик қўлларни маҳкам ушлаб олди. Аввалига қиз қўлларини тортиб олишга уринди, бироқ кейин бунга ҳам рози бўла қолди.

Блок биринчи чақириқдаёқ остонаяда пайдо бўлиб, эшик оғзига келиб турганча, кирсамми ёки йўқ, деб гўё тараддулданарди. У қошларини учирив, бошини энгаштирди-да, адвокатнинг оддига кириш борасидаги буйруқ яна қайтарилармикан, деб қулогини динг қилиб турди. К. уни чақириб, дадиллантирмоқчи бўлди, аммо у мана бу адвокатдангина эмас, балки, умуман, бу хонадонда бўлиб ўтадётган ҳамма воқеадан қўлинин ювиги, қўлтиғига урмоқчи, бутунлай этак силкимоқчи эди, шу боис ҳам томошада қатнашмай, ўзини чеккага олди. Лени ҳам индамай ўтиради. Қарадики, уни бирор ҳайдётгани йўқ. Блок оёқ учida хонага кирди, аммо титроқди бир алфозда қўлларини орқасига яшириб олганди. Агар чекиниш керак бўлса, ҳар эҳтимолга қарши имконият бўлсин, деб эшикни ҳам очиқ қолдирди. У К.га қарамади ҳам, бутун дикқатини йигиб, нигоҳини баланд партўшакка тикди, партўшак остидан адвокатни кўриб ҳам бўлмасди; у ҳаддан ташқари деворга қапишиб олганди.

Партўшак тагидан овоз келди.

– Блок шу ердами?

Жуда ҳам яқинига келиб қолган Блок бу саводдан бир сапчиб, гандираклаб кетди, гўё уни ким-

дир елкасига туширгандек, суроби тўғриланган бир алфозда итоаткорлик билан фўлдиради:

– Хизматингизга мунтазирман.

– Сенга ўзи нима керак? – сўроқча тутди адвокат. – Яна бекорга келибди.

– Аммо мени чақиргандек бўлдилар, назаримда? – Блок ўсмоқчилаб сўрар экан, у савонни гўё адвокатга бергандек бўлса-да, аслида ўзига берган бўлиб қўлларини кенг ёйди ва бу ердан қочиб қолмоқча шайланди.

– Ҳа, чақирилдинг, – деди адвокат. – Лекин барабир бекордан бекорга келибсан. – Адвокат бир зум тин олиб турди-да, кейин қўшимча қилди:

– Сен ҳамиша шундай bemavrid пайтда пайдо бўласан.

Адвокат гапириб турган бу паллада, Блокнинг каравот томонга қарашга-да юраги дов бермас, бурчакка тикилганча, фақат унинг овозини ютоқиб тинглар, гўё у билан сўзлашаётган кишининг нурли қиёфасидан кўзи қамашишидан хавфсираётганга ўхшарди.

Бироқ адвокатни эшлиши жуда мушкул, чунки у деворга қараб олганча тез ва паст овозда гапиради.

– Мен кета қолсам, сизга тузук бўлармиди? – Блок изн сўради.

– Келибсанми, тура тур-да, энди! – деди адвокат.

Бу билан адвокат Блокнинг истагини бажо келтирмоқчи эмас, балки аксинча, сўкиб-жеркиб қўрқитмоқчи, шунинг учун ҳам бу сўзлардан Блокни бутун жисми жони қалтироқча тушди, деган фикр-мулоҳазага бориш мумкин эди.

– Кечада мен учинчи даражали ҳакамнинг олдига бордим, – деди адвокат, – қадрдоним бўлган бу киши билан суҳбатимиз бошидан охиригача сен ҳақингда бўлди. У нима деганини билишни истайсанми?

– О, албатта, сиздан ўтиниб сўрайман, – деди ёлвориб Блок.

Бироқ расамади худди шундай бўладигандек, адвокат тезда жавоб қилмади, Блок яна бир бор ўтинди, ҳаддан ташқари эгилиб-букилди, гўё тиз чўккудек эди. Бироқ шу жойда К. унга бақириб берди.

– Нима қиляпсан ўзи? – Лени тинчлантиро-моқчи бўлганди, йигит унинг бошқа кўлини ҳам маҳкам ушлаб олди. Буни муҳаббати жўшиб кетганидан қилгани йўқ, қизнинг қўлларини янада қаттикроқ қисганди Ленивой-войлаб, уларни тортиб олишга уринди. К.нинг ўчини Блокдан олмоқчи бўлган адвокат шу заҳоти ундан сўради:

– Сенинг адвокатинг ким?

– Сиз! – жавоб қилди Блок.

– Мендан бошқа яна кимлар бор? – қасди-бастига олди адвокат.

– Ҳеч ким.

– Сен ҳамиша шундай бўл, алакимларнинг гапига кириб юрма! – амр этди адвокат.

Блок унинг нима демоқчилигини фаҳмлаб қолди ва К.га ёвқарашиб қилди-да, бошини қатъий силкиди. Агар бу норозиликни сўзга ўгирса борми, ҳаддан ташқари шалоқ сўкишлар бўлиб янграши турган гап эди. К. шундай одам билан ўз ишини дўстларча муҳокама қилишга тараддуд кўриб ўтирибди-я!

– Сенга ҳалал бермайман, – деди К. оромкурсини суриб, – истасанг, тиз чўк, оёғига ўзингни ташла хуллас, билганингни қил. Сира ҳам арапашмайман.

Афтидан, Блокнинг орияти сўнмаган, жилақурса К.нинг олдида паст кетгиси келмасди, у мушт қилиб туғилган қўлларини силкитганча К.га томон юрар экан, адвокат эшитишдан чўчиған овозда чийиллай кетди.

– Мен билан бунақа гаплашишга ҳаққингиз йўқ! Бу жуда ҳам ножўя қилиқ. Сиз нимага мени хафа қиляпсиз? Яна жаноб адвокатнинг олдиларида. Бу ерда иккимизга ҳам, менга ҳам, сизга ҳам фақат марҳамат юзасидангина чидаб келинади. Мендан ҳеч қанақа ортиқ жойингиз йўқ, сиз ҳам бир хом сут эмган айбдор банда, сизга қарши ҳам жиноий иш қўзғатилган. Агар ўзингизни олиймақом одам ҳисоблар экансиз, менинг ҳам ҳеч кам жойим йўқ. Эҳтимол, сизга қараганда мақомим ҳам юқоридир! Шунинг учун ҳам айнан мен билан бундай оҳангда гаплашаман деб ўзингизни қийнаманг! Такрор айтаман! Балки сиз шу оромкурсига ўтирганингиз учун ўзингизни имтиёзлимсан деб ҳисобларсиз, мен эса лутф қилганингиздек, оёғига бош уришим керакдир. Шу жойда хотирингизга эски бир қисмат нақдини солиб қўйишга рухсат этинг: айбланувчи учун бир ерда тинч ўтиргандан кўра, ҳаракат қилиш беҳрок, чунки тинч ўтирадиган бўлсанг, ўзинг ва жами гуноҳларинг билан тарозининг бир палласида ўтириб қолишинг, буни ҳатто билмаслигинг ҳам мумкин.

К. ҳеч нарса демади, фақат бу ақлинни йўқотаётган кишига ҳайрон бўлиб тикилиб қаради. У борйўғи бир соатнинг ичидаги неча бир мақомга кириб, қанчалик турланиб-тovланди-я! Наҳотки, устидан қўзғатилган суд жараёни шунчалик ақли-хүшини ўғирлаб, ким ёри, ким ағёри эканлигини фахмлашдан мосуво қилган бўлса? Наҳотки, адвокат уни атайнин хўрлаётганини кўрмайтган бўлса, ахир адвокат бу сафар фақат бир мақсадда – ҳокимиятини К.нинг олдида қўз-қўзламоқлиги кундек аёнку ва эҳтимол, шу билан ўз хоҳишига уни ҳам бўйсундирмоқчидир? Агар ҳақиқатан ҳам Блок буни англаш иқтидоридан жудо ёки ҳеч бўлмаганда, адвокатдан шу даражада юрак олдириб қўйган бўлса, ҳатто ўз ҳолини англаб тургани ҳам унга ёр-

дам бера олмаса, қандай айёрлик қиласы, қандай қилиб адвокатни алдашга юраги дов беріб, уңдан ташқары яна бир неча адвокатни ишига жалб қилғанligини яшира олади? Яна буниси етмагандек, у қандай қилиб, ҳар лаҳзада махфий сирини фош эта олиши мүмкін бўлган К.нинг нақ ўзига ҳужум қилишга журъат қилиши мүмкін?

Бироқ Блок бунгагина ботина қолмади; у адвокатнинг тўщагига яқинлашиб, К.дан ёзғиришга тушиб кетди.

– Жаноб адвокат, – мурожаат қилди у, – сиз ўз кулогингиз билан эшиздингиз-а, бу одам қанақа оҳангда мен билан гаплашаётир? Устидан кўзгатилган иш қандайдир арзимас қисқа бир вақтга чўзилган кимса менга, унча-мунча эмас, суд жараёни нақ беш йилга судралган кишига билагонлик қилиб нималарнидир ўргатмоқчи бўлади. Яна бу етмагандек, сўкиб-сўйлагани-чи! Ҳеч нарсадан хабари йўгу болохонадор қилиб сўкинишига ўлайми, ҳолбуки, мен ҳарқалай, ўзимнинг ожиз ва кучли томонларимни жуда яхши биламан, суд анъаналаридан хабардорман, талаб қандай, бурч ва тартиб нимадан иборатлигини ҳам ўзлаштириб олганман.

– Ҳеч кимга ишинг бўлмасин, – деди адвокат, – нимани тўғри деб билсанг, шундай қил.

– Албатта, – деди Блок, гўё ўз-ўзидан куч олгандай, у ёқ-бу ёққа аланглаб, шундоқ каравотнинг оддида тиз чўкиб ўтириди. – Ҳимоячим, олдингизда нақ тиз чўкканча ўтирибман! – деди у. Бироқ адвокатдан садо чиқмади. Блок бир қўли билан партӯшакни эҳтиёткорона сийпалади.

Жимлик тушганида К.нинг қўлидан қўлларини бўшатиш умидида Лени бирдан тилга кирди:

– Қўйвор. Жонимни олай дединг. Мен Блокка юзлансанм дейман.

Қыз зипиллаб ўтиб, тұшакнинг бир чеккасига ўтириди. Блок бундан қувончи ичига сиғмай ҳовлиқди ва билинар-билинмас имо-ишоралар билан лаб-лунжини қимирлатиб, адвокат олдидә ўзини ҳимоя қилишни ўтинді. Афтидан, уни пичоқсиз сүядиган шундай бир маълумотни етказиб, адвокатни қармокқа илинтириш керак, Лени адвокатта қандай хушомад қилиш кераклигини жуда яхши билади, шунинг учун ҳам күzlари билан Блокка баайни ўпич олмоқчи бўлгандек, лабларини чўччайтириб, унинг кўлига ишора қилди. Блок шу жойда Ленининг имо-ишорасига кўра адвокатнинг қўлини олиб, қайта-қайта чўлпиллатиб ўпаверди. Бироқ адвокат ҳамон матонат билан индамай ўтиради. Лени адвокат томон эгилиб, каравот устига жуда ҳам энгашганча, дуркун ва гўзал бутун қадди-қоматини намоён қилди ва чолнинг бошига жуда яқин келиб, узун оқ соchlарини силади. Эндиги ҳолга ҳеч ҳам индамай ўтириб бўлмасди.

– Буни унга маълум қилиш учун бирон-бир қарорга келганим йўқ, – деркан адвокат бошини сал бир томонга бурди, – эҳтимол, Ленининг тегишишини яхшироқ ҳис қиласмоқ учун шундай қилгандир. Блок эса бошини солинтириб олганича, гўё тақиқланган қандайдир нарсага ўтилгандек, қулоғини динг қилиб тингларди.

– Сенга бунинг учун нима монелик қиляпти? – қизиқсанди Лени.

К. ўзини гўё ёдлаб олинган матнни эшитаётгандай ҳис қилди, аллақачондан буён тез-тез такрорланиб турган, ҳали яна кўп қайтариладиган бу гап-сўзлар Блок учун ҳеч қачон ўз янгилигини йўқотмайдигандек эди.

– У бугун ўзини қандай тутяпти? – адвокат жавоб ўрнига сўроққа тутди. Ўз фикрини қандай айтишдан олдин Лени Блокка қараб қўйиб, та-

раддулданиб турганда, у эса қанчалик ёлворувчан нигоҳ билан қизга икки кўлини кўтарганига кўзи тушди. Ниҳоят, қиз қатъий бир тарзда бошини қимирлатиб, адвокатга ўгрилди-да, деди:

– У жуда ҳам тиришқоқ, мўмин-қобил бўлиб қолган.

Бу соқоли оқарган савдогар, кўпни кўрган кекса киши ўзи ҳақида яхши бир мулоҳаза уйғотиб беришини истаб, шу қизчага зор уриб турарди. Эҳтимол, бу қилиғи ортида бирон-бир кўзлаган нияти – кося остида нимкоса фикри бордир, шундай бўлса ҳам бошқаларнинг кўзича буни оқлаб бўлмайди. Ҳатто бу кўриниш кузатиб турганларни ҳам ҳақоратларди. Демак, адвокатнинг иш услуби ўзи шунаقا (қандай баҳтки, К. бу баҳри мухитда узоқ тутилиб қолмади!) – мижозини ёруғ оламдаги ҳамма нарсани бутунлай унтиб қўйиши даражасигача элтиш ва уни зўрлаб ёлғон бир йўлда бошидан умидворлик билан жараённинг охиригача судраб олиб боришга эришишдан иборат. Наҳотки, шу Блок унинг мижози бўлса? У адвокатнинг ити-ку! Агар бу киши унга каравотнинг тагига кир деб буюрса, ўша ердан туриб хуради ва итоаткорлигидан ўзича лаззат ҳам олади. К. диққатини бир жойга жамлаб, ҳаммасига соме бўлиб турар, гўё бу ерда нима гапирилган бўлса, унга барини битта қолмай тинглаб, эслаб қолиш топширилгану ҳеч бирини оқизмай-томизмай арши аълода ахборот бериши лозимдай эди.

– Бутун кун бўйи у нима иш билан машгул бўлади? – сўради адвокат.

– Мен уни атрофимда ўралашиб, ишимга халақит бермасин деб, хизматкорлар хонасига қамаб қўяман, – деди Лени. – У ҳамиша ўша ерда ўтиради. Вақт ўтгани сайин ора-сирада нима қиляпти деб, ойначасидан қараб тураман. У эса каравотда чўкка тушиб олганча, дераза рафига

хужжатларни ёзиб олиб, берганингни ўқигани ўқиган. Назаримда бу жой кўнгилдагидек, яъни даричасидан ҳовлига чиқилади, икки эшик орасига тушган девор бўлганидан, у ерга қарийб ёруғлик ҳам тушмайди. Шунга қарамай, Блок мутолаасини ҳеч канда қилмайди. Унинг қандай чидамли эканлигини шундан ҳам билса бўлади.

– Буларни эшитмоқ мени хурсанд қиласди, – деди адвокат. – Бироқ у ўқиёттаниларига тушунармикан?

Уларнинг суҳбати кечаётган пайтда Блок тўхтовсиз лабларини қимирилатиб шивирлар, қайсики олдиндан тайёрлаб кўйган жавоблари Лени томонидан янграшига умид қиласди.

– Ҳм, бу саволга, – деди Лени, – очифи, аниқ-равшан жавоб беришим қийин. Ҳарна бўлгандада ҳам унинг жуда ҳам қунт билан қироат қилишига гувоҳлик беришим мумкин. Бутун кун давомида у бир бетдаги жумлаларни қайта-қайта ўқиб, сатрлар устидан бармоқларини юритгани юритган. Қараганимда, гоҳ уҳ тортганига кўзим тушади; мутолаа унга қанчалик машаққат экани шундан ҳам билинади. Сен унга, афтидан, жуда ҳам тушунарсиз, роса бошни қотирадиган хужжатларни берган бўлсанг керак.

– О, тўғри! – кўшилади адвокат. – Улар ҳакиқатан ҳам осон эмас. Очифи, буларга унинг фаҳми етишига ишона олмайман. Мен фақат бу хужжатларни Блокнинг кўлига, уни оқдаш учун қанчалик аёвсиз жанг қилишимга тўғри келишини тушуниб етсин, деган умидда берганман. Ахир кимнинг хурсандчилиги учун бунчалик жонимни жабборга бериб ётибман? Хурсандчилиги... Блокнинг хурсандчилиги учун дейиш, йўқ, йўқ, жуда ҳам кулагили! У ҳеч бўлмаса буни қадрлашни ўргансин-да. Аммо у бу билан мунтазам шуғулланадими?

– Ҳа, қарийб дам олмасдан шуғулланади, – жавоб қилди Лени. – Фақат бир бора томогини ҳўллаб олишни илтимос қиласди. Мен унга дераза тавақаси оша стаканда сув узатаман. Соат саккизлардагина у чиқиб, озгина тамадди қилиб олади.

Блок менсимайгина кўз қирини К.га ташлаб қўйди, ўзининг номига бўлган бу мақтovлар унда шундай бир кўтаринкилик уйғотмаслиги мумкин эмасди. Афтидан, унда яна умидворлик уйғонган, эркингина ҳаракат қиласар, ҳатто тиззаларини бир-бирига типир-типир уриб қўярди. Мана бирдан кутилмаган ўзгариш кўзга ташланди: у адвокатнинг сўзларидан тошдай қотди.

– Сен ҳамон уни мақтаганинг-мақтаган, – деди адвокат, – мен эса бундай дейишим жуда қийин. Гап шундаки, суд ҳаками Блокнинг ўзи-ю устидан қўзратилган жиноий иш жараёни ҳақида нохуш гап қиляпти.

– Жуда ҳам нохушми? – қайта сўради Лени. – Наҳотки? – Блок ҳам қизга шундай бир ёлворувчан нигоҳ билан зўриқиб қарадики, аллақачон ҳакам томонидан айтиб бўлингган сўзни қиз шу ернинг ўзида ҳозироқ унинг фойдасига ўзгартириб юборишга қодирлигига баайни ишонарди.

– Ҳа, нохуш гап, – деди адвокат. – Ҳатто Блок ҳақида гапга солсам, ижирғаниб: «Менга шу Блок ҳақида гапира кўрманг!» деди у. «Бу қанақа бўларкин! Ахир, Блок менинг мижозим-ку», дедим эътиroz қилиб мен. «Сизнинг бу яхшилигинизни суистеъмол қиласилар», гапидан қолмади у. «Бироқ мен бу ишдан умидимни узолмайман». «Ахир сиздан фойдаланадилар-ку!» – Ҳалиги гапини яна қайтарди у. «Сўзингизга қўшилмайман, – деб эътиroz билдириша давом этдим мен ҳам. – Блок ҳамиша суд жараёни билан андармон, кун бўйи шу билан банд бўлади. У ҳатто ҳар вақт ҳар нарсага тайёр туриш учун, аллақачондан буён

меникіда яшайди. Бунақа ҳафсала камдан-кам кишида учрайди. Түғри, унинг шахсида бир талай құлансалылар йўқ эмас, жирканч одатлари бор, у бир исқильт, бироқ ўзининг устидан олиб борилаётган жараённинг ташвишини қилишда у бекам-кўст, ҳеч камчилиги йўқ». Мен у ҳақда атайин «ҳеч камчилиги йўқ», дедим, – лекин маълум бўлишича, бўрттириб юборибман. У менга шунда мана буларни эслатиб кўйди: «Блок – пихини ёрган айёр. У ана шундай сансалорликда устаси фаранг бўлиб кетган. Аммо нодонлиги айёргидан бир неча карра ошиб тушади. Қани у шу даражада нодонлигини ўзи ҳам била қолса эди, у ҳатто жиноий иш жараёнини илк кўриш учун йигилишга қўнғироқ ҳам чалингани йўқ, деб айтишларини кутадими-ей?» Тинчлан, Блок! – деди адвокат тиззалири қалтираб, туришга уринаётган Блокка қараб, афтидан у буни изоҳлаб беришга изн сўраш ниятида эди.

Шунда адвокат биринчи марта буларнинг барини Блокнинг ўзига бевосита изоҳлаб беришга қарор қилди. У ҳорғин кўзларини солинтириб қараса-да, Блокка разм солмади, бироқ Блок бу қараш остида яна оҳистагина чўккалаб қолди.

– Сенинг учун ҳакамнинг фикри ҳеч қанақа аҳамиятга эга эмас, – гап бошлади адвокат, – ҳар бир сас-садодан ҳам кўркиб-писаверма, ўзингни шунақа тутиб, шалвирайверсанг, умуман ҳеч нарсани айтмайман. Кўзларингни жавдиратиб гўё устингдан ўлим ҳукмини ўқишаётгандаридай ўзингни тутасан-а! Ҳеч бўлмаса мижозимдан уял-э! Бу қилиғинг билан унинг ишончини ҳам дарз кеттиряпсан. Айт, сенга нима керак ўзи? Ҳарқалай, ҳозирча тупроқдан ташқаридасан, қолаверса, ҳали ҳам ҳифзу ҳимоямдасан. Нега бунчалик бемаъни даҳшатларга тушмасанг! Шундай ҳодисалар ҳам бўлиб турадики,

қаердадир сен ҳам ўқигандирсан, бирдан ҳеч кутилмаганда, кимга қачон, нима қулай бўлса, худди шундай ҳукм овозаси чиқади. Анов-манов маталлардагина бунақаси учраса-да, бу бўлган ҳақиқат, аммо сенинг бунақа даҳшатга тушишларинг, кўрқиб-қалтираб туришларинг бу гапларимнинг тамоман акси, мен уларда жуда ҳам керак ишонч етишмаётганини кўраман. Сенга бирон-бир кўрқинчли нарса айтидимми? Бундай аҳволда нима қила оламан? Мен бор-йўғи бир ҳакам сифатида ўз фикримни билдиридим, холос. Бироқ сен жуда яхши биласан, ҳар қанақа ишнинг теварагида минг турли фикр-мулоҳазалар айтилади, қарашлар тўпланади, уларнинг қайси бири тўғрилигини аниқдаш жуда қийин. Мисол учун, мана бу ҳакам жиноий иш жараёни бошидаги бир ҳолатни муҳим ҳисоблайди, мен бўлса бутунлай бошқасини. Бу ерда бор-йўғи фикр-мулоҳазалар ўргасида фарқ бор, бошка ҳеч нарса. Жараённинг муайян босқичида эса, эски таомилга кўра, кўнгироқ орани очади. Бир ҳакамнинг фикрига кўра, суд жараёни айни шу палладан бошланади. Ҳаммасини ҳозир сенга ипидан игнасигача тушунтириб ўтиромайман, деганим нуқтаи назарлар ҳар хил, нотўғри-тўғрилигини кўрсатиш учун керак эди. Сен барибир буларни тушунмайсан, шу боис ҳам фақат қарама-қаршиликлар кўп бўлишини айтишим мумкин, холос.

Блок каравотдаги ипак гиламчани довдираганча чимдиб ўтирас, уни ҳакамнинг фикри жуда ҳам кўркитиб юборгани кундек аён, шу боис ҳам адвокат олдидаги бу хўрланиш онларини бутунлай унутиб, фақат ўзи ҳақида хаёл сурар, ўзича ҳакамнинг сўзини ҳар томонлама ўйлаб кўрарди.

– Блок! – Лени уни огоҳдантириб, ёқасидан ушлаб, юқорига тортди. – Мўйнани юлқилайверма, адвокат сенга нима деяпти, яхшилаб эшит.

ИБОДАТХОНАДА

К. топшириқ олди: анчадан буён банк билан дүйсона ҳамкорлик қылыш келаётган ва бу соҳада жуда ҳам қадрланадиган бир итальянни бир қанча санъат обидаларига зиёрат қылдириб чиқиши керак. Бошқа пайт бўлганида К. ҳеч шубҳа-гумонга бормай, бунақа топшириқни ҳаммадан ҳам кўра фахрли ҳисоблар, жон деб қабул қилар, бироқ ҳозир банкда қозониб келган обрў-эътиборини сақлаш учун катта сабр-бардош талаб қилинаётган бир пайтда бу топшириққа истамайгина зўрга рози бўлди. Зоро, иш кабинетидан ташқарида ўтган ҳар бир дақиқаси унинг учун қаторасига дилисиёҳлик олиб келар, ҳолбуки, у анчадан буён ишда ҳам аввалгидек вақтини баракали ўтказолмай, хуноб эди. Баъзан арзимас идоравий нарса учун ишда соатлаб бехуда вақти ўтар, бироқ ишхонада бўломмай, шундан ҳам бенасиб қолиш қайғуси уни баттароқ азобларди. Шунингиз ҳам уни ҳар он тақиб қылшиб юрган директор мувовини иш бўлмасига тап-тортмасдан кириб, столи ёнига ўтириб олганча қофозларини титкилаб, К. нақ йиллар давомида алоқа қилиб, ҳатто дўсти-қадрдан бўлиб кетган мижозларини қабул қилишга тушган экан, уларни К.га қарши қайрайдигандай, ҳа, ҳатто қандайдир хатоликлар томондан ана шунақа хато-ю камчиликлар унга таҳдид солиб, ўзини улардан қаерга қочиб қутулишини билмаётгандай ҳис қиласиди. Ҳозир унга қа-

нақадир, ҳатто жуда ҳам фахрли бўлган ишга оид юмушни – кичик бир зиёратни топширишиди ҳам дейлик – лекин кейинги пайтларда бундай топшириқлар, буниси ҳақиқатан ҳам тасодифий бўлса-да, кўпайиб боряпти. Шу боис баъзан уни атайин иш бўлмасидан узоқлаштирилиб, гўё ишни назорат қилмоққа, текширмоққа уринилаётгандек, ҳатто усиз ҳам ҳаммаси ўз йўлида кетавериши мумкинлигини таъкидламоқчилардай туйилади.

Жуда кўп топшириқларни рад қилиш мумкин эди, бироқ бунисида бир қарорга келолмади; агар у шубҳа-гумонларида қандайдир майдагина бир асос кўриб, шунаقا топшириқларни рад қиласар экан, гўё бу билан ўз ваҳима-кўркувларига икрор бўлган бўлади. Шунинг учун ҳам у бу каби топшириқлар ўзи учун фарқсиздай ими-жимида қабул қиласерар, ҳатто кунлардан бирида захматталаб икки кунлик хизмат сафарига чиқишига тўғри келганида ҳам, ёқимсиз куз ҳавоси, кун бўйи ёмғир ёғиб чиқиши мумкин бўлиб турганига қарамасдан, ҳатто бу сафарни бекор қилмасинлар дея Худога ўтиниб, қаттиқ шамоллаб қолгани ҳақида ҳам лом-мим демади.

Ниҳоят, мана шу сафардан боши ёрилар даражада оғриб, қайтиб келар экан, эртага у итальян меҳмонга йўлдошлиқ қилишга тўғри келишибидан хабар топди. Бу сафар топшириқни рад этишга кутқу соладиган ҳар хил важ-корсонлар анча-мунча эди, айниқса, ўйлаб чиқарилган бу топшириқнинг бевосита унинг хизмат вазифасига ҳеч қанақа дахли йўқ эди. Ҳеч шубҳасиз, ҳамкорлик боис ташриф буюрганинг кўнглига қараб меҳмондўстлик таомилларига риоя қилиш керак бўлади, аммо К. учун бу муҳим аҳамиятга эга эмас, шуни аъло даражада биладики, ишда уни қобилияти, касби-корига оид муваффақияти ва омилкорлиги, ўз ишини яхши билгани учун

ушлаб туришибди, агар қўлидан иш келмаса, қолганларининг барчаси ҳеч бир фойдасиз, ҳатто мана бу итальянни фавқулодда сеҳр-жоду билан ўзига асир этган тақдирда ҳам бундан ҳеч иш чиқмасди; у бир кун ҳам ўзининг ишдаги нуфузидан ажralиб қолишни истамас, бундан кейин ишга яқинлаштиrmайдилар деб ҳаддан ташқари кўрқар, ҳолбуки бу ваҳималарга қанчалик ёпишиб олинса, шунчалик қалби нотинчланиб, ўзини қўйгани жой тополмай қолишини жуда ҳам яхши англаб турарди. Аммо бунаقا кутилмаган вазиятда топшириқни рад этиш учун арзирли баҳона тополмади. К. ҳарқалай жуда зўр бўлмаса ҳам, керакли даражада итальян тилини эгаллаган, ундан ҳам асосийси, ўсмиргиданоқ санъатга қизикқанидан бу масалада анча-мунча билағон, шунда ҳам ўз касби-кори борасидагина тушунчаси бўлиб, банкда эса қадим осориатиқаларни муҳофаза қилиш маҳаллий жамиятига озгина вақт аъзо бўлганидан хабар топишгач, бу соҳадаги билимига жуда катта аҳамият беришарди. Итальян меҳмон санъатнинг ишқибози бўлиб чиқсан экан, унга йўл бошловчилик қилиш мақоми ўз-ўзидан К.нинг зиммасига тушар эди.

Эрталабданоқ ёмғир ёғиб турар, тўпалаңг шамол қўтаришган, К. олдда турган кун ҳақида ўйларкан, аввалданоқ ғижиниб, қони қайнади, ҳали соат етти бўлмасдан банкка келди-да, меҳмоннинг ташрифи унга ҳалал бергунга қадар айрим ишларини битириб олмоқчи бўлди. У жуда ҳам ҳоргин эди, кеча ярим тунгача ўтириб, итальян тили сарфи-наҳвини қараб чиқсан, ишқилиб, бирмунча тайёргарлик кўрганди; ҳозир эса дераза олдига бориб, теваракни кузатмоқ истади, чунки кўп вақтини ёзув столи ёнида ўтиришдан кўра, шу ерда ўтказишни хуш кўрарди,

аммо орзиқтирувчан бу хаёлни енгиб, ишга ўтириди. Таассуфки, күп ўтмай хонага чопар кирди ва жаноб директор жаноб К. келганми ёки йўқ, кўз ташлаб кел, деб юборганини, мабодо шу ерда бўлса, малол келмаса, тез қабулхонага ўтсин, деб айтганини, итальян меҳмон ҳам аллақачон шу ерда эканини унга хабар қилди.

– Ҳозир бораман, – жажжи сўзлашгични чўнтаига тиқиб, оддиндан меҳмонга совға сифатида тайёрлаб кўйган, шаҳарнинг дикқатга сазовор жойлари туширилган альбомни қўлтиғига қистирди ва директор қабулхонасига муовинининг иш бўлмаси орқали ўтиб борди. У ўзини баҳтиёр ҳис қилди, шундай эрта ишга келса-ю яна дарров, эҳтимол, ҳеч ким кутмаган бир пайтда директорнинг назарига тушиб ўтиrsa. Маълум бўлишича, муовиннинг иш бўлмаси бўм-бўш, гўё унда ҳали яrim кеча сокинилиги ҳукмрон эди; албатта, директор уни чопар орқали қабулхонада бўлишини сўраганида муовиннинг ўз жойида йўқлигини кўрган бўлиши керак. К. қабулхонага кирганида, истиқболига икки киши ҳашаматли ором курсилардан турди. Директор унга очиқ чехра билан табассум қилди, афтидан, К.нинг келганидан хурсанд бўлгани кўриниб, уни дарров итальянга таништирди; меҳмон ҳам К.нинг қўлини қаттиқ қисиб, табассум билан эрта келар читтаклар ҳақида нимадир дерди. К. меҳмон нима демоқчи бўлаётганини дарров тушуна олмади, сўзлар унга қандайдир нотаниш эди, К. фақат кейинроқ унинг сўзи маъносини фаҳмлагандай бўлди. К. ҳам сип-силлиқ иборалар билан жавоб қилди, итальян яна тиржайиб қўйди ва бир неча бор ўзининг хурпайган кўкимтири-қора, мош-гуруч мўйловини силаб қўйди. Мўйловларига сепиб олган атири ҳиди шундоқ уфуриб турар, ҳатто яқинига бориб ҳид-

ламоқ истагини уйғотарди. Ҳаммалари яна ўтириб, қисқагина гаплашиб олишаркан, итальянни онда-сонда тушунаётгандыгынни билиб қолиб, күркіб кетди. Жаноб вазмин, дона-дона қилиб гапиргандагина К. қарийб ҳаммасини тушунар, бироқ бу ҳол камдан-кам ҳолларда бўлар; зоро, меҳмон нутқининг катта қисмида пайдар-пай луқмаларни қаторлаштириб ташлар, бундай дамларда чехраси шодликдан барқ уриб, бошини қимирлатганича фикрини ифодаларди. Асосан, у киши доимо шавққа ботиб, аллақандай шевада шакаргуфтторлик қилас, К. эса бу гаройиб итальянча лафзларни эшитиб қолишга-да улгурмасди. Директор эса уни яхши тушуниб қолмасдан, худди шу шевада кифтини келтириб лутф қилас, зоро, бу жаноб туғди-битди Жанубий Италиядан, директор бўлса бир неча йил шу ҳудудда яшаб келган; К. аввалроқ буни ҳисобга олиши керак эди. Бундан қатъи назар, итальянга бирон-бир нарсани тушунтиришнинг иложи йўқдигини К. аллақачон анлаган, у французчада бундан ҳам бешбаттар тушунарсиз гапирав, бу етмагандай, бутун оғзини мўйлови ёпиб олган, сал бошқача бўлганида ҳам лаб-лунжининг қимирилашига кўра ҳам уни тушуниш осонроқ бўларди. К.итальянни тушуниш йўлидаги барча уринишлари беҳуда бўлиб чиққанлигини кўргач, ҳали қўп кўнгилсизликлар бўлишини ўзича олдиндан тахмин қилди, албатта, директор иштирокида уни қийналмай тушунар, бунинг учун ҳеч бир зўриқиши ҳам керак эмасди, зоро, меҳмон безбетлик билан, яна бунинг устига чуқур оромкурсига ўзини орқага ташлаганча, калтагина бежирим бичилган камзулчасини тортиб қўйиб, бирдан тирсакларини кўтариб, бармоқлари учини эркин-эркин қимирилатиб, ниманидир астойдил тушунтиришга урин-

ганида, К. ҳеч нарсаны англамаган бўлса-да, бор вужуди-ла олдга энгашиб бу вайсақининг қўлларидан кўзларини узмасдан ўтирас эди. Бироқ алал-оқибат ўзининг иштирокисиз, мутлақ ғайри-ихтиёрий тарзда бегонанинг сұхбатига маҳлиёдай ўтиришдан аввало чарчаганини ҳис қилган К. паришонхотирлик билан турсаму, бурилиб, жуфтакни ростлаб қолсам-чи, деган хаёлга борди, аммо шу заҳоти бир кўркув билан ҳушёр тортиб, ўзини тутиб қолди. Нихоят, итальян соатига қараб, ўрнидан сакраб турди. У директор билан хайр-хўш қилиб, К.га шунаقا яқинлашиб келдики, йигит ўрнидан туриш учун ўзини орқага олишга тўғри келди. К. сұхбатга қўшилганга қўшилиб, итальяннинг шевасини тушунолмасдан, ўзини йўқотиб қўйгани директорнинг эътиборидан четда қолмади ва у оқиллик ва назокат билан, гўё билинр-билинмас қилиб, унга йўл-йўриқ кўрсатди, бу тиниб-тинчимаган, такасалтанг меҳмоннинг оғиздан чиқсан ҳар бир гапини, борича қисқагина бўлса-да, К. учун таржима қилиб турди. Шундай ахводда К. итальяннинг баҳтга қарши вакти жуда зикрлиги ва айни ҳозир ҳал қилмаса бўлмайдиган бир иши борлиги, аммо шундан кейин у шу вазиятни пеш қилиб зиёратгоҳларнинг ҳаммасини шошиб-пишиб кўрмоқчи эмас, аксинча, агар К. розилик билдиrsa, буни фақат у ҳал қилиши керак, битта ибодатхонани, аммо бошидан оёғигача эринмасдан, имкон қадар муфассал зиёрат қилишни исташини фаҳмлагандай бўлди. К. бутун кучи билан итальянни тингламасликка ҳаракат қилиб, директорнинг тушунтируви кифоя деб турганда, меҳмон сўзига ургу бериб, муҳташам зиёратгоҳни таништиришда шу қадар билимдон ва ёқимтой бу йигит ҳамроҳлик қилса, ўзини жуда ҳам баҳтиёр ҳисоблашини изҳори дил қилди, ҳа, у

худди шундай деди К. ҳақида; ва маъқул бўлса, тахминан икки соатлардан кейин, яъни ўнларда жоме олдида учрашсак, деб илтимос қилиб қолди. У шу оралиқда ишини туталлаб, озод бўлиши ва келишилган жойга етиб келишига умид қиларди. К. ишончли жавоб қилгач, итальян аввал директорнинг, кейин унинг қўлини, кейин яна директорнинг қўлини маҳкам қисиб хайрлашди-да, эшикка йўл олди, ҳатто директор ва К. уни эшиккача кузатиб борганига ҳам заррача эътибор қилмади, аммо ҳамон оғзи тинмасдан нималарни дир гапириб борарди. К. яна бир оз директорнинг олдида ўтирас экан, бугун унинг ҳоли ғариб кўринди. Директор нима учундир К. дан узр сўрамоқчи бўлгандай, у билан ёнма-ён ўтириб, бошда итальянга ўзи ҳамроҳлик қилмоқчи бўлгани, бироқ кейин, бунинг сабабини изоҳлаб ўтирмасдан, К.ни юборишига қарор қилганини дўстона сўзлади. К. ҳеч ҳам уялмасин, агар итальянни бошда тушунолмаса, тезда бунга ҳам муваффақ бўлиши мумкин, ҳатто бу одамнинг кўп гапларини тушунмаса нима қипти, бу ҳеч ҳам фожиа эмас, итальянга уни тушунишадими ёки йўқ, у даражада муҳим ҳам эмас. Қолаверса, К. бу даражада итальянчани билишини директор ҳам кутмаган: у демак, ўз вазифасини қойилмақом қилиб бажаришига шубҳа қилмаса ҳам бўлади.

Шу билан директор К.га рухсат берди. К. қолган барча вақтини ибодатхонани кўрсатишда асқатиб қолиши мумкин бўлган қийин сўзларни лугатдан ёзib олишга сарфлади. Бу юмуш айрича дикқатталаб иш эди, бунинг устига, орада чопарлар почтани олиб келишар, хизматчилар маълумотномалар учун киришар, кўрадиларки, К. банд, аммо кетишмасдан К. тингламагунча, эшик оғзида тураверишарди. Директор муови-

ни ҳам халақит бериш имконини бой бериб күй-
мас, атайин кириб келиб, К.нинг қўлидан луғат-
ни олиб, ҳеч бир кераги бўлмаса-да, вараклар,
хона эшиги очилиб-ёпилганда эса қабулхонада
кутаётган мижозларнинг журъатсиз ёлворувчан
нигоҳдари фира-шира кўриниб қоларди, маълум-
ки, улар ўзларига эътибор уйғотишни хоҳлашар,
ичкарида бунга разм солишаپтими, йўқ, ишонч-
лари комил эмасди; К. эса бу вақтда худди гир-
добнинг тубига тушиб қолгандай таъсирили ибо-
ралар тўплашга ҳаракат қиласар, луғатдан керак-
ли сўзларни излар, топгандарини кўчириб олиб,
талаффуз қилишни машқ қиласар, бу сўзларни ёд-
лаб олишга уринарди. Бироқ унинг одатда мус-
таҳкам хотираси гўё бутунлай ўзгариб, ишдан
чиққандек, ўзига олмас ва ишнинг бундай баро-
ридан келмаётгани ҳам итальянга нисбатан хусу-
матини алангалашиб юборар, бу учун ҳам қанча-
дан-қанча ғам-ғусса чекишига тўғри келар экан,
охири, қатъий бир ният билан тайёрғарликни
йифишиштирмоқчи бўлиб, луғатни қофозлар тагига
тиқиб юборарди; аммо ҳали бутун ибодатхона
бўйлаб меҳмон билан юрганда худди соқовга ўх-
шаб жимгина юриши мумкин эмаслиги, санъат
асарларини шарҳдаши кераклигини ўйлаб кўрар
екан, у яна тенгсиз бир адоват билан луғатни
тиқилган жойидан тортиб оларди.

Вақт тўққиз ярим бўлиб, у кетишга ҳозирла-
ниб турганида, телефон жиринглаб қолди. Лени
унга хайрли тонг тилаб, ўзини қандай ҳис қила-
ётганини суриштириди. К. миннатдорчилик бил-
дирди ва ҳозир сұхбатлашишлари қийинлиги,
ибодатхонага шошаётганини айтди.

- Ибодатхонага? – ҳайрон бўлиб деди Лени.
- Ҳа, ибодатхонага.
- Ибодатхонада нима қиласан? – сўради Лени.

К. унга нима иш билан бораётганлигини қисқагина тушунтиromoқчи бўлганди ҳамки Лени сўзини шартта бўлди;

– Сени тузоққа туширибдилар!

К. кутилмаган ва гайриихтиёрий ҳамдардликка тоқати йўқлигидан қисқагина қилиб Лени билан хайр-хушлашди, бу совуқ симларга ҳаммасини айтиш ўзи учун ҳам, қиз учун ҳам нокулай, қолаверса, қиздан узокда бўлгани учун уни аниқ-тиник эшитиши ҳам душвор эди.

– Ҳа, мени тузоққа туширдилар!

Вақт ўтиб борар, бир кор-ҳол юз берса, у кечикиб қолиши мумкин. Сўнгги дақиқаларда аввало таксига тушиб, физиллаб етиб бориш ва альбомни топширишга улгуриб, шу билан уни ўзига мойил қилиб олиш фикри калласига урди. У альбомни тиззалири устига қўйганча, таксида сабрсизланганидан, пайдар-пай бармоқлари билан уни доира қилиб чалар эди. Ёмғир қарийб тинди, бироқ ҳавонинг авзойи бузук, рутубатли ва изғирин; бунақада, шубҳасиз, ибодатхонада ҳам ҳеч нарсани кўриб бўлмас ва совуқ плиталар дастидан К.нинг шамоллаши янайм зўрайиши турган гап.

Ибодатхона олдидаги хиёбон бўм-бўш эди. К. болаликдаёқ кўрган бу торгина майдонни ўраб олган уйларнинг қарийб ҳамма вақт туширилган дарпардалари янада кўз олдида намоён бўлди. Албатта, бошқа кунларга қараганда, ҳозирги тунд об-ҳаволи кунда шундай бўлишини тушуниш қийин эмас. Ибодатхонада ҳам жон асари борлиги умуман билинмас, шундай паллада бу ерга ташриф буюриш хаёли бирон-бир бошга келиши даргумон эди. К. икки ён томондаги меҳробларга шошилиб чиқар экан, шол рўмолга ўралиб олган аллақандай кампирни учратди, холос; кекса онахон Биби Марям суврати олдидаги чўкка тушганича, ун-

дан ҳеч нигоҳини узмасди. Узоқдан бир хизматчи-га кўзи тушди, бироқ у киши ҳам оқсоқланиб, бир эшикча ортига ғойиб бўлди. К. айни вақтида етиб келибди: соат ўнга занг урди, аммо итальян ҳали кўринмасди. К. асосий кириш жойига қайтиб келди, нима қилишини билмасдан сўррайиб турди-да, кейин шаррос ёмғир қуяётганига қарамасдан – уни ён томонлардаги эшикларнинг бирортаси олдидиа итальян кутиб ўтирганмикин, деб разм солиши учун бутун ибодатхонани ташқари томонидан айланиб чиқди. Бироқ ҳеч кимнинг қораси кўринмади. Эҳтимол, учрашув пайтини директор нотўғри тушунгандир? Ҳа, ўзи бу нусхани тушуниш мумкинми? Ҳар на воқеа содир бўлганда ҳам, уни К. ҳеч бўлмаганда ярим соатлар кутади. У роса ҳориб ибодатхонага қайтиб киаркан, зинапояда аллақандай гиламчанинг бир лахтаги ташлаб кўйилганига кўзи тушди, уни оёғи остига сурди-да, ёқасини кўтарди, пальтосига астайдил ўралиб, ўриндиққа чўкди. Ишқилиб, ўзини чалғитмоқчи бўлиб, альбомни очиб, бир оз варақлади, бироқ буни ҳам бас қилишга мажбур бўлди: атроф шунчалик қоронғи эдики, К. ҳатто қўшни меҳробдаги ҳеч нимани кўра олмади.

Йироқдаги бош меҳробда шамлар катта уч бурчак ҳолда ёниб турарди. К. уларни ҳали кирганда ҳам кўрганмиди, буни айта олиши даргумон эди. Эҳтимол, ҳозиргина ёқилгандир. Хизматчилар юмушлари юзасидангина оёқ учida юришар, уларнинг келган-кетгани ҳам билинмасди. К. тўсатдан, ундан узоқ бўлмаган тош устунлардан бирида йўғон, баландлаб бир шам ёнаётганига кўзи тушди. Ҳарқалай, бу ўз ҳолича жуда гўзал бўлса-да, аммо ён томондаги кичик меҳробда бўлгани боис, бош меҳробдаги манзараларни ёритишда ўз-ўзидан зиёси етишмас, балки бу қоронғиликни баттар

куюқлаштиарди, холос. Итальян келмай қолиб, эхтимол, хурматсизлик қылгандир, аммо у фаросат билан оқилона йўл туттани кўриниб турар, барабир бу ерда ҳеч нарсани кўриб бўлмас, К.нинг чўнтак фонари ишга солингданда ҳам, унинг ожиз нурида сувратларни узук-юлук, бир парчасини кўрганда ҳам кўз тешилгудек бўлиб кетарди. Бу қандай бўлар экан деб, синааб кўрмоқ ниятида К. ён томондаги капеллага ўтди, зинапоялардан кўтарилиб пастгина мармар панжарарага энгашганча, фонарини ёқди-да, меҳробдаги сувратларга тўғрилади. Сувратлар олдида исчироқнинг лишилаб ёниши кўришга фақат халақит берарди. Дастрлаб, у сувратнинг энг чеккасидан ўрин олган, улкан келбатли, қурол-аслаҳали рицарнинг бир бўлагини кўришга базўр мувофиқ бўлди. Аскар сийрак ўт-ўланлар кўзга ташланадиган даланинг тақир ерига ботирилган шамширига суюнганча турарди. Рицар ниманидир дикқат билан кузатаётганга ўхшарди. Бироқ унинг бир жойда қимирамасдан донг қотгани ғалати чиққанди. Афтидан, у посбонлик қилиш учун тайинланган бўлса керак. К. аллазамонлардан буён сувратларни томоша қилмаган эди, рицарга узоқ тикилиб турар экан, фонардан таралаётган яшил нурларнинг аёвсизлиги ва тикилишнинг зўриқувидан кўзларини пайдар-пай пирпиратишга тушди. У фонарини бўлак сувратларга бирма-бир тутиб, оддийгина талқинда чизилган Исо Масижнинг тобутда ётган ҳолатини кўриб қолди; худди шу ҳолатида бу сувратни тамоман янги деб атаса бўларди. У фонарни чўнтағига солиб, олдинги жойига келиб ўтиреди.

Энди итальянни кутиб ўтиришга ҳожат йўқ, бироқ кўчада уриб ёмғир ёғар, худди шундай, кутилмаганда ибодатхона ҳам унчалик совуқ бўлмаган паноҳоҳ бўлиб чиққан, К. бир оз шу ерда кутиб

туришга қарор қылди. Унинг шундоқ ёнида асосий минбар күр тўккан, теграсида икки зарҳалли хоч бор-бўйига осилганча суюнибгина турар, уларнинг адоги тепадан бир-бирига боғлаб қўйилган эди. Ташқи томондан панжара ва тош устунларга олиб борадиган йўлак ям-яшил печакгуллар акси билан нақшланган, уларни ушлаб турган фаришталар бир қараганда табассум қилаёттандай, бошқа сафар жиддийтина қараб тургандек бўлаверарди. К. минбарга яқинлашиб, унинг теграсида ҳар тарафга юриб кўрди: тошларга солинган нақшлар фавқулодда санъаткорона ишланган, гўё қуюқ зулмат бунда тутилиб, шу нақшларда ва унинг ортига зарб этилгандай эди.

К. қоронги бурчакларга қўлларини суқиб, тошларни эҳтиёткорлик билан сийпалаб кўрди. Аввал у бу минбарнинг борлиги ҳақида ҳам билмасди. Айни дақиқаларда у қўшни қатордаги ўриндиқда устига бурама қора мундир илган, чап қўлида тамакидони бор черков хизматчисини тўсатдан кўриб қолди. У узоқдан К.ни кузатиб ўтиради. «Унга нима керак, – деган хаёлга борди К. – Наҳотки менинг афти-ангорим шубҳали кўринса? Балки у чой-чақага умидвордир?» Бироқ шу ерда К. хизматчининг шивирлаб, учida тамаки қисиб олган ўнг қўли билан аллақандай ноаниқ томонни унга кўрсатаётганига эътибор берди. Хизматчи ҳеч ҳам тиним билмасдан аллақаернидир кўрсатгани кўрсатган, ўз хатти-ҳаракати билан имо-ишорага зўр берар экан, у нима истайди, К. ҳеч нимани тушунмасдан, бир зум кутиб турди.

– Нима керак ўзи унга? – К. оҳиста гудраниб қўйди, бироқ уни бор овозда чақиришга ботинмади; сўнг эса қопчирини қўлига олиб, тор ўриндиқлар оралаб сиқилиб, бу кимсага яқинлашди.

У эса К.нинг қўлини бир чеккага силтаб ташлади-да, елкасини қисганча, лўкиллаб нари кетди. К. болалик чоғида лўккиллаб от бўлишга уринганларини эслади, чол ҳам болага ўхшаб қолибди. Энди эса черковга хизмат қилишдан бошқасига ярамайди деб ўйлади К. Худди менга соқчилик қилаётгандек, тўхтасам тўхтаб, юрсам юради, яна у билан юрсаммикан. К. истеҳзоли бир табассум билан қариянинг орқасидан бош меҳробгача ён томондаги барча майда меҳробчаларни айланиб чиқди. Қария ҳамон аллақаерни бармоғи билан имлаб кўрсатишида давом этар, К. атайин ўша томонга бурилмади; афтидан, қария ортимдан менга қорама-қора келмаяптими ишқилиб, деб уни ҷалғитишга уринаётгандай эди. Охири К. таъқиб қилишни бас қилди, бир қариядан бунчалик хавфсирашни истамасдан, агар итальян келганида, дикқатта сазовор нодир обидалар қаторида унга мана бу антиқа нусхани ҳам кўрсатган бўларди.

У альбомни қолдирган жойини топмоқ илинжида асосий хонақоҳга кирап экан, тўсатдан тош устунлар орасида, муножотгоҳдан узоқ бўлмаган жой, меҳроб устида оқ-кўкиш тап-такири тошдан ясалган кичкина минбарчага кўзи тушди. Минбар қанчалик кичкина бўлса, узоқдан шунчалик бежирим қандайдир авлиёнинг ҳайкали қўйилиши саодатидан жудо этилган бўш токчага ўхшарди. Унда руҳонийга ҳам жой етишмас, шундоқ панжарарага тақаб, қаққайтириб қўйилганди. Бундан ташқари, минбар тепасидаги тош гумбаз жуда ҳам узоққа тушган, ҳолбуки унда ҳеч нима ясалмаган эса-да, шунчалик нишаб эдики, минбарга чиққан ўрта бўйли киши ҳам бу ерда қулай жойлашишнинг иложини топмас, фақат панжарарага суюниб, қаддини эгибгина туриши мумкин эди. Буларнинг бари руҳонийни азоблаш учун атайин ўйлаб топилган-

дай туйилар, каттакон бош меҳробда, шунга яраша қулинг ўргилсин минбарга эга бўлиш мумкин ҳолда бу бечораҳол минбарча кимга керак, буни ҳеч ҳам тушуниш мумкин эмасди.

Руҳоний маъруза қилиши учун қўйилгувчи исчироқ лишилаб турмаганда К. эҳтимол, бу минбарчага эътибор қилмаган бўларди. Наҳотки, ҳозир бу ерда кимdir маъруза қилса? Бўм-бўш ибодатхона-ядо-я? К. минбарчага олиб борадиган, тош устунларга туташиб кетган зинапояларга разм солди, улар шунчалик ингичка эдики, кишиларга хизмат қилиш учун эмас, шунчаки ибодатхона безагидек таассурот уйғотарди. Бироқ шу пайт ҳақиқатан ҳам зинапоянинг пастида руҳоний турганига кўзи тушиб, довдираганча, табассум қилди; у эса қўли билан суюнчиқни тутиб, баайни минбарга чиқишга тараддуд кўраётгандек ҳолда К.га қаради. Кейин билинар-билинмас К.га бош иргар экан, К. жавобан хочга чўқиниб, таъзим қилди, ҳолбуки, уни биринчи кўрганидаёқ шундай қилиши лозим эди. Руҳоний кескин бурилиб, майда ва илдам қадамлар билан минбарга кўтарили. Наҳотки, ҳозир амри маъруф қилишга тушса? Афтидан, ибодатхона бўм-бўшлигидан қатъи назар, черков ходими уни ваъзгўй олдига бошлиб келмоқ фойдадан холи бўлмаслигини англаб етиб, шунга рагбат кўрсатган чоги. Дарвоҷе, аллақайдаги Биби Марям тасвири олдида бир кампирча ҳам бор, у сал берироққа келса бўлмасмикан? Ҳақиқатан ҳам ваъзхонлик бошлишга тараддуд кўрилаётган экан, нега бунинг олдидан илоҳий кўйлар янграмаяпти? Ҳар ҳолда, орган сас-садо бермас, зулумот аро ўзининг юксаклигига хира йилтираб турарди, холос.

К. бундан тезроқ жўнаш иложи бўлармикан, деб ўйлади. Агар ҳозир кетмаса, маъруза қилинаётган пайтда кеч бўлади, тугашини кутишга тўғри кела-

ди, шусиз ҳам хизматдан ташқарида юриб, қанча вақтни йўқотди, итальянни кутиб ўтиришга ҳам у ортиқ бурчдор эмас. К. соатига қаради: қарийб ўн бир бўлибди! Наҳотки, ҳозир ваъз бошланса? Наҳотки, К.нинг бир ўзи бутун қавмнинг ўрнини боса олса? Агар у ажнабий бўлганида, ибодатхонани фақат томоша қилиш учун бу ерга келган бўлмасмиди? Гапнинг рости, ўзи ҳам фақат шу умидда бу ерга келганди. Айни иш куни, чошгоҳ ўн бирда, яна об-ҳавони бало урган паллада ваъз ўқилади, деб ўйламоқнинг ўзи бориб турган гутоҳлик бўлур эди. Бу лўпти юзли тақводор йигит шубҳасиз, бўлғувси руҳоний минбарга фақат янгишиб, ёкиб кўйилган чироқларни ўчириш учунгина кўтарилиган бўлса ажаб эмас.

Бироқ бундай бўлиб чиқмади. Руҳоний исчироқни кўздан кечириб, пилигини бир оз пасайтирди, кейин оҳиста нақшинкор панҷарарага энгашганча, минбарнинг икки четидан икки қўли билан тутиб олди. У бир оз шундай турди ва бошини у ёқ-бу ёқка бурмасдан черковга бир қур назар солиб чиқди. К. биринчи қатордаги ўриндиқقا тирсагини суганча ўтирас эди. Қаердадир, аниқ қаердалигини билолмади, гўё ими-жимида энг муҳим вазифани уддалаб энди бўлса, ёнбошлаб олганча мудраёттан қари черков ходимини элас-элас кўргандай бўлди. Ибодатхонада фавқулодда бир сукунат чўкди. Бироқ К. бу сукунатни бузишга мажбур ҳам, бу ерда қолишга ҳозир ҳам эмасди; агар руҳоний ўз бурчи юзасидан маълум бир белгиланган вақтда ваъз ўқишига чоғланган экан, вазиятни ҳисобга олмаган ва энди маърузасини К.нинг иштирокисиз ўқишига тўғри келади, мабодо у қолганида ҳам англашилганидек маъruzani баҳолашга курби этиши амри маҳол.

К. секингина ўринидан кўзгалди ва пайпасланниб, оёқ учida ўриндиқларнинг чеккасига келди

ва кенг ўрта йўлакдан кетмоқни мўлжаллади, у орқали ҳеч бир тўсиққа учрамай юрса бўларди; аммо ҳатто оёқ учида юрганда ҳам тош плиталар сас-садо берар, юксак гумбазлар остида бир оз ожиз жарангласа-да, бир маромда, қадамлар то-вуси бир неча карра янгроқ чиқарди. К. ўзини нимагадир паришон ҳис қилиб, яна руҳонийнинг нигоҳлари остида бўм-бўш ўриндиқларни оралаб бораркан, қарийб ақлбовар қилмас ибодатхона маҳобати ғариб ҳолини янада кучайтиргандай туйилди. У алъбомини қолдирган жойидан оли-ши учун анча-мунча йўл босди. У қарийб ўриндиқларни ортда қолдириб, чиқиб кетиш учун холи, орадаги очиқ жойни танламоқчи бўлаёт-ганда, бехосдан биринчи бор руҳонийнинг ово-зини эшитди. Овоз залварли, аниқ бир нуқта-га йўналтирилган эди. Худди донг таратишига муштоқдек уни қабул қилган ибодатхона гумбаз-лари гумбурлаб кетди! Бироқ руҳоний ўз қавми-ни чорлаётгани йўқ, бу чақириқ аниқ янграган, ундан қутулиб ҳеч қаёққа кетиб бўлмасди.

– Йозеф К.!

К. кўзини ерга тикканича бир жойда михла-ниб қолди. Ҳозирча у озод, йўлида давом этиб учта қорамтири ёғоч дарвозаларнинг биридан сирғалиб чиқиб кетса ҳам бўлар, уларга жуда яқин қолганди. Ўзини ҳеч нарсани тушунмаган тарзда кўрсатиб, тушунган тақдирда ҳам дикқат қилишни хоҳламасдан кетворса бўларди. Бироқ тўхтаб бурилган ва қўлга тушган эди, демак, бу чақириқ унга қаратилганини аъло даражада тушунган, шу боис лаббай дегандек овоз келган томонга юрди. Агар руҳоний яна бир бор чақири-ганда, К. муқаррар қарамай кетиб қолган бўларди, бироқ қанча кутмасин, ҳамма ёқ сув қўйган-дек тинч эди, у шунда руҳоний нима иш билан

машғуллигини күрмөңчи бўлиб, бошини бир озгина бурди. У кимса эса, аввалидек хотиржам, минбарда туар, аммо К.нинг хатти-ҳаракатига эътибор бериб ўтиргани аён эди.

Бу болаларнинг жўнгина бекинмачоқ ўйинига ўхшар, агар К. қайрилиб қарамаганда шу билан ниҳоя топар, бироқ бурилиб қарагану руҳоний ҳам шу заҳоти уни бармоғи билан имлаб, ўз ёнига чақирганди. Ҳаммаси очиқ-оидин: К. қисман қизиқувчанлигидан, қисман бу ерга тутилиб қолиши истамаганидан илдам қадамлар билан минбар томон юрди. У ўриндиқларнинг биринчи қатори тўғрисида тўхтади, аммо руҳонийга бу оралиқ жуда ҳам катта туйилди, у қўлини чўзиб ва кўрсаткич бармоғи билан никтаб пастни, нақ ўзининг олди, минбарнинг оёқлари остида келиб туришини саншиб кўрсатди. К. жуда ҳам яқин келиб, руҳоний кўриб кўйсин дегандек, бошини кўтариб, фоз турди.

– Йозеф К. сен экансан-да! – деркан руҳоний, нақшинкор панжарада ётган қўли билан аллақандай ноаниқ амр этгандай бўлди.

– Ҳа, – деб беихтиёр жавоб қайтараркан, К. ўз исмини авваллари қанчалик осон ва ҳеч нимани ўйламай очиқ-оидин айтиши хаёлига келди, мана бир қанча вақтдан буён эса у ҳаддан ташқари азоб берадиган бўлди, ҳаттоқи биринчи бор кўриб турган мана бу кимсадай номини кўпчилик киши олдиндан билишади, илгарилари одамлар билан танишув унга хуш ёқарди; аввал ўзларини танишитириб, кейингина таниш-билишчилик ипларини боғлашарди.

– Сен – айбланувчисан, бўтам, – жуда хотиржам, ишонч билан деди руҳоний.

– Ҳа, – деб жавоб берди К., – менга бу хусусда билдиришган.

– Бундан чиқди, сен мен излаб юрган кишининг айни ўзи экансан, – деди руҳоний. – Мен қамоқхона руҳонийсиман.

– Буни қаранг, – ажабланди К.

– Суҳбатлашиб олиш учун сени бу ерга чақиришни буюргандим, – деб қолди руҳоний.

– Бундан хабарим йўқ, – деди К., – бу ерга бир итальянни ибодатхонани зиёрат қилдирај деб келгандим.

– Эй қаёқдаги, беҳуда гапларни қўй, – буюрди руҳоний. – Қўлингдаги нима у, Тавротми?

– Йўқ, – деди К., – бу дикқатга сазовор маҳаллий қадамжолар альбоми.

– Қўй уни! – деркан руҳоний, К. альбомни шундай бир жаҳл билан иргитдики, ичи тўкилиб кетган альбомнинг эзғин вараклари бутун пол бўйлаб учиб кетди. – Устингдан қўзратилган ишнинг салбий тус олганидан хабаринг борми? – сўради руҳоний.

– Ўзимга ҳам шунақадай туйиляпти, – деди К.

– Мен бутун кучимни ишга солиб кўрдим, аммо ҳозирча бирон-бир натижага эриша олмадим. Дарвоқе, ҳали арзнома ҳам тайёр бўлгани йўқ.

– Ўзинг бунинг охири қандай хотима топади, деб ўйлайсан? – суриштириди руҳоний.

– Бошда ҳаммаси яхшилик билан тугаса керак, деб ўйлардим, – деди К., – энди бўлса гоҳида ўзим ҳам бунга шубҳаланаман. Бунинг охири нима билан тугаркин, билолмай қолдим. Сен биласанми?

– Йўқ, – деб чўрт кесди руҳоний, – аммо ҳаммаси ноҳуш якун топмаса, деб қўрқаман. Сени айбдор деб ҳисоблашади. Эҳтимол, устингдан қўзратилган жиноий иш жараёни суднинг қуи босқичидан нарига ўтмас. Аммо ҳар қанақа воқеа бўлишига қарамасдан, ҳозирча айбинг исботланган уларнинг назарларида.

– Мен бегуноҳман-ку. Айблашаётгандарни хато. Умуман инсонни гуноҳкор қилишларининг боиси

ним? Ахир биз – мен ҳам, бошқалар ҳам ҳаммамиз ҳам одаммиз-ку.

– Тұғри айтасан, – деди рұхоний, – аммо айбланувчиларнинг ҳаммаси ҳам шундай дейиша-ди-да.

– Ҳали сен ҳам менга қаршимисан? – ўсмокчилади К.

– Сенга қарши салбий фикрим йүқ, – деди рұхоний.

– Бунинг учун сенга ташаккур, – деди К. – Аммо суд иштирокчиларининг баркаси менга қарши уйдирмалар түқиб юрибди. Улар бу жараёндан бекебарларга ҳам салбий таъсир қилишяпти. Ақволим күн ўтган сари беш-баттар бўляпти.

– Ишнинг моҳияти тұғрисида тасаввуриңг янгилишга ўхшайды, – деди рұхоний. – Ҳукм бирдан чиқарилмайды, аммо терговнинг ўзи секин-аста ҳукмга айланади.

– Буни қаранг-а, – деркан К. бошини жуда ҳам эзигб олди.

– Ишнинг ўнгланиши учун бундан кейин қандай тадбир қўллаш керак деб ўйлайсан? – суриштириб қўймасди рұхоний.

– Бирон-бир йўл излашда давом этаман, – деркан К. бошини кўтариб, бунга рұхоний қандай қараркин, деб разм солди. – Эҳтимол, мен ҳали фойдаланмаган сон-саноқсиз имкониятлар бордир.

– Сен бошқалардан ҳаддан ортиқча ёрдам кутасан, – унинг гапини маъқулламаган оҳангда деди рұхоний, – айниқса, аёллардан. Наҳотки, бунақа ёрдам астойдил бўлмаслигини сезмаган бўлсанг?

– Баъзи ишларни назарда туттганда, сўзларинг ҳақиқат, – деди К., – бу мутлақ рост дегани эмас. Зоро, аёлларнинг ўзи улкан бир ҳокимият. Агар мен бир қанча таниш аёлларимга таъсир қила олганимда, улар, биргаликда менинг фой-

дам учун шундай тер түкишар эдиларки, бу билан анча-мунча муваффақиятга эришган бўлардим. Айниқса, мана бунақа судда – ахир бунда қато-расига хотинбозлар танда қўйган-ку. Терговчига бир ҳурлиқо аёлни узокдан кўрсатсанг, ўша оғатиженонинг васлига етиш учун у столдан ҳам, ҳатто, қошидаги айбланувчининг ҳам устидан ошиб ўтишдан тап тортмай, оёғини қўлга олиб югуради.

Руҳоний бошини нақшинкор панжарага қараб янада энгаштириди. Гўё ҳозир минбар тепасида-ги гумбаз уни босиб қўядигандай туйилиб кетди. Бунинг устига кўчада об-ҳаво расво эди! У ёқда кун булатлигина эмас, нақ ярим кеча бўлгандек, зулмат босганди. Улкан деразалардан эса йилт этган шуъла тушмасди. Устига-устак ибодатхона хизматчиси асосий меҳробдаги шамларни бирин-кетин учирив юарди.

– Мендан хафа бўлдингми? – К. руҳонийдан суриштириди. – Кўриниб турибди, қанақа адолатта хизмат қилаётганингдан ўзинг ҳам воқиф эмассан.

Ҳеч қанақа жавоб бўлмади.

– Албатта, мен, ўзимга тегишли бўлганинги-на, биламан, – деб давом этди К.

Аммо руҳоний бирдан юқорига қараб ўшқириб қолди:

– Наҳотки, ўзингдан икки қадам нарини кўрмай қолган бўлсанг!

Бақириқ дарғазаб чиқди, аммо у ҳам ҳарқалай одамзоднинг овози эди, у бошқалар йиқилганини кўриб бақирган эса-да, ғайриихтиёрий иродасизлик билан кўтарилган бу овоздан эгаси ҳам кўрқиб кетган кўринарди.

Икковлари ҳам анчагача жим қолишиди. Албатта, пастни эгаллаган бу куюқ қоронфиликда, руҳоний К.ни аниқ фарқлаши қийин ҳолда, кичкина исчироқ ёруғида К. руҳонийни аниқ кўриб

туради. Бироқ нега у пастга тушмайды? Ба-рибир энди у ҳеч қанақа ваъз ўқиёлмайди, аммо буни унга К. маълум қиласа бошқача тушуниши, фойда ўрнига зарари тегиши мумкин. Албатта, К. руҳонийнинг нияти неклигига заррача ҳам шубҳаланмайди. У пастга тушса, ҳаммасини биргаликда пишишиб олишлари турган гап; шунда руҳоний унга маъқул келадиган ҳал қилувчи маслаҳат берипши ҳам мумкин, масалан, бу иш жараённига қандай таъсир ўтказиш ҳақидагина эмас, балки ундан қандай халос бўлиш ёки унинг ёнидан айланиб ўтишни, қутулгандан кейин эса қандай қилиб жараёнсиз янги ҳаёт бошлиши ҳақида ҳам йўл-йўриқ кўрсатса ажаб эмас. Албатта, бир куни шундай имконият туғилиши керак-ку, – кейинги пайтларда К. шу ҳақда ўйлагани ўйлаган эди. Агар руҳоний бу имконият ҳақида билса, эҳтимол, ундан астойдил ўтиниб сўралса, нажот қалъаси дарвозасини очиши мумкин, аммо унинг ўзи ҳам мана шу жазоловчилар даврасига мансуб-ку. К. адолат масаласини ўртага ташлаганда, руҳоний киши мўмин қобил, босиқ бўлиши кераклиги ҳолда ўшқириб, унга бақириб ташлади-ку.

– Пастга тушмайсанми? – илатимос қилди К.,
– барибир энди ваъз ўқимасанг керак. Менинг оддимга туш.

– Ҳа, барака топкур, энди тушсам ҳам бўлади, – деди руҳоний, у ўшқирганидан хижолат бўлганга ўхшарди. Чироқни илгакка илдириб, сўзига қўшимча қилди. – Аввал мен сен билан маълум бир масофада туриб, гаплашиб олишим керак эди. Яқиндан эса менга таъсир ўтказиш жуда осон ва ўз бурчимни бир зумда унутиб қўяман.

К. уни пастда, зинапоялар олдида кутарди. Руҳоний ҳали зинапояда экан, юришга қулай бўлсин учун унга қўлинни узатди.

– Мен учун озгина вақтингни ажрата олмайсанми? – ундан илтимос қилди К.

– Хоҳлаганингча вақт ажратилиши мумкин! – дер экан руҳоний, ушлаб тур, деб К.га чирокни узатди ва унга яқиндан қараганды ҳам негадир ўша салобатини сақлаганига гувоҳ бўлиш мумкин эди.

– Сен менга жуда улуг марҳамат кўрсатдинг, – деди К. улар бу қоронфи бурчакда ёнма-ён у ёқдан бу ёқса бориб келишар экан. – Суддагиларнинг ҳаммасидан бир ўзинг тузуксан. Мен шу пайтгача таниганларнинг ҳаммасидан кўра кўпроқ сенга ишонаман. Сен билан очиқласига гаплаша оламан.

– Адашма! – деди руҳоний.

– Нимада адашмаслигим керак? – ўсмоқчилаб сўради К.

– Сен судни баҳолашда хатога йўл қўясан, – деб гапини бошлади руҳоний. – Бу янгиш тушунча ҳақида Қонун муқаддимасида нима дейилган, мана қара. Қонун дарвозаси оддида эшик оғаси туради. Қатагонга учраган киши келиб, ундан Қонун қасрига ўтказиб юборишини илтимос қиласди. Эшик оғаси эса айни пайтда уни ичкарига ўтказиб юбориши мумкин эмаслигини айтади. Арзгўй бир оз ўйга ботиб, яна илтимос қиласди, бу ерга кейинчалик кирса бўладими? «Мумкин, – деб жавоб қиласди эшик оғаси, – аммо ҳозир кириши мумкин эмас». Бахтта қарши Қонун дарвозаси ҳамиша бўлганидек, очик, эшик оғаси ҳам бир четда турар, қонун қасри ичкарисига кўз ташлаш учун арзгўй эса эгилиб-букилиб, ўлиб-тирилиб ётади. Буни кўриб турган эшик оғаси мийифида кулиб, шундай дейди: «Агар шунчалик сабрсиз бўлсанг, тақиқлашимга қулоқ солмасдан ичкарига киришга бир уриниб кўр-чи. Фақат шуни яхши билиб қўй: куч-кувватим ичимга сифмай турибди. Ҳолбуки, бу ердаги соқчиларнинг энг

нимжони бўлсам керак. Ичкарида, хонадан хонага ўтишда эшик оғзида шунаقا дарбонлар туродики, бири биридан зўравон. Улардан учинчисини тасаввур қилмоқ мен учун даҳшат». Арзгўй бунаقا тўсиқлар бўлишини кутмаган, ахир у Қонун қасри ҳамма вақт, ҳамма учун очик бўлиши керак, унга ҳамма кириши мумкин деб ўйлаган эди-да; бироқ бу ерда эшик оғасининг, ҳайбатли оғир пўстинига, япасқи бурнига, узун, ёғали, қуюқ қора мўгулча соқолига разм солар экан, ичкарига киришига изн берилгунча, яхшиси, кутган маъқул, деган қарорга келади. Эшик оғаси унга курсича келтириб бериб, кириш томонига ўтириб туришига рухсат беради. Арзгўй унда кунлаб ўтиради, йиллаб кутади. У ичкарига кириш учун муттасил интилиб, тинимсиз таваллолари билан эшик оғасининг жонига тегиб кетади. Баъзида эшик оғаси ундан қаерда туғилган ва шунга ўхшаш кўлдан-кўп маълумотларни тергагандай қилиб сўрайди, аммо олиймақом жаноб каби арзгўйнинг саволларини жавобсиз қолдириб, суҳбат охирида доим, уни ичкарига киритиш мумкин эмас, деган гапни такрорлайди. Бор-будини ўзи билан олиб келган арзгўй ҳаммасини, ҳатто уларнинг энг қўймматбаҳоларини соқчини ўз томонига оғдириб олиш учун унга тухфа этади. Соқчи буларнинг барини қўш-кўллаб олади, бироқ мана бу гапни қистириб қўяди. «Буларингни оламан, аммо бу бирон нарсани енгиллаштиради, деган хаёлга бориб юрма». Йиллар ўтса-да, арзгўйнинг эшик оғасидан имдод кутиш илинжи ўзгармайди. У яна бошқа соқчилар борлиги, бу Қонун қасрига киришга тўсқинлик қиласиганларнинг борйўғи биринчиси эканлигини бутунлай унутади. Дастрекни йиллар ўзининг омадсизлигини баралла арз-дод қилиб юради, аммо кейинчалик қарилик келган сари, ўз-ўзича минфиллаб қўядиган бўлади,

холос. У охири гүдакдек бўлиб қолиб, узоқ йиллар Қонун қасри оғзида ўтириб, соқчини шунчалик дарражада синчилаб ўрганганидан, жун ёқаси ичида нечта бурга ўрмалаб юрганингача билади, ҳатто мана шу бургачалардан эшик оғасини авраб беришни ўтиниб сўрайди. Унинг кўзларига чироқ нури тушиб, қамашганда, атрофига қоронгилик тушдими ёки кўриш қобилияти уни алдаяптими, ҳатто шуни англай олмай қолади. Бироқ бу зулматда у энди Қонун қасри дарвозасидан ҳеч ўчмайдиган зиё таралиб турганларини аниқ кўради. Худди шундай унинг ҳаёти ниҳоясига етиб келади. Ўлим олдидан ҳамма, у узоқ йиллар синовдан ўтказган жами ўй-фиркалари битта саволга жавоб олишга қаратилган эса-да, аммо бу саволни шу пайтгача бирон марта бўлсин эшик оғасига бериб кўрмаган эди. У соқчини имлаб олдига чақиради, унинг қадди-қомати аллақачон буқчайиб, жойидан қимирлаши ҳеч мумкин бўлмай қолган. Натижада энди соқчининг ўзи жуда ҳам эгилишига тўғри келади – чунки ўзининг бўйига солиштирганда букилиб қолган арзгўйники жимжилоқдай келади. «Сен яна нимани билишни истайсан? – сурештиради ундан эшик оғаси, – очофатнинг ўзгинасисан-да, ўзиям!» – «Афтидан, ҳамма киши Қонун қасрига интилишади, – гап бошлайди арзгўй шунда, – лекин ўтган бу узоқ йиллар давомида биронтаси ичкарига киритишларини мендай астойдил талаб қиддими?» Соқчи кўрадики, гуноҳкор бу кимса жуда ҳам ҳаддан ошиб кетди, шу боис у жавобни қулоғига илиб олсин деб, бутун кучи билан қичқириб дейди: «Ҳеч кимга бу ердан киришга рухсат йўқ, бу дарвоза биргина сен учун белгиланган эди! Энди бориб уни ёпиб қўяман».

– Демак, эшик оғаси бу кишини алдабди-да, – деди шошиб-пишиб К. Бу ҳикоя уни тамоман асир этганди.

– Шошмасант-чи, – деди руҳоний, – бегоналарнинг гап-сўзига ишонма. Мен сенга бу ривоятни шу учун айтдимки, у ишга муқаддима сифатида ярайди. Унда ёлғон ҳақида гап бўлиши ҳам мумкин эмас.

– Бироқ бу кундай равshan-ку, – деди К., – сенинг биринчи изоҳинг мутлақ тўғри бўлди. Бу кишига ҳеч қанақа ёрдам бериш мумкин бўлмаганидан кейингина эшик оғаси ҳалокатдан қутқарувчи ҳақиқатни ошкор қилди.

– Аммо аввал ундан буни сўраб-суриштиргмаганди-да, – деди руҳоний. – У бор-йўғи эшик оғаси, шуни унутма ва ўнга яраша ўз бурчини вижданан адо этди.

– Сен нега у ўз бурчини адо этган деб биласан? – сўради К. – У сира ҳам бурчини бажармаган. Унинг бурчи бу ерга бегоналарни киритмаслик бўлган, бироқ бу киши шу эшикдан ичкарилаши белгиланган экан, вазифаси киритиш эди.

– Сен керакли даражада Қонун мажмуасини ҳурмат қилмайдиган кўринасан, – қизишди руҳоний, – шунинг учун ҳам, бу ривоятни ўзингча талқин қилиб ётибсан, унда эшик оғасининг Қонун қасрига кириш хусусида иккита жуда муҳим тушунтириши бор: бири бошда, иккинчиси охирда. Биринчисича, айни пайтда эшик оғаси уни ичкарига ўтказиши мумкин эмас, иккинчисига кўра, бу кириш жойи фақат унинг учун белгилаб қўйилган. Агар изоҳларда бирон-бир зиддият бўлганида эди, сен ҳақ ва эшик оғаси бу кишини чиндан ҳам алдаган бўлиб чиқар эди. Бироқ бу ерда ҳеч қанақа бир-бирини инкор этадиган фикр йўқ. Аксинча, биринчи изоҳнинг ўзи иккинчисидан қарийб хабар беради. Ҳатто эшик оғаси кун келиб охири бу кишига киришга рухсат берилади деб арзўйни умидвор қилган ва шу хатти-ҳаракати билан ўз бурчига терс борган

дайиш мумкин. Шунинг учун ҳам айни пайтда эшик оғасининг ягона масъулияти бу кишини киритмаслик бўлгани ҳолда, яна қўрилганидек бурчини астойдил бажарадиган, хизматини севадиган бир ходимнинг қандай қилиб бундай хаёлга борганига бир талай Қонун билимдонлари ғоят ажабланадилар ҳам. Узоқ йиллар у ўз қўриқлайдиган жойини бир зум ташлаб кетмади ва фақат сўнгги дамга келиб дарвозани ёпди; у ўзининг хизмати муҳимлигини тўла анлаган, шу учун ҳам гапнинг пўскалласини айтган: «Менинг куч-қудратим ҳазилакам эмас», аммо ўзидан бўйни йўғонларни ҳурмат қилас, буни ҳам очиқдан-очиқ эътироф этган: «Мен бу қоровуллар ичида энг нимжониман»; у оғзига маҳкам, ҳали айтилганидек, шунинг учун ҳам бу ўтган йиллар ичида фақат ўзига «сув юқмайдиган» саволлар берарди; сотилмаган, шунинг учун ҳам совға-саломларни қўшқўллаб олар экан, «Буларни оламан, аммо шу боис киришга рухсат беради, деган хаёлга борма», – деб айтишни канда қилмасди, яна унинг бурчи ҳақида сўз юритилганда, ҳеч нарсани юмшатиш ҳам, ҳаҳр-ғазабли қилиб кўрсатиш ҳам мумкин эмас: унда очиқдан-очиқ айтилган, арзгўй «ўзининг таваллолари билан эшик оғасининг жуда ҳам жонига тегиб кетарди» ва ниҳоят, ташки кўриниши – пачоқ қирра бурни, узун ёғли мўгулча соқолини ҳам унинг ўта расмиятчи феъл-атворидан дегандек бўлишади. Наҳотки, бундан ортиқ фидойи эшик оғасини топиб бўлса? Қолаверса, унда бундан ташқари, бир талай асқатадиган фазилатлар бор, кимки киришга рухсат талаб қилган бўлса, тушуничи керакки, қандайдир бўлғуси имкониятлар ҳақида имо-ишора қила туриб, қай бир даражада буни ўз зиммасига олганлигини ҳам англайди. Яширишнинг ҳожати йўқ, у бир даражада нодон, бу албатта ўзи ҳақида фикри жуда

ҳам юқорилиги билан борлиқ. Ҳатто ўзининг зўрлиги билан бирга бошқа соқчиларнинг куч-куввати ҳақида гапирганда афти-ангри жуда ҳам чидаб бўлмас тарзга кирар, худди айтганимдек, сўзлари ўз-ўзича адолатли бўлгани ҳолда феъл-автори очик-оидин чатоқ, у қанчалик калтафаҳм бўлса, шунчалик ўзини ҳаммадан юқори кўйишини билиб олса бўлади. Қонун билимдонлари бу ҳақида шундай дейдилар: «Ходисани тўғри қабул қилиб, уни нотўғри талқин қилиш мутлақ бир-бирига борлиқ эканини ҳеч қачон мустасно этмайди». Фақатгина шунга иқрор бўлиш керакки, нодон ва ўзини ҳаммадан ақлли билишининг қандайдир оз миқдорда бўлишлiği ҳам эшик оғаси феъл-авторида нуқсон пайдо қиласди, қолаверса, дарвозани кўриқлашини ҳам бўшаштиради. Яна у улфат одамга ўхшайди, доимо ўзини расмиятчи бир қиёфада ушлай олмаганлигини ҳам қайд қилиш керак. Биринчи дақиқаларданоқ бу жойни қатъий кўриқлаши ўрнига ҳазил-хузул билан арзгўйни киришга таклиф қиласди, кейин ҳам ҳайдаб юбормасдан, юқорида айтилгандек, курсича келтириб, кириш томонидаги жойга ўтиришга рухсат беради. Тоқатига қойил, ахир у неча йиллар қаторасига мухтасар савол-жавоблару ора-сирадаги совфа-салом қабул қилишни айтмаганда, арзгўйнинг илтимосларини эшитавериб, ҳатто охир-оқибат нега айнан мана шу соқчи бу ерга қўйилган деб маломатлаб, шўринг курғур ўзининг омадсизлигидан бор овозда айюҳаннос соганида ҳам сабр қилган экан, – буларнинг бари эшик оғаси қалбида раҳм-шафқат туйғулари фимирлаб юрган деган хуносага олиб келади. Унинг ўрнида бўлган ҳамма ҳам шундай қилавермасди. Мана, охири соқчи арзгўйнинг биргина имо-ишораси билан сўнгти саволини тинглаш учун энгашади. Фақатгина «Сен очофат одамсан», дея хитоб қилгандан кейингина бир дам енгилгина сабрсиз-

лик ғолиблик қиласы; ахир эшик оғаси ҳаммаси шу билан тутаганини яхши билар эди-да. Бир қанчалар ҳатто бу хитобга бундан-да анча-мунча юқори баҳо берадилар, уларнинг талқинича, «Сен очофат одамсан», ибораси ўз ўрнида жуда ҳам дўстона чиққан, ҳеч ортиқча эмас ва қай бир маънода, кибри ҳаволи, барибир марҳамат кўрсатиб айтилган калимадир. Ишқилиб, ҳар на бўлганда ҳам соқчининг суврати-ю сийрати сен тасаввур қилгандан бехроқ кўринишда, бўлак оламда намоёндир.

– Сен бу тарих ва унинг оқибатини мендан кўра яхши биласан, – деди К. Улар жим бўлиб қолишли. Кейин яна К. сўз очди: – Демак, сен, бу одамни алдашмаган, деб ҳисоблайсан, шундайми?

– Сўзларимни нотўғри талқин қиласа, – деди руҳоний, – мен фақат гапнинг нимадан иборатлиги ҳақида айтдим, холос. Бироқ унга ҳаддан ташқари ёпишиб олма-да. Қонунлар мажмуасида ҳеч нима ўзгармайди, ҳар қанақа изоҳлар эса чорасиз ҳар бир кишининг ўз фикр-мулоҳазасидан келиб чиқади. Ҳатто шундай талқин қилишлар ҳам борки, бунга кўра, эшик оғасининг ўзи ҳам алданган бўлиб чиқади.

– Албатта, бу жуда ҳам ҳақиқатдан узоқ талқин, – деди К. – У нимага асосланади?

– Ну, – деди руҳоний, – эшик оғасининг эси пастлигига асосланади. Айтишларича, эшик оғаси Қонун қасрининг ичкариси ҳақида ҳеч вақони билмайди, унга фақат эшик олдидаги йўлак маълум, шунинг учун ҳам шу ерда у ёқдан бу ёққа бориб келиб туради, холос. У Қонун қасрининг ичкарисини оғзидан она сути кетмаган гўдакдай тасаввур қиласи ва ичкаридан арзгўйга қараганда ҳам кўпроқ кўрқади, деб тахмин қилишади. Ҳаммасидан кўра, унинг ваҳимаси арзгўйникуига қараганда бир неча баробар кучли ҳам, арзгўй Қонун қасрининг ичидаги миргазаб

соқчилар кунини кўрсатиши қулогига қўйилганига қарамай, зор уриб ичкарига кириш пайида бўлади, эшик оғаси эса ҳатто буни истамайди, қолаверса, бу ҳақида ҳеч нима дейилмаган. Тўғри, бошқаларнинг айтишича, афтидан у ичкарида бўлган, уни судда ишга қабул қилишган аллақайси замонда, ичкарида, эҳтимол, бу энг тўрдаги хонада бу воқеа кечган бўлса ҳам ажаб эмас. Бироқ буни рад этадиганлар ҳам топилади, яъни тўрдаги хонадан эштилган кимнингдир овози, демакки, уни эшик оғаси қилиб тайинланган кишининг овози бўлса, у унда ҳеч қачон бўлмаган, зоро, бунинг тасдифи, шунаقا кўринишни ўзи уни даҳшатга солади. Мана шу қатор ўтган йиллар давомида Қонун қасрининг ичкариси ҳақида жилла қурса сал-пал бир нималар деганими, бу ҳақида ҳеч қаерда ҳеч нарса дейилмаган. Балки унга бу тақиқдангандир, аммо тақиқ ҳақида ҳам ҳеч қаерда бирор сўз йўқ. Буларнинг баридан шундай хulosага келиш мумкинки, соқчи Қонун қасрининг ичкариси, унда нималар юз бериб туришидан умуман бехабар, ҳеч нарсадан воқиф эмас, шу боис бу борадаги ҳар қанаقا фикр ҳар қандай вақтда хато бўлиб чиқади. Оқибатда бундан яна бир нарса аёнлашади, у афтидан ушбу арзгўй ҳисобидан хато фикрга борган бўлиб чиқади ёхуд шунга кўра эшик оғаси арзгўйнинг бўйсунишини назорат қила олмай қолади. У албатта арзгўйга худди қўл остидаги қарам кишига қарагандек мурожаат қиласиди, кўп томондан бу аниқ-равшан, ҳатто сен бунинг айнан нимага шундайлигини ҳам жуда яхши эслайсан. Бироқ бу ерда, аслида тобе эшик оғасининг ўзидир, бошқа бир талқинда ҳам, жуда мавҳум изоҳланганига қарамай, айнан шу гап

рост эканлигини билиб олиш қийин эмас. Ҳамиша озод киши қарамдан баланд туради. Мөхиятан арзгүй эркин киши, у эҳтимол, истаса боши оққан томонга кетиши мумкин, фақат унга Қонун қасрининг ичкарисига кириш тақиқданади, бунинг устига уни тўсиш учун биргина шу эшик оғаси қўйилган. Арзгүй дарвоза тарафдаги ўриндиқчага ўтириб, шу ерда бутун умрини ўтказиб юборса ҳам буни ўз ихтиёри билан қиласди, аллақандай нақлни эслаганидан шундай қилмайди. Эшик оғаси эса ўз вазифасига кўра мана шу жойни қўриқлаб туришга маҳкум, у бу постни ташлаб ҳеч қаёққа кетиши мумкин эмас, бироқ у Қонун қасрининг ичкарисига киришни жон-жон деб истаганда ҳам у ёқقا қўйилмайди. Бундан ташқари, у Қонун учун хизмат қиласа-да, вазифаси шу ерни қўриқлаш билан чекланган, яъни у бу ерга кириши белгилаб қўйилган, биргина мана шу кишига хизмат қиласди. Шу боис ҳам, айни шу сабабга кўра, эшик оғаси арзгўйга қарам бўлиб чиқади. У узоқ йиллар, яъни мөхиятан ўзининг бутун онгли ҳаётини хизмат тақозосига кўра, бой беради, деб тахмин қилсак бўлади; инчунин, ривоятда айтилгандек: бу ерга дориган кимса, пишиққина, демакки, эшик оғаси унга узоқ пайт кўз-қулоқ бўлиб туришга мажбур, ахир ўз бурчини ўташи керак, арзгўй эса ўз ихтиёрига кўра истаганда келиб, истаганда кетади. Эшик оғасининг хизмати бу киши ҳаёти охирига етгандагина ниҳояга етиши мумкин, демак, охирги нафаси чиққунча эшик оғаси унга қарам бўлади. Кўп бора ривоятда таъкидланганидек, эшик оғасига бу ҳақида ҳеч нарса маълум ҳам эмас. Аммо бу ерда талқин қилувчиilar ҳайрон қоладиган бирон нарса кўришмайди ва албатта, эшик оғаси ўз хизмат вазифасига боғлиқ тарзда

янада янгилиш йўлда бўлгани боис, ушбу талқинга қўшилмасдан бошқа чора йўқ. «Мен бориб энди, шуни-да ёпиб ташлайман» – ривоятнинг охиринда биз эшик оғасининг ана шу гапини эшитганмиз, аммо ривоятнинг бошида Қонун дарвозаси «ҳар доимгидек» очиқлиги айтилади, агар у ҳар доим, айнан ҳар доим очиқ турар, ҳалиги кишининг умр йўлига боғлиқ эмас, шу нарса олдиндан белгилангани учун очиқ экан, демак, эшик оғаси уни бекор қилиши – дарвозани ёпиши мумкин эмас. Шу ўринни ҳар хил талқин қилишади: эшик оғаси бирон нарса деб жавоб қилиши учунгина дарвозани ёпиши мальум қилгандир ё балки ўз вазифасини таъкидлаб қўйиш учун ҳам бу гапни тилга олган бўлиши мумкин, эҳтимол, у сўнгти дақиқаларда сабр косаси тўлиб, арзгўйнинг афсус ва надоматларини йўқча чиқаришга интилгандир. Бироқ кўплар барибир у дарвозани ёпиши мумкин эмас, деган фикрда событ туришади. Ҳаттоқи, эшик оғаси эшикка тескари ўтириб олганча кириш жойини қўриқлаш билан овора бўлиб, бирон-бир ўзгаришни-да кўрмайди, пайқамайди, шунинг учун охир-оқибат у Қонун дарвозасидан таралаётган жиндаккина шуълага кўзи тушган ҳалиги кишидан ҳам ҳақиқатни англашда ҳақирдир, деб ҳисоблашади.

– Буларнинг бари аъло даражада асосли, – деди К. руҳонийнинг изоҳларидан айрим жойларини ўзича қайтариб. – Асосларингизни ҳаммаси яхши, эшик оғаси адашганига мен ҳам ишонаман. Аммо аввалги далилларим барибир ўз кучида қолади, чунки икки талқин ҳам кўп жихатдан бир-бирига мос келаяпти. Эшик оғаси ҳаммасини охиригача тушуниб етдими ёки хато фикрда қолиб кетдими, бу мутлақо муҳим эмас. Мен арзгўйни бошиданоқ адашувда деб биламан. Агар эшик оғаси ҳаммаси-

ни охиригача тушуниб етган деган гумонга бориш мүмкин бўлганда бошқа гап эди; ҳолбуки, у алдаган экан, унинг адашуви ҳам тўғридан-тўғри арзгўйнинг гарданига тушади. Шунда, албатта, эшик оғасининг ўзи алдамчигина бўлиб қолмай, балки, у шу даража эси паст экан, бир зумда хизматдан ковушини тўғрилаб қўйишган бўлишмасмиди. Бунда бир нарсани назардан қочирмаслик керак, зоро, бу янгишув эшик оғасининг ўзига ҳеч қанақа зиён-заҳмат етказмаган ҳолда, арзгўйни тўғрилаб бўлмас мусибатга кўмиб ташлайди.

– Сен бу ерда мутлақ бир-бирига зид талқинтавсифларни қалаштириб ташлайпсан, – деди руҳоний. – Ҳа, кўплар, мисол учун, мана бу ривоят ҳам эшик оғасини ҳеч ким, ҳеч қанақа муҳокама қилишга ҳаққи йўқ, деб ҳисоблашади. У бизга ким бўлиб кўринмасин, Қонун хизматкори, демакки, ўзи ҳам Қонуннинг бир бўлаги, шу боис унинг устидан ҳукм чиқариш учун кишиларга ваколат берилмаган. Шунда эшик оғасини арзгўйга қарам деб ҳисоблаш ҳам мумкин эмас. Қонунга дахлдор, ҳатто шунчаки бир дарвоза оғиздаги ҳақиргина қоровул ҳам, бу ёргу оламда ўз майлича тараллабедод қилиб юрган ҳар қандай кишидан тенглаштириб бўлмас даражада афзалиги аёnlашади. Бир киши Қонунга мос келгачгина, белгиланган жойга қўйилади. Қонун унинг хизматини аниқлаб берган, эшик оғасининг бунга лойиқми ёки йўқлигига шубҳа билан қараш – бу Қонундан шубҳаланиш демакдир.

– Йўқ, мен бу фикрга ҳеч ҳам қўшила олмайман, – деди К. бошини чайқаб. – Агар шунақа ўйланса, соқчи нима деб гапирган бўлса, ҳаммасини ҳақиқат деб қабул қилиш керак бўлади. Ҳолбуки, ўзинг бунинг ҳеч ҳам мумкин эмаслигини ҳозиргина мутлақ асослаб бердинг.

– Йўқ, – деди руҳоний, – ҳеч ҳам ҳаммасини ҳақиқат деб қабул қилиш шарт эмас, балки ҳаммаси зарурият эканлиги англаб етилса бўлди.

– Жуда ҳам қайғули хотима! – деди К. – Ёлғон бутун жамиятда хукм фармо бўлибди.

К. буни гапининг якуни сифатида айтди, аммо батамом – узил-кесил холоса қилмади. Чунки у бу ривоятнинг жами талқин-тавсифларини қулоқ қоқмай эшитишга ҳаракат қиласр экан, йўл-йўлакай бу ўзида ҳам кўпдан-кўп фикр-мулоҳазаларнинг туғилишига сабаб бўлди, у бунга одатланмагани боис, ҳаддан ташқари ҳолдан тойган эди. Бу мавҳум фикрлар ҳадемай йиғилишадиган суд амалдорлари даврасида бирон-бир нарсага яраб қолар, аммо асло унинг тилаганига эмас. Оддий бир ривоятнинг дудмаллиги бошни шунчага қотирди, уни калладан улоқтириш керак, шу ерда руҳоний ҳам ажабтовур тадбир ишлатди, К.нинг сўнгги огоҳдантиришини индамайгина қабул қилди, ҳолбуки, у ўзининг шахсий фикрларига очикдан-очиқ терс эди.

Улар гап-сўзсиз ёнма-ён боришарди. К. қаерда эканлигини умуман билмаганидан руҳонийга имкон қадар яқин бўлишга тиришарди. Кўлидаги исчироқ аллақачон ўчиб қолган. Бирдан қаршисидаги аллақандай ҳаворийнинг кумуш сурати йилтираб кетди-ю, яна шу заҳоти атрофни зимистон босди. К. бутунлай руҳонийга бўйсуниб қолишини истамаганидан ундан сўради:

– Адашмасам, биз асосий чиқиш жойига қараб кетяпмиз?

– Йўқ, – деди руҳоний, – биз ундан жуда ҳам узокдамиз. Сен ҳали кетмоқчимисан?

К. бир лаҳзада олдин кетиш ҳақида ҳатто ўйламаган бўлса-да, шу заҳоти жавоб қилди:

– Албатта, кетмасам бўлмайди. Мен банкда прокуростман, кутиб ўтиришади, бу ерга фақат

бир хорижий ҳамкоримизни ибодатхонани зиёрат қылдирмоқ учун келган эдим.

– Нима ҳам қиласардик, – деди руҳоний ва К.га қўл ташлади. – Унда боравер.

– Аммо бу зулматда бир ўзим йўл топиб кетишим амри маҳол-да, – деди К.

– Чап томонга қараб юр, – тушунтира кетди руҳоний, – бурилмасдан деворнинг охиригача борсанг, чиқиши йўлини топиб оласан.

Руҳоний бир-икки одим ташлаганди ҳамки, К. жуда баланд овозда унга бақирди:

– Илтимос, шошмай тур!

– Кутяпман! – деди руҳоний.

– Мендан сенга бошқа ҳеч нарса керак эмасми?

– сўради К.

– Йўқ, – деб қўйди руҳоний.

– Қизиқ, бошда мендан марҳаматингни дариг тутмасдан, ҳаммасини тушунтириб берган эдинг, – деди К., – энди эса менга ҳеч ишинг йўқ-дек қўйиб юборялпсан.

– Бироқ, ўзинг айтганингдек, сен кетишинг керак эмасми? – деди руҳоний.

– Ҳа, албатта, – деди К. – Сен мени тушунишинг керак.

– Аввал сен менинг кимлигимни тушуниб олсанг зарар қилмасди, – деди руҳоний.

– Сен қамоқхона руҳонийиссан-да, – К. шундай деркан яна руҳонийнинг оддига яқинлашиб келди, у ўзи буни қаердан тўқиб чиқарди, банкка бу қадар тез қайтиб бориши шарт ҳам эмасди, ҳали бемалол бу ерда бўлиши мумкин.

– Нафси ламрига, мен ҳам судда хизмат қиласман, – деди руҳоний, – нега энди сендан менга нимадир зарур бўлиш керак экан? Судга сендан ҳеч нарса керак эмас. Суд қачон келсанг кучоқ очиб қабул қиласди, қачонки кетадиган бўлсанг, хайр-хуш дегандек ўз майлингга қўяди.

ХОТИМА

К. ўттиз бир ёшга тұладиган кун араfasида, кечқурун соат түккізларға яқынлашған, күча шовқин-суронлари қарийб босилған паллада унинг ижаражонасига бұзарған юзли, гүё бошлары узунроқ бўлишини истагандек цилиндрисимон шляпаларини бостиришганча сюртукли икки жаноб кириб келишди. Кириш эшигидаги одатий сўрашув маросимини ўтказған бу жаноблар К.нинг хонасига киришда янада илтифотли бўлиб, бир-бирларига йўл бўшатиб бермоқчи бўлишарди. К. бу ташриф ҳақида ҳеч ким огоҳлантирган бўлса-да, аллақачон меҳмон кутадиган бир руҳда тамоман қора лиbosларга ўраниб, эшик ёнидаги курсига ўтириб олганча, тор, қора қўлқопларини имиллаб бармоқларига кийтизарди. У илкис ўрнидан туриб, бу жанобларга қизиқиш билан разм солди.

– Демак, мени сизларга топширишибди-да? – сўради у.

Икки жаноб тасдиқлашиб, бири иккинчисини шляпаси билан имлаб кўрсатишди. К. бунақа меҳмонларни кутмаганига ўзича иқрор эди. У дегизага яқынлашиб, яна бир бор қоронғи кўчага термилди. Кўчанинг шу томонидаги ҳамма деразаларда қарийб бирон-бир шуъла кўринмас, кўпчилигини дарпардалари тушириб кўйилған эди. Юқори қаватдаги ёруғ ойналардан бирининг панжараси олдида икки мургак болакай ўйна-

шар, улар ҳали оёқ босиб тикка туриб юришни утталаша олмас, бир-бирларнинг қўлчаларига таяниб, туришмоқчи бўлишарди.

– Менга қариб-чириб, эътибордан қолган, мас-харабоз артистларни юборишади, – деркан, К. ўз-ўзича яна бир бор бунга қониқиш ҳосил қилиш учун уларга қараб қўйди. Улар сувтекинга мендан кутулмоқ истайдилар чоғи. К. бирдан уларга ўтирилиб саволга тутди:

– Қайси театрда ўйнайсизлар?

– Қанақа театр? – бир жаноб бошқасига қараб ўсмоқчилади, гўё ундан бирон-бир жўяли маслаҳат олмоқчи бўлгандек, унинг лаблари чеккаси титрарди. Иккинчиси худди соқовдай ҳеч нарса демай, юзини буриштирди ва ўз дармонсизлигини енгмоқчидай қимиirlаб қўйди.

Уларнинг бундай саволларга жавоб қилишга тайёр эмасликлари кўриниб турар, охири К. будранганча, шляпасини олишга кетди.

Икки жаноб ҳам зинанинг ўзидаёқ К.ни икки томонидан қўлтиқлаб олмоқчи бўлишди. Бироқ К. уларни жеркиб ташлади:

– Йўқ, кўчада тутарсизлар, мен ахир касал эмасман-ку.

Бироқ дарвозанинг олдидаёқ унга шундай тиргалиб олишдики, умрида бирор кимса унга бунақа ёпишмаганди. Орқадаги елка елкасини қисиб келар, тирсакларини эга олмас, бутун узунасига қўллар К.нинг қўлини ўраб ташлаганча, бармоқларини абжир ва чапдастлик билан ушлаб, омбурдай зирқиратиб қисишарди. К. улар орасида ҳайкалдай қотганча бораркан, гўё бир мақсадга йўналгандек, учовлон бир-бирларига шунчалик яқин эдиларки, мабодо бирини уриб қолишиша, бу зарб учовига ҳам асар қилмасдан қолмасди. Бунақа чамбарчаслик, эҳтимол, фақат жонсиз нарсалардагина бўлиши мумкин.

К. ўзининг ним қоронги хонасидагига қаранданда ёругроқ, кўча фонарлари шуъласида ўз ҳамроҳдарига яхшироқ қараб олмоқчи бўлар, ҳолбуки бунақа қапишиб кетилаётган вазиятда бунинг имкони қарийб йўқ эди. Эҳтимол, ялачилардир, деб ўйлади уларнинг кўша-кўша бақбақалари га кўзи тушиб. Ялтираб турган башаралари кишида уларга нисбатан жирканиш ҳиссими уйғотар эди. Айнан унинг кўзи тушган кўллар жанобларнинг кўзлари четларигача тозалаб, лабларини артиб, соқол остигача бақбақаларини текислаб қўйгандек туйиди.

К. уларга қараб, тўхтади, у билан бирга икки жаноб ҳам тўхташди; бу ер кимсасиз, майдоннинг шоҳ-шабба қоплаган бир чети эди.

– Нега айнан сизларни юборишли? – К.нинг чинқириғида суриштиришдан кўра, сабрсизлашиш кучли эди. Улар нима деб жавоб беришни билмасдан, бўш қўлларини тушуриб, худди ҳамширалар bemор нафасини ростлаб олмоқчи бўлганда кутганлари каби кутиб туришди.

– Бу ёғига бир қадам ҳам юрмайман, – деди К. оёғи билан ерни пайпаслаб.

Улар жавоб қилишни ҳам ўзларига эп кўрмасдан, шунчаки К.ни жойидан силжитишга уриниб кўрдилар, аммо у тихирлик қилиб, имкон бермади. Менга бундан бу ёғига энди куч-куватим керак бўлмайди, шунинг учун ҳаммасини ишга солиб, зўр бериш керак, ўйларди К., ёдига бирдан қоғозга ёпишган пашшалар қутулмоқчи бўлса, оёқларидан ажралиши келди. Ҳа, бу жанобларга бу ёғига қийин бўлади.

Айни шу ерда, майдонга қараб тушган сербута йўлакда ногаҳон фройляйн Бюрстнер кўринди. Бу фройляйн Бюрстнерга қуйиб қўйгандай ўхшаса-да, бу ўщами ёки бошқалигига К.нинг

ишенчи комил эмасди. Бироқ К. учун фройляйн Бюрстнерми ёки бошқа биттасими, ҳеч қанақа ахамияти йүқ әди, у бирдан тихирлик қилиш бемаңнилилек эканлигини англаб етди. У түсіндан қаршилик күрсатғанда ҳам, ҳеч қанақа қаҳрамонлик юз бермас, бу жанобларга озгина ташвиш ортиришини айтмаганды, улардан ўз-ўзини ҳимоя қила туриб, оқибатда зоҳирий томондангина ҳаётни сезиши мумкин әди, холос. У қувонч билан ўрнидан құзғалиб, ҳаракатта түшди ва бу күтарникilik қисман ҳалиги жанобларга ҳам күчиб ўтди. Улар К.га истаган томонға бошлаш имконини беришди, шу туфайли у жанобларни фройляйн Бюрстнер рүпараадан чиқадиган томонға бошлади, бироқ қызни ортда қолдириб кетишни истаганидан ёки уни узоқдан күриб олиш учун бундай қылмади, балки қызы бир нишон, фақат шу нишонни унугиб қўймаслиги учунгина бу томонға юрди. Менга қолган ягона иш шу деб ўз-ўзига пичирлаб қўяркан, ўзи ва ҳамроҳларининг бир текисдаги одимлари бу фикрни қатъийлаштириди, ҳа, менинг имконимда қолган ягона иш охиригача фикрлашдан қолмаслик ва ақду ҳушни йўқотмаслик. Ҳаётий эҳтиёжларимни қондириш учун мен ҳамиша йигирмата қўлим бўлишини орзу қилардим, аммо ҳаммаси ҳам олқиши олиш учун эмас әди. Албатта, бу дуруст бўлмаган. Наҳотки, мен ҳозир устимдан қўзғатилган жиноий иш жараёни бир йил судралганига қарамасдан бирон-бир сабоқ чиқариб олмаганимни кўрсатсам? Наҳотки, мен шунақа нодон ўжарлигимча ўтиб кетсам? Наҳотки, мен ҳакимда кейинчалик, иш қўзғатилганда уни охирига етказмоқчи бўлганиму энди, ниҳоясига етганда эса ҳаммасини бошидан бошлашга интилиб, тиришиб-тирмашган деб айтиб юришса? Йўқ, йўқ, шундай деб гапириб юришларини асло истамайман! Бу йўлда менга

ҳардамхаёл ва ҳиссиз кишиларни ҳамроҳ қилиб қўйгани учун Яратгандан миннатдорман, чунки нима керак бўлса, барча-барчасини ўз-ўзимга айтаб олиш ихтиёrimda.

Шу орада фройлян Бюргстнер ҳам қарийб ён томондаги кўчага бурилаёзди, бироқ К.нинг энди руҳи бўлакча, унингсиз ҳам йўлида давом эта олар ҳамда ўз ихтиёрини бутунасига ҳамроҳла-рига топшириб қўйган эди. Ой шуъласи остида учови ҳам ўз эмин-ихтиёrlари билан кўприкдан ўтдилар; икки жаноб К.нинг ҳар бир, энг кичик хатти-ҳаракатигача сўzsиз таъқиб қилишар, у панжара томон шунчаки бурилар экан, иккиси эса бутун гавдаси билан унинг ортидан шундай қилишди. Ой шуъласида титраб, мавжланаёт-ган сув бута ва дарахтлари баайни дўстлардек бир-бирига суюниб зич ўстган бу кичик оролчага секин тараларди. Шагал тўшалган йўлакларда жуда қулай ўринидандар бўлар, – ҳозир уларни кўриб бўлмас, ёзда кўпинчя К. шу ерларда ху-мордан чиқиб бутун борлиги билан дам оларди.

– Мен ҳеч ҳам бу ерда тўхташни истамаган бўлардим, – деди К, ҳеч бир эътиrozга ўрин қол-дирмайдиган тарзда ҳаммасига ҳозиру нозир ҳамроҳларига қараб.

К.га орқасидаги ҳамроҳларидан бири иккин-чисига қараб бефаҳмларча ўпкалагандек кўринди; улар яна жилдилар.

Кўча юқорига қараб ўрлаб борар, у ер-бу ерда миршабларга тўқнаш келишар, улар ўз кузатув жойида турган ёки шағалли йўлга қараб юрган бўлар, бири узоқдан, бошқаси яқиндан ўтиб қоли-шарди. Хурпайган мўйловли бири қуролини даста-сидан ушлаб олганча, бу шубҳали тўдани кўриш учун атайн яқин келганга ўхшарди. Шунда икки жаноб ҳам тўхтаб, миршаб ҳам бир нима дейишга

эндигина оғиз жуфтлаганди, К. бирдан ҳамроҳларини силтаб, одга бошлади. Шу юришда К. хавфсирабгина, миршаб орқамиздан қорама-қора келмаяптими деб эҳтиёткорона атрофга аланглаб у кўринмай қоладиган бурилишга келишганда, К. оёғини қўлига олиб югурди, ҳамроҳлари ҳам нафаслари қисилса-да, унга эргашишди.

Тез орада шаҳар чеккасига келиб қолгандай бўлишди, чунки йўл-йўлаги йўқ дала бошланди. Ташландик бўм-бўш ва мавқесиз тош кони олдиларидан чиқди, албатта, унинг биносида ҳали ҳам шаҳар нуқси кетмаганди. Шу ерга келиб, икки жаноб тўхташди: ё улар бу жойни олдиндан белгилаб олишган ёки узоқ чопиб келишгандан ҳаддан тинка-мадорлари қуриган. Бу ёғи нима бўларкин, дегандек, жимгина кутиб турган, К.ни ўз ҳолига ташлаганича, бошларидан цилиндр шляпаларини ечиб, тош конига аланглашар, дастрўмоллари билан пешоналаридан терни артишарди. Ҳаммаси табиий бир хотиржамликда ой ёруғи остида кечардики, бошқа оламда буни топиб бўлмасди. Вазифанинг кейинги қисмини ким амалга оширади, дегандек, бу ҳақида ёқимили гап-сўз ташлагандан кейин, афтидан, бу жанобларга ишлари аниқ тақсимлаб берилмаганди, улардан бири К.га яқинлашиб келиб, унинг камзулини, нимчасини, охири кўйлагини ҳам ечиб олди. К.нинг эти совуқдан беихтиёр жунжикиб кетаркан, далда берадиган оҳангда унинг елкасига уриб қўйди. Кейин эса яқин ўртада имкони бўлмаса-да, гўё ҳали булардан фойдаланиш мавриди келадигандай жуда саришталик билан К.нинг кийимларини тахлаб, жойлади. Иккинчи жаноб тош конида лойиқ бир жой излаб топгунча, бу киши К. бир жойда туриб, тунги салқинда совқотиб қолмаслиги учун қўлидан олиб, бир-

галикда орқа-олдига бориб-келиб турди. Униси ўша жойни топиб, буларни қўл силкиб имлагач, у К.ни ўша ёқقا бошлади. Шундоқ қудук ёнида бир бўлак харсанг туради. Икки жаноб К.ни ерга ўтқиздилар-да, уни деворга суяб, бошини ўша харсангга қўйдилар. Бироқ, барча саъй-ҳаракатларига қарамай, К. ҳам уларга қандайдир бирон-бир ёрдам беришга уринса-да, туриши нотабий ва зўрикувчан бир ҳолда қолаверди. Шу боис биринчи жаноб иккинчисидан К.ни қулай ётқизишига уриниб кўришни сўради, аммо бундан ҳам ҳеч бир иш чиқмади. Охир-оқибат, К. қандай ётса, уни шундай ҳолда қолдирдилар, ҳолбуки, биринчи бор ётқизишганида ҳозирғисига қараганда қулайроқ жойлашган эди. Кейин биринчи жаноб камзулини ечиб, нимчасининг юқориғидаги бел тасмасига осилган қиндан қассобларнинг узун, ингичка дудама пичорини олди-да, тепага кўтариб, ёруққа солиб, дамини текширди. Яна ғазабни келтирадиган сохта навозиш-сансолорлик бошланди: биринчи жаноб пичоқни К.нинг бошидан ошириб, иккинчисига тутқазди, иккинчиси эса яна К.нинг боши устидан биринчисига қайтариб берди. Шунда бирдан К. боши устида қўлдан қўлга узатилаётган пичоққа ёпишиб, уни ўз бўғзига ботириши кераклигини тушунди. Бироқ у бундай қилмади, фақатгина ҳали қўл теккизилмаган бўйини буриб, яна теваракка разм солди. У ўз бурчини охиригача адо этиши мумкин эмас ва бутун ишни куч билан бўйнидан соқит ҳам қилмасди. Аммо кимки бу йўлда сўнгги кучини аяса, бу сўнгги хато учун жавоб беради. Унинг нигоҳи тош конига туташиб кетган уйларнинг юқори қаватига тушди. Худди чироқ лоп этиб ёнгандек, бирдан ўша юқоридағи деразалардан бири ланг очилиб, олислигидан

бўлса керак, кичкина ва нимжон кўринадиган бир киши бирдан шиддат билан олдга эгили ва қўлларини янада олдинроқча чўзди. Ким бўлди бу? Дўстми? Бир олижаноб кимсами? Бирон-бир фалокатни билиб қолганмикан? Ёрдам бермоқчими? Балки у ёлгиздир? Ёки бошқалар унинг ортида турибдими? Эҳтимол, ҳаммаси ёрдам беришни истар? Эҳтимол, ҳали яна қандайдир далиллар унугилгандир? Ҳеч шубҳасиз, бунақа далил-асослари иш бериши мумкин, ҳолбуки, яшашни истайдиган инсон хоҳишига қарши мантиқ барқарор, уни ерпарчин қилиш мумкин эмас. Қани шунақа одил қози, у бунақа ҳаками бирор-бир марта кўрдими? Қаерда у адолатли олий суд, уни қаердан изласа бўлади? У қўлларини кўтариб, кафтларини очди.

Бироқ унинг бўғзига биринчи жанобнинг қўллари аллақачон теккан, иккинчиси бўлса бу орада пичноқни олиб, юракка чуқур ботирган ва уни икки бор айлантирганди ҳам. Шунда у сўнаётган кўзлари ила икки жанобнинг бир-бирининг пинжига кирганча ечимни кутаётганларига гувоҳ бўлди.

– Худди ит каби, – деркан, у сўнгги гапини шундай бир тарзда айтдики, гўё бу шармандали ҳукм ундан узокроқ яшайдигандай эди.

Адабий-бадиий нашр

ФРАНЦ КАФКА

ЖАРАЁН

(Роман)

Мұхаррір
Феруза ҚУВОНОВА

Бадиий мұхаррір
Дилфұза САЛИХОДЖАЕВА

Сағыфаловчи
Дилдора ЖҰРАБЕКОВА

Техник мұхаррір
Сурайё АҲМЕДОВА

Лицензия рақами: AI № 252. 02.10.2014 да берилған.

Босишига 18.05.2021 йилда рұхсат этилди.

Бичими 84x108 1/32.

Гарнитура «Bookman Old Style». Офсет қорози.

Босма таборғи 10,5. Шартла босма таборғи 17,64.

Адади 1000 нұсқа. Буюртма № 101.

Бағоси келишилған нархда.

«Янги аср авлоди» НММда тайёрланди.

«Ёшлар матбуси» МЧЖда чоп этилди.

100113. Тошкент, Чилонзор-8, Қатортол күчаси, 60.

Мурожаат үчүн телефонлар:

Нашр бўлими – (78) 147-00-14; (78) 129-09-72.

Маркетинг бўлими – (98) 128-78-43.

Факс – (71) 273-00-14;

email: yangasravlodi@mail.ru

07/7204

Хаётда шундай ҳолатлар юз берадики, инсон ўзи дуч келган муаммоларнинг асл сабабларини ташқаридан ёки ўзгалардан эмас, ўзидан, ўз қалби ва онгининг шу вақтга қадар назар ташлаб кўрмаган, назар ташлашга юраги бетламаган туб қатламларидан излаб топгиси келади. Уммон қаърига ўйнфийдиган ғаввоснинг ўзига яраша асбоб-анжоми, маҳорат сирлари бўлгани каби инсон қалбининг нигоҳ илғамас пучмоқларига сафар қилиш учун ҳам маҳсус анжомлар, услублар, воситалар даркор.

«Жараён» сингари романлар, Франц Кафка тоифасидаги адиллар яратган боқий асарлар эса худди шундай маънавий сафар анжоми, воситаси вазифасини ўтайди.

Хуршид Дўстмуҳаммад



www.book.uz

ISBN 978-9943-27-696-3

9 789943 276963